




C8232

Ud 9820

Walcia bibliotek medley. L. M. p. 327  
Zimorki iach. om jar. poln. bychen. 2. T. 20. S.



Biblioteka Jagiellońska

8100012438

At. Ud 9820



V I T Æ  
VLADISLAVIENSIVM  
EPISCOPORVM,

*Iussu & auctoritate,*

Illustriss. & Reuerendiss. Domini,

D. MATTHIÆ LVBIENSKI,

tunc Episcopi Vladislauicē. & Pomeraniæ,

*Nunc.*

Dei & Apostolicæ Sedis Gratiâ,

ARCHIEPISCOPI GNESNENSIS,

Legati Nati, Regni Poloniae Primatis, primiq;

PRINCIPIS.

In quibus

*Accuratè ipsorum successio, mores, & pro aris ac focis gesta  
negotia, complurium Ecclesiarum Cœnobiorumq; in Diœcesi Vladislauicē.  
initia, nec non diuersi in Regno Poloniae euentus, iucunda rerum  
& orationis varietate exhibentur.*

Opera & studio

R. P. STEPHANI DAMALEVICZ, S. Tb. D.  
*Vladislauicē. & Crusauicē. Canonici.*

Anno Domini, M. DC. XLII.

CONSCRIPTÆ.



IN ARMA ILLVSTRISSIMI



Antiqui mores; antiquaque nomina Patrum;  
In lucem veniunt candidiore stylo.  
O fortunatos sub tali Præsule Myſtas,  
Defunctis, vitam qui tribuisse potest.

Illustrissimo & Rēdiss. Dño  
**D. MATTHIÆ**  
**ŁVBIENSKI**  
Dei & Apostolicæ Sedis Gratia  
**ARCHIEPISCOPO**  
**GNESNENSI,**  
LEGATO NATO, REGNI POLO-  
NIÆ PRIMATI, PRIMOQVE  
PRINCIPI

DÑO & MÆCENATI AMPLISS<sup>mo</sup>



Nter triumphalium ap-  
precationum festivas oua-  
tiones, serenafque nouo  
Tuo splēdore gestientium Ordinum

A 2

congra-



congratulationes Cleri populiq; applausus iucundissimos, Illustrissime & Reuerendiss. Primas, Regniq; Poloniae Princeps Celsissime, patere Tuæ liberalitati obstrictas faustitatem cōprecantes pio affectu Musas, in Tuum conspectum prodire, & anserina voce inter tot olorum suauissimos cantus obstrepere; atq; dum vsitata benignitate promissas aures in saluantis turbe panegyricos; Hanc etiam Mœcenās adspice partem, in qua tuus Tibi cliens Vladislauia Tuam, tot beneficiis deuinctam, ad currum triumphalem, quo faustissimis auguriis Metropolitanae Ecclesiae adis gubernacula,

nacula, repræsentat. Duodecim annis te desudasse æmulo conatu, Herculeis laboribus, in Diocesi Vladislauensi, gaudet isthæc Ecclesia, hocq; gratissimam Tui memoriã quasi Viridario virtutum, tibi in tot Præsulum vitis, ad æmulationem felicibus gemmis efflorescentium recolit, prosequiturque. Perge debitis pietati & prudentiae gradibus, ad amplissimum dignitatis in Repub. Polona fastigium sedis Metropolitanae; Salomoneo non inferius throno tribunal, fauentibus superis, ascende; quod non iam terribilium leonum icones circumstant, quãuis tot plus quàm Nemæorum



*Epistola Dedicatoria.*

rum leonum labores, manu Tyrinthia in Ecclesia & Republica superasti, eosque ad supremum tantæ celsitudinis apicem, paulatim graui maturitate, Tibi Atlantes in multos annos perennatuos, fortissime substruxisti. Satis maiorum Tuorum Boues, decessorumque in hac ipsa Metropolitana Ecclesia, Apostolici spiritus feruore strenuo laborantes, Dreuciorum, Macieiouiorum, aliorumque, constanti soliditate fulcient Tuæ sedis sublimitatem: pro leonibusque Salomonicis ad sponsæ thalamum fidissimè Bisontis Pomianei excubabunt. Cæterum sic Illustrissimæ Celsitudini  
munus

*Epistola Dedicatoria.*

munus hoc submissæ gratulationis adfero, vt prophasim, dum hoc Viridarium excolerem, anno superiore lucubratam, in qua memoriam gestorum Tuorum Ecclesia Vladislauensis dulci iucunditate ruminatur, præfigam. Viue Illustriss. Archipræsul diu, seraque annorum serie, olim cælo maturus, & magnis meritorum in Ecclesia Dei gazis cumulatus, inter beatos vigilantissimorum Pastorum triumphos Caput laboriosum feliciter innecte.

*Illustrissima ac Reuerendissima Celsitudo.*

*Deuotus Client  
Stephanus Domaleuicz.*



*Antiquis Scriptoribus rarus obrectator, neq;  
refert cuiusquam Punicas Romanasue acies  
lætius extuleris: at multorum qui nostro  
seculo penam vel infamiam subiére, posteri  
manent, utque familia ipse iam extincta sint,  
reperies qui ob similitudinem morum, aliena  
malefacta sibi obiectari putent: etiam glo-  
ria ac virtus infensos habet. Tacitus Annal. lib. 4*



## PROPHASIS.

**A**cutum cernit Tuus iste Bison, ferro terebratus acuto, Illu-  
strissime & Reuerendissime Prasul, dum perspicaces in aternita-  
tem, quantum per inuidas rebus mortalium licet Parcas, desigie  
obtus, vestigiaq; Decessorum Tuorum è ruderibus antiquitatis longâ  
obliuione consepultis, profundâ indagine rimatus, in lucem posteritatis  
educit: atq; temporis longinquitate peruicaci damnata silentio, & ultra  
Letheos deportata fluctus, gesta Pontificum Vladislauensium postlimi-  
nio, non infelici vindicata conatu, Cathedra sua restituit. Equissimo  
profecto iure, Bos hic pio labori consecratus, post plurimarum exantla-  
tas curarum molestias, gloriabundus in Domino, gloriosam sapientis  
operam suam recensentis, meretur usurpare cõmendationem. Eccl. 29. 47.  
Videte quoniam non soli mihi laboraui, sed omnibus exquiren-  
tibus veritatem. Posteaquam enim armos, benè sanctioribus ab incun-  
te aetate institutis, & seuerioribus disciplinis, contra improba quauis mo-  
limina obfirmatos, Diuina obsecutus voluntati, ad regendam Ecclesiam  
submisisti Antistes Celsissime: siue aras, siue focos, siue Ecclesiam, siue  
Patriam, Bos Tuus hic armato circumspicit oculo, semper stylû rectè in-  
tendentis commodum vigilantis, usquequaque circumfert: ut tam pio  
& forti, tam miti & magnanimo, tam leni & constanti, tam clementi  
& graui, tam beneuolo & prudenti, tam modesto & strenuo, incubuisse  
Capiti suam sollicitudinem vniuersa Diœcesis Vladislauiana, non ampul-  
larijs verborum imaginibus, nec ad fucum compositis orationis coloribus,  
sed ipsissima gestiente animorum gratia, sibi gratuletur, & applaudat;  
B atq;



atq; ita applaudit, ut nulli Ecclesia, in quacumq; tuus animosè defudauit labor, magnificam liberalitatem, & sumptuosam magnificentiam inuideat; ipsa, ceteris profusa munificentia Tua argumentum, suas opes ad inuidiam, generosa Tua cumulas dextera, gloriosius ostendente Vladislauensi Basilicâ. Gaudet hactenus gaudebitq; diu, suauissimos incunda memoria relegens Tuarum virtutum odores, augustum illud Canonorum Sepulchri Dominici Miechouienſe Canobium, Tui capitis solertem fortitudinem, & animosam pietatem ad sustinenda contraq; pertinaces anisofitatis insultus, munienda templi adificia, ac illustrandum domus Domini decorem poposcisse. Tuumq; simul gladium de predica, Salomonico illo ad discindendos litium nodos promptitudine nihil inferiorem, quâ nonnulla prudentissimis Generalium Comitiorum Religionis sancitis, paterna seueritate refecisti, circumspēcta prouidens cautione, ut in vinea Domini Sabaos noctu diuq; excubantes vindemiatores, illius qui rubeo trabeatus paludamento, torcular calcauit solus, sequaces, tesseram cruenti huius laboris, in veste pulla circumferentes, amputatis pampinis uberores à sole Divino radiorum caelestium immisiones, ad excoquendos & maturandos contemplatiue dulcedinis racemos, expectarent; & pleraq; acri peruestigans oculo, sanctè, & ad vulnerandum dilectissimis Religiosarum animarum sponsi cor, para & simplici obedientia ordinata, & disposita plusquam trabati clauo, in sancto cœtu, exemplo ipse Tuo, in animis Canobitarum, nullo inordinata confusionis impetu euellenda unquam, infixisti. Dissuauiat adhuc Caput hoc, Cbelmensis Crasnostaiam translata sponsa, in quo se non sine fragrantissima animi incunditate, meminit securam conquiescere, & illius larga generositate ab angustis vindicatam; atq; in augustam amplitudinem recens erectam, non longo interuallo posse reliquas splendore, & capacitate Cathedras consequi, non sine voluptate gaudet; illumq; Tuum gladium salutaris exhortationis, ad interiora pertingentem spiritus, quem è vigili paterniq; oculo, ad rescindendos quosdam Cleri inter visitandum mores vibrasti, Symbolum seuerioris disciplina, cum infirmitatis compassione; Pontifici (attestante gentium Doctore) propria coniuncta

filiali

filiali verecundia veneratur; quin & pulcherrimam Ordinis in administrando Sacramentis, diuinisq; obeundis officijs, Synthesin, per te in Synodo Diocesana assertam, eliminatis & proscriptis confusionibus, instituta maiorum perturbantibus, admiratur; & iam nunc, terribilem se contra aëreas potestates, & Hæreticorum Schismaticorumq; fraudulentas machinationes, grauissimè ordinatis sanctionibus constituto gratulatur. Tuum Caput laboribus diuinitus destinatum, exambuit Posnania, in quod felicius, quàm in Atlanteos humeros, moles Cathedralis Ecclesia, funesto afflicta incendio, procumberet. Nec inanis spes frustra ardens Cleri, populiq; desiderium vana expectatione tenuit; posteaquam augustior illa Basilica eneis se conuulsam bracteis, magna ex parte Tuo sumptu prioribus diuitijs suppare, nec metalli pretio, aut excellentia, antiquariis cui liberalitati cedente, suscepit. Gaudet ad sonitum Campani aris populus, dum mugitum Tui Bouis, signo conuocandis incolis ad sacris vacandum, dedicato, editum, nominis Lubieniani fama ciuitatis plateas implente, libenter exaudit, & simul fulminantis Gladii robur Cherubicum, quo luporum oculos, gregis Dominici quieti insidiantium, labe Hæretica infasciatis, perstrinxisti; dum à Consulatui Posnaniensis fascibus gerendis, Priuilegio eam in rem à Sacra Regia Maiestate obento, factiose superstitionis cultores arcuisti, incundissima memoria depradicat. Verumenimvero bono suo beata & ter felix sorte, Vladislauen. Ecclesia, omnium reliquarum, qua Splendorem & ornamentum Tibi suum in acceptis ferunt, solitudineq; Tua, & liberalitate gloriatur, iustissimè vota, congratulationes, & applausus, maximo studio, & indefessa contentione gestit anteire. Quid enim? praludia illa fuere, quibus reliqua gaudent Basilica, donarijs, ac sumptuosis fabricis munificentie, quam in ornatum sponse Vladislauiane heroica liberalitate deprompturus eras, quam dum liberali prompsisti dextera, simul illustre nominis Tui decus contra omnes annosioris cui impetus, auro, argento, ære, stanno, plumbo, ferro, marmore, vitro constantissimè pereperuisti. Quâ in re, ingeniosiore facta, quàm olim Noëmitica proles, omnes scientias, lateritia, marmoreaq; tantum columnâ, consignatas, aniternum



præconiorum Tuorum monumentum, potentius ab omnibus cali terræ iniurijs. Et lioris impotentis audaciâ vindicasti. Posuisti diurnos & nocturnos custodes, intra muros Ierusalem, qui non taceant laudare nomen Domini, dum è Sacerdotibus, alijsq; Ecclesia ministris, ad psallendum diu noctuq; Diuinum officium, perpetuos quasi excubitores diuinæ laudis statuisti; idem de Tuis laudibus competenti sustentatione instructi & fundati, nulla unquam posteritate conticescent. Auxisti non mediocribus impensis, Summam quinque millium extruenda Ara principali, de tabulis, colossis, statujs, ac pyramidibus marmoreis, à felicia memoria ANDREA LIPSKI Prædecessore Tuo, consignatam; stabit diu educta tholo Basilica machina, perennem Tui recordationem saculorum successoribus locutura. Erexisti in altari eodem tabulas aneas, non facile in ipso metallo, primo intuitu, parem à quouis æstimationem suo valori & pretio habituras, elaboratissimâ primarij pictoris industriâ, coloribus exquisitissimis inumbratas; perennabit effigiatum as, coloresq; tam eximios, ad viuum Tuz virtutis exemplar imitandum, nullius potestatis extitisse, omnium saculorum proferet admirationi. Magna sunt isthac profectò, & qua non nisi ab amantissimo decoris Domus Dei Præsule, potuisse proficisci, serio narrabit nepotibus longæua posteritas: at ea longe augustiora, quibus fulgor decoris Lubieniani, decus Vladislauiana Basilica cum admiratione omnium illustrat. Ridet Vladislauensis Gaza, cum thesauris nobiliorum Cathedrarum conferri, iam nunc minus verecunda, diues pro Diuinissima Eucharistia adorationi populi publice proponenda ferculo, (Monstrantiam vulgus appellat) ex auro obryzo, scita artificis opera elaborato, Sapphis insignibus, adamantibusq; distincto, cuius munere? Lubienj. Exerit asciam cubito maior D. Matthias ex argento fusus, æternitatis propulsaturus hostes, cunctaq; discrimina sui patrocinijs prasidio ab vniuersa Diocesi amoliturus: cuius liberalitate? Lubienj. Ingerit nouam lux antiquo delubro maiestatem, pellucidis fenestris in templum admissa vberior, exoptatamque commoditatem Presbyteris Diuinæ laudes concinentibus suppeditat: cuius ope? Lubienj. Viues MATTHIA LVBIENSKI perennitatis

Et tot

Et tot tanta liberalitatis monumenta, nomen Tuum ab æui demolitione vindicatum, diuite præconiorum amplitudine dotabunt, decorabunt, illustrabunt. Reliqua qua soli Tibi ad amplissima quaq; munificentia argumenta effuso, minora videri possunt, cum reapse non decoris modo, sed utilitatis etiam plurimum Basilica contulerint, nullus hic commemoro. Relinquo ferreas crates, Sacello Tarnouiano non mediocri sumptu, vel solâ illum artificis elaboratâ industriâ prodente, accommodatas. Præterea principale signum, diuinis officiis festisq; & solennioribus Ecclesia actibus destinatum, (Campanam vocare mos obtinuit) nouo sonitu clangens, festiuamq; celebritatem inusitata quadam soni iucunditate denunciens. Taceo his horologio restaurando, ut aqua nocturnas diurnasq; horas intercapedine partiatur, non paruam liberalitatem impensam. Curia profectò recens exadificata non fas est obliuisci, in quam impensas ad aliquot millia florenorum ascendentes erogasti, cuius ipsa commoditas, è propinquitate Basilica ex vna, & amantatè horti ab altera parte capta, gratissimam æstimationem animis successorum, ad solitudinem postcuras grauissimas anhelantibus, ibiq; ardorem spiritus, dilatando zelo cultus Diuini pernecessarium (ut pote loco à strepitu temporalium negotiorum semotiore) concipientibus ingenerabit. Sed enim, ut tot defuissent clarissima baroica munificentia Symbola, turres ipsa ad iustam proportionem, muro sublimius eductæ, & plumbeis stanneisq; laminis, palmari ductu extentis, æui proinde longioris, caliq; iniurijs pertinacior firmitate obstituris, connectæ arcuatis fastigijs, pulcherrima structura, partiumq; Symmetriâ in tholos & apices elegantiores, à rudibus redacta conis, sphaeris inauratis, capacitate & amplitudine grandibus, pinnisq; & crucibus non mediocri magnitudine suspiciendis, insignes, sublime Lubiniana memoria decus ipsi calo porrigent, victurisq; saculis magnifice ostentabunt. Tui Capitis isthac sunt ornamenta in sponsam profectâ, à quo & gladij fulgor Cherubicus, ad pracidendos inobeundis Sacramentorum munij abusos, & ad securitatem legum à Prædecessoribus pie institutarum conseruandam, idoneus emanat, quem in Synodo non ita pridem habita, sapientissimè ad eam rem sanctionibus ordinatis, ma-

B 3

gna



## Prophasis.

qua utilitate, Tuae sollicitudini concredita Dioeceseos exeruisti. Grandia hac omnia, cum alijs tamen, illis praesertim cultus Diuini feruentissimis Zelatoribus Michaelē Godziembio, Matthia Golanczewio, Stanislao Karnkouio, Hieronymo Rozrazewio, Matthia Pstrokonjo, tibi communia, quorum recte gesti muneris praeclare consecratus uestigia, longam praconia interuallo postea reliquisti. Quod uero Praedecessorum tuorum Pontificum Vladislauensium facta, e tenebris obliuionis in lucem perennitatis asseris; id, quemadmodum tibi peculiare candidi pectoris, & virtutis meliora charismata amulantis testimoniū, ita singularem dubitandi causam, honesti cultoribus praebeat, Tibine, an illis, quorum nomina recensens, & gesta promissis, aternitatis hocce Symbolum debeat asstimari gloriosius. Nam si Hector ille Nauianus apud Romanae facundia parentem, eam demum laudem censet gloriosam, qua a laudato proficitur uiro, in qua tandem felicitatis parte ponendum est, Vladislauenses Pontifices, uirtutum suarum, aestimatores eum, qui optimum quemque sibi ad imitandum proposuit, esse consecutos? Tibi uero Praesul Illustrissime generosi animi insoles, non minus perexne, quam olim Simulachrum Minerva, Phidiae suo auctori trophaeum immortalitatis dedicat. Fecerat hic sculptor, tam scita dexteritate, & artificiosa partium collocatione, Statuam Deae, in cuius erectione, oculos spectatorum in stuporem uertente, nomen suum ita nexu indissolubili inseruit, ut una literarum de nomine auctoris, sine graui tam sumptuosi & elegantis operis dispendio, adimi non potuisset. Diuina rerum artifex sapientia, in Episcoporum Vladislauensium imaginibus hominum memoria proponendis huc uidetur flexisse dispositionis aeterna aciem, dum tibi mentem ingessit acta Maiorum examinandi, ut in Tuum Caput recte factorum elogia Praedecessorum Tuorum redundarent; qua ratione fit, ut nullum accommodatius nomen huic opusculo quadrare, ac interferi potuisse uideatur, quam MATTHIAE LVBIENSKI; quod si dematur, minus incunda futura sit magnorum Praesulum memoria; si apponatur, uere quodam amantissimo, oculos animosque legentium exilaret; quouē crebrius toties redeuntis MATTHIAE LVBIENSKI, in bonis pastoribus imaginem, ante

## Prophasis.

ante mentis oculos statueris, eo magis ad exquirenda ampliora uirtutum specimina ardens lectoris studium inflammaueris. Itaque iure meritissimo, posteaquam omne metallum Tui Nominis perennitati addixisti, Vatis Penitus dictum usurpaueris.


Exegi monumentum aere perennius,  
Regaliq̃ue situ Pyramidum altius,  
Quod non imber edax, non Aquilo impotens  
Possit diruere, aut innumerabilis  
Annorum series, & fuga temporum.

Fortunati Praesules! quorum gestis exarandis Taurus Lubienianus fortiter allaborat; hoc duntaxat minus felices, quod qua sollicitis oculis prudentissimus Antistes, ex Annalibus Dlugossi, aliorumque auctorum praeclaris monumentis in lucem euocauit, ea mihi qui nec rerum usu, nec styli exercitatione par sum tanto negotio, disponenda commisit. Facio tamen, non mea imbecillitatis arrogantior aestimator, sed uotorum & mandati, quorum placitis refragari irreligiosum est, executor obsequentior. Nec eni in re cuiquam uideri possum iusto audacior, uel eo nomine, quod uiuidum ingenium, & stylus maturior, campum exspatiandi habebit, sine inuidia parentissimum; mihi interea iustis obsecundanti iussis, & antiquitatis memoria studiosè incumbenti sufficit, euocasse Apollinem, qui de mea imperitia cum fructu laudum uirtuti debitarum uberiore triumphet. Tu uero Celsissime Praesul, conatum meorum gestientem operam, quamlibet minus, quam in optatis erat, blandiente Minerva, elucubratam, eo vultu accipies, quo ut scriberem imperasti. Videbis in hoc Episcoporum uiridario, magna fessa laboribus in Ecclesia senectutis amantitate, & animi non iniucundo solatio, excelso iuxta ripam Istula, felici tegmine inumbrantes Ecclesiam Goziembiourum Pinus, albicantes pietate Cuiosuaniorum Rosas, Rozrazewiano sudore fragrantem Doluutarum Arcolas; inuenies ad repastinandum Christi vineam Lipsiana Rastra; ad putanda uitium sarmenta, Golanczuanas Ascias; ad calceandas timore Domini imbecillum plantas, inter



inter vepreta, sentibus tentationum in hoc seculo nequam rigentia; Accipitrinorum Soleas; spectabis Patrios Biffontes, ferrum pro defensione Christi gregis capite vibrantes, Auitos Bubalos aurato circulo naribus inserto, ad auream aternitatem ouiculis praeuntes; Vrsos Wotuccianos, integritatem securè tutantes; Vises praeerea pascentes in hoc Vireto non desides ad aratra Domini, Dreucij Boues, fidos ductores gregis Domini Karnkouiorū Agnos, onuslos auro Wolsianos Afellos, Drotenuianos Canes, sed mutos, eheu, nec ad arcendos ab ouis lupos valentes latrare; quin & generosas valucres, hic licebit intueri; Accipitres feralibus notis insensos Baranouij, Aquilam caruleam, nunc sublimè, nunc demissè, variata sorte, Ducis Opoliensis praeuolantem, alias item plures nigras, opibus, auro lapidibusq; pretiosis incubantes. Quod sitres Fluuio Kortzakorum Pannonicis montibus procurentes, & in campos Sarmaticos gloriam pleno alueo, ex gente Carafaa, maxime Paulo IV. Summo Pontifice toti mundo illustrem, effundentes, Srzeniauaq; quartum, intra fines Polonos exundantem, ad alluendum hocce Viridarium videas excurrere. quid amplius hic ad diuitias, & amantatem in horto, quatuor fluminibus irriguo, desideraueris? ita ut pluribus pranemoribus Hesperidum hanc operam Tua voluntate susceptam, Tibi commendare verbis superuacaneum prorsus existimem. Caterum sicut in Viridario è diuersitate arborum & herbarum consito, non omnia quae virent suauè odoris fragrantiam redolere solent, aliqua contenta flosculorum iucundo aspectu intuentium oculis ablandiri, ita quorum hic res gesta explicantur, non omnes bonus odor Christi fuerunt, diuitiarum aliqui, & dignitatis coloribus enitescere pro beatitudine censentes. Habebis, quorum virtutes imitere, & quorum tanquam perniciosos regiminis Ecclesiastici scopulos, mores & vitia execratum, auerseris, ut beata felicitatis brachio, corona immortalitatis immarcescibili, apud Deum & homines nota & celebri, post decursum mortalitatis stadium, aeternum potiare.

IN AR-



IN ARMA

Illustrissimi &amp; Reuerendissimi Domini,

D. MATHIÆ  
LVBIEWSKI,

Dei &amp; Apostolicæ Sedis Gratiâ,

EPISCOPI VLADISLAVIENSIS,

&amp;

POMERANIÆ.

ΠΡΟΤΡΕΠΤΙΚΟΝ.

ARcton spectat acus semper Magnetica, sicne  
Vrsinum, ferro, res sit amata caput?  
Non ea vis ferri, verum Magnetis ad axem,  
Ut trahat Arctoum, ferrea cuncta, facit.  
In Bouis, ancipiti, traiecto, tempora ferro  
Credite magnanimum, vertice, robur inest.  
Robur inest. quando claros ab origine primâ  
Fundatæ fidei, tollit in astra Duces.  
Aurato, seu quæ micuerunt sæcla metallo,  
Seu quæ ferrato, perstrepuere, trahit.

C

Et tra-



Et trahit, & spectat digesta volumine facta;  
 Facta stupendorum, Marte, togaq; virum.  
 Aurea luxerunt; quando primordia Dius  
 Lechide, suscepit Religionis honor.  
 Ferrea Mars posuit; cum lex temerata Sacrorum,  
 Gazaq; templorum præda furoris erat.  
 Hoc, in utroq; Botis, gestorum voluitur axe,  
 Qua caput attingit, seu cruce, siue stylo.  
 Vis hæc unde Boui? quæ tanta potentia ferro,  
 Quod Bouis in cerebrum conditus ensis, agit?  
 Sanguinis hanc tribuit Gladio generosa propago  
 Taurum; quos rubeo tramite duxit honor.  
 Omnis abest oculo liuor; quem sanguinis vrget,  
 Mens generosa suum pandere etiq; decus.  
 Ex oculo spectat, cerebro deductus in acta  
 Ensis, ut hunc pietas verticis alma regat.  
 Arctos, iam Lechitis, Helice, & Cynosura valete,  
 Nobilius Tauri promittur ense iubar.  
 Lumine sic potior Bos hic, & Robore; fuso  
 Dum trahit ex oculo, secula tanta, stylo.

AD

AD LECTOREM.

**B**eneuole & Candide Lector, te primum æquum laborum  
 astimarum compellandum mihi & honoris officio sua-  
 dente, & ipsa necessitate urgente duxi; quidenim de me cir-  
 culatorix inuidorum statuerit lingua, non uehementer, ut ama-  
 liar laboro; cum Ixionis rota supplicium, inuidia in semet  
 crudelis ipsa machinatrix, voluens reuoluensq; tot astibus cor  
 miserum exoluat. Tibi ego mentis consilium aperio, qui probe  
 perspectum habes, carmen suum Citharædos prologo auspica-  
 ri, Athletas pro-agone inire certamina, Architectos propy-  
 læa ædificijs præstruere, bella Imperatores velitationibus  
 exordiri: authores Didascalicos Isagoge, Oratores exordio,  
 Poetas prologo, reliquos omnes scriptores Proœmio, ante ope-  
 ris inchoationem solere uti. Eorum mihi standum consuetu-  
 dini fuit, ne temerè in Episcoporum Vladislauiensium Ca-  
 talogum irrumpere, aut illotis (quod aiunt manibus) ad eorum  
 gesta recensenda accedere viderer. Itaque in Proœmio, ali-  
 quot distincto Capitibus hæc putavi præscribenda.

- I. Non primum sub Mecislao Religionem Christianam  
 cepisse in Polonia, sub eo tamen cultum illius, & ri-  
 tus, publico edicto extulisse signa.
- II. Quàm latè pateat Vladislauien. Diœcesis in Polonia.
- III. Quàm augusta sit Pontificatus istius Cathedra, quauè  
 dispositione in Basilica Diuina officia celebrentur; &  
 quàm sit ordinata, vnica in hac Diœcesi Collegiata  
 Crusuiensis Ecclesia.

C


IV. Quàm



- IV. Quàm frequentes Parochiales Ecclesiæ numerentur in hoc Episcopatu; quiuè in eo Religiosæ militiæ Ordines excubent.
- V. Quibus prærogatiuis Pontifex Vladislauensis inter alios in Regno Poloniæ emineat.
- VI. Quæ fuerit Crucigerorum hanc Dicecesim frequentius infestantium origo.

Hæc tu, posteaquam oculis animoq; lustraueris, facilius Episcoporum Vladislauensium, aliorum quidem vigilantiam & sollicitudinem, aliorum verò inertiam & socordiam, aquâ trutinâ perpendes. Quæ in re, ut varietas fastidium legendi tollat, operæ pretium censui Clemente Ianicio facem præferente in Archiepiscoporum Catalogo, singulis Episcopis aliquot versus internectere, quos aqut boniq; consule, & lucubrata veritatis studium, quæ decet aqutate promoue; simulq; quod Christianus, quàm Ciceronianus esse in scriptione maluerim, prudens apud Aristarchum excusa.

Quod si Proæmij, te Censore prolixitas excrescens, stomachum cui moueat, ut sunt homines genio & ingenio varij, me non inuito, libram palato fastidienti dissipari sic: Ut Prima pars de Episcopatu in communi, & Dicecesi Vladislauensi agat. Secunda, Vitas Episcoporum Crusiciensium posteritati promat. Tertia, Vladislauensium Pontificum gesta recenscat; aut tot libellos lectione distingui suade, quot præoccupato bili stomacho, visum fuerit salutare, iuxta Bilbilisani Vatis consilium: Si nimius videor, seraq; coronide longus: Esse liber, legito pauca; libellus ero.



## CAPVT PRIMVM.

*In quo primordia, susceptæ Christianæ Religionis in Polonia, ad calculum reuocantur.*



Antiqua Gottorum, Vandalorum, Sarmatarumq; natio, Romæ olim terror, nunc scutum, ab igneis, cælitus missis in Apostolos, sacrâ Pentecostes solennitate, linguis, lucem Euangelij, per Ponti habitatores, quos sacris, in primâ illa reliquarum parente, Hierosolymitana Ecclesia, interfuisse, suumq; idioma ex ore Petri concionantis, audiuisse, & miratos esse, author est Diuus Lucas, illatam suis regionibus adorauit; ita ut quod fabulosa Poëtarum de Prometheo confinxit antiquitas, nimirum ignem de sole decerptum argenti terræ ab eo illatum fuisse, hoc sublimiore verum sit sensu, de plagis Septentrionalibus, eas illo igne, quem in terras venit mittere Patris æterni Verbum incaluisse, impletumque esse Vatis Diuini Oraculum Isaïæ 9. *Populus, qui ambulabat in tenebris vidit lucem magnam.* Neque sanè videtur posse, ambigendo relinqui locus vllus, iam inde ab ipsa legis gratiæ promulgatione, gentem, & oram Sarmatidem, hoc cælesti lumine fuisse illustrem, cum pro comperto habeamus, Diuum Andream (cuius antea gentes Hierosolymis cultus vero Deo per oblationem



nem sacrificiorum in templo Salomonico exhibendi gratiā, in celebritate festi Paschalis morata, I E S V M videntum ardentibus votis experientes, opera & ministerio sunt usque in regionem Scythiæ peruenisse, intra quam nostra Sarmatia, siue Vandalia continetur. Grauius profecto rationum momentis, & non vulgaribus Scriptorum testimonijs doctissimus iuxta, ac prudentissimus eruditorum nostræ ætatis Coryphæus, & Antesignanus Illustriss. ac Reuerendiss. Dominus S T A N I S L A V S L V B I E N S K I, Episcopus Plocensis hoc euincit, in libro, quem de Vitis Episcoporum Plocensis Ecclesiæ eleganti & maturo conscripsit stylo. Sed & Ioannes Gabriel Bisciola Mutinensis, è Societate I E S V in Epitome Annalium Ecclesiasticorum Cæsaris Baronij, quando notat annum 965. quo accolæ antiquæ Sarmatiæ, Slauorum propago, recentiori nomine Poloni nuncupati, Christo nomen feliciter dantes, Christiano sunt nomine insigniti, ad Sarmatas antiquitus Christi Euangelium penetrasse, cum veteribus scriptoribus testatur; cuius rei testimonium ex Tertulliano contra Iudæos scribente, profert; quamobrem vineam desertam repastinandam fuisse illo tempore concludit.

Quamuis porro Russi, gens semper Polonis contermina, nunc autem eorum Republicæ pars insignis, iacent se fidem Christi à Sanctis Thadæo & Bartholomæo accepisse, tamen certius principium illius ad prædicationem Sancti Andreæ Apostoli refert Guagninus iuxta eorundem Russorum Annales; qui asserunt illum ex Græcia per Pon-

tium

tum Euxinū, ad ostia Borystenis fluij, Gentilibus Dniepræ & inde aduerso flumine, usque Kiiouiam Metropolim Russiæ peruenisse, atq; ibi omnem terram Russiæ benedixisse, baptizasse complures, signumq; crucis illic defixisse. A Kiiouia verò aiunt eum ad fontes Borystenis penetrasse, inde in Nouogradiam magnam, & hinc ad mare Balthicum, & hinc Romam usque præteruectis Gallis & Hispanis nauigasse, Scythiis, Moscis, Liouonibus, Samagitis, & Prutenis Euangelium prædicasse. Quod si Doctoris gentium tanquam fulguris, mira illa pernecitate, in qua deprædicanda, aurea eloquentia D. Chrysostomi laborat studiosè, orbem terrarum peragrans, vestigia fidelibus oculis legamus, non iniuriā profecto maiores Polonorum gloriari possunt, se, quemadmodum idiōmate cum Illirijs communicant, ita etiam doctrinæ participes, quam magnus hic Apostolus per oram Illirici sparsit, Tanti Magistri discipulos exstitisse.

Ne verò incertis argumentis, Slauonicæ nationis fidem ad primordia prædicationis Apostolorum, referre cuiquam videar, ex Dlugosso, quibus primitus Slauonica gens locis confederit, annotare libuit, ut inde manifestum fiat, nostræ gentis Profelytos, qui & in Actis Apostolorum, & in Epistola D. Petri, aduenæ Ponti appellatur. Hierosolymam adorandi veri Numinis causa ventitasse, indeq; suis regionibus, veræ fidei lumem intulisse. Verba sunt Authoris. Negno omnium Sclauorum parens, egressus de campo Sennar, transita Chaldæa, Græciq; circa Ponticum



ticum mare, & fluuium Istrum, quem & Danubium vocamus, cum filijs, cognationibus, & familijs suis confedit, & primum Pannoniam primam & veterem Slauorum sedem, parentem & alumnam, quæ nunc Hungariæ (Longobardis Slauos indepellentibus, deinde Hunnis de ea contendentibus) sortita est vocabulum. Inde Bulgariam, Dalmatiam, siue Messiam, Serbiam, Caruatiam, Bosnam, Rasciã, Carinthiam, & Illyricũ cæterosq; illarum orarum, & Adriatici Ionij, Ægeique maris tractus, & insulas, successione nepotũ populauit; Græcis ab oriente & meridie, Latinis, & Italicis. Teutonicis ab occidẽte conterminans. Vnde beneuolus lector facile perspiciet, quoties in sacris literis fit mentio aduenarum Ponti non sine fundamento Sarmatas posse intelligi, inter quos exulans Ouidius ita de se loquitur:

*Vt sumus in Ponto, ter frigore constitit Ister,  
Factaq; est Euxini dura, ter, vnda maris.*

Ex quo etiam obiter licet aduertere, vt lingua ita & natione Getas à Sarmatis distinctos fuisse, cum ait:

Trist. l. 5. *Ipse mihi videor iam dedidicisse Latine*  
Eleg. 12. *Nam didici Geticè Sarmaticèq; loqui.*

Et alibi vtramq; gentem distinguit:

Trist. l. 1. *Quem mihi nunc animum dira regione iacenti*  
15. El. 3. *Inter Sauromatas esse Getasq; putas?*

Qui etiam locum sui exilij describit ita:

Trist. l. 2. *Vltima perpetior medios eieclus in hostes,  
Nec quisquam patria longius exul abest.*

Solus

*Solus ad ingressus missus Septemplex Istri,  
Parrhasiæ gelido virginis axe premor.  
Lazyges & Colchi Metereaq; turba Getaq;  
Danubij mediis vix prohibentur aquis.*

Et infra: *Hætenus Euxini pars est Romana sinistri  
Proxima Basterna, Sauromataq; tenent.  
Hæc est Ausonio sub iure nouissima, vixq;  
Hæsit in imperij margine terra tui.*

Quin si traditioni, locum Ouidiano exilio assignanti, propè Kiouiam standum est, facile illos Ponti aduenas, qui & Ierosolymis Apostolos sua lingua loquentes audierunt, & ad se à D. Petro Epistolam primam directam legerunt, fuisse Ruthenos Slauorum, sicut & Poloni sunt, propaginem augurabimur; cum ipse Ouidius Mysas gentes ad Istrum positas, & Getas ad Danubium, Ponticam tellurem vocet, quod ex his versibus patet:

*Præfuit bis Græcine locis modo Flaccus, & illo*

*Ripa ferox Istri sub duce tuta fuit.*

*Hic tenuit Mysas gentes in pace fideli,*

*Hic arcu fissos terruit ense Getas.*

*Hic raptam Træzen celeri virtute recepit,*

*Infecitq; fero sanguine Danubium.*

Et infra: *Tota, licet quæras hoc me non fingere dicet*

*Officij, testis Pontica terra, mei.*

*Pontica me tellus, quantis hac possumus ora,*

*Natalem ludis, scit celebrare Dei.*

Siue igitur ab Apostolo Scytharum, siue Doctore gentium,

De Põto  
l. 4. El. 9.

D

tium,



rum, qui obedientiam gentium Euangelio commendans Ad Rom: 1<sup>a</sup>. *Ab Ierusalem per circuitum usq; ad Illyrium repleuisse Euangelium Christi*, commemorat; siue ab illis Ponti accolis, inter quos Slauos (vel quocumq; tunc nomine censerentur Sarmata) extitisse, non dubium est, nostra namque fidem acceperit; hoc certum videtur, idioma tam insignite, in plurimas partitum dialectos gentium, tuum quoque splendorem, à Spiritu sancto varijs linguis verita, em Euangelij per Apostolos spargente, fuisse sortitum, sparsosq; diuinæ huius lucis, in aliquibus partibus per oram Sarmatidum igniculos diulatusse ita: vt non primum natio nostra regnate Mecislao lumen cæleste Euangelicæ doctrinæ suspexerit. Huc præter dicta facere videtur, quod centum annis, antequam publicum excitaret veri Numinis cultum Miesco Princeps, Slaui Ducis Rotisslaus, Suantopelcus, & Kociel, missis ad Gregorium IV. & orientis Imperatorem Michaëlem nuntijs ad se populumq; sibi subiectum erudiendum, in fide Christiana viros doctos legantur poposcisse, Cyrillumq; & Methodium ab eodem Imperatore transmissos, memoriæ proditum est, qui Duces, & gentem Slauioticam dogmatis imbuerunt Christianis; sacra in vulgari lingua peragenda constituerunt, id ipsi sede Romana diuinitus admoniti, vt omnis spiritus laudaret Dominum indulgente, sedemq; Metropolitanam Velagradi fundarūt; cui successu temporis in Suatoplugi regno, septem alij Suffraganei Episcopi adiuncti sunt, quod factum memorat Dlugossus

sub

sub Arnulpho Imperatore Romanorum, circa Annum Domini 889. Multo verò ante, Olha coniunx Ihor Ruthenorum Ducis, cum à Dreulanis occisi mariti bello vltura iniuriam, Constantinopolim venisset, à Patriarcha fidem edocta, & superstitione gentilium relicta, baptisma suscepit, nomine Olhæ in Helenæ commutato: quæ in Russiâ reuersa, eandem fidem Suentoslao nitebatur persuadere, quamvis frustra, salutaribus necquicquam piæ matris monitis, impio filio obtemperante. Porro tametsi facilis esset, nullo publico edicto vetante, Religionis Orthodoxæ cultoribus in has regiones accessus; (in quo Chronologi & Historici, qui de rebus Polonorum scripserunt, conueniunt; dum ex finitimis partibus liberum aditum, etiam ad Principis curiam, habuisse Christianos testantur, & neminem vnquam fidei causâ, aut trucidatum, aut alio supplicij genere multatum, Principis, aut eorum, qui ipsius loco regimini & ordini præsiderent, voluntate, aut mādato, immò vel tumultuario furētis plebeculæ impetu, ob novos ritus, aut inusitatum Deo supplicandi modum, in patriam introductum, meminerunt) tamen quòd vel gens inter medios bellorum enutrita strepitus, otium non haberet, ad intendendum ijs quæ de nouâ religione à nonnullis adferentur, vt ea pacato altius exciperet animo, vel quòd Principes plus nimio de proferendis finibus sedium, non multò ante Annum Domini 550. quæsitum, ab ijsque hostium incurfibus arcendis solliciti, nihil pensi ducerent, inducere in animum ea, quæ à Religiosis viris



de animorum immortalitate, bonorum operum præmioꝝ & beatitate sempiterna disputarentur: Adde quòd inesset animis quædam omnibus innata tarditas, ad credendum ijs, quæ præsentem sensuum effugerent cognitionem; atq; ita populus eorum notitiâ contentus, quæ sensibus essent perua, à scrutandis illis, quæ remotius ab ea distarent, captumque ingenij excederent, obstinatiùs abhorreret: Deerat deniq; qui in ordinem certum redigeret religionis Christianæ harmoniam, eamq; ad Ecclesiarum aliarum; præsertim Romanæ ritus & vsum accommodaret, sicut autè omnis rerum nexus facilè sublato ordine soluitur, ita & disciplinæ legumq; rationem, nisi superiorum regimini obsecundet, collabi est necesse. Has igitur ob causas contigit, vt huius lucis splendor, inter Cimmericas superstitionum tenebras, raris intermicans scintillis, angustis priuatorum ædibus, & paucorum Eremicolarum lustris contineretur, non multisq; per nongentos amplius annos lux ea cognita, sensim ad incrementa procedens, tandem summi rerum arbitri prouidentia, parata reuelari in tempore, in perfectum creuit diem sub auspiciatissimo Meciislai Polonorum Ducis principatu. Nec verò cuiquam dictum hoc videri debet otiosè, aut sine fundamento vanà coniectura æstimari, fidei radios in tenebris abditos, per tot sæcula tùm primum iubar augustius explicuisse; quandoquidem ea est actus diuini cælestis sapientiæ omnia suauiter disponētis consuetudo, vt gratiæ virtutem, absq; omni vniuscuiusque naturæ vi in tempore communicet congruo.

congruo. Et quemadmodum Elephas sua cunctatione grandem animantis molem eniti solet, quòd in rerum sub-lunarium theatro plurimorum exhibet oculis experiētia: ita gratiæ Diuinæ vis, si quando tardiùs suam exserit efficaciam opinione hominum, eò copiosiores & suauiores lentæ tractionis producit fructus: & quamuis in ijs qui in consortium Diuinæ naturæ, per munus ordinis altioris euecti sunt, D. Ambros. l. 2. in Lucam: *Nescit tarda molimina Spiritus Sancti gratia*, ad suauem tamen cuncta ordinans æternitatis quietem, saltus præcipientes in quibusdā, pro suo imperscrutabilis voluntatis beneplacito, & arcani consilij ab humana disquisitione remotissimi, decreto non amat. Ne personarum, quò tardiores eò magis admirandas, & mutationem dexteræ excelsi stupendam, vel ipsis sensibus ingerentes conuersiones, recenseam. Hispaniarum regni sufficiat exemplum, in quo post exantlatos Magni illius Apostoli Diui Iacobi labores, nouem homines tantummodò deserta idololatræ superstitione, vanisque inanum Deorum spretis numinibus, suauj iugo Christi colla sua, & voluntates submiserunt, eiusque doctrinam sunt amplexi, quam nunc tota gens adamanteo insculptam in animis cælo, tantā constantiā colit, tanto feruore prædicat, tantā fortitudine tuetur, vt vita prius vnusquisq; decessurus, quàm fide excessurus sit, & quam tardè susceperunt religionem, ita obfirmato tenent conatu, vt nullum intra fines regni consistere patiantur, qui à dogmatibus Romanæ Ecclesiæ dissen-

*Skarga  
in vita  
ipsum.*



diffentire velle, signo, aut villo nutu præferat, cumque Reipub. perduellem, qui Ecclesiæ institutis non obtemperet, prudenti sanè censura iudicent. Quin & ipsa Ecclesiæ vniuersalis dignitas, non nisi post aliquot sæcula, regimine politico, & publica veneratione, in lucem meridiana temporibus Magni Constantini, post tot sanguinolentarum tempestatum nebulas effullit. Vtinam & nostra Polonia, Hispanorum constantiam, in colendâ & retinendâ auitâ religione imitetur, neq; se ijs hac in re vinci permittat, cum quibus animi magnitudine, & gloria militari certat, tarditatem quam in honoranda veri Dei religione, per publicum edictum admisit, diuturnitate firma instaurans, vti quidem facturam non mediocris spes est (opitulante Cælitum patrocinio, benignâq; Numinis ope adiuuante, cui feruenter ea de re supplicandum est) quando impias nouorum dogmatum vesanias, constantissimè auersatur, carniq; & sanguini, ventri, & abdomini abblandientes Luteri, Caluini, atq; aliorum id genus Hæresiarcharum errores condemnat: Oëcumenicisq; Patrum decretis, & Romanæ sedis placitis, Beati Petri in ea reuerita maiestatem, generosa obedientia subscribit, & subortas calliditate circulatorum, vel ex vicinis regionibus labe perniciofa færentibus, illatas pestes hæreseon, religiosâ alacritate, & laudabili dexteritate summa cum finitimarum nationum admiratione, in tanta sua libertate eliminat, ita quidem, vt paucæ iam domus Nobilium insigniores ab obedientia sedis Romanæ dissidetes possint

nume-

numerari; breui & illâ, Deo auxiliante, ad verum ouile redituræ. Vt verò tardius promulgata, publicis Regum, Principūq; sancitis Christianæ religionis instituta feliciter in maturiores fructus adoleuerunt in Polonia; ita è diuerso, quæ nationes illi ad fidem Orthodoxam solenni colendam ritu præcucurrerunt, Germania, Dania, Scotia, Anglia, Suecia, Hybernia, Bohemia, facili temeritate, ab ea desciscences, flore felicitatis deperdito, frustra de inani fide, quæ non succrescit in spem æternæ retributionis operum (si tamen hoc nomine idolum humani cerebri figmento enatum dici potest) blandiuntur sibi, earum regionum incolæ dum Christiani appellari volunt, nihil minus interim quam Christi doctrinam, Ecclesiam super Petrum ædificatam audire præcipientis, auscultâtes, quod non ad opprobrium, sed ad commiserationem, solantisq; spei omen, & prouidentia Numinis circa regnum Poloniæ vigilantis, prædicationem dici existimandum est. Dudum altissima Dei bonitas, quæ vnigenitū Patris æterni, à primo statim protoplastorum lapsu promissum, post quinquies mille annos, primum orbi manifestauit, barbaros Polonorum Principes, ad illustrandum supremæ veritatis luce regnum inuitabat, & paulatim oculos cecâ superstitione in septentrionalibus tenebris caligantes, ad suspiciendam veram religionis lucem disponebat: erudiebatq; inprimis viâ illâ, qua ab iniustitiâ ad sanctitatem, ab irâ ad gratiam transferre solet impium: proposito nimirum seueræ ultionis scelerum terrore, dum Populum im-

pium



pium Tyrannum, ob patrata cædis in patruos atrocitatem, mirabili & omnibus sæculis memorando castigauit exemplo, muribus insolitæ magnitudinis in vindictam horrendi criminis, ex cadaueribus occisorum creatis, qui viui parricidæ corpus depascerent, nullisq; aut locorum interuallis intercludi, aut igniū aquarumq; viribus arceri possent. Vnde non difficili negotio, & prouidentiam omnia intuentis Numinis, & Diuinæ iustitiæ rigorem, impietatem & tyrannidem impune non permittentis grafari; & potentem innocentiae propugnatricem virtutem: cui nulla vis humana possit resistere, aut contra quam nequiret se vllis callidis machinationibus, & vafri consilijs tueri, potuerunt reliqui Principes, & totus populus inuestigare; occasionemq; non facile vel ab ignauissimo contemnendam, ad inquirendam naturam omnium remuneratoris nacti, animum, & cogitationem seriam, ad exhibendam supremo rerum Domino, tam rigido malorum vindici, reuerentiam aduertere. Placuit postmodum eidem bonitati, mitioribus paternæ clementiæ signis, ad cognoscendam pijsimi bonorum operum remuneratoris liberalitatem, gentem Polonorum allicere; itaq; vt olim ad Abraamum, & Cornelium (qui hospitalitatis officia sollicitè peregrinis impensa remunerarentur) ad Piastrum virum plebeie conditionis, victu facili vitam tolerantem, & conquisita vitæ subsidia, in egenos & hospites largè partientem, Angelos duos, siue vt pleriq; explicant, Ioannem & Paulum, Martyres Crusuiciam mittit; qui ab eo  
solita

solita hilaritate excepti, & penu non deficiente, cibo potuq; auxerunt, & Regium diadema patrifamilias eiusq; posteritati contulerunt. Qui si aliquam diuinæ cognitionis lucem iam tunc adspexit (vt Illustrissimus Stanislaus Ploccensis Episcopus, vir veritatis indagandæ solertia, & studio nauissimus, non improbat) & hanc à suis hospitibus potissimam partem remunerationis pro hospitalitate accepit; est quod Crusuiciensis Ecclesia, agendo Supremo Numini grates, inter alias sibi gratuletur, quod suis Principibus cælitus missa legatione, ad veri Dei cognitionem fuerit inuitata. Reseruabatur tamen vt publica Christianæ Legis promulgatio, ita templorum in Polonia exædificatio, Deo ita ordinante, Piaſteo Nepoti Mecislao. Erat is filius Zemomyſli, probi, hospitalis, & quietis amantis Principis, vnicus, in ætate iam ingrauescente parentum editus, qui non plena iucunditate expetiti natalis sui, tam Parentum quàm Procerum compleuit desideria, cum quantum ijs lætitiæ ortus masculinæ prolis attulisset, tantum orbitas luminis in nato infante, ademerit. Hic cum anno septimo ætatis subradendus, comamq; ex more patrio inter festiuas conuiuarum epulas depositurus esset, absq; vllius medicæ artis adminiculo, humanæq; opis suffragio, visum diuinitus recepit, optatissimamq; animantibus lucem, cum summa parentum voluptate adspexit. Consulti Arioli & diuini à Zemomyſlo, quidnam desperata iam, à retroactis annis lux pueri portenderet, bono animo parentes esse iubent, auspiciū hoc boni præſagij  
E omen



omen respondent, Poloniam vniuersam illustrandam sub eius principatu ipondent. Lætus tanto omine Princeps, suspiria & gemitus ob cæcitatem filij ante vsurpatos, crebris conuiuantium apprecationibus abolet: frequenti cogitatione reuoluens splendorem, quem virtute bellica proles sua in gentem Polonorum esset effusura, nomenq; & decus sibi subiectæ nationis, inter finitimas prouincias, noua & inusitata famâ illustratura. Atq; vt omnem futuræ celebriatæ etiam ipso vocabulo contineretur, puerum Mecislaum, quasi gladio quæsiturum gloriam nuncupat, quem cæcum adhuc cùm tonderetur, ex turbatione Miesconem appellauerat. Non adspexit filialis portenti, felicem, infelix pater lucem, cæcitate barbaræ superstitionis inuolutus; in qua decessit Gneznæ, anno post natum Saluatorem, Nongentesimo Sexagesimo quarto, cui solenni ritu, vt mos ferebat, ignaræ Dei nationis, cùm iusta soluisse Mecislaus, in principatus regimen concordî Procerum voluntate suffectus est. Hunc iustè quidem, sed tamen infra spem omniû gubernabat, cùm maiora Poloni de illo concepissent ab omine lucis miraculo acceptæ, desideria septem ex gentili consuetudine duxit vxores, quibus pro libidine indulgebat liberiùs, otioq; & voluptatibus deditus, ad nihil minùs quàm ad propagandam gladio gentis Polonæ gloriam, quod omnes iam Proceres spe deuorauerant, videbatur idoneus: ita vt vel ipse ædium sui Principatus, & fastidium in subditis non obscurè persentisceret. Plures iam tunc Polonorum peregrè reuertentes,

à Bohe-

à Bohemis & Morauis Christianam religionem domum referebant: erant & externi partim in ministerio & comitatu Principis, partim mercaturam in Polonia exercentes, partim etiam in recessibus sylvarum & solitudinum, quo liberiùs cultui Diuino vacarent, degentes Christiani non pauci. Eorum suasionibus & admonitionibus non inuitas aures præbuit Princeps, maximè dum promissam per illos Regni felicitatem, claritatemq; posteritatis, eò auidius expetit, quò minus se charum Proceribus cognoscit. Refert ad Senatum eà consilia, & num è bono Reipublicæ fore viderentur, exquirat: Proceres visione nocturna, vt refert Dlugossus, admoniti, & cælesti oraculo de futura felicitate edocti, non respuenda salutaria monita decreuerunt, itumq; vnanimi voluntate in eam sententiam, vt repudiatis prioribus gentili ritu ductis vxoribus, Dabrowkam virginem filiam Boleslai Primi Bohemorum Ducis, Christianam matrimonio sibi iungendam, missis oratoribus postularet, qui posteaquam placita Principis & Procerum, ad Ducem Bohemæ pertulissent, omnia quæ ad connubium pertinerent, ex libito animi cessura retulerunt, si modò Mecislaus Christianis institutis imbutus, sacro baptismatis fonte idololatriam cæteraq; vitia expiaret. Accipit non illibens domesticis prouisam consilij conditionem Princeps, Christianamq; virginem & ipse iam Christianus ritu Orthodoxo sibi desponsat vxorem, cuius adhortatione & suasionem, cùm per fines totius Reipublicæ cultum Diuinum veller propagatum, atq; exercitium eius

E 2

diu-



diuturna stabilitate non posse consistere absq; summi in terra post Christum capitis Romani Pontificis arbitrio & autoritate, intelligeret; ad orbis magistram Urbem destinat legatos, qui Ioanni Decimo tertio, is tunc Leoni Octavo successerat, Christianum se more aliorum Principum Sedi Apostolicæ obtemperare velle nunciarent, & viros aliquot idoneos, ad spargendam cælestis doctrinæ sementem, in nouali Sarmatico, suo nomine peterent mittendos: ipse interea Basilicas nouem, diuersis in locis ædificat, supellectili pretiosa omnis generis ornat, censibus & possessionibus locupletat, atq; decimas illis omnis grani frugum de suis iuxta ac nobilitatis plebisque agris perpetuò assignat, ita vt ab ipsis aratoribus post messem ad constitutum locum conuehantur. Missus Româ Legatus sedis Apostolicæ Ægidius Cardinalis Episcopus Tusculanus, extructas & dotatas à Mecislao Basilicas certis limitibus Dioceseon circumscribit, ac duabus quidem Gnesnensi & Cracouiensi, Archiepiscopos præficit, reliquas Posnaniensem, Smogorzeuiensem, (quæ postea Byeinenfis ac demum Vratislauiensis dicta est) Crusuiciensem, (quæ Vladislauiam successu temporis translata est) Plocensem, Culmensẽ, Lubusensem, & Camenensem, singulis Episcopis attribuit. Venerunt in Poloniam simul cum Legato à Sede Romana in Episcopos designati viri sanctitate morum, & doctrina illustres, Villibaldus, Prochorius, Iordanus, Gotfridus, Lucidus, Angelotus, Octauianus, Iulianus, Iacintus, inter quos ritè consecra-

tos.

tos ex ordine Ecclesiarum & nominum recensito, distinctis Dioceseibus definitum regimen partitus, Crusuiciensi Lucidum præsidere iubet. Ita lux diuinitus Polonis data, duce hospitalitate Ciuis Crusuiciensis, postea verò Monarchæ Polonorû insinuata, nõ parua in Ecclesia Vladislauensi capit sumere incrementa, vigilantia Pastoris Lucidi bono omine nominis, totam suam Diocesim feliciter illustrantis. Antequam verò sollicitudinem primi illius Ecclesiæ Antistitis enarrare, ipsiusq; Successorum labores pertextere aggrediar, nonnulla primum de ipsa Diocesi putauim iure merito præmittenda. Ea enim non mediocris laus futura est Episcoporum Vladislauiensium, si tantæ amplitudini & latitudini finium sui regiminis, debita diligentia inuigilauerint, nihilq; prætermiserint eorum, quæ ab eis, Angelicis humeris formidandum onere munus, & pretiosus Christi sanguis pro animabus ipsorum curæ concreditus effusus, requirit & exposcit.

## CAPUT II.

*In quo Dioceseos Vladislauien. amplitudo declaratur.*

**V**ladislauiensis Diocesis, Crusuiciensis olim sortita fuerat nomen à Basilica Ciuitatis, ad quam annis propè ducentis (à Lucidi enim ingressu ad mortem Onoldi 195. prodeunt) Pontifices, cum sacro Prælatorum & Canonicorum Senatu residere duxerunt sibi religioni.

E 3.



gioni. Nunc in rescriptis & priuilegijs Summorum Romanæ Ecclesiæ Antistitum, ac Principum Poloniae Vladislauensis appellationem retinet, à Ciuitate in quam Ecclesia Cathedralis cum omni suo splendore transijt, propter soli Crusiiciensis solitudinem, & quòd Ciuitas illa, olim Regum Curia nobilis, hostilibus deuastata flammis, & ab ipsis penè fundamentis euerfa, ad retinendam cum dignitate Pôtificis auctoritatem ininus visa fuerit idonea: A primæua fundatione ab Ægidio Cardinali Episcopo Tusculano latissima limitum institutione protensa est, vt pote, cuius non solum, per oram Cuiauiensem, quæ iuxta suam amplitudinem, duos Brestensem & Iuniuladislauensem Palatinatus complectitur, sed etiam per Pomeraniam, tractus patet, vt ex approbatione terminorum à prædicto Cardinali huic Diœcesi assignatorum perspicuum est, facta ab Eugenio Papa Quarto, Anno à Natiuitate Domini Millesimo Centesimo Quadragesimo octauo. Quâ definitione limitum Cuiauiensis Diœcesis fretus, Iacobus Schadecus Decretorû Doctor in cõcordia cum Cruciferis inita sub Casimiro Tertio, inter quindecim propositiones quibus Pomeraniam semper ad Regnum Poloniae pertinuisse, illique ab ordine Teutonico restituendam de iure strenuè propugnauit, constantissimè asseuerat, apud Dlugossum Pomeraniam, à prima Episcopatum per Mecislaum institutione semper Vladislauensi Pontifici paruisse. Porro vt per bina idiomatum genera, eorumq; variarum dialectorum discrimina est diffusa, Polonorum, Prutenorum, Cassu-

Cassubiorum, Pomeranorum, ipsius latitudo, ita sollicitudinis pastoralis maximum exhibet Episcopo negotium, in tantâ penuriâ quanta ibi cernitur, Sacerdotum præsertim Alemanicam callentium linguam, cuius Pomeraniæ incolis vsus est frequentissimus, ac Sacerdotibus inibi degentibus maximè necessarius, inter populum hæretica labe infectum, cuius numerus nunc frequentior Pontificio labori accrescit. Posteaquam enim fatis concesserunt Georgius & Barneuius fratres vltimi in linea virili domus Boguslai Sterinensis Pomeraniæ Ducis, hæredes; Anno Virginei partus, Millesimo Sexcentesimo Trigesimo octauo, redierunt ad directum dominium Sac: Reg: Maiestatis, Capitaneatus Leoburgensis & Bitouensis, in quibus Ecclesiæ hæresi contaminatæ, duobus distinctæ Decanariis, ad iurisdictionem Episcopi Vladislauensis postliminio reuocatæ sunt, cura & vigilantia Illustrissimi & Reuerendissimi Domini, MATTHIÆ L VBIENSKI, negotio manus admovente Admod: Reuerendo Domino Matthæo Iudycki, Sacræ Th. & I. V. D. Proth. Apost. Canonico Vladislauensi, Officiali Gedanensi; quæ vt insignem fundatorum pietatem, late e cocto exadificatæ posteritati loquuntur, ita non mediocrem sollicitudinem Antistitis implorant, vt mittat ad vineam operarios, quam singularis ferus depastus est, & vulpes demolitæ sunt, excolendam; qui linguæ peritia, doctrinæ sinceritate, & conuersationis exemplo, plebem hæreticis seductam dogmatibus, in viam veritatis reducere saragant, & nutantes infide-



fide neophytos confirment, atq; pascua sana gregi dominico famelcenti, per Sacramentorum administrationem, & verbi Dei prædicationem subministrent. Neq; desideratur hac in re pro muneris officio, cura, & prouidentia vigilantissimi Præsulis, si æquè non deessent personæ in partem istius sollicitudinis assumendæ. Vt autem manifestius appareat, statim à primordiis fundati Episcopatus Vladislauensis, ad eum Pomeraniam Metropolitimq; ipsius Gedanum pertinuisse visum est, approbationem limitum huius Diœceseos per Ægidium Tusculanum constitutam inferere. Cuius tenor is est:

*salutatio super  
etiam hoc dicitur  
ma viciis flor  
Enoch hys. eod  
Dyess. l. 1. c. 8.  
vd. inf. p. 118.*

**E**VGENIVS EPISCOPVS Seruus Seruorum Dei. Venerabili Fratri Venero Vladisl: Episcopo & Successoribus Canonice instituendū. Quoties illud à Nobis petitur, quod rationi & honestati conuenire dignoscitur, animo nos decet libenti concedere, & petentium desideriis congruū impertiri suffragium. Quocirca Venerabilis Frater, tuis iustis postulationibus clementer annuimus, & Vladislauensem Ecclesiam, cui Deus auctore præesse dignosceris, sub Beati Petri & nostra protectione suscipimus, & præsen. scripti Priuilegio communimus, Statuentes, ut Terminos tui Episcopatus, quemadmodum à bona memoria Ægidio Tusculano Episcopo, tunc Apostolica sedis Legato, & à Boleslao Nobili eiusdem Terræ Duce statuti sunt absq; diminutione aliqua Tu & tui Successores in perpetuum possideatis. Quascunq; præterea possessiones, quacunq; bona ad Ecclesiam in presentiarum iustè & Canonice possidet, aut in futurum concessione Pontificum, largitione Regum vel Principum, oblatione fidelium, seu aliis iustis modis Deo propitio poterit adipisci, firma tibi tuisq; Successoribus & illibata permaneant. In quibus hac specialiter duximus exprimenda. Castrum videlicet Wolborz, cum omnibus suis appenditiis, Ecclesiam Sanctæ Mariæ in Zawichost, cum Castro Lagow, & Decima eius aliisq; suis appenditiis, nonnum nummum de omnibus, qua soluntur

tur Ecclesia Sancta Maria de Sendomierz secundum Polonicam iustitiam. Præposituram Sancti Michaëlis in Cracouia, cum omnibus ad eam pertinentibus. Castrum Gdansk in Pomerania cum decima, tam annone quam omnium eorum qua denariis soluuntur, Decimam partem de moneta & de iudiciis totius Episcopatus. Nulli ergo hominum liceat præfatam Vladislauensem Ecclesiam temerè perturbare, aut eius possessiones auferre, vel ablatas retinere, minuire, seu quibuslibet molestiis fatigare, sed omnia conseruentur, eorum, pro quorum sustentatione & gubernatione concessa sunt vsibus omnimodis profutura, salua sedis Apostolicæ auctoritate. Si qua igitur in futurum Ecclesiastica Secularisue persona hanc nostræ constitutionis paginam sciens contra eam temerè venire tentauerit, secundo tertioq; commonita si non presumptionem suam congrua satisfactione correxerit, potestatis honorisq; sui dignitate careat, reamq; se Diuino Iudicio existere de perpetrata iniquitate cognoscat, & Sacratissimo corpore & sanguine Domini nostri IESU CHRISTI aliena fiat, atq; in extremo examine districtè ultioni subiaceat. Cunctis autem eidem loco sua iura seruantibus, sit pax Domini nostri IESU CHRISTI, quatenus & hic fructum bonæ actionis percipiant, & apud districtum Iudicem præmia æternæ pacis inueniant. Amen.

Ego Eugenius Catholicæ Ecclesiæ Episcopus.

Ego Linarus Tusculanus Episcopus.

Ego Oddo Diaconus Cardinalis S. Georgij.

Ego Octavianus Diaconus Cardinalis S. Nicolai in carcere.

Ego Gregorius Diaconus Card. S. Angeli. (re Tulliano.

Ego Guido Diaconus Cardinalis S. Mariæ in Porticu.

Ego Hyacinthus Diaconus Card. S. Mariæ in Cosmedin.

Ego Hubaldus Presbyter Cardinalis tituli S. Praxedis.

Ego Aribertus Presbyter Cardinalis tituli S. Anastasiæ.

Ego Iulius Presbyter Cardinalis tituli S. Marcelli.

Ego Bernardus Presbyter Cardinalis tituli S. Clementis.

Ego Iordanus Presbyter Cardinalis tituli S. Susannæ.

Datum Roma, per manum Guidonis Sanctæ Romanæ Ecclesiæ Diaconi



*ni Cardinalis & Cancellarij Nona Aprilis, Indictione XI. Incarnationis Dominica, Anno M. C. XLVIII. Pontificatus verò Eugenij Tertij Papa Anno Quarto.*

Egregiè hoc Priuilegio Cathedralis Ecclesiæ Vladislauensis firmatur grauissima Illustrissimi Stanislai Lubiëski Plocen. sententia; contra Cardinalem Cæsarem Baronium ostendentis, non fuisse distinctam Legationem Ioannis XIII. summi Pontificis, qua Aegidium Cardinalem Episcopum Tusculanum misit in Poloniam, ab ea, qua ad Vandalios, quorum Princeps Miesco esset, doctissimos viros Italos, quorum nomina superius ex ordine primarum in Polonia Basilicarum, quibus per Aegidium præfæcti sunt, referuntur; Vnde nexu necessario constantissimè concludit eosdem esse Vandalos cum Polonis.

### C A P V T III.

*In quo situs Basilica Cathedralis, magnificentia, & Ordo in ea Diuinarum Officiorum manifestatur.*

**H**abet Diœcesis hæc Cathedralem Ecclesiam, sumptu & impetis Matthiæ de Golancza Vladislauien. Episcopi, latere cocto magnificè exadificatam, duplici interstitio, minoris (vt vocatur) chori, & maioris distinctam concinnè, quorum minoris conus, cruce inaurato per Gembicium gente Nalencium, Episcopum Vladislauensem comparata irradiat; maioris fastigium turriculâ in longam apicem protensâ, eleganter eminet; muri soliditas

soliditas ea est, quam recens ætas demiratur, quæ firmis & crassis columnis substructis, compagem triplicis intervalli, & concamerationis partium Ecclesiæ, appositè ad longæuam perennitatem sustentat. Circa hanc turres à latere Australi & Aquilonari in sublime surgunt; quarum proceritatem altius eduxit heroica liberalitas Illustrissimi & Reuerendissimi D. Matthiæ Lubienski, laminisque plumbeis stanno circumlitis contextas, pulchra æqualitate in culmina & conos scita & eleganti artificis opera elaboratis pinnis, sphaëris & crucibus æneis grauissimi ponderis, auro obductis exornauit & muniuit. Locus Cathedralis delubri est Ciuitas Vladislauensis, quæ est ad ripam Istulæ sita, ad Aquilonem mōtes Dobrinësis Terræ syluis horridos prospiciens Portorio nota, muratis ciuium ædibus non infrequens, & opibus incolarum non ignobilis, nullis tamen munitionibus arte vel natura defensa, faciliè incurribus hostium peruia. A Vladislao condita, mutuatum ab authore nomen retinet, quæ ob discrimen, à Juniuladislauia, (quasi juniorem dicas Vladislauiam) antiqua Vladislauia vt ex Priuilegijs & Libertatibus Principum constat, solet vocitari. Inter alia illud Ciuitati huic laudi est, quod ad eam sancta sedes Apostolica literas dirigere habeat vsitatum, quoties Diœcesi creatum Pontificem mittit, vidi ex iis pleraq; in charta pergamena conscriptas: & plumbo SS. Apostolorum Principum iconibus signato munitas. Fuit primum Cathedrale templum è regione arcis in ipsa ripa Istulæ conditum, postquam Crusuiciâ Vladislauiam



uiam Cathedræ authoritas est translata, angustius, quàm  
& incolarum frequentia & Cathedralis dignitatis maie-  
stas poscebat, ruinis à præterlabente Istula ripamq; furio-  
so impetu subruente expositum; quod ubi sumptuosa cu-  
ra Matthiæ Golanczewski substituit sublimior, & angusti-  
or sacræ ædis moles, affuturo breui casu obuios territans,  
demoliri iussit Vladislaus Oporowski Episcopus Vladi-  
slauiensis; quo in loco nunc sancti Stanislai Martyris Epi-  
scopi Cracouiensis honori dicata ædícula, & Cænobiolum  
Fratrum Minorum de strictiori obseruantia, quos accersi-  
uit piæ memoriæ Andreas Lipski Episcopus, vtrumq; de  
pinneis tabulis ex ædificatum visitur, breui inibi duratu-  
rum. Jam enim Illustrissimus & Reuerendissimus Do-  
minus Matthias Lubienki, pro laboribus & senio confe-  
ctis Presbyteris, ijsq; qui diurnis ac nocturnis horis Psal-  
mos decantabunt, templum claustriq; cubicula destina-  
uit, postquam inde visum fuerit Religiosis commigrare  
in capacius asceterion, quod illis Nobilis vir D. Albertus  
Romatowski de armis Drogomir trino pede armato in  
campo rubeo insignibus, muro ædificare, vltra Nosoco-  
mium juxta viam quæ Brestiam ducit, liberali sumptu est  
adorfus, jamq; templi structuram eleganti opere, tholo,  
bracteis ferri albi obducto superaddito ad fastigiū, à fun-  
damentis feliciter deduxit; & in lato spatio in latum circū-  
septo tabulis, imbricibus superimpositis, claustralium of-  
ficinarum iecit fundamenta Dominus, cujus amplifican-  
do cultui, opes suas generoso animo deuouit, caput  
opus

opus promoneat, & auctori domum non manu factam, in-  
calis beata retributione constituat. Ad Cathedralem  
Ecclesiam redeo. Decoratur ea Prælati octo, Præposi-  
to, Decano, Archidiacono, Scholastico, Cantore, Cu-  
stode, Archidiacono Pomeraniæ, Cancellario. Canoni-  
cis Octodecim, qui à dextris & sinistris latus Sponsæ sti-  
pantes, ijs quæ ad ipsius regimen, jurisdictionem, & orna-  
mentum spectant, intendunt, & Pontifici Sacris operan-  
ti reuerenter assunt. Missas per vices Septimanarum  
cantant, choro diebus solennioribus, dum horas Canoni-  
cas Vicarij modulantur, intersunt, ac in difficilioribus Ec-  
clesiæ negotiis præsto sunt Antistiti à consilijs. Vt autem  
alia principalia in Regno Poloniæ Ecclesiarum Cathedra-  
lium Prælatorum & Canonicorum collegia suis gaudent  
elogijs, à splendore & opulentia deriuatis, ita Vladislau-  
ense Capitulum doctissimum solet appellari; cujus tituli  
honorem, egregiè, hætenus, insigni virorum doctrina  
illustrium fecunditate eadem antiquitus partum conser-  
uat. Penitentarij quatuor sunt: ex his duo in Theolo-  
gia & jure Canonico probè versati, quorum prior Cano-  
nicatum Crusuiciensem & Præbendam cum onere eo mu-  
nere fungendi, Ordinariumq; Theologum in concioni-  
bus ad populum habendis iuuandi, iuxta præscriptum &  
ordinationem Erectionis sui beneficij possidet; alter cen-  
sum quotannis per trimestria spatia distributum à Capitu-  
lo Vladislauensi, & à Collegio Mansionariorum perci-  
pit, Missarum celebrationem aliquot in septimana quali-  
bet, an-



bet annexam habens: duo reliqui de Vicariorum collegio, competenti doctrina casuum conscientiae instructi Altaria tenent, sufficienter ad fungendum tali officio dotata, & prouisa.

Vicarios originaria fundatio viginti Ecclesiae adscripsit, qui nocturnum pariter atque diurnum officium voce sonora, & Missas de Sanctissima Trinitate, pro pace obtinenda, vel infra Octauas, festo propriam, ante horam sextam, & ea finita Conuentualem canunt: redditus decimarum, & portorij, partiuntur inter praesentes ex aequo, secundum Leges iustitiae commutativae, inter eos tamen qui absunt, aliquando pro rata parte officij omissi, Distributiva proportionem Geometricam considerans litem solet dirimere, & modum frustra anhelanti cupiditati, ad gaudendum sua portione statuere.

Mansionariorum Collegium fundatoris intentionem vno minus adaequat. Sex ij sunt, qui quotidie officium Paruum in Capella Tarnouiana, ac votiuam secundum tempus de Beata MARIA Virgine Missam: & singulis ferijs quintis, de sanctissimo Sacramento, cantare sunt adstricti. Missam item quotidie, dum Laudes à Vicarijs in Choro cantantur, legere per vices, fundatione Tobiae Ianikowski Vladislauensis Canonici, sunt obligati, quibus ne obrepant in suo munere rite obeundo negligentiae, senior attendit, & juxta modum delicti, partem stipendij negligentibus subtrahit, quam diligentibus tribuit.

Altaria

Altaria quatuordecim sunt, quae certas habent ex fundatione dotes, eas tamen mediocres, ita ut distincti eorum ministri, honestè sustentari nequeant, proinde ea solent potissimum proportionem ad merita in Ecclesia Cathedrali ducta, in subsidium Penitentiariorum, Sacristae, & Notarij, Vicariorum & Praefecti Seminarij, quando Presbyter est, conferri à patronis, qui sunt Praelati, Capitulum, & Vicariorum Collegium. Vnum inter haec opima dote in Capella S. Martini DD. Naropinskich, pro linea sanguinis, à Reuerendo. D. Luca Bratkowski I.V.D. Vladislauensi Canonico fundatione prouisum est.

Quo autem pulchrior & decora magis, atque ut castrorum acies ordinata, succedaneis Vigilijs Gloriosissimae Virginis Deiparae honori, & patrocinio consecrata Basilica, maxime insignium Metropolitanæ Gnesnensi & Cracouiensi æmulata institutum, tenebrosis aëriarum potentatum turbinibus, formidine lucis perpetuae diuinas laudes accendentis, terribilior appareat, prouida Illustrissimi Domini Matthiae Lubieski feliciter Cathedrae suae nunc Praesidentis, sanxit liberalitas, ut essent nocturni diurnique excubitores, Presbyteri & Clerici, qui cessante in choro officio ante Sanctissimi Sacramenti tabernaculum, noctu diuque continuè sonora voce Psalmos concinerent, indeque retinerent Psalteristarum appellationem; ad hoc munus destinati sunt ministri octo, inter quos Sacerdotes quatuor sunt, qui tributo inter se censu, viginti quinque millibus empto, iusta proportionem, sufficienti stipendio prouidentur.

Extat



Extat & Gymnasium muris in sublime educatum, quod illius æui munificentiam, ferè prodigam commendat auctoris, cuius nomen sempiterna dignissimum memoria, inuida mortalium æternitati vetustas, in profundas obliuionis deiecit latebras. Hoc propylæo in quadro prominente decorum, multa receptacula literarum cultoribus exhibet, in distinctis cubiculis: ad cuius latus Occasum versus, Voluciano sumptu ædes muratæ, sunt annexæ, vt diuersa fecernerentur habitatione Clerici, qui in Seminario juxta SS. dispositionem Trident: Concil: in ministerium Ecclesiæ Vladislauensis virtutibus & literis erudirentur; Illis ego in Theologia Morali quæ ad directionem & praxim pœnitentiarij fori facit, in Dialectica & Computo instituendis, annos in eodem Contubernio, propè quatuor impendi, Illustrissimi Domini Matthiæ Lubieski humanissima inuitatione vocatus, in cuius prouinciæ administrationem, moribus, pietate, & doctrinâ insignis R. D. Bartholomæus Burchat Artium Magister & Philosophiæ Doctor, Canonicus Crusuiciensis, Successor non oblucente Minerua generosè submisit lacertos, non mediocre solatium Diœcesi Vladislauensi præclaræ institutionis allaturus.

Sunt præter Cathedralem Basilicam, in eadem Ciuitate templa quinque Parochiale muratum, cui turris imminet non alto tamen educta fastigio: regimen illius & animarum curam sustinet Vicarius perpetuus, à Collegio Vicariorum præscripta fructum sorte prouisus, idemq; Vicaria

vicaria operâ triû sacerdotum, inibi cum Scholasticis adolescentibus præter Missarû quotidianas, tam Votiuarum, quàm Conuentualium celebrationes, officium de Passione Domini singulis diebus decantantiû, adiuuatur; Ecclesiæ sancti Vitalis Martyris è regione ludi literarij, latere coëto per Matthiam Golanczeuium, Episcopum Vladislauensem erectæ, præest Præpositus, qui simul curam in Spiritualibus habet pauperum in Nosocomio, non longè ab hac Ecclesia degentium; quorum prouisio in temporalibus Vladislauensi Capitulo incumbit, duobus è Ciuitate Oeconomis, quorum illud operâ subsidiariâ vtitur, adlectis. Ad ædem Sanctorum Omnium, Cœnobium strictioris Obseruantie Fratrum Minorum, sumptu Generosi D. Alberti Romatowski ædificatur, de quo superius facta est mentio. Aedes D. Adalberto dicata, ab eodem ex lignis dolatis exstructa, & sufficienti dotata fundo, & Presbyterû bis in septimana, iuxta voluntatē Patroni & Loci Ordinarij præscriptum, celebrantem. Ad S. Stanislai templum prædicti F. Minores hætenus morantur. Collegiata Ecclesia in hac Diœcesi vnica est Crusuiciensis, quæ à prima sui fundatione, Cathedralis nomen & auctoritatem, annos propè ducentos retinuit, summa Antistitum & sacri Senatus gloriâ, quorum vtroq; eam loci desolatio exauthorauit. Manet per annos sexcentos amplius, illustre Mecislai primi in Polonia Ecclesiarum conditoris Religionis & pietatis monumentum basilica, quæ nonnullis ex lignea structura vt Plocensi, & Smogorzeuensi,



ensi, feruente Principum pietate: alijs ex angusta & humili in altiore & elegantiore formâ traductis & conuersis: sola gratissima Mecislauianæ munificentia, atq; religiosæ antiquitatis testis supereminet inconcussa, inter tot Cuiusuentis oræ clades, & tot tantaque bellorum, iuxta ac flammatarum incendia, stupenda Diuinæ providentiæ ordinatione illæsa. Ab ipso foundationis exordio, Principibus Apostolorum, BB. Petro & Paulo dedicata est. Cui, ne quid debiri decoris ob religiosam antiquitatis obseruantiam decedat, summâ diligentia & sollicitudine Prælati & Canonici cauent, qui tam ad facta testatæ conseruanda, quam ad congruam ministrorum Ecclesiæ sustentationem, & competentes Diuinorum Officiorum progressus, de æratio mensæ Collegij condignam portionem seponunt, prout necessitas poposcerit, quod tanto feruore præstare solent, vt omnes eam in rem redditus consecratum ire non hallucinentur, si cetera non suppetant subsidia. Sunt in ea Prælati septem: Præpositus, Decanus, Archidiaconus, Scholasticus, Cantor, Custos, Cancellarius; Canonici numero quindecim. Multi ex ijs qui magis opimâ dote gaudent, vix primo aditu videntur Ecclesiam, consultius prospecturi conscientijs, si retribus & bonis cederent alijs, de quibus aliquod ornamentum, ministerium, consilium, & defensionem Ecclesia illa posset sibi polliceri; piâq; fundatorum intentione, & iuris naturalis pro accepto beneficio & stipendio obligatione non frustrari. Et quoniam in omni acceptione beneficij,

beneficij, inter Ecclesiam ac beneficiatum intercedit contractus aliquid præstandi, cum nemo suas opes perditas velit frustra, seriò ipsi apud se expendant, ne in seuerissimo, tremendus & inexorabilis iudex, scrutinio, quid fecerint in Ecclesiæ commodum, cuius ope ad ampliora & pinguiora ambiendum sacerdotia inhiabant, ab illis exigat, & ad nouissimum quadrantem inquirat, quos in vsus fructus beneficij contulerint, in quo examine frustra dispensationes quæ ius commune vulnerant, cauteriâ in conscientijs relictâ, opposuerint; mensuram enim valoris gratiæ per sedem Apostolicam concessæ, & fauoris, non nuda cuiusuis causæ narratio, aut rationis prætextus, quemodolibet ad illius Ecclesiæ vtilitatem, necessitatem, pietatem, charitatem, & personæ insignia merita relatus, sed propriæ conscientiæ dictamen debet trutinare: siquidem in omni tali Priuilegio, si preces veritate nitantur, (non præsumptione aut prætensione) clausula hæc solet vel apponi explicitè, vel implicitè subaudiri; ita vt iudicium alienum, quod in tantum valet, in quantum in ueritate conscientiæ subsistit, ad quam se refert talis gratia, contra lucem, & ductum propriæ syndere seos velle sequi, non aliud sit quam conquisitis pedicis, conscientiam illaqueare, eiusq; morsum fallaci adulatione ad tempus velle consopire, æterno damno olim in morte immortalireuicturum.



## CAPUT IV.

*In quo numerus Ecclesiarum, tam Parochialium  
quàm Regularium recensetur.*

**V**niuersam Diocesim tres amplissimi partiuntur Archidiaconatus: Vladislauensis, Crusuiensis, & Pomeraniae, quorum primus Decanatibus constat: Brestensi, Koualiensi, Radzieiuiensi, Lubotineni, Nieszueiensi, Sluzeiensi, Bobrownicensi.

*Crusuiensis Decanatus* complectitur quatuor, Crusuiensem, Gniewkouiensem, Iuniuladislauensem, Bidgostensem.

*Pomerania Archidiaconatui Decanatus* subiecti sunt, Gedanensis, Pucensis, Koscierzynensis, Starogardienis, Suęensis, Dersauensis, Nouensis, Meuenis, Leoburgensis, Bitouiensis, Minoris Insulae.

Quibus quæ Parochiales Ecclesiae contineantur, visum est recensere ex Ordine.

*Archidiaconatu Vladislauensi continentur subscripti  
Decanatus, & in ijs hæ sunt Ecclesiae Parochiales.*

*Decanatus Brestensis.*

Brzeście, Zgłowińska, Lubomin, Kościelna wieś, Ecclesia S. Ioannis Vladisl. Krusyno, Dabie, Boniewo profanata, Roski, Lubraniec, Kłobias Regalis, Ofieczyny, Wieniec.

*Decanatus Kowaliensis.*

Kowale, Chocen, Kłotno, Lubien, Przedecz, Wiskka, Grabkowo, Białotarzek, Pierowa wola, Błędna, Smietowice, Kłubia Nobilium, Lamęta, Chodetz.

*Decanatus Radzieiuiensis.*

Radzieion, Krzywosadza, Witow, Kaczowo, Rzeczyc, Bromiewo, Bycz-

*in communi, Caput IV.*

nd, Bytów, Chelmce, Polacowo, Bronisław, Błonie, Piotrkowo, Piaski, Ostrow circa Gopło. *Decanatus Lubotinenis.*

Lubotyn, Orle, Izbić, Sądno, Chaliń, Brdon, Makosyn, Swierczyno, Modzyrowo. *Decanatus Nieszueiensis.*

Nieszewa, Raciąż, Przypust, Zbrachlin, Ostrowice, Stawsko, Lubanie. *Decanatus Sluzeiensis.*

Sluzewo, Strazewo, Bardkowi, Ostrowa, Grąbie, Zakrzewo, Lowiczek, Chlewiska, Swiniarzawa, Koneczko.

*Decanatus Bobrownicensis.*

Bobrowniki, Spital, Ciechocin, Dobrzeiowice, Chelmica, Zaduszniki, Nowogrod, Złotoria.

*Archidiaconatus Crusuiensis hos Decanatus habet,  
& in ijs hæ sunt Ecclesiae.*

*In Decanatu Crusuiensi.*

Kruszwica, Koscieski, Skulsko, Rzedkwin, Stodoty, Stawsko, Warzymowo, Ostrow, Ludzicko, Połanowice, Bronisewo, Gembice, Strzelno.

*In Decanatu Gniewkouiensi.*

Gniewkowo, Szawłowie, Piranie profanata Brodnia, Podgorze, Płonkowo, Parkanie, Kobielice, Murzyno, Ostrowo, Gura, Sędzino, Branno profanata.

*In Decanatu Iuniuladislauensi.*

Inowłodzka, Łakšyce, Dzwierzno, Pęchowo, Kośćelec, Liszkowo, Dabrowka, Lisowo, Ostrow S. Annae, Tuczno, Labryn, Orłowo, Barcino.

*In Decanatu Bidgostienſi.*

Bidgost, Wielno, Wodzinck, Osietko, Strzelowo, Byłowa, Dobre, Zolendowa, Dabrowka, Coronowa, Włoki, Fordan, Solec.

*Archidiaconatus Pomeraniae hos Decanatus habet,  
in eis hæ sunt Ecclesiae:*

*In Decanatu Gedanensi.*

S. Adalberti. Przekowo, Pragowo, Krusćino, Rozemberg, Czepelsko, Kłodawa, Szynwald, Zukowo, Kielno, Pruszez, Zulawka, Kaczkowo, Oliwa, Materna, Legniewo.



## De Basilica Vladislauensi

In Decanatu Pucensi.

Purk, Lin, wo Capeta Lep, z. Rbea, Krok, wo, Swarzewo, Stary-  
no, Stoz, mo, Rame, nae Ruma, Gara, Mechowo, Zarnowiec, Oksewa,  
& Kgdowo, Bulkowo, Chylona Harencz.

In Decanatu Mirachouensi siue Koscierzynensi.

Kartuz, Stężyca, Parkowo, Łuzyna, Chmielno, Czersko, Kielcino,  
Koscierzyn, Mirachowo, Łog, Sierakowice, Iadámowo, Gorkęczyń,  
Lipus, Swianowo, Solicino uouicee extructa, Strepcz.

In Decanatu Starogardienſi,

Starogard, Lubkowo, Pruszy, Wiele, Replin, Garczyno Bobowo, Zblewo,  
Skarbowy, Kleśczeno, Iabowo, Grabowo, Lesno, Kakaſkowy, Szegodo-  
wo, Dabrowka.

In Decanatu Succensi.

Swiecie, Iezewo, Topolno, Drzyczyn, Zbistaw, Niemiescino, Groczno,  
Lubiewo, Michale, Ofiek, Sieraczko, Swięte, Swiękotowo, Poledno, Sli-  
mice, Przysiek.

In Decanatu Derſchouienſi siue Tczeuensi.

Derſchouia, Sobkow, Nerosino, Wyſino, Pinczyno, Dalwin, Polulkowo,  
Zblewo, Zbaſzyno, Kiſewo, Deblin, Gorzedziey, Mitobadz, Gemblice, Gro-  
dziſzewo, Trębki wielkie.

In Decanatu Nouensi.

Nowe, Łatkowy, Pieniazkowo, Komarsko, Płochotin, Iania, Opalenie,  
Piaseczno, Dzwierzno, Kłonowka, Krolowylai, Ofiek, Lubien, Czarnylai,  
Pienczewo, Skorcz, Bzowo.

In Decanatu Meuensi.

Mewa, Bártoczno Garcz, Tymáro, Walkrowo, Lignowo, Rykowo, Dze-  
rzazno, Nowatorkiew.

In Decanatu Leoburgensi.

Lemburg, Janowiec, Belgard, Luban, Neodorſum, Sarbsk, Obarbiano,  
Laben, alias Lubien, Dzięcielec, Garczegorz, Lebá, Zawotonic, Buko-  
wino, Brzezno, Gniemino, Osieki, Swartowo, Rozłazyno.

In Decanatu Minoris Inſulæ.

Stablewo, Trutnowy, Kiermark, Leczkow, Rychemborg, Rozzwal, Ielk-  
mia, Iemick, Wselkie cedry, Ofice, Gocław, Ostrowik seu Suchydob.

In Decanatu Bytouiensi.

Bytonium, Damerkaw, Kadkaw, Pomeſko wielkie, Studnica, Ad S.  
Grego-

## in continui. Caput IV.

47

Gregorium Præpositura. Borntuchum, alias Borzetuchowie, Gro-  
buchum alias Wselgotuchowie, Damasdorff, siue Diczabiszewo, Iasson,  
Berensdorff alias Fgoſcz.

Circumstant Dieceſim Vladislauien. ad propugnacu-  
lum contra Spiritualia nequitia & varietatis decorem,  
diuerſi Religioſæ Militia Ordines, in Cinitatibus & op-  
pidis fundati, & constituti, Carthusiani instituti; qui vnū  
habent à Gedano quatuor millibus passuum diſſitū Mo-  
nasterium, in pago, qui nunc paradysus B. M. V. dicitur,  
in quo aluntur ad minus viginti religioſi; locus est tam  
ædificijs ad contemplandum dextrā commoditate ordi-  
natus, quā foundatione pagorum, ut possit sustentare per-  
ſonas ad 50. locuples. Præmonstratenſis familiae Fæmi-  
narum sunt clauſtra duo: Strzelneſe, & Zukouiense, Præ-  
positis eiusem Ordinis parentia, & aliquot ſacerdotes  
eiusem habitus, in ministerium ſpirituale ſouentia, Ord.  
S. Benedicti vnū n Zarnouecenſe reform. Culmenſis re-  
gimini loci ordinarij ſubiectum: alterum Zbyſławecenſe  
eiusem diſciplinæ & iuriſdictionis, Cisterciensis diſcipli-  
næ virorum Coenobia: Oliuense, Pelpinenſe, Coronoi-  
uense, sunt ædificijs ſumptuoſa; perſonis frequentia, bo-  
nis ſufficientibus dotata; Abbatibus obtemperant, qui  
in uſum Tribunalitij iudicis ex Capitulo Vladislau. depu-  
tari, & alumnorum Seminarij, ſicut L. Præpoſitus Strzel-  
neſis quotannis certan p. c. mod. ſaculorum penſionē  
tribunt. Ad Bidouiensem Eccleſiam, quatuor ſacerdotes  
Priori ſubiecti, Ordinis S. Pauli Prim. Eremitæ reſident.



raque animarum inuigilant. Canonici Regulares in Oppido Lubraniec, à Ioanne Lubranski Episcopo Posnaniensi fundatum, pro 12. personis, habent Canobium muro exstructum, in quo ad præsens, sub obedientia Præpositi Reuerendi D. Adami Wylezinski, ex Tremesnensi Monasterio per postulationem Conuentus Lubranecensis euocati, sacerdotes sex degunt, qui animarum saluti intendunt, unitas aliquot Parochias tenentes. Ordines Mendicantes reperiuntur quatuor: Prædicatorum Ordo habet Conuentus Brestiae, Derfauiae, & Gedan, & Franciscanorum in tres est classes distributus: Conuentualium, qui Radzieiouiæ, Inouladislauiae & Nieszewiae; Observantium siue Bernardinorum, qui in Noua ciuitate & Bidgostiae; strictioris Observantiae Reformatorum, qui Vladislauiae, & Labissini habent sua Monasteria: Ordo FF. B. M. V. de monte Carmelo Coenobio Bidgostienfi & Gedanensi continetur, & aliquot his ad Sacellum B. M. V. in Markowice fouentur. Patres Societatis IESV propè Gedanum in vico Episcopali Schotlandt habent Collegium ab Hieronymo Rozrazewski Episcopo Vladislau. fundatum, non infrequens. Præclaram illi afflictæ Catholicorum pietati nauant operam, tam in propria Ecclesia sacris operando, concionando, noxas poenitentium expiando, quàm in templo Birgittano, conditionem qua vocati sunt in partem sollicitudinis animarum in sua Schotlandensi locatione sedulo & nauiter implentes, ea enim lege in bonis Episcopalibus de consensu V. C. Vladisl. &

con-

Confirmatione S. sedis Apostolicæ inibi degunt, ut ad dictam Ecclesiam pro administratione sacramentorum accurrant. Ex iisdem aliquot habitant in ædibus Parochianis ad Ecclesiam B. M. V. spectantibus de consensu lociordinariorum & Parochorum, ubi æquè ac in prædictis Ecclesijs exercitio pietatis & saluti animarum intendunt, quorum zelum fauore & honore debito Perillustis & Admodum R. D. Matthæus Iudicki S. T. & V. I. D. Archidiaconus Pomer. Parochus & Officialis Gedanensis ad præsens laudabiliter prosequitur. Alterum habent Collegium Bidgostiae, liberalitate Illustrissimi D. Gasparis Dziastinski Episcopi Culmentis dotatum. Est præterea Gedan, Claustrum Sanctimonialium sanctæ Birgittæ, sub Regula sancti Saluatoris degentium, Lociordinario in regimine & gubernatione subditum, numerum Religiosarum quadraginta excedens ex Prutenicis & Pomeranicis Virginibus maximè collectum; in Bidgostienfi Conuentu sanctæ Claræ. Urbani I V. Regulam professæ ad quadraginta Virgines Sanctimoniales in paupertate, & stricta Religiosæ obseruantiae disciplina degunt.

## CAPUT V.

In quo prerogatiua Pontificis Vladislauien. in Regno Polonia proponuntur.

Inter primarios Regni Poloniae Episcopatus, Vladislauensis censetur, tam in Ecclesiastico ordine, quàm munere Senatorio, ut pote qui ad Cracouiensem utraq; dignitate

H

gnitate



gnitate proximè accedit: secundo loco inter Episcopos sententiam dicit, quando in Comitibus publica de salute Reipublicæ consultatio, à Proceribus & Ordinibus Regni solet iniri, immò ea ex parte superior non iniuriâ æstimari potest, quod vnanimi consensu & concordi voluntate Ordines Regni decreto in Conuentu Andreeuensi lato, & in legum volumen inserto, munus inaugurandi & coronandi Reges, si quando Archiepiscopus Gnesnensis, Regni Primas primusq; Princeps abesset, cui negotium hoc ex instituto incumbit, illi præ alijs detulerunt. Ad tanti honoris sublimitatem, ex decoro & auctoritate conseruandam, Ciuitates, Oppida, Castella, & pagos per Regnum & plures aliorum Episcoporum Dioeceses, diffusas habet, vt à mari Baltico per Pomeraniam, Cuiauiam, Masouiam, Prusiam, Dobrynensem, Siradiensem, Lanciensem, Sendomiriensemq; terras, & duodecim earum Palatinatus, ac districtus plures, nec non per Dioeceses Gnesnensem, Cracouiensem, Vladislauensem, Posnaniensem, Plocensem, & Culmiensem, bona illius sint extensa; qua ex re, quamuis interdum paulò difficilior Oeconomix ratio videri possit, ob disitam tractuum prolixitatem, ita vt multa Domini in administratione bonorum oculos effugere sit necesse, tamen vtilitatem hanc & commodum percipit, quod siue in aliquem Districtum annuæ caritas ingruerit, siue diuturna siccitas, pluuiarumne frequeris exundantia alijs terris spem messis optimæ præripuerit, siue aliques Palatinatus contagiosa lues inuaserit,

uaserit, siue cuius Prouinciæ fines militum inuentibus, hostium patuerint, quod frequentissimè Cuiaviensi terre, bello Cruciferico per annos propè ducentos ardenti solebat euenire, tutò in alia regione & cum dignitate possit consistere, cum alijs quò procul à malo salua dignitate, sua diuertant, non ita facile reperiant. Quin & illud ad illustrandum Tanti Præsulis nomen non parum facere videtur, quòd vt libero Pontificalis muneris exercitio, in alienis Dioecesibus, non inuitis, immò consensum alacrem scripto præbentibus Locorum Ordinarijs gaudeat, (magnum interea sui Pontificatus per diuersas regiones, fulgore in oculos populi vibrante iubar) ad constanti fide amicitiam quinq; Pontificum retinendam ansam opportunior habeat; quorum laboris in vinea Domini particeps mutuam beneuolentiam necessario iure meretur; quod quàm ipsi decorum, tam toti Ecclesiæ in Polonia per latissimas Dioeceses distributæ vtile, cum facilis patet vndecunq; habita Ordinarij admissione, maxime laborantibus egestate, tam pro suscipiendis Ordinibus, quàm consecrandis Ecclesijs, & Presbyteris, immò & salutaris signaculo consignari, per Confirmationis Sacramentum, expetenti plebeculæ, ad Episcopum Cuiaviensem aditus, quo sit vt per latè patentia sui Episcopatus bona, amplissimus optimè de Ecclesia merèdi campus eidem aperiatur. Partem sollicitudinis Episcopalis eam quæ in consecratione & vñctione consistit, tam rerum quàm personarum in tam lata Dioeceli, obit Episcopus titularis Margariten-



sis, Suffraganeus Vladislauensis (videtur aliquando Tar-  
uifiensis Episcopus eam sollicitudinem gessisse, in Actis  
Ioannis Gruszcinski Episcopi Vladislauensis Anno Do-  
mini, 1407. quod circa institutionem Præbendarij Cru-  
suiciensis fundi Gikowo, 27. die Mensis Ianuarij legitur )  
cui exili à prima fundatione prouiso censu, extinctione  
Canonicatus Crusuiciensis fundi Gizice, dos per Reue-  
rendissimum Hieronymum Comitem à Rozrazew Epi-  
scopum Vladislauensem, est aucta, consentiente, & unio-  
nem huius beneficij cum Suffraganeatu approbante Cle-  
mente Aldobrandino, eâ superadditâ conditione, vt so-  
lennioribus festis, in Crusuiciensi Ecclesia, Diuinis offi-  
cijs interesse, Missamq; Pontificalem celebrare esset ad-  
strictus. Functus est munere hoc, summâ dignitate. Chri-  
stophorus Charbicki, ante hunc annum quo hæc scribe-  
re adior rebus humanis exemptus, maximo Vladislau-  
Ecclesie & bonorum omnium desiderio.

Successorem muneris excepit, virum non minus pietatē,  
quàm doctrinā insignem; Perillustrem & Reuerendis-  
simum Dominum Vencellaum Paprocki, nobilissima Sa-  
niorum stirpe oriundum; vtrumq; Illustrissimus & Reue-  
rendissimus Dominus Matthias Lubinski promouit; in-  
cuius celebritatem; non minima eo nomine præconiorū  
pars dimanat, quod Ecclesie suæ de talibus prospiciat co-  
operatoribus, qui splendidam Cathedræ Vladislauianæ  
lucem, gloriā meritorum, morum castimoniā & vitæ inte-  
gritate extendant. Hic quoq; obijt.

Nec

Nec verò hic singulare diuinę prouidentię beneficium  
reticendum est, quo Vladislauianę sedis præcellentia, non  
secus quàm palma inter ponderum depressiones, aut Bi-  
zantina illa, de qua meminit Causinus Lib. 10. Parabol.  
Histor. *Oliua incendijs fecundior triumphat*, quod inter  
frequentes ferro, igniq; populationes, bellorum tumultus,  
inter fumantia tectorum busta, vndantesq; oppido-  
rum & pagorum flammæ, toties hostilibus armis, Prute-  
norum, Pomeranorum, Masouiorum, Lithuanorum, &  
Lazuingorum vastata, constantissimè per tot sæcula suam  
cum dignitate retinet auctoritatem, & tanquam rediuiua  
phœnix è cineribus, Augustissimæ cælorum terræq; Regi-  
næ patrocínio, cuius honori Diocesana Basilica est conse-  
crata, & pientissimorum Antistitum zelo, sicut platanus  
iuxta aquas, aut oliua speciosa in campis, in amœnum do-  
ctrinæ, pietatis, ædificiorum, & pretiosæ suppellectilis ver-  
efflorescit. Maximam verò iniuriā & oppressiōem à  
Cruciferis perpeffa, qui & reditus Episcopi debitos, deci-  
mis, de bonis Pomeranorū vi ereptis, acciderunt, & in Ci-  
uitatem Vladislau. nulli parcentes sexui, aut ætati, trucu-  
lentissima cæde sunt debacchati, ædes Prælatorum & Ca-  
nonicorū solo equarunt, Templum ipsum, sacris Diuorum  
lipsanis, imaginibus, immò & diuinissimo Sacramento ni-  
hil concedentes, sanguine flammisq; polluerunt, & sacra  
profanaq; miscentes, funesto incendio sepeliuerunt,  
monet, vt eorum origo & progressus posteritati consignetur,  
quod faciendum aggredior.

Hic

CAPVT VI.



## CAPUT VI.

In quo Teutonici Ordinis Hospitalis Hierosolymitani  
Sanctæ MARIÆ, militum Crucigerorum arigo  
expenditur.

*multum hic  
aberrat.*

**A**Nno à Natiuitate Domini, 1188. Balduinus Ierosolymorum Rex, Urbem Ptolemaida, Ancona eadem dicebatur, ex qua frequenti Saracenorum irruptione magna Christianis erumpebat clades, armis aggressurus, auxiliares suppetias Christianorum Principum, in belli societatem euocauit; cuius exercitui sexaginta triremes, quinquaginta millibus armatorum onustæ, ex Lombardia venientes vires coniunxerunt, inter quos magna pars Saxonum, Bremenium, Lubecensium, Colonienfium, aliarumq; Teutonicarum ciuitatum, incolarum, militauerat. Fuerunt inter hos pij ac Deum-timentes complures Viri, qui, dum annum & diem, hostili Vrbi Christianus exercitus, continua obsidione, non sine graui suorum iactura, & clade frequenti immineret, hostibus impetum pertinaci conatu sustinentibus, vulneribus, inedia, egestate, & squalore confectorum, & afflictorum, qui miserè sub dio contabescebant, animasq; inter tot calamitates exhalabant, superstitibus futuri, si pietas commilitonum adesset, curam susceperunt, maximum autem zelosa charitatis eluxit argumentum, in octo viris de nauì Crakiea, cuius Præfectus vela contulit, quæ ad protegen-

dos

dos ab iniurijs cæli vulneratos, & egros milites essent vsui. Hi sub tentorium vtcunq; illi necessitati accommodatū, omnes qui de vita periclitarentur, ab ægritudine & fame, coactos, cibo, potuq; enectos inedia, refocillabant. Posteaquam autem Christiani Ancona potiri sunt, Anno 1190. templum pro cura infirmis impendenda deputatum est, quod antea fideiū opera erat exstructum, regiminiq; octo virorum commendatum; qui sacræ ædi vicinum hortum, varietate fructuum & herbarum, medicinæ congruentium nobilem emerunt, primaq; inibi domus hospitalis militum, sub patrocinio B. M. V. iecerunt fundamenta. Cùm verò cepisset zelus ille charitatis, famâ sanctitatis clarescere, primo Anconitani hospitalis Magistro Henrico de Vapolt, feruorem inter eos, qui se ad seruicium valetudinarijs addixerant, exemplo suo promouente, factum est; vt Balduinus Hierosolymorum Rex, missis ad Henricum nuntijs, penes quem cura suprema fuit hospitalis Anconensis, sua opera & sumptu exædificati, Ecclesiam Hierosolymis, cum domo hospitali insigni opere fabricatam, illius regimini subijceret, virosq; illius pij instituti, ad prouidendum ibidem infirmis obtineret. Augebatur in dies numerus eorum, qui bonis in vsum pauperum dicatis, se quoq; ipsos seruitio illorum deuouerēt, supremus autem Magister in singulis domibus præficebat, maximè probatos in officio charitatis viros, qui summa solitudine prospicerent, ne quid vnicuiq; pauperum ex victu, aut commodo, in subsidium & vitæ opitalatio-

nem



nem deesset, ipse autem sicubi opportunitas obtrigit, cum  
ijs qui ineolumes erant bella Domini præliabatur, contra  
Saracenos castra Christianorum protegens, in quo mira  
sibi felicitas ope Numinis, suffragabatur. Triginta quinque  
à fundatæ Congregationis primordiis exstiterunt viri no-  
bilitate & fortitudine insignes, quas in eis dotes, feruor  
ille pietatis, illustriores in tantum reddebat, ut multi è  
barbaris suavi conuersatione illorum delinici, libenter  
colla Christi disciplinæ submitterent, desertoq; impio fal-  
sorum Deorum cultu, ad castra religionis Orthodoxæ  
commearent. Multi Principum qui terram conuersatio-  
ne Dei cum hominibus celebrem, beneficijs in vtriusq;  
testamenti obseruantia secundam, pretiosissimoq; san-  
guine assertoris vitæ mortalium Christi IESV purpura-  
tam, piâ deuotione lustrabant, sumptuosis largitionibus,  
opes religiosæ militiæ, ampliabant: non pauci vitam cum  
morte commutaturi, Christum heredem patrimoniorum  
conscribentes extremæ voluntatis tabulis, Hierosolymi-  
tano hospitali bona sua consignabant, in eam rem sollicitâ  
cogitatione intenti, ut necessitatibus pauperum quàm  
liberalissimè consulereetur. Neq; segnior virorum miseri-  
cordiæ pietas, in suo munere effulsit: qua longè lateq;  
spargente radios, non difficili negotio à Principibus Chri-  
stianis præsertim Henrico VI. Imperatore, commendati-  
tias literas ad Cælestinum Papam III. obtinuit Magi-  
ster, quibus sedi Apostolicæ humiliter exhibitis, instituti  
religiosi confirmationem & approbationem, per Hiero-  
soly.

solymitanum Patriarcham, hac in causa Romam profe-  
ctum, Anno Domini 1191. consecutus est. Approbato  
Ordini regulam D. Augustini seruandam Cælestinus in-  
iunxit, appellationem Ordinis Teutonicorum domus  
Hospitalis Hierosolymitani B. M. V. habere temporibus  
perpetuis iussit, habitumq; eidem albam chlamydem ante  
& retro nigra cruce signatam attribuit. Eos Conradus  
Masouiæ & Cuiouiæ Dux Anno Domini 1230. cum crebris  
irruptionibus Prutenorum barbara tunc feritate in Polo-  
nos sæuientium, ut pote ijs vicina & contermina, suorum  
dominorum bona flammis & ferro infestarentur; ac ho-  
minum captiuitate pecudumq; abigeatibus, vastarentur;  
neq; ipse par esset barbarorum potentia reprimendæ: cō-  
siliū Christi Culmenis Episcopi Ordinis Cisterciën-  
sis religiosi secutus, in defensionem terrarum suarum,  
tanquam eos, qui iam contragentes professi essent mi-  
litiā, accersiu ex Germania. Etenim Saraccenorum  
vi paulo ante Hierosolymis exacti, in suæ nationis solum  
concesserant; septem primū istius Ordinis professos  
iucunda hilaritate Dux excepit, ac in Castro Dobrzyn,  
vnde Fratres Dobrzynenses ab initio sui aduentus in Po-  
loniam sunt appellati, collocauit. Subinde verò pluri-  
bus accitis Castrum & oppidum Nieszewa, cum villis  
Murzynowo, & Orlow, alijsq; ad eas reditibus spectan-  
tibus, largitus est. Cum autem eorum ope strenua, felici  
marte aliquoties Prutenorum copias ad internecionem  
fudisset, persuasione Henrici Barbatj Vratislauia & Si-  
lesia



lesiae Ducis, & Agasiae Ducissae coniugis suae, filiorumq; Boleslai Casimiri & Semouiti frequenti interpellatione, nec non Pontificum & Baronum Terrarum suarum, potissimum verò Gunteri Episcopi Plocensis, Michaelis Episcopi Vladislauientis, Christini Episcopi Culmentis, Pacoslai Comitis Dirsauiensis consilijs, eò se adduci passus est, ut eis terras Calmentem & Lubauiae inter fluuios Olsam, Druanciam, & Mokram sitas, adscriberet & donaret, uti quidem facto ipso donauit: qua largitione non potuit quidquam iuri totius Regni Poloniae, citra Monarchae & Ordinum consensum, derogare. Salutaris pro illa tempestate visa est ea donatio, cum recens pulsos sedibus fratres, facile moderatio in officio contineret; at ubi vires & opes, & cum his ingens dominandi libido, & omnes terras Polonorum occupandi ardor creuisset inter Crucigeros, nullus vnquam Ducum Regni Poloniae grauiorem calamitatem, magisq; exitiosam perniciem, videtur inuexisse, quam Conradus ea liberalitate. Quanquam nec in eum fons tot malorum redundare posse videtur, sed quantus quantus est auaritiae, & ambitioni Teutonicorum militum tribuendus est. Ea namq; lege pacta fuit haec donatio, inter Conradum Masouiae & Cuiaviae Duces, & Hermanum Balke de Salce Ordinis primicerium siue summum Magistrum, ut posteaquam sedem in Prussia fratres Teutonici fixissent, terris sibi donatis per Conradum cederent, & conquisitas inter Prutenos possessiones, aequa sorte inter se & Polonos distribuerent, Gregorio Nono

*Quid iuris Boleslai pueri ad Ducem Conradum patrum suorum praelia eorumq; inuadunt. Polonis dominatu destituta. ut. p. 168 & 170.*

*Confundit di. v. fos.*

rio Nono Pontifice Maximo conditionem approbante. Posteaquam verò feliciter aliquoties, contra barbaros, opem illis ferente Conrado Masouiae & Cuiaviae Duce depugnârunt, hostilemq; exercitum profligârunt, & iam ex Prussia superstitiosum faliorum Deorum cultum extirpârunt, amplificatis opibus, simul & ambitio atq; dominandi libido, in tantum inter eos efferbuit, ut non solum conditionum, sub quibus in Terrarum Dobrinensem & Culmensem fuerant recepti, felicitate gloriae splendescente, excæcati obliuiscerentur, atq; quantum fuissent obligati Conrado Mazouiae Duci successoribusq; & eius posteritati Principibus Poloniae suis benefactoribus, quorum inuitatione & opibus, ad tam illustre fortitudinis decus breui perueniant, elatis animis turgidi nollent recognoscere, tantum abfuit, ut de restituenda Culmensi terra cogitarent aliquando, ut etiam bona Principum Poloniae armis hostilibus infestauerint, facilem ut opinabatur nacti opportunitatem, pluralitate Principum distractam Poloniae Monarchiam, suis armis in potestatem & leges, quas ipsi sancirent victores peruenturam. Maxima porro flamma ambitionis Cruciferorum erupit, sub regimine decimi quarti Magistri Wernerii de Vrschel, sub Ludouico quarto Imperatore, Ordini praesidentis, temporibus Ioannis 22. Papae, circa annum Domini 1322. primumq; praelium cum his, postquam per vim dominia Polonorum inuaderent, gestum est à Rege Vladislao Cubitali, Anno 1331. quorum ad Plowce numerosum exercitum felici Marte fudit,

*Falsum hoc ex Dlegoffo. repub. Schut. Chron. Ant. f. 66.*



fudit. Durauit bellum Crucifericum ad tempora Casimiri Iagellonidæ, quod Anno Domini 1467. tandem optata concordia partes in eam, felici opera, solitante Rudolpho Episcopo Laentino Legato Apostolico, quieuit. Cum his sub regimine Magistri Vlrici de Iungingen, Vladislaus Iagello coniunctis cum fratre Vitoldo Lithuaniae Duce copijs, confluxit; fortunato successu, victoriamq; gloriosam obtinuit, cuius anniuersaria dies in festo Diuisionis Apostolorum ad hæc tempora, in Regno Poloniae, Deo Ter-Optimo Maximo gratiarum actione cum solenni supplicatione Ecclesiarum celebris est. Ter numero & magnitudine Crucifericus exercitus, acies Polonorum superauit, quorum paucitatem cõtemnens, & frequentiam legionum sui exercitus in superbiâ elatus Magister, pio Vladislao Regi ostentans ante initum conflictum, duos enses miserat, vnum Regi, alterum Magno Duci Lithuaniae, vt haberent quo contra se vterentur, sacris tunc deuotè antequam iniret prælium, intererat Rex, cum oblatos sibi ac hoste enses tanquam certum victoriae omen accepit, & non deesse quidem sibi gladios, quibus pro salute patriæ pugnaret, hos tamen accipere, tanquam in signum futurae subiectionis oblatos, respondit; qui usq; nunc in publico Reipub. ærario conseruantur, memorabilis victoriae testes. Cæsa sunt exercitus Teutonici in eo prælio quinquaginta millia, quadraginta millia capta, signa, & erepta, atq; Cracouiae ad Stanislaus Mausolæum in perenne trophæum appensa. Durauit tamen à tanta strage pertinax Crucigeris vindictæ cupiditas,

*salp.*

*Ex hoc ad  
goffa factum*

eupiditas, donec Vigessimus Octauus Magister Ordinis Teutonici, Ludouicus de Herlichschausen, electus sub Friderico Tertio, sub Casimiro Iagellonide Anno 1458. in potestatem à Polonis primus ex refractarijs & rebellibus Magistris redactus est, cum Mariæburgum ab ipsius militibus Polonis fuisset proditum; annis 13. continuatum, de eimo quarto tandem sopitum est bellum susceptum: ab hoc Magistro cum Polonis, quod maximè ad Choiniam flagrauit, graue quidem & Polonis, hostium tamen elade memorabile. Hic primum iure feudi, eam Prussiae partem quæ nunc Ducalis appellatur, obtinuit, æ post homagium, iuramentumq; fidelitatis Reipub. & Regi præstitum, ad sinistram Regis, locum in Comitijs, publicisq; Conuentibus, munere Ordinum sibi delatum, adeptus est. Postea Trigessimus tertius Magister Fridericus Dux Saxoniae, sextus post feudatarios Regni Poloniae, electus anno 1498. quamuis matris Regiae promotione eam dignitatem fuisset consecutus, nolebat Regi Alberto iuramentum præstare: Tandem trigessimus quartus & vltimus Magister Albertus Marchio Brandenburgensis, sub Iulio Papa, & Maximiliano Imperatore, regnante Sigismundo primo Poloniae Rege electus est. Anno 1512. Fuit is ex sorore Sophia nepos Sigismundi, nolebat Regi auunculo homagium præstare, atq; de ea causa graue & cruentum bellum gerebatur vtrinq; perniciosum, donec anno 1525. octaua Aprilis, abiecto habitu Ordinis religiosi, Luteranà infectus labe Dorotheam Regis Daniae sororem, in



matrimonium accepit, Sigismundo Regi auunculo iuramentum praestitit, Anno 1536. decima nona Iulij, ab eoq; Ducis nomen, & iure feudi partem Prussiae quam Magistri tenuerant, gubernandam obtinuit. Tunc Ordo Cruciger Teutonicae militiae ducentis annis Regibus Poloniae infensus, & eorum Regna grauissimis bellorum incendijs populans, Supremo Numine in ingratos & avaros animaduertente, in Ducem profanum & perfidum desijt; pauci inter numeratos induciarum anni intercesserunt, quietis & fidelibus Regno Magistris aliquot pacem cum Polonis constanti amicitia religiosè retinendam adnitentibus. Ab initio quidem Ordinis vocati, nouem Magistri praecclare in disciplina regulari & officio erga Polonos fratres continuerunt, postea post attritas bello vires à Casimiro, quinque fidem tenuerunt Regibus Poloniae. Ita clarissima sacrae militiae Religio, Principum liberalitate ad magnas peruenit opes, earum praesidio ad ambitionem tetendit, in dominandi libidinem progressa, ad lasciuia & dissolutam morum petulantiam deflexit, atq; grauium scelerum catenata serie, in praecipit non modò deserti ordinis, verum etiam religionis Orthodoxae abnegatae ruit exitium. Viderint saecula, quam tenaci constantia tentura sit posteritas eorum fidem, qui ad praestandum fidelitatis iuramentum induci non potuerunt, nisi fidem Deo datam fefelissent, quiq; Deo perfidos esse per voti religiosi, fideiq; Diuinæ abiectionem nihil pensi duxere, quomodo Regi & Patrie obstrictos se esse iuramento pro magno ducent?

Crude:

Crudelitatem & atrocitatem Ordinis Cruciferorum Teutonum B. Mariae Virgini addicti, qua in Regnum Poloniae, maximè autem finitimam Cuiuiensem terram, eius Ecclesias, Ciuitates, pagos grassati sunt per annos fere ducentos, reliquis induciarum, & primae vocationis paci assignatis, quomodo aedes Sacras, Diuorum reliquias, imagines, quin & Sacratissimam Eucharistiam, profanis cineribus inter saeuissima incendia, miscuerunt: qui plenius cognoscere cupiet, consulat tertium Tomum Annaeum Dlugossi qui ad tantam immanitatem deuenire potuisse religiosos, B. M. Virgini consecratos, obstupescit, ut Vladislauensi Ciuitati Marianae, quam cum bonis pij Principes intuitu cultus & seruitutis Calorum Reginae Episcopo addixerunt, quin & Basilicae patrocinio eiusdem dedicatae sacrae suppellectili & diuinissimo Sacramento non pepercerint, ruptisq; habenis feritatem grassantem, religiosa pietate & sacrorum reuerentia non continuerint; & fusè alia plus quam barbarae crudelitatis exempla, persequitur & recenset. Nobis ad agendas Deo grates, quod inter tot calamitates, bellorumq; atrocium tumultus, & incendiorum fauillas, dignitatem, iura, Priuilegia & ornatum Sacrae suppellectilis Vladislauensis Ecclesia, diuina prouidentia ita ordinante, retinuerit, haec commemorasse sufficiat. Atq; hac de amplitudine Dioeceseos Vladislauensis & dignitate Episcopatus praelocutus, ad labores in hac Dioeceli Praesulum serae posteritati commendandos accedo, quorum Catalogum recenseri ita maximè conue-

Jerem. 7. 18.  
44. 17. 18.  
Melcheth  
Singham  
idolum.



conueniens est, ut primorum Episcoporum non Vladislauensis, sed Crusuiciensis Ecclesiæ pro retinenda Basilicæ huius dignitate tituli præfigantur. Iam cæteris omnibus lampada præferat in cursu pastoralis sollicitudinis.

## LUCIDVS EPISCOPVS CRVSVICIENSIS. I.



**A**NNO reuelatæ mundo lucis in vtero Virgineo, operâ diuinissimi Spiritus, carne mortali obumbratæ, Nongentesimo, sexagesimo sexto, cùm eius radij, fidelium prædicatione, liberè cultu Orthodoxo verum Numen adorantium, Polonis in regione vmbre mortis habitantibus, in augustum iubar effulissent: inter sanctios

cios, ab Vrbe Orbis magistra, Legatione nuntiorum Metisslai, de consensu Ioannis XIII. quitum Leoni VIII. successerat, Pontificis Maximi euocatos, ad regendas Ecclesias, populumq; Principis exemplo à barbara superstitione descendentem, in fide diuina instruendum, alijs Basilicis à Christiano Monarcha fundatis præfectos, auctoritate Apostolica, ab Ægidio Cardinali Episcopo Tusculano, ad constituendam Hierarchiam Religionis Christianæ in Poloniam legato, primus sibi commissum regimen Ecclesiæ Crusuiciensis suscepit Lucidus, vir nationis Italianæ, Nobilis de domo & armis gentis, quæ pro insigni deferret nigrum caput equi supra lunam albam, in campo nigro, quod vsque ad nostra tempora lunæ albæ, vel corrupta voce, dialecto Polonica, Albalant denominationem retinet. Fuit vir ea morum integritate conspicuus, & probitate vitæ insignis, qua ardentis desiderij vota, magnifica liberalitate ad promouenda, feliciter iacta Orthodoxæ religionis incrementa, profusi Principis, facile posset implere, & mira nouello Christianorum germine, virtutum edens specimina, in se subiecti gregis conuersis oculis, ad submissiore veneratione Apostolici muneris & honoris prosequendam dignitatem, incederet in dies studium vehementius. Atq; eo maiore cultus diuini propagandi studiosissimus Antistes, & zelo salutis animarum feruentissimus pastor, muneris sui partes, sollicitudine obire instituit; quò alacriores, tanquam cælitus lapsum salutis suæ Ducem venerabunda plebs, Præsulis æmula vigilantia, videbatur

*non fidem  
& regenerationem*



videbatur excire conatus. Bono sanè præfagio, præclarum nominis elogium implevit, dum Septentrionalibus plagis densa errorum caligine circumfusis, teterrimos Daemonum eliminās cultus & radicitus euellens, altè rudis plebeculæ infixam animo barbariem, non vulgari sanctitatis opinione serenauit. Itaq; vt cæcis in tenebris palpitanti turbæ, & ad primos religionis Christianæ adspetus gestienti, claritatem ingereret vberiore, amplitudinem Diocesanos animo ac oculis diligenter perlustrans, primas potissimùm in eam cogitationem direxit curas, vt coöperatores & administratos gregis eos in partem sollicitudinis qui non priuatis commodis animarum negotium, sed vocationis officio metirentur, adsciret: quod feliciter Supremi Numinis dextera opitulante, piosq; ipsius gratia conatus firmante perfecit, Collegio Prælatorum & Canonicorum quorum in arduis Ecclesiæ causis, iuuaretur consilij, ad normam cæterarum Prouinciarum Ecclesiasticæ regimine illustrium, instituto ex comitibus itineris suæ atq; ex vicinis regionibus, maximè ex Bohemia confluentibus visis ministerio sacrorum vtilibus, quos idoneos ad tantam dignitatem in prima illa Polonæ Christianitatis infantia habere poterat; cui certa bonorum, Principis donatiene perpetua, Ecclesiæ adscriptorum, villarum, prædiorum, decimarum, aliorumq; reddituum attributa portione prouidit. Inde non desides admouit manus, ad partiendam in plures Paræcias Diocesim, cum plerique nobilium iam in suis oppidis ac villis, admonitione

salutari.

salutari Præsulis inducti, templa ædificarent, quibus egregio, vt ipse præluceret exemplo, Parochialem Ecclesiam in pago Dzwierno dicto ad mensam suam ex Principis voluntate pertinente, sumptibus proprijs extrui curauit, & sufficienti pro sustentandis Curione ac Scholæ rectore, agrorum & decimarum parte assignata, dotauit. Idem Anno Dñi, 980. Ecclesiam in villa Piotrkow parochialem à nobilibus Iacobo Piotrkowski & Iacobo Lupinski in bonis Piotrkowko & Palczewo fundatam & decimis dotatam, erexit. Immò testimonium illi hoc fert antiquitas in monumentis Ecclesiæ Vladislauien. quòd omnium ferè parochialium Ecclesiarum per Cuiuuiam hic Episcopus vita & moribus integer fundator extiterit. Obibat bonus pastor latæ Diocesanos fines, & turmatim ad ouile gregis Dominici accurrentem populum, sacra baptismi expiabat vnda; qua in re diligens Episcopi studium, non medioeriter optimi Principis sollicitudo auxit, cum ab ipso alij muneribus, & honoribus, ditionem suam omnem, eius rei gratia circumeunte, allicerentur; alij minis adigerentur, Deorum simulacra vbique in oppidis atq; pagis ipsius iussu confringerentur, comburerenturq; & vani priscae superstitionis ritus, atq; Cæremoniæ abolerentur, à Magistratibus, edicto Regio constituta ad eam rem publicè peragendam, septima die Martij, cuius rei memoriam sua ætate exstitisse testatur Dlugossus, dum simulacra Marzana & Ziewonia contis præfixa, vel traheis imposita, cum querulo & lugubri cantu in paludem vel in flumen

K 2

ea die



ea die quæ est quarta Dominica Quadragesimæ abijci solerent, quod etiam se à maioribus didicisse solertissimus veritatis indagator Cromerus, affirmat. Non poterat non singulari lætitia affici inter pastorales curas Lucidus, dum ita ardenti susceptæ in Polonia fidei, deuotione, ad vicinas etiam & finitimas gentes, videret radios deriuari propagatione felici, vt non immerito potuisset gloriari, se ad hanc nationem Pastorem missum, quæ sola non esset contenta vera religione illustrari, nisi eadem felicitate simul optaret quàm plurimos gentium barbaræ superstitioni deditarum populos, potiri: quod anno secundo Pontificatus eius, anno verò à Natali Domini 968. gloriôsè factum est, dum Adleidam sororem suam germanam Mecislaus Princeps, Geizæ Pannoniorum & Hunnorum Duci despondit vxorem; cuius opera sacrilegos Dæmonum cultus gens tota, Duce præeunte, abiecit; seq; Christianæ religionis institutis honorificentissima seruitute mancuppauit. Per eadem tempora pietate religiosa foci motus, & frequenti adhortatione sororis Dabrowcæ Boleslaus Bohemorum Princeps inductus, Ecclesiam Cathedralem Pragæ sub titulo S. Viti fundauit, ac c ompetenti reddituum prouisione dotauit, quod nō minus seruori vicina Regna fermentanti mulieris, quàm magno Polonorum decori debet attribui, quod à quibus Magistris fidem didicerant, præ iisdem propagandæ religionis studio, & amplificandi cultus Diuini opera palman tulissent. Quantum verò pio Antistiti, oblectandi animum causam, zelus ille Polonorum

norum Equitum præbuerit, qui recens susceptam fidem, tanta se propugnaturus alacritate demonstrabant, quanta in aliquo Ordine militari feruentissimo, voti Sacramento ad id adstricto, potest reperiri, in cuius promptitudinis signum, gladios è vagina exsertos ad lectionem sacri Evangelij leuabant; facîle quiuus Christianus potest suspicari. Quid enim erat aliud spectare tam generosi animi deuotionem? quàm fortissimos custodes lectulum Salomonis circumdantes, omnes tenentes gladios propter timores nocturnos, & ad bella paratissimos excubitores pro lege Domini. Exhaustum laboribus Lucidum, quem Poloni sua lingua Iasnoch vocârunt, Anno Dñi. 993. cum annos viginti septem Crusiciensi Ecclesiæ præfuisset, summa vitæ integritate, suauitate, modestia, morum innocentia, mors exstinxit, aut veriùs cum, qui Septentrionalibus vtiliore luxit quàm Arcturus sidere, æterna die coruscanti cælo inseruit, vt inter illos qui alios erudierunt ad iustitiam, in perpetuas æternitates tanquam splendor firmamenti radiaret. Honorem extremum sepulturæ in Ecclesia Dzierznensi, vniuersa Diocesi optimi Præsulis iusta lacrymis prosequente accepit, Ioanne XV. Papa, Vrbi & Orbi præidente, in Occidente Ottone tertio, in Oriente Basilio & Constantino imperantibus.

*Lumine, Sarmaticas postquam caelestis, in oras*

*Vibrauit radios uberiore, Fides:*

*Crusicia primus luxit moderamine, Sedi,*

*Romuleâ missus Lucidus Vrbe vigil.*

*Sic pietate fugans tenebras à gente Trionum:*

*Lucidus e meritâ, nomine, luce nitet.*



## MAVRITIUS EPISC. CRVSVICIEN. II.



**M** Agnum sui in animis noua fidei luce gestinētium Polonorum, vocanti se post labores ad præmia Numini obsecutus Lucidus, ob præclaras virtutes reliquerat desiderium, maximè autem ob indefessam vigilantia Pastoralis, circa propagationem cultus Diuini sollicitudinem; quod ea ratione potissimùm leniri posse sacro Ecclesiæ Crusuiciensi Senatui visum est, si ab vniuersi orbis pastore, Christi Vicario, talis postularetur Præsul, qui viuis in se coloribus Decessoris virtutes referret. Maximum verò postulationi suæ pondus preces ipsius Monarchæ apud Summum Pontificem addituras congruenter rati Prælati & Canonici, duos e gremio Collegij ad Principem

Principem destinant, qui collaudato eius in rei Christianæ promotione studio, peterent literas ad Romanam Curiam expediri, quatenus Apostolica sedes viduitati Crusuiciensi Ecclesiæ consulere, de pastore idoneo providendo, dignaretur. Nil gratius erat Mecislao, quam operam suam in tanto negotio interponere; Itaq; nuntios ad Vniuersalis Ecclesiæ Antistitem ex Prælati mittit, qui suo & Capituli nomine, gratias agerent Sedi Apostolicæ, promissione viri tanti, quantus fuit Lucidus, ad excolendam nouellam in terris Polonorum vineam, peterentq; vt huic laboribus & vita functo, in officium Episcopi successorem sufficeret, qui maximè ad confirmandum nuper fide Diuina imbutum populum, suæ Sanctitati videretur idoneus. Nec irritum sortitus est euentum labor in eam rem impensus; deuotis fidelis cæus obsecrationibus & præsertim frequentibus Sacerdotum sacrificijs, pro impetrando cælestis bono, gregi tenello pastore, institutis adiutus. Prouidet Romana Sedes æquis inclinata precib; Mecislai Principis de Præsule Crusuiciensi Cathedræ, qui euellendis residuis superstitionis veptibus, non segniori quàm Antecessor conatu insudaret, Mauritiumq; natione Italum, qui huic officio sedulus incumberet, mittit in Poloniam consecratum Episcopum, Anno Dñi 994. qui ab effusa in suos amplexus, equitatus plebisq; corona, inter faustas apprecationes iucundis vocibus & plausu amæniori consalutatus, in hoc inprimis tota animi contentione conuulsus est, ne quid ex sua parte tantæ deuotionis feruori videretur



deretur deesse. Bartholomæus Paprocus Eques Polonus in libro Stemmatum Nobilitatis Polonicæ materna lingua conscripto, Laurentium humili stirpe oriundum, Lucido primo Episcopo Crusiciensi substituit successorem, in descriptione Stemmatum albæ Lunæ; stirpem quod attinet, nullus moror: cuius exortum obscuriorem qui talisne fuerit! in re obscura diuinus esse nolo, clarissimis virtutum splendoribus in Regno Poloniæ illustravit: Nomen certè Episcopi Crusiciensis Secundi non approbo, vel ipsius Paprocij testimonio fretus, qui in Stemmate Boncza Clementem secundum Crusiciensem Pontificem primum inter insignia Polonicæ nationis equum candidum author est intulisse, eundemq; sesquianno duntaxat, in Cathedra Crusiciensi præfuisse meminit, ut vel ex hac ipsa varietate authoris facillè cognitu sit, minori sibi curæ fuisse ad Lydium lapidem veritatis, exacta indagatione successionem Episcoporum Crusiciensium examinare. Libet itaque potius in nomine posteritati consignando, secundi Crusiciensis Episcopi sequi Annales Dlugossi, qui cum primarijs Cathedralibus Regni huius Catalogum successionis Episcoporum conscripserit, interq; alias Vladislauensem honore hoc fuerit profecutus, miror quomodo in Catalogo Episcoporum Vladislauensium ipse à suis Annalibus dissentiat, cum quem successorem Lucidi in illis Mauritium appellat, eundem in Catalogo vocat Laurentium; cum verò tam in impresso Dobromili tomo primo ipsius Historiæ, quàm in manuscripto & in alijs pluribus

Catalogis

Catalogis à diuersis Scriptoribus ex illius historia compilatis Mauritium legam, facilius puto fuisse lapsum amanuensem in exscribendis vitis, in quibus pro eo surrogatur Laurentius. Quanquam nec in re altera minùs accuratam temporum supputationem ipsius Dlugossi, dissimulâro, qui eidem Mauritio de Episcopatu Crusiciensi dicit prouisum esse à Benedicto sexto, cum ex Chronologia Romanorum Pontificum perspicuum sit, post menses quatuor mortem Ioannis decimi quarti sequentes, Successorem existisse Ioannem XV. sub quo & Anno Domini, Nongentelimo Nonagesimo tertio, vita excessit Lucidus, ita, ut consentaneum sit, à Ioanne XV. tunc superstite in Poloniam ad regimen Crusiciensis Ecclesiæ fuisse missum Mauritium. Is cum munus Apostolicum, religionis officijs, oratione, verbi Dei prædicatione, Sacramentorumq; dispensatione, potissimum contineri, pridem antea didicisset, non minima eius muneris sibi parte assumpta, reliquos labores, præsertim verò docendi populi, quibus per se exercendis, ob idiomatis imperitiam, par non erat, in maximè aptos ad hoc ministerium Sacerdotes distribuit; ex quorum fidei opera, ut eo vberior redundaret fructus, in omnibus operibus bonis seipsum præbens gregi exemplum, ut doctrinam Presbyterorum à se ad prædicandum missorum, confirmaret efficacius, ipsoq; exercitio virtutum, & sancta conuersatione doceret, ad salutem æternam eandem esse pernecessariam, sedulò al-laborabat. Eos qui frequentibus concionibus, & expli-

L

catione



catione myſteriorum fidei profeciſſent in Chriſtiana doctrina charactere Sacramenti robur Spiritus ad nomen Domini conſitendum addentis, inſigniebat: complures qui præ alijs Magiſterio rudis plebeculæ viderentur aptiores, Eccleſiæ ſeruitio, ſacris initiatos, ordinibus addicebat, eoſq; per paratias à Prædeceſſore diſtributas ædibus diuino cultui & curæ animarum erectis, præſciebat. Sub id tempus quo ſuo Præſule Mauritio gaudet Vladislauienſis Diocæſis ater ſqualor Poloniam occupat, vniuerſam Anno Domini, 999. morte Mecislai primi inter Principes Polonos Chriſtianæ religionis propagatoris, nouem Cathedralium Baſilicarum, & plurimarum Parochialium Eccleſiarum conditoris, & iuſtitie cultoris eximij; cuius funeri non ſolus filius & Præceres atq; Ordines Regni, ſed vniuerſa proſus copioſis lacrymis parentauit Polonia. Elatus maximo ad honorem ſepulturæ concurſu, in Eccleſia Cathedrali Poſnanienſi ſepultus eſt. In cuius locum & Principatus regimen, vnicus filius Boeſlaus trigelimum ſecundum agens annum, propter egregias animi corporiſq; dotes, & virtutum Chriſtiano Principe dignarum, rara ornamenta, vnanimi Præcerum Poloniæ conſenſu, & ſuffragio ſurrogatur. Hic anno Domini, Milleſimo primo, Ottonem Tertium Imperatorem, in Poloniam inuiſendi gratia ſepulchri Diui Alberti in Gneznenſi Baſilica, in qua Archiepiſcopus præfederat, quieſcentis, hoſpitem tam feſtiuo excepit apparatu, vt Imperator recens à ſe creati Regis liberalitatem admiratus, tacita cogitatione

tionem ſuſpenſum animum diu tenuerit, quanam ratione potiſſimum tantam in ſe profuſionem opum remuneretur, cumq; nullum ad præſens in Gaza Imperatoria vtriuſq; perſona tam dantis, quàm accipientis munus dignius occurreret, lanceâ S. Mauritij Thebeæ legionis Ducis, eam Boeſlao donauit, generoſo heroi, & Regi magnanimo fortitudinem contra barbaras gentes ope & patrociniò Diui apprecatus; Coronationem Boeſlai factam auctoritate Sylueſtri II. Papæ per Ottonem III. Imperatorem, reſert Illuſtriſſimus Stanislau Lubienſki, Epicoſcopus Plocenſis, in vita Martialis ſecundi Epicoſcopi Plocenſis, vbi eruditè conſutat, Dithmari Germani ſententiam, ſcribentis ab Ottone fundatum Archiepiſcopatum Gneznenſem, viſitante reliquias S. Adalberti. Sed ad Cruiſienſem Præſulem regredior, plurimis ille in vinea Domini exercituum exantlatis laboribus, poſteaquam Eccleſiæ annos ſedecim præſuiſſet, anno ſalutis reſtitutæ Decimo quarto ſupra Milleſimum, vitam cum morte commutauit, & ſocialis cum Anteceſſore ſepulchri ſortius eſt glebam, in Eccleſia Dzwierznenſi; incidit annus mortis illius in regimen Vniuerſalis Eccleſiæ iuxta Chronologiam Romæ impreſſam, Benediſti Papæ ſeptimi, iuxta Bellarmini ſupputationem Succeſſionis Romanorum Pontificum, Benediſti Octauij, Henrico ſecundo ad Occidentalis, Baſilio & Conſtantino ad Orientalis Imperij clauum ſedentibus.



*Mauritius, Lucem, Diuino percitus igni.  
 It prope, quod Lechia sparserat illa, fouet.  
 Presbyteria armat nauus, bene Pastor ouile  
 Christicolasq; piâ vinere lege docet.  
 Otto dedit Regno (felix ô munere bino)  
 Mauritiū telum, Romaq; Mauritium.*

## MARCELLVS EPISC. CRVSVICIEN. III.



**N**ihil magis sibi gloriosum, & ad nominis immortalis decus vernanti memoria apud posteros conseruandum accommodatius, optimi parētis Mecissai generosa proles Boleslaus fore putauit, quàm si à patria pietate, non degener heroicam progenitoris in amplificando Numinis cultu, ornandisq; supellectili sacra à Patre exaëdicatis Basilicis, imitaretur munificentiam. Etenim

nim dum sedula cogitatione præcedentium sæculorum Principatus, Polonię incrementa voluit, annosq; præteritos solerti sagacitate examinatos, præsentibus sui regiminis accommodat, facillè comperit, nemini Principū Polonię ante se tam fortunatam obtigisse sortem, vt felicissimus & locupletissimus inter Christiani Orbis Principes audiret, simulq; non à casu & fortuna opum suarum, & prosperitatis, sago togaq; ciuib; iuxta ac hostibus suspi-ciendas vires, Christiano Principi congrua consideratione, verum supremi vniuersitatis moderatoris singulari prouidentia prouenisse trutinat; eo maiore promptitudine, totos animi conatus, thesauriq; opulentiam, ad Ecclesias paterno sumptu erectas, sua liberalitate decorandas oppidis & villis, quò diutius perennarent illorum officia & ornamenta augendas, nouasq; pari munificentia construendas & dotandas conuertit. Atq; ne quid à paterna notaretur descuiisse solitudine, in procurandis Pastoribus ad ritè gubernandas Ecclesias idoneis, posteaquam rebus humanis exemptus est Mauritius, Crusuiensis Ecclesię Præsul, expedit Romam nuntios Sedi Apostolicę supplicatum, quatenus ille inter Cathedrales in Regno Polonię insigni Basilicę virum, pietate & doctrina pollentem præficiat. Postulatis annuens Romanus Pontifex, ad eam gubernandam Marcellum promouet. Anno Dñi, Millesimo Decimo quinto. Ioannem XXI. tunc vniuersalis Ecclesię gubernacula tenuisse Dlugossus meminit: dum tamen ad calculum successione Romanorum Pontificum reduco feriem;



co seriem, iuxta Bellarminum, promotionem Marcelli, in tempora Benedicti VIII. secundum Chronologiam Romanam, Italico idiomate editam, Benedicti septimi compendio incidisse, Benedicto autem successit, Anno Dñi Millesimo vigesimo quarto Ioannes XI. non vigesimus primus, ita ut ab eodem Pontifice Summo, potestatem regendi Crusiucensem Dioecesim Marcellus acceperit, sub quo eandem regere & vivere desijt Mauritius. Marcellus posteaquam magna nobilium plebisq; iucunditate possessionem Episcopatus adiisset, animoso conatu satagere cepit, ut quam in primo ad Cathedram ingressu, Dioecesani præse tulerunt alacritatem, eam æqua retinerent constantia, dum nihil in se quod vel ad Episcopale, vel Senatorium munus, cum diligentia & dignitate spectaret obeundum, animaduernerent desiderari. Ea fuit Polonorum à primordijs Religionis susceptæ pietas erga Præsules, ut quos Magistros salutis suæ quæsiuissent, eorundem regimini & arbitrio Rempub. permitterent, sanctissimè profectò ab ipsis incunabulis fidei edocti, non aliud solidius quam Christum poni fundamentum, in quo omnis perenni ævo mansura ædificatio consummatur, & rectè persuasi maxime posse salutaribus patriâ stabiliri consilijs, eorum, quos sibi duces æternæ beatitudinis statuissent. Intellexerant benè non religionem decretis Principum, sed ipsorum decreta religione circumscribenda esse, tumque florentem, beatam, quin vel sua constantia infernorum portis erumpentes tumultus facile contempturam Rempublicam, si

nexu

nexu indissolubili suam Politiam Monarchiæ, verbo veritatis æternæ solidatæ, Petriq; Cathedræ deuincirent; & sicut in Petro ædificatam Ecclesiam, ad sæculi consummationem, id pollicente Christo perseveraturam, ita in Ecclesia & Religione fundatam Rempublicam maximè perennaturam, sanctissimè Poloni crediderunt: ideoq; primas in Senatu, dicendaq; sententia partes, tribuerunt Antistitibus, Archiepiscopum Gnesnensem primum post Regem Principem esse voluerunt, eiq; ius omne gubernandi Rempub: Senatum, & Comitia conuocandi, rationes iudiciorum & subselliorum tempore interregni præscribendi, media quibus pax & tranquillitas, in orbo Rege Regno conseruari debeant, ordinandi: Regem renuntiandi, inaugurandi, creandi, & coronandi detulerunt. Digna profectò Polonorum pietas, quam Orbis Christianus suspiciat & admiretur, quod in libertate educati, colla sua Tyrannorum & gentium iuga ferre nescia, tanta submissione suauis iugo Christi, eiusq; Apostolorum & Successorum legitimorum subdiderunt, ut non in his modò quæ ad salutis pertinerent negotium, verum etiam quæ ad conseruandas eorum fortunas in securitate patriæ charissimæ spectarent, Præsulum consilijs & monitis obtemperare constantissima voluntate elegerint, seq; totos quanti quanti sunt, placitis Ecclesiæ permiserint. Marcellus sicut in Episcopalis muneris obeunda diligenter sollicitudine Prædecessorum suorum insistere vestigijs, non laudabile modò, verum etiam æquum, & officio consentaneum censuit, ita

in pro-



in prouidendo, remediaq; proposito conducentia adhibendo, ne quid detrimenti Respub. caperet, patribus patriæ amore ipsius quantumuis non in illa natus, sed è facundo virtutum solo feliciter insertus ciuis, prudentissimusq; Senator, nihil cedendum omnino curauit. Inuadit interea generis humani hostis, florentem in Polonia religionis statum, qui cum in dies altius agere radices, palmitestq; suos extendere, vineam Domini exercituum in fertili regione toruo lustraret obtutu, munificentia pij Regis eam largè, irrigante pluribus nobilium virus odij contra Sacerdotes instillauit, eosq; in tantam egit uesaniam, ut à Meczislao Principe assignata, & Rege Boleslao confirmata Ecclesiæ bona occuparent, maximè autem inuisam sibi & onerosam Decimarum in manipulis persolutionem cōquerebantur, atq; dum idèd pleriq; non ferendum Christianæ Religionis pondus æstimarent, ad proscriptas redire superstitiones, barbaricoq; ritu viuere, apud se statuerunt, iamq; à frequentatione Ecclesiarum abhorрere, ad consuetudines profanas conuerti, cēremonias sacras auersari, sacerdotes oppressionibus vexare, eos ab ædibus sacris auellere, vitam insolentem, atq; nullius arbitrio pendentem degere, effreni audacia Ecclesiarum iura conueltere, & iuris Diuini iugum penitus excutere, pertinaci conspiratione decreuerant. Quid tum faceret vigilantissimus Antistes? quò se optimus Senator verteret? fatale Regno excidium, religionis perniciē pręparantem pestem auersurus? Adit Regem, periculi grauitatem vniuersę Rei-

ę Reipublicę impendentis edocet, si posthabito veri Numinis cultu, impunè ad ritus sacrilegos, capita cōfederationis aduolarent. Ad Regis officium pertinere monet contagiosę luis impetum reprimere, & scelestis machinationibus improborum contraire. Non difficiles æquitati aures Rex religiosissimus accommodat, feruentissimusq; fidei Catholicę propugnator, impium gliscentis conspirationis semen in ipso exortu elidit, & opprimit, auctores illius matura indagatione conquisitos immixtis militibus comprehendit, & coniurationis capita partim extremo supplicio plectit, partim verberibus multat, reliquis minus reis, & sola exempli peruersi approbatione contaminatis, aut aliorum persuasione seductis pro innata clementia veniam præbet, ne deinceps inconstanter colenda religione Christiana nutarent, aut in reddendis Ecclesiarum iuribus essent peruicaces seriò admonitis. Annotat annum, quo rebelles Ecclesię in officio continuit seuera Regis animaduersio Dlugossus, Millesimum Vigessimum secundum. Quæ autem fuerit Marcelli Præfulis in frequentandis Regni Conuentibus, in quibus de salute Reipub. consultabatur, diligentia non obscure colligi ex eo potest, quod solenni in Regem inaugurationi, Meczislai secundi filij Boleslaj Chrobri, in Basilica Posenanensi per hoc tempus sepulti, cum alijs Regni proceribus interfuit, Anno Domini, Millesimo Vigesimo quinto, die Dominico Pentecostes, peractæ Gnesnæ; quem Hyppolitus Archiepiscopus Gnesnensis, assistentibus Gompone



Archiepiscopo Cracouienti, Paulino Posnanienti, Marcello Vladislauien. Clemente Vratiilauien. Albino Plocen. Pontificibus, plurimisq; Regni Iroceribus & Baronibus inunxit, & diademate insigniuit, concordibus votis ob parentis optimi in Rempub. merita electum. Primus Regum Polonorum Mecislaus secundus, filium suum Casimirum septennem literarum studijs addixit, viris doctis & grauib; ad indolem eius expoliendam vocatis, quorum ope ad Rempub. gubernandam aptior illustrorq; euaderet. Varijs iactatus in munere Pontificali & Senatorio curis Marcellus Pontifex, ad portum æternæ quietis appulit. Anno Domini, Milleimo Trigesimo quinto, cum annos octodecem in regimine Crusuiensis Ecclesiæ exegisset, febri consumptus: in Ecclesia parochiali Dziernensi quiescit. Ioannem tunc Decimum nonum Ecclesiæ Romanæ præfuisse, Autor est Bellarminus, in Romana vero Chronologia Benedictus Octauus, qui iam tum Ioan. Decimo nono successerat, legitur vniuersam Ecclesiā gubernasse. Occidentis Conradus secundus, Orientis Romanus Imperatores eadem tempestate exstiterē. Marcellinū vocat Paprocus in Stemmate Wloszek, cuius insigne fuisse Nobilitatis duos gladios decussatim transuersos quatuor rotis distinctos, albis in campo rubeo affirmat.

*Quam benè præcursum curris Marcelle duorum  
Quem, labor, in Christi, par das, ouile viam,  
Hoc loquitur tumulus: quando Libitina, Tiarā  
Dziernensi templo, qua rapit ossa, locat.*

*Una tribus fuerat sedes, labor unus, & una  
Zuernensis cineres candidis urna trium.  
Ipsius gladij, posuerant duo Petre tueri  
Te benè, quod Christus dixerat esse satis.*

## VENANTIVS EPISC. CRVSVICIEN. IV.



**I**am sementis doctrinæ sacrae, vberes in agro Sarmatiæ protulerat fructus, vt Cathedralium Ecclesiarum Capitula ad normam Canoniarum sanctionum rectè instituta & composita viderentur idonea Episcoporum Seminaria, ex quibus viri virtute & scientiā exculsi, magnarum gerendarum dexteritate insignes, & diuturnā Ecclesiasticæ disciplinæ limā expoliti, longoq; laborum pro Ecclesia susceptorum vsu exercitati, ad præsidendum, qui prius subesse didicissent assumerentur; cum Prælati & Canonici



nonici Sinogorzenienses, siue Vratislaviensis Ecclesiæ Lucilium de gremio Capituli Canonice electum, Clementi nuper vitâ functo, consensu & placito vnanimi surrogarunt, & Rege Mecislao studia ipsorum promouente, à Syluestro Papa secundo confirmationem electi poposcerunt, iiteque confirmatum, & per Stephanum Archiepiscopum Gnesnensem consecratum, congrua Præfulis veneratione & obseruantia inter festiuas populi acclamationes exceperunt. Exemplum Vratislaviensis Capituli, doctissimus Crusuiciensis Ecclesiæ Senatus primum ante reliquas Cathedralis secutus est, Venantiumq; (quamuis reliqui vocent Vincentium, ratione historiæ Dlugossi & Catalogi in Arce Volborienſi inscripti non habita) natione Italum de medio Capituli per viam Scrutini plurimum suffragiis ritè electum Marcello sufficiunt, eundemq; à sede Apostolica confirmari petentes, Regis Mecislai secundi opera interposita compotes votorum fiunt, atq; Anno Domini Millesimo Trigesimo quarto, Antistitem faustis acclamationibus in solenni nobilium populiq; cætu læti prosequuntur. A Sergio quarto Venantio prouisum esse de Ecclesia Vladislaviensi Dlugossus in historia asseuerat, cuius prouisio in tempus Benedicti noni, secundum Bellarminum, secundum Romanam computationem Benedicti octauincidit. Sergius enim quartus, Anno 1009. è viuis excessit. Nobili genere ortum fuisse prodit Paprocus in Stemmate Mora, de stirpe & familia eorum, qui caput hominis nigrum pro insigni deferunt, cuius variarum virtutum

tum ornamentis claritatem auxit præsertim verò religionis zelo, cuius propagator exstitit feruētissimus, & modestæ laude summa cum humanitate coniunctæ, qua efficiebat, vt in amorem & obseruantiam Pastoris grex facillimè traheretur, raras in eo dores ad deuinciendos iucundissimâ conuersatione animos admiratus. Calamitosa tunc in vniuerso Regno Poloniæ tempora Mecislai secundi morte, qui Boleslao primo successerat sunt cōsecuta: Rixa consors relicta ipsius filium adolescentem Casimirum literis excultum annum vigesimum agentem in spem Regni educans, ipsa summâ rerum potiebatur, ob inusitatas & graues exactiones Polonis molesta, & quod eosdem contemnens ab officijs publicis arceret, in Germanicæ nationis viros Magistratus insigniores conferens, & arcana consilia illis potissimum credens, maximè inuisa; quæ dum nihil de iniusta dominandi libidine, & auaritiæ cupiditate remitteret, immò in dies appareret intollerabilior, tantum Polonæ gentis in se odium vertit, vt dum oleum & operam in eius admonitione Proceres perderent, vnâ cum filio Regno expulsa in Saxoniam exul concesserit, quod secum Regiæ Gazæ omnem auro, argento, lapidibus pretiosis, gemmisq; splendidam supellectilem, & in hac duas coronas, quibus Reges & Regina Boleslai coniunx, tum & ipsa Rixa fuerant coronati, asportauit. Grauiſſima exinde seditionum tumultuumq; tempestas in vniuerso Regno est exorta, ita vt singulæ Regni partes versis in propria viscera gladijs, cæde mutua, depopulationibus do-



morum agrorumq; incendijs flagrant, breui vt ex funesta rerum omnium facie iudicare fuit non difficile, miserabili busto patriam sepulturam. Tam præcipiti impetu effusis habenis in extremam Reipub. perniciem, proterua sceleratorum ruebat licentia, vt neq; Numinis timore, neq; sanctioribus legum repagulis, aut Procerum auctoritate, potuerit coerceri, nulla religionis habita ratio, euerse aræ, templa incensa, supellectili spoliata Diuorum ædes, in eum squalorem & deformitatem deuenerant, vt non aliud quàm latronum receptacula, vel lustra ferarum viderentur, dum fores desolataram Ecclesiarum brutis animantibus ad fodienda inibi sua cubilia paterent; non solum à templis alijsue locis sacris, verum neq; ab ipsis Ecclesiarum ministris, sacrilegas abstinuit manus impia crudelitas, sed plerisq; erepta bona, ædes dirutæ, honor contumelijs & calumnijs oppressus, complures de vitæ periclitati, in multos vario mortis genere sæuitum est. Rem vno vt verbo complectar, in proximo periculum erat, ne omnem Ecclesiarum splendorem, pijs Regum largitionibus excitatum in Polonia in excidium, generis humani iuratus draco absorberet, dum plurimis ad ceteras rimas superstitionis tenebras placebat regressus. Maxima deniq; vt ait Dlugossus rerum Polonicalium tam commutatio, quàm confusio incessit, remansitq; terra populis vacua, sanguine plena, lacrymis madida, orbata matribus, destituta filijs, confusa cædibus, infecta cruore, destituta defensione, & omnium suorum solatio desolata.

lata. Ingemuit in tanta calamitate pius Antistes, & non posse humanæ opis remedio tam afflictis Polonorum rebus succurri prudētissimus Senator, indoluit vehementer, & feruentissimis precibus, atq; sacrosancti sacrificij frequenti oblatione, vindicem scelerum irati Numinis dexteram cohibere Moylis exemplo conatus est. Neq; vllum postea confectus dolore animus Pontificis in tot malis admisit solatium, donec in sententiam Srephani Archiepiscopi, qui euocandum Monasterio suadebat Casimirum, (cū annos iam quinq; in Cluniacensi Cænobio ob singulares vitæ religiosæ virtutes, ad sacrum Diaconatus ordinem promouus exegisset) itum est, supplicatumq; sedi Apostolicæ, vt votis exsolutus Monachus, & Diaconus, ipsius auctoritate ad moderandas Regni habenas, laceratasq; in vnum Reipub. corpus, cogendas & sanandas partes rediret, filiosq; patris imitatuos pietatem & disciplinam religiosam traducem procrearet. Maturâ præhabita cum purpuratis Patribus deliberatione summus Pontifex, misertus cladum illius Regni, quod Christiani Orbis esset propugnaculum, Casimirum Regem esse iubet, ea conditione, vt præstiti sibi à Romana sede beneficij memores Poloni per singula Capita vsualem nummum penderent, quotannis D. Petro & eius Successoribus, cæsariemq; capitulis prolixam non alerent, sed auribus patentibus in modum coronæ caput attonsum gestarent, & in præcipuis Christi Domini & gloriosæ Matris eius festiuitatibus, lintheo albo in modum Stole dependente per vtrumq; hume-



rum vterentur. Acceptis conditionibus libenter à Romano Pontifice oblatis (Benedictum tunc nonum sedi præsuisse Apostolicæ Dlugossus Auctor est, quamvis ipso attestante nonnulli velint Clementem secundum, Regno Poloniæ de Rege Casimiro prouidisse) Regem solenni gratulatione per Legatos Regno adductum, honorifica pompa exceperunt Poloni. Redijt tum in Patriam cum Casimiro splendor, & intestinis tumultibus attritum decus religionis effulsit, præsertim cum pius Rex religionis non immemor institutionis, è Cluniacensi Cænobio Religiosis in suum Regnum pace firmatum accitis, Monasterium in Tiniec, villis centum dotatum, condidisset; aliudq; eiusdem Ordinis & professionis ad flumen Odra in loco qui Iulij mons (statua enim quondam ibi Iulius Cæsar habuisse fertur) à Polonis voce Latina Lubens appellatur, edificasset, cumulatissimis redditibus ex oppidis pagis, censibus, & teloneis prouisum, Anno Domini Millesimo Quadragesimo quarto. Exhilaratus labentis Religionis instauratione opera, Casimiri Venantius, eo alacrior indicto generali Cōuentui Ordinum interest, (in quo exsoluenda Legatorum fides decernitur, sanciturq; vltimis obuli de singulis capitibus, tam ciuitates & oppida quàm vicos & pagos colentiū, per omnes Dioceses contributio, quo plus videbat, ad stabiliendam in Polonia religionem conducere, tam florens & potens Regnū, Romanæ Ecclesiæ, & Vicario Christi, ac D. Petri Successori esse tributariū. Tandem & ipse commune mortalibus tributum, Anno Domini

Domini, Millesimo quinquagesimo quinto, cum annis viginti duobus, Crusiciensem rexisset Ecclesiam exsoluit, morbo Epidimiæ sublatu, templumq; Parcanense extremis honoribus affecit, Victore secundo vices Christi summi Pastoris obeunte, Henrico Tertio in Occidente, in Oriente verò Constantino Monomacho Imperium gubernantibus.

*Venatur Lechicis Pastor Venantium oris,  
Quas Ioue sub rigido despicit vrsa, ferat.  
Dico feras? homines immò, sed corda ferina,  
Vrsa quibus vecors, barbariesq; dedit.  
Crusicij quantum hoc gaudet Pastore penates  
Quo pole commutat, serua Polona polo.*

#### ANDREAS L. ROM: EPISC. CRVSVICIEN. V.

**N**on potuerunt diurnam Ecclesiæ Crusiciensis viduitatem extincto fatis Venantio ferre Prælati & Canonici, proinde dulces experti Electionis fructus semel habitæ, iterum ad nouum Antistitē eligendum Comitia indicunt: quorum per viam scrutiniij suffragia ferentium, morum grauitas, & sacrorum Canonum peritia, vota in se oculosq; facile pertraxerunt Andreæ Romani, qui ritè electus confirmationem à sede Romana Casimiro primo Rege Poloniæ preces & operam interponente obtinuit, & Episcopatum feliciter, Anno Redempti Orbis, Millesimo Quinquagesimo sexto ingressus est. Leonem VIII L. Cathedræ D. Petri tunc præsedisse auctor est Dlugossus, dum inquit: In Pontificatu Vladislauensi siue Crusiciensi



iūciensi Venantius Episcopus annis tribus & viginti absumptis (neq; hoc rectè, si annus ingressus eius & mortis computetur), peste Epidimæ tactus diem obiit, & in Ecclesia villæ Parkanie conditur, cui Andreas I. per Electionem Canonicam Casimiro primo Rege Poloniæ suum ad id præbente consensum, succedit à Leone Papa VIII. prouisus, quàm congruenter viderit ipse (nisi Chalcographo error imputandus sit, qui frequentissimis Dobromyli in Officina Ioannis Szeligæ Anno 1615. excusum mendis tanti auctoris opus obscurauit) cum antè charta superiore Anno Dñi, Millesimo quinquagesimo quarto, dicat expressè Leoni nono, natione Almano de Lotaringia, XVI. Calend. Maij Romæ mortuo, & in Ecclesia S. Petri Romæ magnifico sumptu tumulato, Victorem secundum successisse. Is igitur secundum Chronologiam Romanorum Pontificum Andreæ Romano regimen Ecclesiæ Crusiciensis commisit. Hæc ea ratione adduco, vt aduertant ij, qui leui opera Historiam Dlugossi percurrentes, exscribere Catalogum Pontificum Vladislauensium tentarunt, quam parum laborauerint, vt ad veritatem proximè accederent; graui sanè Authoris notâ, nihil ad veram temporum rationem attendisse insimulati, cum facillè tertio ante versu ij legiſſe poterant hæc verba Dlugossi: Agente Henrico Imperatore in Italia; Victor Papa apud Florentiam Synodum celebrauit, & multos Episcopos simoniacos & incontinentes viuentes à sedibus suis deposuit, in quod idem tempus incidisse mortem Venantij & successionem

sionem Andreæ Romani, nempe in Annum Dñi, Milleſimum Quinquagesimum quintum refert. Ex quibus, Catalogorum compilatores colligere poterant, non Leoni 8. qui nihil de ædificatione templorū, ne dum Pontificum in Polonia erectione audiuerat, rebus humanis exemptus, antequam fuisset Romanæ sedi de prouidendis Regno Episcopis supplicatum nomine Meciſlai Christiani Principis. Leo autem nonus electus, Anno 1049. vixit ad Annum. 1055. in quo Victor sedem Pontificiā adiit. Feliciora Andreas inito Pontificatu in Polonia adspexit tempora, quando res quæ pessum ibant, ad meliorem statum redigi ceperunt, ab extremo exitio vindicatæ, solertissima optimi Regis Casimiri gubernatione. Patuit in piſſimo Principe antiqui effati veritas, quo vita subditorum ad exemplum & normā Regis componi dicitur. Namq; is in omnibus sago togaq; gerendis negotijs, ne quā à recto gloriæ veræ tramite subditi deſecterent, amulſim timoris Dei proposuit, iustitiam & pacem ita coluit, vt breui in exoptata votis omnium ordinum tranquillitate flos & vigor pristinus æui beatoris Regno redierit. Itaq; in florenti, pacati Regni rerum opulētia liberalissimi Principis exemplum secuti Equites Poloni studium & operam, ad instauranda Diuorum templa, splendoremq; squalore intestini tumultus obductum iſdem restituendum alacri promptitudine contulerunt. Porro negotijs arduis Reipub. expeditus Pontifex, Ecclesias per Dioccesim lustrans sub interregni turbulētam confusionem desolatas, suoq; postea patrono-



patronorum liberalitate nitori redditas, Parochorū assīgnat curæ, ut quæ in fidei & morum doctrina serio populum instruant, sollicita adhortatione monet, cauetq; vigilantia singulari, ne communis Cleri pestis Simonia Italiceis proscrip̃ta regionibus per Synodum Florentinam, aliorumq; vitiorum præsertim incontinentiæ labes in mores suo regimini commissorum Sacerdotum irrep̃at. Non in Cleri modo reformanda vita, laborandum censuit, verum etiam strenuam in radicibus extirpandis rudis plebeculæ superstitionibus, diuturna consuetudine firmatis perinaciter, adhibuit curam; in quo eò maiorem difficultatem suos eludentem conatus expertus est, quò obstinatione proteruia vulgus ea quæ maiorum didicerat traditione sanctius retinenda statuisset. Anno Dñi, Millesimo quinquagesimo octauo, non paruum Senatoriæ in Repub. sollicitudinis exhibuit argumentum, quòd Boleslai Regis filij Casimiri solenni Electioni & Coronationi, qui Gnesnæ viginti tres annos natus, ab Archiepiscopo Gnesnensi Stephano, Cracouiensi Aarone, & Vratislaviensi, Posnanien. Ploceñ. Culmensi, Episcopis assistentibus vnctus est, præsens adfuerit, ibique cum alijs Proceribus Regni salutari consilio Rempub. adiuuerit. Ut autem humanarum rerum fert vicissitudo, non par hilaritas omnes eius Pontificatus annos excepit, quam enim animo ipsius attulerat voluptatem ædium sacrarum, sub Casimiro instauratio earumq; à populo fidei magno concursu frequentatio ingenti dolore ademit effrenata Boleslai cæco impetu & furore.

rore impudenti, in trūculentam cædem Stanislai Pontificis Cracouiensis debacchantis audacia. Cum enim impius Rex bellica felicitate partum decus, scelerū colluie, crapulæ, libidinis & crudelitatis fædasset, nefasq; adteriorum pessimo exemplo à se, in milites militumq; coniuges, deriuatum, sanguine ciuium diluere, nec quicquam attentasset, Petro Archiepiscopo Gnesnensi vitia Regis magno gregis detrimento dissimulante, à D. Stanislao Cracouiense, in cuius Diocesi licentia efferatæ crudelitatis, & nefandæ petulantia Regiæ grassabatur, frequentius officij curæq; salutis admonitus est; impatiens veritatis sanæq; admonitionis contemptor Tyrannus, totus in rabiosum furorem vertitur, Beatumq; Pontificem sacris operantem obtruncat, & ab altari auulsum, impijs satellitibus in frustra coneidendum sacrilega immanitate proijcit. Deferatur Sedi Romanæ funesta B. Episcopi cædes, & immane Tyranni facinus, Gregorius VII. immanem parricidam, per sententiam à communione & conuersatione fidelium separat, ipsumq; ac Poloniam totam regalis fastigij excellentia & dignitate priuat, obedientia & subiectione Boleslai quosuis subditos liberat; filijs nepotibusq; militum, qui auxilio, consilio, & assensu, ad tam atrox facinus perpetrandum præstò fuerunt, quælibet Ecclesiastica officia, beneficia, & honores dignitatesq; ad quartum vsq; gradum interdixit, & habitis priuauit: Petro verò Gnesnensi Archiepiscopo dedit in mandatis, quatenus in patrati per Regem Boleslaum & suos milites facinoris execrationem, & poenam,



& poenam, interdicto Ecclesiastico vniuersam Gnesnensem Prouinciam subijceret, quod omnes illius Suffraganei Episcopi religiosissimè in suis Ecclesijs curarent obseruari, prohibuit denique Archiepiscopo & Pontificibus, ne aliquam cuiuscunq; gradus, præeminentiæ, & status personam in Polonia Regem coronare & inungere auderent, sede Apostolica inconsulta. Lati à sede Romana interdicti sententiam magno sui mærore, populique amaritudine quemadmodum & reliqui Episcopi in suis, in Crusuiciensi Ecclesia promulgari fecit Andreas, ædesq; sacras, felici antea in laudes Diuûm frequentia sonantes, lugubri desolatione per totam Dioecesim mandauit occludi. Ipse senio & curis in tantâ luctus Poloniae acerbitate cõfectus obiit, Anno Domini, Millesimo octagesimo primo, sub Gregorij septimi Pontificatu, Occidentis Henrico quarto, Orientis Alexio Connenno Imperatoribus, & corpori prædecessoris Venantij appositus, in Ecclesia Parochiali Parkanensi beatam immutationem præstolatur.

*Andreas Romanus inuit fastigia sedis,  
Propidet Arctoa quem Papa Victor, humo.  
Maturus virtute fuit legumq; peritus,  
Quas Sacra Pontificum condidit authoritas,  
Additus est tumulo, socius post fata prioris.  
Parkanio tegit hos, Parka seueræ sola.*

BAPTISTA.

BAPTISTA ROM. EPISC. CRVSVICIEN. VI.



**C**rescebat indies magnitudo odij Polonorum in sacrilegum Tyrannum, iusta Numinis profugum vindicta persequente, quod Ruthenicarum Prouinciarum defectio incendebat vehementius; ita, vt pleriq; nobiles in captiuitatem & necem illius atq; tanti sceleris consciorum militum conspirarent, rati dedecus Regni, se hac via facillimè abolituros, cædemq; B. Pontificis, non nisi cæde impij Regis expiandam, atq; ultione facinoris tam execrandi consecuta, facillè Diadema Regno restitutum iri. Quod vbi Tyrannus comperit, omni spe consistendi intra fines Regni prorsus abiecta, ad Vladislavum in Vngaria regnantem, paucis se militibus, de ijs qui



qui atrocitatis in Diuum patratae conscij fuerant, comitantibus profugit. vbi cum odia Vngarorum in se, tanquam iusti exilij meritas poenas exsoluentem augerentur, non diu moratus, in Carinthiam, vno duntaxat ex seruis comite adhibito, regali veste in rudem, ne facili negotio deprehendi posset commutata, discessit: ibiq; in Monasterio Viltina propè Isburg in Prouincia Athesis sito, arctâ pœnitentiâ crudele scelus expiando, conditionem & stirpem suam celando, coquinæ squaloribus & infimis quibusuis seruitiis se mancipando, delituit. Nonnulli asserunt, dum in Vngaria apud Regem Vladislaum consisteret, in amentiam versum, tam diuq; cruciatum, donec animam xii. Cal: April: exhalaret, pertulisse: atq; à canibus proprijs in syluis Pannonicis laceratû, sacrilegi parricidij poenam miserabilem à suprêmo ultore inflictam pendisse. Interea Prælati & Baronibus ad formandum Reipub. statum conuersis, Vladislaus ex filijs Regis Casimiri residuus & Boleslai Regis germanus cognomento Hermanus, consensu omnium concordî, in ipsius locum suffectus est. Qui etsi Rex ab omnibus appellaretur, tamen Regio titulo abstinendum sibi censuit, siue quod more maiorum vnctus & coronatus non esset, Romanæ sedis decreto id vetante, siue quod fratrem suum Boleslaû Regem aliquando redditurum speraret. Is posteaquam vnanimi Ordinum suffragio fasces regiminis, & administrationis Reip. fuisset consecutus, vt erat Religionis Orthodoxæ obseruantissimus, religiosum sibi duxit, regnandi primordia, à restituti

cultus

cultus Diui solennitate, & frequentia auspiciâ. Itaq; in id primûm curas Principe pio dignissimas intendit, vt interdicti auctoritate sedis Romanæ in Polonia promulgati relaxaretur censura, cuius postulationi per Nuntios tam ex Ecclesiasticis, quàm sæcularibus lectos, debita cum submissione expolitæ, attento Principis optimi propagandæ religionis studio, Gregorius VII. annuens, interdictum sustulit, Lampertumq; natione Polonum, virum sibi à plurimis annis cognitum, & in officijs Curia Romanæ optimè versatum. Nobilem de domo & familia Habdank Gracouien: Canonicum, via Scrutini à Capitularibus Electum Gracouien: Episcopatu præfecit, ac successorem D. Stanislai esse iussit. Eadem ferè tempestate Anno Domini Millesimo octuagesimo secundo, cum Senatus sacer Ecclesiæ Crusuiensis, Cathedræ destitutæ præfule è rebus humanis Andrea sublato vellet consultum, atq; Comitij ad eligendum successorem, certam diem sanxisset, eaque concordibus suffragijs feliciter illuxisset, Baptistæ Pontificalis sedis honorem detulerunt, quorum Electioni Vladislaus Monarcha subscribēs, confirmationem à Romano Pontifice facillè obtinuit. Porro quamuis Dlugossus tam Andree obitum, quàm Baptistæ electionē in Annum Dni. Millesimum octuagesimum primum referat, quia tamen idem fasces regiminis Polonia ad Vladislaû delatos, Anno 1082. scribit, ipsiusq; cura & diligentia interdictum sublatum, & Diuo Stanislao Successorem datum asserit, valdè ervitati consentaneum est, eadem opera Ecclesiæ Crusui-

O

cienfi



ciensi de pastore prouisum, illiusq; regimen Baptista commissum, cum prouisionem eius promouisse dici Monarcha Vladislaus non possit anno superiore, qui tum ut ad Monarchiam, ita & ad prouidendum Ecclesijs de Præsulibus nullum ius, nondum sua electione secuta, potuerit habere, quod ipse Dlugossus asserit. Floruit hic Pontifex insigni rerum gerendarum prudentiâ, cuius ut iucundiores Reip. saperent fructus, mirâ eam modestiæ & morum suauitate condiebat, ita ut vel efferatos barbarorum animos, ad amicitiam & grauem sui obseruantiam inuitaret. Acceperat tum coniugem Vladislaus Dux Iuditham Virginem, formâ & virtutibus conspicuam, Vratislai Bohemiæ Ducis filiam, quæ deuotione singulari pietatem mariti, eo maiori feruore promouebat, magno Basilicarum & aliarum Diuis consecratarum ædium bono, quo amore posteritatis gloriosæ vehementiore tenebatur, sterilitateniq; suis inuisam votis, depelli religiosorû hominû præcibus optabat. Itaq; consilio Lamperti Cracouiensis Episcopi ad Monasterium B. Ægidij, in quo corpus eiusdem confessoris humatû est iuxta Massiliam, ubi obseruantia disciplinæ Beatissimi Patris Benedicti viget, in spem depellendæ sterilitatis erecti coniuges, infantis effigiem & calicem raræ magnitudinis de puro auro fabrefactum, ac supellestilem altaris metalli eiusdem. Item B. Ægidij auream iusti ponderis imagine, n, atq; aureo sub tegmine & ostro intertextas sacrorum vestes, per insignes nuntios ex ordine Ecclesiastico & Equestri deputatos, in Prouinciâ Prouinciæ ad honorandum.

norandum D. Ægidium Canobio suo donanda transmittunt. Legati post triduum ab Abbate loci, religiosi inditum ieiunium, vnius monachi alios sanctitate antecellentis reuelatione in spem certissimam futuræ fecunditatis, diuinitusq; virilis prolis promissæ adducti, cum lætitia redeunt. Lampertus porro optatum consilij sacri consecutus effectum, Anno Dñi, 1086. die 20. Augusti, filium natum salutaribus baptismi lustratum vndis, Boleslaum nuncupat, atq; ab hinc à matronis prole mascula beari optantibus, B. Ægidius singulari veneratione coli capit, ita, ut multa templa in eius honorem, per Ducem Vladislaum, & Polonos nobiles sint ædificata & dotata. Cum verò hæc Regina plura liberalitatis heroicæ Ecclesiarum splendori contulerit insignia, tum pietatis illius eluxit non vulgare monumentum, ad seram posteritatis memoriam, cum celebri nominis sui recordatione perennaturum, quod sua interpellatione & cura Comitatus Chropij in Siradiensi Palatinatu, quæ nunc *Pabianice* appellatur, Canonicis Cracouiens: Ecclesiæ donatus est, cuius respectu Canonici ad horas gloriosæ Virginis Mariæ dicendas sunt, adstricti: Episcopo autē Vladislauiensi eadem largitione Castellania Lagouiensis, cum ijs quæ antiquitus ad eam pertinebant, ac Monasterio Tinecensi Xieznice cum villis supra *Visloham* fluuium constitutis, cessit. Aurea videbatur Baptista Pontifex spectare sæcula, cum videret Principes & Nobiles magna alacritate, ornandis & dotandis Diuorum ædibus certare, ipse satis impleturum sui muneris partes

O 2 . . . existimans,

existimans, si nitorem spiritualem, in ipsis hominibus qui templa Dei viua sunt, quam diligentissimè curaret promouendum, ad quod omnes conatus studiosè conuertit. Sed ecce interim terribilissima nubes à Pomerania exorta serenitatem tranquillâ grandi & luctuosa tempestate, quamquam in tota maioris Poloniæ ora, maximè tamen, in Cuiavia obscurauit, non sine maxima bonorum Ecclesiæ Crusuiciensis iactura. Anno etenim à Natiuitate Domini, Millesimo nonagesimo sexto, Sbigneus naturalis Vladislai filius, à Boleslao Bohemiæ Duce, viro callido & Polonis infesto sollicitatus, excusso disciplinæ regularis iugo, è Saxonia rediens, magno fugitiuorum & exulum exercitu coactò, Pomeranis suo pte ingenio Vladislao infensis, in belli societatem accitis, qui non paucas Prutenorum & Barbarorum copias secum adduxerant, Castrum & Ciuitatem Crusuiciensem frequentem ciuibus & populis, metu hostium ad eam confluentibus occupat, in eaque sedem belli contra Patrem Vladislauum gerendi statuit; vix respirandi nedum se colligendi spatio dato exercitui, Patri eum septem fugitiuorum & exulum aciebus, & Pomeranorum Prutenorumq; turmis it obuiam, & signis collatis ad lacum *Goplo* dictum, prælio parricidali congregitur; dum verò exules & fugitiui spe melioris fortunæ destituti, pro victoriâ obtinenda vires aeriter intendunt, taneum cruoris fusum est hostilis, vt lacus sanguine & cadaueribus funestatus, neque potari, neque piscem vsui aptum, diu continere potuerit. Paucis ex Vladislai militibus deside-

ratis.

ratis, vulneratis autè plurimis, omne robur Sbignei exercitus, extremâ clade obtritum est. Sbigneus ipse cum paucis in Castrum Crusuiciense fugiens, viuis in potestatem Patris venit. Vrbs Crusuiciensis sic eam Diugossus vocat, quod à Sbignei partibus steterit, militi in prædam data est, atq; ab hinc omni opulencia & fortunis spoliata, nihil de prisca gloria præter antiquitatis celebritate vacuè nomen seruat. Tanto bello quantam iacturam in bonis, sacra suppellectili, & vestibus cultui Diuino deuotis fecerit Basilica, æstimatum non est operosum, quantumq; doloristam vasta regionis illius solitudo, atrox bellum consecuta Episcopo attulerit; quæ etiam causam ipsius postea Successoribus Cathedralem Ecclesiam inde transferendi præbuit. Anno insequenti Baptista transfertur ad superiores, primusq; mortalitatis exuias in Basilica Crusuiciensi deponit, posteaquam annos quindecim Pontificalem dignitatem gessisset; dum Urbanus I. Cathedræ Romanæ præest, Henricus I V. Occidentis, Orientis verò imperator Alexius Comnenus.

*Crusuiciat, sacra dat Presul Baptista, per ora  
Gregorius vigil, his inuigilare iubet.  
Romulea natu celebris de sanguine gentis  
Pallas huic roseum sparserat ore decus.  
Spiritus irruat Superis, Ecclesia chari  
Pastoris cineres Crusuiciensis habet.*



## PAVLINVS EPISC. CRVSVICIENSIS. VII.



**D**Elatum Prælatorum & Canonicorum suffragijs Præsulis officium, ab Urbano II. Papa confirmatus Paulinus Frater Roberti Archiepiscopi Gnesnensis, de domo & stirpe qui pro stemmate insigniuntur Vitulo Nobilis, diuinarum literarum scientiâ vir insignis & morum grauitate celebris, Anno Domini, Millesimo Nonagesimo Octauo suscipit, in quo rectè gerendo tanto virtutum splendore illuxit, vt videretur non secus quàm Luna inter ignes minores coruscare, ea præsertim tempestate, qua pleraq; vitia debitam Pontificibus laudem non sine scandalo populi obfuscârunt, ita vt nuntius sedis Apostolicæ, cum potestate Legati à latere Episcopus Beluacensis

luacensis in Poloniam missus, & à Boleslao tertio filio Vladislai Hermani exceptus, honorificè duos Prouinciæ Gnesnensis Episcopos, Pontificalibus per sententiam depositionis sedibus mouerit. Anno Domini, Millesimo Centesimo quarto, vnus rigorem huius decreti expertus fuit, Cesslaus Episcopus Cracouiens. qui sola Ducis Vladislai voluntate, inconsultò Romanæ sedis oraculo Pontificatum tenuerat, referente Dlugosso, alterius nomen fauentior celauit antiquitas. Operæ pretium esse videtur hic reminisci conuersionis Pomeranorum, quorum maxima pars, ab initio Episcopatus Crusiciensis fundati, sollicitudini eiusdem Episcopi est assignata, decimasque pendere iussa, talem occasionem consecutus, Martinus Gnesnens. Archiepiscopus, vnâ cum Nicolao Archidiacono Gnesnensi iter faciebat, in quo Ecclesiam Parochialem Spicimirensem, Sacrum Missæ Officiū auditurus inuisit, iamq; cū Presbytero sacris operante, ex more generalem confessionem recitabat Archiepiscopus, cū subito à ministris nuntiatur hostium Pomeranorum incursus. Hi per exploratores suos facti certiores de aduentu Archiepiscopi, quod eos ab impio falsorum numinum cultu auocaret, religionemq; Catholicam colendam, ac decimas & primitias persoluedas vrgeret frequentius, ad ipsum comprehendendum denso agmine irruerunt. Consternatum metu Archiepiscopum, & quo se in tam inopinato casu videret, fluctuantem (neq; enim familiæ numerus sibi tunc adhareretur) hostili par erat; immò pleriq;

pleriq; in latebras quas cuiq; casus obtulit se abdiderant. Archidiaconus fugæ salutem permissurus foras erumpens deserit. Hunc Pomerani Archiepiscopum rati, cultiore namq; vestitu splendebat, elapsū ēde sacrâ intercipiunt, & magnoperè lati honesta exceptum veneratione rhede imponunt, optataq; ut putabant potiti præda, cum reliquos comites in Ecclesiam regressi non comperissent, Ecclesiam verò sacra supellectili spoliaſſent, in Pomeraniâ reuertuntur tanto velocius: quantò iustiore fuissent perculsi timore, ne ipsi præda cessissent Polonis, Martinus interea dum hostes ad captiuandum, Archidiaconum accurrerant, meta intendente, vires grandæuæ senectutis, sublimius tectum oratorij conscenderat, Sacerdos qui Diuinam rem orsus fuerat, se inter aram & templi frōtem occultauerat, cum Pomerani curiose abdita ædium loca scrutari supersederent, veriti maximè ne quid mora periculi à Polonis afferret. Non abiit impune tam sacrilega hostium temeritas, singuli namq; qui Ecclesiæ Spicimiriensis vasa irreuerenti audacia contigerant, eaq; profanis vsibus applicanda animo statuerant, aut in insaniam mentisq; alienationem versi sunt, aut epilepsiâ acti ceciderunt; ex his deniq; deliri ferro & saxis obuios quosq; nullo sanguinis aut necessitudinis discrimine habito impetebant, coniuges & familiares ædibus exturbabant; quos si assequi non possent, aut ab oculis haberent submotos, dentibus & vnguibus semet laniabant, cruentisq; morsibus sæuebant in propria corpora; neq; sceleris istius au-

dores

dores duntaxat tali ægritudine, verumetiā coniuges ipsorum & liberi fuerunt obnoxij. Eius grauitate supplicij, ceteri ad meliorem reducti mentem impiæ temeritatis, quod sacrilegas à rebus cultui Diuino dedicatis, & viro Dei non continuissent manus, à iustissima numinis vindicta pœnas metuentes, cum plurimos iam suorum miserè viderent exanimatos, omnia sacra Archidiacono restituit, superstitionis gentiliū sectis renuntiant, fidei Orthodoxæ manus dant, atq; solutionem primitiarum & decimarum hactenus negatâ, perpetuis temporibus se reddituros vouent. Boleslaus tunc Vladislai Hermani filius, Cracouiam, Vratislauiam, Sendomiriam, Siradiamq; gubernabat. Sbigneo autem natali filio Vladislai, eiusdem volūtate Pomerania maioris Polonia pars, Lancicia, Cuiavia, & Mazouia parebat. Circa eadem tempora Boleslaus de Pomeranis hostatu Sbignei à Regno deficientibus victoriâ insignem consecutus est; sed hæc, quâ idololatriam inibi detriumphauit, exstitit gloriolior precibus, ut pium creditu est, Martini Archiepiscopi Gnesnens. obtenta, qui tam diu lacrymis & precibus vacare non destitit, donec Archidiaconum saluum cum sacra supellectili redeuntem conspexit. Non poterat non letari pius Antistes Crusiciensis Paulinus, dum plures oues ad ouile Domini suæ Diocesi à prima Episcopatus institutione destinatas, hactenus in barbara superstitione errabundas videret properare. Qui cum annis XII. Crusiciensem rexisset Ecclesiam, dierum plenus obiit A. Dni. 1111. honoremq; sepulturæ in delu-

P

bro



bro Crusuiciensi lacrymis illi Dioecesanorum parentantibus accepit. Paschali secundo ad clauum navis Petri sedente. In Occidente Henrico Quinto. In Oriente Alexio Conneno imperantibus.

*Paulinus Dni sequitur vestigia Pauli.*

*Quando sollicitus lustrat ouile gregia.*

*Hunc Diuinarum secunda scientia rerum,*

*Moribus, & veniens expoliare decor.*

*Posteaquam senis sedem bis rexerat annis,*

*Paruit imperio mors inimica tuo.*

BALDVINVS EPISC: CRVSVICIEN: VIII



**F**ecunda in Ecclesia Crusuiciensi seges, non parvam deliberandi occasionem Prælati & Canonicis, quem in locum Paulini surrogaret diutius consultatibus attulit, morasque prolixiores in electionis negotio nexuit, procras-

procrastinando, dum in hoc pietas, in altero doctrina, in alio rerum gerendarum prompta dexteritas, anteposenda astumaretur, quam procrastinationem inuidiosa nonnullorum protraxit ambitio. Facile tamen discordes voluntates in vnam coegit sententiam, & diuersos animos conciliavit Boleslai Kriuousti pro virtute Balduini natione Galli latum suffragium; atque ita consentiente Ecclesie Senatu, à Paschali secundo confirmatus, gubernationem suæ Dioeceseos, anno eodem, in quem mors Prædecessoris incidere, scilicet Anno Dñi. 1111. auspicatus est. Fuit nobilitate prosapiæ clarus, de domo & familia Ramult, quæ 5. rosas in scuto rubeo defert in quincuncem ordinatas pro stemmate, quam felici Episcopatus gubernatione & virtutū claritate, quas ad munus hoc obeundum cum laude sibi adsciuerat, reddidit illustriorem. Eius temporibus Anno videlicet 1113. hoc cæleste visum est Crusuiciæ prodigium, Boleslaus Kriuoustius Dux in Pomeranos, qui frequenti irruptione à fide Polonorum desciscen-tes, seque à ditione Ducis subtrahere conantes, Poloniam vocatis in subsidium Prutenis vexauerant, exercitum ducebat, copijsque tam equestribus, quam pedestribus coactis in vnum Crusuiciam peruenit, ubi de statuis decedente exercitu in oculis omnium apparuit iuuenis formæ venustissimæ in pinaculo Capellæ S. Viti, quæ in Ciuitate Crusuiciensi è regione castri fuerat sita, & villa Dziemá, à primò foundationis tempore dotata fuit, nostra ætate nullum vestigium aut memoria illius prorsus exstat, vna nunc dunta-

zat ædícula S. Clementis honori consecrata in oppido conspicitur; plura tamen in tam frequenti Ciuitate, quam Dlugossus vocat Urbem, exstitisse, templa verò nō videtur dissimile. Ad factum narrandum pergo. Tantum à splendente adolescentis vultu irradiabat fulgor, vt non modò Crusuiciam totā, sed & campos vicinos illustraret. Cumq; vniuersus exercitus religiosa percitus admiratione, in eum ora & oculos, sed maximè Dux ipse Boleslaus conuertisset, è pinnaculo templi exiliens agmini copiarum anteibat, atq; recto tendens itinere exercitu ductum ipsius sequente *Naklum* peruenit ( Vrbs ea tum Metropolis apud Pomeranos erat, intra cuius pomerium, pomo aureo iacto, spem certam vrbs capiendæ in animis Polonici exercitus ingenerauit, ac mox disparuit. Viso hoc factus animosior Boleslaus, crebris arietationibus quatit infestæ vrbs mœnia, ex qua plurima terris Polonorum erumpebant discrimina & populationes, cumq; magna iam ex parte muros labefactassent, obsessi inducias quindecim dierum à Duce poposcerunt, intra interuallum temporis hocce, nisi auxilium à Pomeranis adesset. Castrum & Ciuitatem Duci Boleslao tradituri, non inuitus spatium petitum induciarum cum hostibus paciscitur Boleslaus; interim auxilia 50. millia copiarum suppetias ciuitati veniunt; captatoq; consilio Pomerani per intempestæ noctis silentia tutissimum rati, relictis equis, ne ab eorum hinnitibus proderentur, castra Polonorum impetu rumoribus celeriore incipiunt adoriri. Agebatur nunc solennis diei celebritas honori

Diui.

Diui Laurentij gloriosi Martyris dicatæ, qua Dux Boleslaus auditioni diuinorum cum suo exercitu intèrus, arma exuerat, quod & nulla hostis aduentantis timeretur suspicio, & quod induciæ cum hoste pactæ occasionem bellandi viderentur intercepisse: ecce subitò Pomeranorum exercitus Polonis in tentoria à sacris diuertentibus magis conspicitur, quàm adesse nuntiatur, tam celer & inopinatus eorum aduentus, vt Polonorum animos non parua turbatione infregerat: ita victoriam Pomeranis attulisset, si eadem celeritate qua cæperant, conatus perurissent; Boleslaoque iustum temporis interuallum ad colligendum & compingendum exercitus robur omninò eripuissent; sed enim Numine ira disponente, locum primum quo tutiores conlisterent, eligunt, eumq; vallo & fossis muniunt, ac sudēs præacutas & oblongas igne in extremitatibus duratas tam in fronte, quàm à lateribus denso & frequenti ordine terræ infigunt, quæ vniuersum Pomeranorum exercitum, à quauis incurfione tuerentur. Boleslaus interea spatio datò, ægrè ordines aciemque tumultuariè magis quàm ordinatè explicuit, & instruxit, longè numero hostilibus turmis inferiorem. Concurritur magna vtrinque contentione, sed effractis Boleslaus sui exercitus impetu, sudium, lancearum, & hastarum hostilium munitionibus, iter victoriæ ad se iam deflèctenti, amplum patefecit; tantaque tunc strage hostiles fudit acies, vt Pomeranorum & Prutenorum quadraginta Millia cæsa, duo in seruitutem abducta numerarètur. Omnis ea victoria Numini propitio

P 3

per.



per merita & suffragia D. Laurentij Martyris placato est a tributa; cui exercitus vniversus pro periculo auerso, & collato triumpho festiua iucunditate gratiarum actiones agebat. Latus victoria de hostibus obtenta Præsul Crusuiciensis supplicationes in Ecclesia decernit, & ordinat, eò feruentiores, quò præsentius periculum, ab hostibus suæ Diocesi imminabat, quanquam vt non sine imminutione bonorum suæ mentis & Ecclesiarum suo regimini subiectarum moles ea belli solo Crusuiciensi incubuit, ita non minorem lætandi occasionem solutus exercitus præbuit incolis & Pastori. Qui cùm annis Ecclesiæ Crusuiciensi 19. præfuisset, Anno Dñi. 1128. de vitæ statione concessit febribus absumptus, in Crusuiciensi Ecclesia sepultus, extremum beatæ immutationis diem præstolatur. In Catalogo Volboriensi habetur Anno Dñi. 1122. vitâ excessisse, atq; annis non amplius 12. gubernatam ab eo sedem Crusuiciensem, cùm Dlugossus in Historia primordia Episcopatus Balduini in Annum 1111. exitum porro regiminis in prædictum Annum 1128. referat, Calixtus II. præsidebat tunc Romanæ Cathedræ, Occidentis imperio Henricus V. Orientis verò Ioannes Conneus præerat. Bartholomæus Paprocus in Stemmate Rauulæ Balduinum in Episcopatu Crusuiciensi, non integrum annum vixisse auctor est.

*Præfulea, multi prensant dum Sedis honorem,  
Balduinus mitrâ Rege volente, nitet.*

*In Patria*

*In Patria natus, decorandam quam lilia Regum,  
Lilia Sarmatica nescia stare sola.  
Sed rosa fixa stetit quincuncis in ordine pulchro,  
Vernans, Præfulea, gloria prisca, domus.  
Crusuicio sic iam pastana Rosaria templo  
Cedit, quod sancta plântis odore rosas.*

SVIDGERVS EPISC: CRVSVICIEN: IX.



**P**rimus nationis Germanicæ, nobilis de gente Grzymaliorum, qui portam patetem tribus turribus eminentem pro insigni gestant, in Crusuiciensi Ecclesia ob egregias virtutes Pontificatum est adeptus; ab Honorio Papa secundo, iuxta Dlugossus, secundum Chronologiam Romanorum Pontificum sub Urbano secundo confirmatus; qui gubernationem illius suauitate morum, & omni

omni humanitate ita commendauit Equestri in Polonia Ordini, ceterisq; de populo suæ sollicitudini in animarum quærenda salute commissis, vt omnium animos, iucundissimâ conuersatione deuinctos, in potestate videretur habuisse. Exordium regimini ipsius dedit Annus Dñi, Millesimus Centesimus Vigessimus nonus. Eius temporibus claruit in Polonia Petrus Danus, vir omnium sæculorum memoria dignissimus, primus in Regno hoc claritatis & amplitudinis Duninorū Auctor Comes de Skrzybi-  
pius in Polonia candidi Præmonstratensis Ordinis Canonicorum à D. Norberto Anno Domini 1125, instituti plantator, & propagator insignis; qui cum septuaginta septem templa de sectis ac dolatis lapidibus, magno Poloniæ ornameto (pauca enim talia ante eum existerunt) religiosæ pietatis monumenta exædificasset; inter hæc præclara liberalitatis heroicæ testimonia Cænobia duo Norbertinæ familiæ virorum, vnum sub titulo S. Vincentij extramuros Vratisslauienses quadrato lapide, alterum fæminarum in villa Chalino, prope Izbicâ oppidum, in Diocesi Vladislauensi fundauit, exstruxit, & prouisione munificâ dotauit, sub titulo & honore S. MARIÆ Magdalenz. Exstat in prædicto pago Ecclesia, Monasterium verò idem ipse conditor in oppidum Strzelno, pro maiori Sanctimonialium commoditate, intra eandem Diocesim transtulit, à quo inibi exædificatam & dotatam Ecclesiam Anno Dñi, Millesimo Centesimo Trigesimo tertio, præsentente Bernardo Episcopo Lubucensi, & ipso Petro Comite (in ipsa Dedicationis

dicationis solennitate Strzelno in dotem Monasterio attribuyente) decimo septimo Calend. April. in titulum & honorem S. Crucis ac Beatissimæ Virginis MARIÆ consecrauit Suidgerus. Loquitur posteritati Petri Dani nomen lapis in Colossum erectus in Parochialis Ecclesiæ Coninensis Coemeterio, quem cum duas Prouinciâs latissimas Calissiensẽ & Crusiciensem regimini suo à Duce Boleslao Kriuoustio commissas perlustraret crebrius, frequentiaq; itinera de una in alteram faceret, longitudinem itineris emensus vtrinq; distantẽ in illius medio statuit, qui adhuc ibi cernitur. Porro vt ad Suidgerum redeamus: quantum in viro hoc bono communi prospiciendi & pacatæ tranquillitatis promouendæ studium existerit, non difficile hinc potest iudicari, quòd cum alijs Pontificibus in exclusionem à Ducatu Vladislai filij, Boleslai Kriuoustij consenserit, & paci consulentium Senatorum votis subscripserit. Res paulò altius enarranda est: Cum Boleslao Kriuoustio, ætatis quinquagesimo quarto, Principatus Poloniæ Tricesimo sexto, fatalis dies immineret, Poloniæ Monarchiam, futuras, ea ratione, inter fratres de Principatu contentiones amoliturus, inter quatuor filios partiti est, atq; maiori natu Vladislao Cracouien. Siradien. Lancicien. Terras, Silesiamq; & Pomeraniâ attribuit; discernens, vt circa eum Principatus maior, & prima consisteret auctoritas, reliqui fratres illius arbitrio starent, parerentq; ab eo sancitis; concordia tali Poloniæ Regnũ, si ad vnum totius curæ summa referatur, stabiliendum, fin



sin secus, facile intestinis dissensionibus in ruinam dissipatum, iri, pramonens. Boleslao Crispo, Masouien. Dobrinen. Cuiavien. & Culmen. Mecislao seni, Gnesnensem, Posnanien. & Calissien. Henrico Sendomirien. & Lublinen. Terras assignauit. Cum autem ex asse iam Regni heredes quatuor filios instituisset, quintus vnus anni Calimirus, magnâ iniuriâ videbatur Proceribus exheres; cui, cum monerent Regem Consiliarij, de assignanda portione, illi suam in toto manere sortem respondit. Cunctis autem admirantibus, & quanam illa esset residua, posteaquam in quatuor vniuersam Monarchiam Tetrarchas distribuisset, curiosius sciscitantibus, tali similitudine dubitationem depulit. Non aduertitis, inquit, inter quatuor rotas sedem currus quintam consistere, eamque nobiliorem esse, ita huic infanti inter Tetrarchas fratres relinquitur successio, plus venerationis & amplitudinis quam illæ reliquæ partes, habitura. Ita Vladislaus reliquis fratribus tanquam natu maior in aditione hereditatis, & administratione Monarchiæ præpositus, & voluntate Patris, & Procerum consensu, qui concessu temporis sorte sua minimè contrētus, sed ambitione & inuidia, in partes, quas paterna diuisione fratres nacti fuerant, capit commoueri; quam eius coniux Christina soror Imperatoris Henrici, frequentibus expostulationibus, & muliebribus querelis, in dies inflammabat ardentius, tali maritum adorsa exprobratione: Non in tam truncam & tequem quæ tibi cessit sortem, sed in totius Poloniæ Regni

gni spem, vnus filia Cælaris, alterius soror ætate viridis, tibi desponsa sum potentiori, & ditiori Monarchiæ, nisi frustra spes ea paretem Imperatorem tenuisset nuptura. Pronus suapte ingenio in occupandas fratrum terras Vladislaus, facile apud se queribundæ vxoris flagitationibus locum permisit. Itaque primum edicit, nulli alteri per singulas regiones, quam sibi parendum esse, edicto, contumaces aut verberare, aut carcere, aut bonorum ademptione in officium redigendos esse. Postea cum ex matre Ruthena genitus esset, auxiliares quosdam ex Ruthenis accersit, eorumque ministerio in occupationem bonorum fratrum inuolat, ac eousque processit ambitio ipsius audax, & effrenis dominandi libido, ut fratres omnibus possessionibus deturbare in animum induceret. Augebat in dies ambitionem auaræ vxoris nouum oppressionis commentum, dum in speciem honoris populo mandabat, ut solennibus ferijs pullos gallinaceos, porcinos, anseres, mel, triticum, auenam, pro modo facultatis ad mensam Ducis liberaliter conferret. Quod ut aliquoties factum est, decreto postea Principis honos in necessitatem fisco talia quotannis inferendi, abiit; atque hic astus populi liberam obseruantiam, in debitam pensionem conuertit. Cruore demum fraterno, ambitioni & libidini dominandi litaturus Vladislaus, quosiam possessionibus exuerat, etiam patriâ ipsâ, quin & vitâ, si furori suo oblectari vellet priuaturus, omnem potentiam exercitus in fratrum oppugnationem in Castro Posnanien. odia fratris tolerantium,

rantium, exierit: nullis conditionibus volens ceptam obfidionem soluere, & animum in fratrum exterminium æstuantem, crebris monitionibus & grâui oratione Iacobi à Znî Archiepiscopi Gnesnensis deliniri non sinens; tandem ipse extrema fratrum & suorum militum desperatione, ad incitas ita redactus est, iusta ipsis ira audaciam suppeditante, & æquæ defensionis causam Deo promouente, vt cum numerosissimus illius exercitus ad internecionem deletus esset, nec ipse vbi tutò posset consistere reperiret, omnia loca propter incolas sibi offensos habes suspecta, Ratiboriam, & inde in Alemaniam per Silesiæ oram ad Conradum Romanorum Regem debuerit excedere: quò & Christina imperiosa sua coniunx, cum tribus filijs, à Ducibus victoribus ad maritum ablegata est, atq; tum in locum Vladislai exulis, Boleslaus Crispus, Boleslai Criuoustij inter fratres secundi matrimonij natu maior, de Prælatorum Baronum, militariq; ordinis consensu suffectus est, communibus suffragijs, Principatumq; totius Poloniæ obtinuit; ob quem illi deferendum, vnâ cum alijs Præsulibus & Proceribus Regni Suidgerus Episcopus Crusiiciensis, auctor exstitit, quo factum, vt Henricus iunior Rex Romanorum, qui tum Conrado Patri successerat, contra Boleslaum, Meeslaum, & Henricum fratres, Polonorum Duces, quod quartum fratrem Vladislauum, sorte sua excluserint, in generali Concilio Remensi, Auctoritate Eugenij tertij, Anno 1147. celebrato, quereretur. Idemq; Iacobum Gnesnensem Archiepiscopum,

R. Pol.

R. Pol. Metropolitanum, & alios Poloniæ Suffraganeos, Episcopos, videlicet Matthæum Cracouiensem, Magnû Vratislauiensem, Suidgerum Crusiiciensem, Bernardum Lubucensem, Boguchualum Posenanensem, Alexandrum Plocensem accusaret, quòd contra iusiurandum Duci Vladislao præstitum, in exclusionem Ducis Vladislai consensissent. Vnde quàm salutaris consilio Reipub: optimus Senator Suidgerus non defuerit, manifestum est; dum eorum in numero recensetur, qui saluti patriæ consulentes Tyrannum Regno extorrem esse voluerunt; ipsiq; ereptos fasces Principatû ad Boleslaû Poloniæ detulerunt.

Inusitatum ijsdem temporibus apparuit vitæ longitudinis exemplum, Anno si quidem Dni. 1151. Ioannes de Temporibus natione Gallus, armiger Caroli Magni, communem vitæ humanæ mensuram ad prodigium egcessus, trecentis septuaginta duobus annis compertus est vixisse; qui priscorum ætate perfunctus, præsentis memoriæ, & deinceps successuris sæculis, iure meritissimo magnâ de proteriso tanta diuturnitate vitæ spatio admirationē reliquit.

Mortuum Suidgerum ex hepatis vitio, in Ecclesia Crusiiciensi sepultum, refert Dlugossus, Anno Dni. 1151. in quod tempus gubernatio sedis Apostolicæ Adriano Quarto incidit, regimen imperij Occidentalis Friderico Aenobardo, Orientalis Manueli Conneno. Porro quantum hæc temporis supputatio veritati sit consentanea, liquiddò constare poterit ex ijs, quæ hic annecto; ex quibus facile colligi poterit, Dlugossum quidem accuratum fuisse

Q3

successi-



successionis Episcoporum indagatorem, eumque in re ab ætate sua remotiore multum elaborasse: minus tamen interea, ad vitæ uniuscuiusque longitudinem, & breuitatem & tempus obitus attendisse: quamuis & in hoc voluerit videri diligentior, dum definito anno mortem singulorum annotat, rem explicandam aggredior. Anno Dñi. 1148. Priuilegium ab Eugenio tertio Ecclesiæ Vladislauien. Venero Episcopo, eiusque successoribus Canonice succedentibus datum est, in quo is limitationem Diocesis Vladislauiensis Episcopatus per Ægidium Tusculanum Episcopum, & Boleslaum Ducem Poloniæ, factam confirmat. Quod Priuilegium in tempora regiminis Crusviciensis Ecclesiæ per Suidgerum Episcopum referrendum esse, iuxta Dlugossianam annorum computationem, vitæ, & regiminis Episcoporum Crusviciensium manifestè constat; tamen cum nomen Veneri expressè contineat, & ad Vladislauensem Episcopum sit directum, palam videtur lapsus Dlugossi in Chronologia.

*Græmalia de gente virum Germania mittit;  
Cui triplici munit. turrica porta, domum.  
Coniunctu facili, placidus sermone, peritus  
Voce, velatum flectere pectus, erat.  
Stant Adamantico solida fundamine porta  
Stemmata; sed morti perua cuncta patent.  
Hæc pede eadem humilesque, casae, turrestque, superbas  
Proripit, & quoduis culmen adequat humo.  
Quæ penetrare potest audax penetralia Regum,  
Æquæ non poterit vi penetrare domum.*

ONOL

ONOLDVS EPISC: CRVSVICIENSIS X.



Posteaquam Prælati & Canonici Crusvicienses debitam funeris pompam iuxta Suidgero soluerunt, ut vacanti Ecclesiæ sine cunctatione Pontifex prouideretur, certam diem Electioni futuræ designarunt; in qua dignitatem Pontificiam votis concordibus Onoldo genere Italo, probitate morum, & scientiâ præclaro, deferendam iusserunt; cuius possessionem, ab Adriano Papa IV. confirmatum, ad petitionem Capitularium & Boleslai Crispi Polonorum Monarchæ, adisse memorat Dlugossius. Anno Domini Milleesimo centesimo quinquagesimo septimo, idemque in Catalogo Volboriensi habetur. Is cum auctoritatem tantæ dignitatis non posse in solitudine Crusviciens-

suiciensi decenter consistere apud se statuisset, matura deliberatione cum Prælatorum & Canonicorum consilio præhabita, Cathedram Crusiciâ, cuius ciuitatis splendor & incolarum frequentia diuturnitate, & gravitate bellorum, maximè autem defectionem illius vlciscente Vladislao, quod partibus Sbignei naturalis eius filij adhæsisset, in paruam iam tunc angusti formam decreuerat, Vladislauiam ad Ecclesiam in ripa Istulæ suanè opera & sumptu, an prædecessorum non constat, exædificatum, transtulit. De literis benè meritis fuisse, & singulari patientiâ excelluisse dicitur, cuius exercitio, non vulgarem ipsi præbuit causam grauis imminens belli moles Reipub. cum Imperatore Friderico, ad quam reprimendam conscriptus miles, bona, & villas ad Episcopatum pertinentes miserè afflixit. Causa exercitum in Poloniam ducendi Friderico fuit Vladislai exilium, quem ille à Boleslao, Mecs-lao, & Henrico deuictum, fratribus germanis, cum idem illos bello iniusto fuisset adorsus antea, & sortibus prouinciarum volûte patris consensuq; omnium ordinum, atq; ipsius Vladislai inter eos distributarum exuisset, Principatui Polonorum restituere moliebatur; quo quidem colore sollicitudinis, circa recuperandam Vladislai Monarchiam simul auaræ ambitionis contra Polonos æstuantis astutè obducere conabatur flammam, quâ incensus, magnitudine sui exercitus, Duces tres Vladislai fratres in potestatem suam redigere, & ad præstandum sibi fidelitatis sacramentum cogere, ac ad quingentarum Marcarum  
argenti

argenti tributum quotannis suo ærario pendendum, contendebat; Polonis extrema quæq; potius sustinere, quàm tributis subijci, magno animo deliberatum fuit; cumq; maximum exercitum, tam Equestribus, quàm pedestribus instructum copijs mouisset Imperator, quem ex Al-manis, Francis, Sueuis, Renensibus, Bauaris, Saxonibus, Lotaringis, Misnen-sibus, & quod atrocius videri potuit etiam Morauis, & Bohemis, vnus penè nationis & linguæ cum Polonis, conflauerat, dissenteria morbus, ex aquarum haustu (cū delicijs euirata corpora Germanorum ad bibendum spissam ceruissiam ex hordeo coctam non haberent) inuasit ipsius agmina, magnamq; in legionibus stragem inde mors consecuta edidit; Imperatoremq; ab æquis & honestis conditionibus cum Polonis pacem componendam adduxit. Magnam & grauem sollicitudinis molem tantus terror optimo Senatori benè patriæ cupienti, dum ingens formidaretur Poloniæ clades, à tam densa nube legionum, exercitus hostilis ingessit, verum non minorem attulit prouido circa gregis Dominici salutem, Antistiti laboris causam, Anno Dñi, Millesimo, Centesimo, quinquagesimo nono, in Ecclesia subortum schisma, postquam rebus humanis exemptus, vacuam reliquisset Vniuersali Pastore sedem Romanam Adrianus Papa I V. in cuius locum quamuis Alexander tertius Rolandus antea vocatus, à maiore Cardinalium parte electus successisset, Octauianus tamen Antipapa Victoris nomine appellatus, aliorum suffragijs adiutus, ei se opponens, grauiter pacem  
R & vnio-



& vnionem Ecclesiæ turbauit: quæ quidem turbatio, vt reliquos omnes Episcopos sollicitos seruare vnitatem Spiritus, & vinculum charitatis; ita & nostrum Onoldum, ingenti non potuit non afficere dolore. Fit mentio apud Cromerum libro sexto, Onoldi in Synodo Lanciciæ celebrata præsentis, Anno Dñi. 1180. quo etiam tempore Zdislaum Archiepiscopum Gnesnensem, Gedeonem Cracouiensem, Cherubin Posnaniensem, Lupum Plocensem, Episcopos vixisse ait. Ne me fallit opinio, ex Dlugosso hæc Cromerus exscripsit, verba Dlugossi refero: Aderāt huic consilio Præsules octo. Zdislaus Gnesnē. Gedeon. Crac. Zirosslaus Vratislauienē. Onolphus Cuiauenē. Cherubin Posnaniē. Lupus iam obiit. Vitusco Plocen. Conradus Camenecen. Gaudentius Lubucensis; vbi pro eo quod est Onolphus apud Dlugossum, Onoldus librationum incuria apud Cromerū incurrit, quem tamen non Onolphum sed Vunelphum appellandum esse, tum ex aliis Dlugossi locis, tum ex Catalogo Volborienſi patet; cuius Episcopatus in hanc Synodum planè incidit. Itaque Onoldus interfuisse illi minimè potest, qui ex vita mortali ad imortalem postquam annis quatuor rexisset, Vladislauensem Ecclesiam Anno Dñi. 1160. iuxta Dlugossum transijt; atq; ita Lupo Plocen. vt vult Cromerus, aut ipsius successori Vitusco, vt Dlugossus, conuiuere nequijt; Cherubin autem Posnaniensis neq; per hanc ætatem, neque vnquam aliàs locum habet in Catalogo Posnaniensium Episcoporum, per Dlugossum conscripto. Præsuit tum

Sedi

Sedi Apostolicæ Alexander III. Occidenti Imperio Fredericus Oenobarbus, Orientis Manuel Connenus, cum regere Onoldus Vladislauensem Ecclesiam desisset.

Hactenus continuatam Episcoporum Crusiciensium successionem persecutus, coronidis loco perenne illorum memoriæ monumentum, per Illustrissimum & Reuerē. olim Laurentium Gembicki in eadem Crusiciensi Ecclesia tabulis marmoreis erectum appono. Duæ tabulæ duabus columnis, quibus templi moles imminet, è regione ostij ab Austro insertæ, hac Epigraphen nominis immortalitatem primorum Crusiciæ Pontificum pandentem continent, prior tabula sic habet.

## MEMORIÆ PERENNI.

U

In altera legitur.

Nunquam intermorituræ virtutum trium Episcoporum, qui primi Crusiciæ sede constituta in his regionibus religionem Christianam doctrina sua disseminârunt, peruigili cura amplificârunt, vitæ sanctitate confirmârunt, Lucidi, Laurētij, Marcellini, quorum primus A. D. 993. secundus 1014. tertius 1033. ex hac vita in meliorem commigrauerunt, & hic sepultri requiescunt. Erectum monumētum ab Illustriss. & Reuerēdiss. Laurentio Gembicki Episcopo Vladislau. & Pomeraniæ. M. DC. IV.

R. 2

Siste qui transis; contemplate, Antiquitatem & vices humanarum. Iacent hic duo Episcopi Crusiciens. Vincentius, & Andreas Romanus, ille IV. in ordine Episcopali A. 1055. Hic 5. A. 1081. vitam terminârunt. Ingemisce & dic: Hem quanta argumenta vbiq; loquantur antiquitatem Catholicā, quanta reſellunt vbiq; nouitatem hæreticam: posunt pio affectu erga antecessores dictus Illustrissimus & Reuerēdiss. D. Laurentius Gembicki Episc: Vladislauic. & Pomeraniæ. A. M. DC. IV.

Circu

Circa quam inscriptionem aduertendum est, authorem illius Catalogum Volborientem secutum esse, proindeq; Laurentium, pro Mauritio, Marcellinum, pro Marcello, Vincentium, pro Venantio, quanquam & in pariete Arcis Volborianæ legitur Venantius usurpasse. Illud quoque mirum videri debet, cur dicat omnes quinque in Crusuiciensi templo quiescere, cum primi tres in Dzuernensi Ecclesia, reliqui duo in Parcanensi fuerint sepulti, nisi forte translatos esse constet aliunde; Nec illud minore dignum admiratione, quod illi quinque referantur quiescere Crusuiciæ, suppressa verò sunt eorum nomina, qui ibi primitus sortiti sunt sepulturam. Baptista Romanus, Paulinus Balduinus, Suidgerus; atq; eo consilio huc transferendum istud Cenotaphium putavi, ut etiam ijs, qui Crusuiciæ sunt sepulti seruiret, quamuis eorum nomina hic cælatæ non sint.

*Suidgerio postquam Prasul successit Onoldus,  
Quem tulit Ausonia, Sarmatis ora, plagis.  
Crusuiciæ sacrum iussit migrare Senatum,  
Vladslauiamq; suos transtulit ipse lares.  
Hic vobis Musa dignos promebat honores,  
Dignum laude virum, vos prohibete mori.*

RVDGE

RVDGERVSE PISC. VLADISLAVIEN. XI.



**S**ingularis modestia, qua inter Prælatos & Canonicos Vladislauenses eluxit; facile vota omnium & consensum, quasi gentilitio vimine deuinxit, ut Rudgerus in locum vita functi Onoldi, Canonicè renuntiatus Antistes sufficeretur; qui Mecsiao Maioris Poloniæ & Pomeraniæ Duce, Electioni sacri Senatus deferente, operamq; suam

R 3



suam apud Alexandrum Papam tertium interponente, facile confirmationem obtinuit, possessionemque summo gentis Polonicæ, quod illius idiomatis non ignarus esset. applausu, adeptus est Anno Domini, Millesimo Centesimo sexagesimo primo, nobili genere fuit nationis Teutonicæ, de domo gentis quæ pro insigni defert, circulum in naribus Bisontis, vulgo *Wieniawa* dicitur, quamvis probabilior videatur Paprocij sententia, genus ipsius in nobilitate Bohemica recensentis, cum originem stemmatis istius, quod Perstina vocatur, ad gentem Morauicam Bohemis cognatam, iure merito referendam, censeat; ut pote qui sua ætate non ignoram habuerit virtutem, & merita in Patriam, insignium virorum de domo Perstina in illa natione. Liberalitatem huius Antistitis in Cœnobium Miechouiense eiusdem professus, A. R. D. Samuel Nakiel-ski S. T. D. Præpositus S. Hedwigis ad Pontem Regium Cracouiensem, in sua Miechouia celebrat, iconemque stemmatis usurpandum oculis, ad perenne decus recenti posteritatis memoria fouendum, animosque gentis eiusdem insignis gloria gestientis, ad parem pietatem accendendos exhibet; qui hætenus in æde sacra, Maiori Ecclesiæ Miechouiensi contigua: visitur, qui autem ad augendas res recens exurgentis. In Polonia Religionis munificam contulit operam, & opes impartitus est, in dubium vocare nemini licebit singulare ipsius in exornanda Sponsa sua Basilica Vladislauiensi studium effulxisse, qua in re propriam tantæ virtuti laudem, & debitum pietati præconiū  
Catalogo

Catalogus Volborientis inter Episcopos Vladislauienses non reticet, dum Vladislauiensis templi ornandi; studiosum fuisse prædicat. Non minorem porro adhibuit curam, ut clarus nitor in templis animorum, per sacrum Baptisma Numini dedicatis splenderet, atque in eam rem omni contentione collata, nullis sumptibus, aut laboribus ad lustrandas suæ curæ subiectas Ecclesias, visitandasque suæ Dioecesis partes, pepercit. Quod dum pie & sollicitè bonus Pastor exequitur, incendit ardentius conatus sanctos illud quod finitima Pomeranorum, qui non parua pars sunt Dioecesis Cuiauiensis, gens Pruteni, sub iugum Domini hætenus ceruices barbara superstitione efferas submiserint, Boleslai Polonorum Ducis eos urgentibus copijs frequentes eorum irruptiones vindicantis, qui cum impares se ad resistendum exercitui Polonico viderent, omnes se conditiones spe pacis obtinendæ accepturos polliciti, eam primam inter alias oblatum à Principe Christiano, ut relictis superstitionum erroribus, profligatoque falsorum Deorum cultu, in castra veri Numinis, eiusque Orthodoxæ religionis concederent; si incolumes esse, optataque potiri pace, in votis haberent, non inuiti videbantur fuisse amplexi: præsertim cum id eorum celeritas in demolitione fanorum, ararumque acerris in honorem vanorum Numinum summatium, euerfiones; & densa ad expiandos ritus idololatriæ superstitionis salutaris Baptismatis vnda agmina properantium, præferrent. Magno Polonorum gaudio Regio Prutenica Culmeni Episcopo  
ad insti-

ad instituendam in fide, imbuendamq; dogmatibus ad salutem pernecessarius committitur, delubra idolorum antea destinata cultibus, in templa veri Numinis sacro ritu committantur, sacerdotesq; vndiq; qui maximè viderentur idonei ad exercendam gentem, in ijs quæ sunt ad Deum conquiruntur, altaria eriguntur, vox iucundissima lætitiæ tota Polonia increbrescit, dum quos hætenus hostes infestissimos fuissent experti, iam sociorum nomine illustratos veri Dei cognitione salutarent. Verum enimvero non diu constitit metu in vafra natione extorta religio, namq; anno insequenti, videlicet Millesimo, Centesimo sexagesimo quinto, leges Christianas exosi, fidei Orthodoxæ nuntium remittunt, templa profanant, sacerdotes mortem si ad se redirent illis interminantes amandant, ad sacrilegasq; idololatriæ consuetudines obstinata peruicia redeunt. Boleslaus interim quod pie cæperat, ad salutarem exitum dirigere intermisit, neq; iuit ultimum execrandum Apostatricis nationis piaculum, neq; ad fidem seruandam Numini contumaces iure victoris compulit, eò solo contentus quòd se in fide Polonorum permansuros, tributaq; sancta persoluturos pollicerentur, atq; ita rebus Ducatus sui saluis, vt falso credebatur, religionem contaminari facile sinebat; graue discrimen eo nomine Reipublice accersens. Neq; enim multo post Christianæ institutionis excusso iugo, ex impunitate profligatæ religionis audaciores insolentioresq; facti, ad Principis contemnendam auctoritatem, penitusq; abolendam potestatem faciunt

faciunt gradum, Boleslai Præfectis, census vectigalium, & tributa non denegant solum, verumetiam plerosq; ex ijs iniurijs, plurimos etiam supplicijs extremis affectos ludibrio exponunt, reliquos cum ignominia ad excedendum finibus Prussiae compellunt, & maximo exercitu coacti, Culmensē & Masouia, Terras nihil interea hostile metuentes, ferro & igni populantur, magnumq; captiuorum numerum perpetuæ seruituti mancipant. Ita non diu terrenarum vtilitatum rationibus prospecta & consultata pax stare potuit, posteaquam iura cælestia conuulsa viuerunt; vt frustra saluam & incolumem quis Rempub. suis consilijs desideret, dum Orthodoxæ religionis munimenta posthabet. Cogitârat vlcisci Boleslaus Crispus perfidam rebellium contumaciam, sed infausto euentu. Dum etenim Anno Domini, Millesimo, Centesimo, sexagesimo septimo cum Mecsiao & Henrico fratribus in exterminium gentis perfidæ copias numeroso exercitu coniunxisset, per transfugas Prutenos, quos vt pote locorum non ignaros duces itineris exercitus sui adhibuit, ex eorumque sententia quæ loca adeunda, quæ vitanda essent decreuit, deceptus ignominiosissimâ cladem pertulit; Nam corrupti illi à Prutenis facile persuasioni agnatorum cesserunt, itaq; per opaca & horrida vepretis virgultisq; loca, Polonicum trahebant exercitum, in densa solitudine, quem per cæcos recessus in valles, palustres, limosaque & bituminosa lubricitate perplexas adductum, Pruteni minus sagittis iactis, miserè dispersum in rara agmina conficiunt.



ciunt, & teterrima strage limous hæretem locis sternunt, atq; ad internecionem cœdunt, in qua Henricus Sendomiriensium Dux vi telorum oppressus occubuit. Totum illic militiæ Poloniæ decus, barbarica ita obtritum est rabie, vt longæuæ posteritatis ferali querimonia & lugubribus threnis coniuges, cognati, & amici suorum casum deplorantes, aures impleuerint.

*I nunc, & sacris populo confide rebeli,  
Principibus ne fidem teneat, gens perfida calo;  
Disce, cui patrios fines est cura tueri.*

Ad Rudgerum reuertor, quem vt in speciem eminentia Prutenorum religio nonnihil recreare potuit; ita maximè amantissimum Patriæ Senatorem, clades tanta afflixit. Hic cùm ad clauum regiminis Ecclesiæ Vladislauensis annos nouem sedisset, A. Dñi. 1170. obiit honoremq; sepulturæ in Ecclesia Vladislauensi tota Diœcesi lacrymis optimo Pastori parentante accepit. Dum in Cathedra Petri præsideret Alexander tertius, habenas Imperij Occidentalis teneret Fridericus Oenobardus, Orientalis Manuel Connenus.

*Inde subit Rudger, cui sunt caput, arma bifontis;  
Teutonicè doctus, Sarmaticèq; loqui.*

*Hic decorare domum Domini dilexit, auaras*

*Non tulit in templum, mens generosa manus,*

*Compositam coluit mentem virtutibus, auxit.*

*Corporis ac animi templa, nitore pari.*

*Christiadas frustra terribas Cerberæ, quando*

*Continuit vires Circulus iste tuas.*

VERNE

VERNERVS EPISC: VLADISLAVIEN: XII:



**R**udgerum Vernerus, Episcopum Canonicus, cliens Patronum gentis Vieniavium nobilis secutus est, vt vult Dlugossus Anno Dñi. 1171. sed cùm in Privilegio Vladislauen. Ecclesiæ nomen expressum Vneri existeret,

S 2

extet, Anno 1140: in altiora tempora omninò ipsius Episcopatus referendus est. Vir hic simplicitate columbina insignis, & ab omni simulatione remoto candore conspicuus, tantum familiaritate & consuetudine sui Patroni profecit, ut non diu suspensi Prælatorum & Canonorum hæserint animi, quem Successorem Rudgero deligerent tam suavi & iucunda virtute facillè omnium vota in Vernerum inclinante, Monarcha Polonorum gratissimam ipsius Electionem habente (Boleslaus Crispus Anno à Dlugosso notato vixit) atq; apud Romanam sedem eius confirmationem (Alexander tertius tunc illi præfedit) promouente, Germanum illum fratrem Rudgeri vult esse Paprocius, in stemmate *Vieniama*, sollicitus hic de salute gregis sibi commissi, Pontifex generoso animo aliorum Episcoporum secutus partes ad retinendam suam Diocesim, in obedientia legitimi Papæ incubuit. Eius siquidem temporibus duravit schisma illud, cuius mentio superius in Onoldo facta est, Friderico Imperatore Romanorum odijs & dissensionibus vires suppeditante, quamuis enim Octavianus, qui se Victore vocari iubebat, morte cessisset, legitime electo Alexandro tertio, atque illius obitu tranquillitas in Ecclesia speraretur; tamen Fridericus sopitum malum excitauit, dum in contemptum Alexandri, in locum Octauiani Guidonem Fremensem, Presbyterum Cardinalem, qui Calixtus dici voluit, & eo fati assumpto, rursus Ioannem Fremensem Presbyterum Cardinalem, qui Calixti similiter nomen usurpauit, quo etiam mortuo

mortuo tertium Laudonem, qui Innocentium se appellauit, surrogabat. Magno animo tunc Polonia tota suorum Pontificum salutaribus obsecuta monitis, vero & legitimo Papæ adhæsit, nihil verita Imperatoris Friderici Almannicæq; & Bohemicæ nationis vires, quæ factionem Imperatoris secutæ, Antipapas ab eo constitutos, pro summis Pontificibus adorabant, immò contempto, quod eam ob rem ab illis poterat Regno Poloniæ imminere periculo Pontifices Poloni, Imperatorem Fridericum Reges & Principes ac Episcopos illic adhærentes denuntiabant excommunicatos, veri indubitati Papæ mandatis & Decretis parendo. Tantus erat tum in Regno Poloniæ religionis ardor & feruor pietatis, ut Regni à tot Principibus discrimina impendentia non viderentur persentiscere, Religionis integritatem & veritatem incolumitati Reipub. præferentes maximè tutos se fore summi Numinis præsidio confisi, si supremo Sacrorum Antistiti tanquam Christo in suo Vicario imperanti obtemperarent. Per id tempus, Anno videlicet Domini Millesimo Centesimo septuagesimo octauo, xv. Calend. Aprilis, Samborius Pomeraniæ Dux, Monasterium Ordinis Cisterciensis in villa sua Ducali *Oliua* Diocesis Vladislauiensis fundat, ei que septem villas in dotem perpetuam attribuit: *Oliuam, Salkowice, quæ nunc Selkowo, Gtembow, Sterczow, Stawowe, Gran-kowy, & Szyneczynice.* Item decimam Teloneorum, piscationum, prædiorum, & pecorum, æuiternis temporibus assignauit. Vtrum tamè is fuerit primus illius Monasterij funda-



fundator non liquido constat, quandoquidem in Anno Domini, Millesimo Centesimo septuagesimo quarto, Dlugossus hæc habet de Boleslao: Boleslaus Pomeraniæ Dux moritur & in monasterio Oliua, quod fundauerat sepelitur. duos relinquens filios, Mozugium & Sobeslaum, unde primordia fundati Oliuentis monasterij altiori memoria videntur referenda. Regebat eadem tempestate in Annum 14. Ecclesiam Plocensem Vernerus, vir eximia in Deum pietate flagrans, integra vitæ puritate, modestia, & humanitate, cum summa doctrina coniuncta, conspicuus; qui à Bieniasio Boleslæ germano ipso suadente, pro defensione Bonorū Ecclesiæ trucidatus, miraculis claruit, multiq; expetitis ipsius ope & patrociniis votis, sunt potiti. Non levis coniectura est pia morte agnominis sui nostrum Præsulem ad imitandum exemplum fortitudinis accensum officio pastoralis in vindicandis Ecclesiæ bonis ab iniquis occupatoribus non defuisse, præsertim cum mira quadam diuinæ providentiæ dispositione ordinante, sæculum hoc immò aſus ferax Antistitū strenuè libertates Ecclesiæ propugnantium fuerit: eodem quippe anno Beatus Thomas Archiepiscopus Cantuarien. in simili causa gladiis impiorum occubuit, eodem tempore Gedeon Cracouien. Episc. An. mortem gloriosam prædictorum Præsulū insequente, vir cōstantiæ & zeli singularis lacrymis oppressorum motus, cum eorum causam intrepidè suscepisset Mecslau senem Poloniæ Monarcham, vt ab insolitis exactionibus, iniustis confiscationibus, grauissimis sub-

ditorum

ditorum iniurijs & oppressiōibus desisteret, admonuit; eumq; admonitione nihil profecisset, tandem Anno Millesimo Centesimo septuagesimo septimo, coactis Procerū consilijs, Ordinibus persuasit, vt à Mecslao sene Tyranno desciscerent, adhererentq; Casimiro Sendomirien. Duci, & ad eum fasces Principatus deferrent, atq; ita Mecslau vniuersa nobilitate faciliē in sententiam suam concedēte, dum contemni ab eo monita & sana consilia videret, Principatu exiit. Vneri Plocensis Episcopi vitam accuratissimè scripsit ea qua solet grauitate styli Illustriss. Dominus Stanislaus Lubieski, Plocensis Episcopus, Vladislauiensis nostri Præsulis Illustriss. Matthiæ Lubieski germanus natu minor, in cuius gemini sideris claritate, etiam inuidorum acies splendor eximius in tantum offundit, vt sæculis vel ipse liuor præco narraturus eorum heroica gesta raræ virtuti raram fælicitatem sociam admiretur, immò feliciter de gente Vieniaua præclaras dotes quasi hereditario iure, per tot sæcula in domum Pomianeam transisse, Rudgierianam prudentiam, magnanimitatem, liberalitatem, & in arduis negotijs tractandis dexteritatem, constantiam, fidem, & excelsi animi robur, Vnerianam vitæ sanctimoniam, benignitatem, modestiam, integritatem, simplicitatem columbinam, & nulla simulatione, aut vafrie fucatam in magna humanitate, & lenitate animi elucentem conuersationem, obstupescat, atque epos hoc omnes probi occinant gratæ laborum pro Ecclesia Dei, & Patria susceptorum posteritati.

Fortunati

## Vita Episcoporum

Fortunati ambo, patria duo sidera fratres,  
Sanguis, religio, mitra, quibus aurea nectunt  
Vincula, longa dies, qua non infringat amoris,  
Vivite felices: Pollux cum Castore Vestros  
Inuideat sine nube dies, clarumq; per omne  
Nomen eas seris illustre nepotibus aenum.  
Gloria gemmato ducat praetoria curru,  
Vlra anni solisq; vias magniq; labores,  
Amphytrioniada, nunquam longava vetustas,  
Ausit virtutis Vestra temerare trophaa.

Vernerus Vladislaviensis Episcopus concessit fatis Anno Domini, Millesimo Centesimo septuagesimo octavo; postquam annis septem Ecclesiae praefuisset, in Cathedrali Basilica honorem sepulturae obtinuit; clauum tenente Reipub. Christianae in spiritualibus Alexandro Tertio, in temporalibus in Occidente Friderico Oenebarbo, in Oriente Manuele Conneno.

Vladslavia Verner pulchrè vernabat in ora,  
Germanus miti nobilis ingenio.  
Ira grauis, procul hinc, procul hinc simulatio, Candor.  
Nescit ambiguos voluere mente sinus.  
Vnus atrox clara quamuis insignia gentis  
Fert, tamen hic animo mitis, ut agnus erat.

VVNELPHVS

VVNELPHVS EPISC. VLADISLAVIEN. XIII.



Spectârunt gravitatem, & prudentiam Decani Vladislaviensis Vunelphi, (quem alij Vonelphum, Onulphum alij, Vunicelphum Paprocus, Arnolphum quidam Catalogus, appellant,) Prælati & Canonici, eamque ut luceret toti Ecclesiae in hac Diocesi, in candelabrum Pontificiæ dignitatis, vnanimi consensu erigendam decreuerant;

T



uerant; quorum electioni addit calculum Casimirus Dux & Monarcha Poloniæ, ipsiusq; electionis confirmationem ab Alexandro Papa tertio obtinuit; cui sedem suam ingredienti, effusa nobilium corona, faustis apprecationibus iucundè insonuit. Anno Domini, Millesimo Centesimo septuagesimo nono: solitudinem Episcopalem bonis auspicijs in procurandis Ecclesiarum ministris, inchoatam non minore cura in defensione bonorum Episcopatus & patrocínio populi, sub grauissimis oneribus, subuectionum, rapinarum, exactionum, & confiscationum iniquarum ingemiscens probauit; dum ad Comitiam Lanciciæ indicta; Anno Domini, Millesimo Centesimo octuagesimo, eademq; opera Synodum Prouincialem celebrandam munere Senatoris & Antistitis, præclare functurus iter maturauit. Inoleuerat Principum aliquorum auaritiâ, aliquorum desidiâ, barbara consuetudo inter Proceres & Equites Polonos, vt iter facientes quocumque tandem cuiq; liberet, agros & prata depascere rusticorum ac oppidanorum, equorum pabula ab ijs & commeatum extorquebât, quin effractis per viâ horreis quantum vellent rapiebant, nec in vsum conuertisse contenti, quod supererat necessitati, dissoluta prodigalitate profundebant & dilapidabant, iumenta è stabulis & pascuis abducebant, quin iuncta curribus & aratris soluebant, atq; suis curribus vehêdis adigebant, iterq; suum emensi, vel confecta laboribus & enecta dimittebant, vel si labori apta viderentur vsurpabant: Bona morientium Episcoporum.

porum, aliorum Sacerdotum inuadebant, facultates occupabant, ipsius etiam Principis præfecti hîscum bonis, quæ cultus Diuini ministris pauperumq; sustentationi erant consecrata, augebant; tam sacrilegi abusus, tantam apud exteros constabant Poloniæ ignominiam, vt eam latronum & prædonum lustrum, & receptaculum potius, quam Rempub. vir gnarus legum & gentium moris peritus censere non iniuria potuisset; qui, eò difficilius videbantur posse abrogari, quòd à plerisq; Proceribus, quorum opes tam peruersa consuetudine creuerant, obstinata voluntate defenderentur. Pius tamen Princeps Casimirus, omni curâ studioq; contendit, vt tanta iniquitas radicè exstirparetur, effecitq; Comitij Lanciciæ indictis lege promulgata, qua barbaræ & Christiano populo indignæ rapinæ proscriptæ sunt, ac ne deinceps malum hoc improbitate aliquorû posset reuiuiscere, obuiam iuerunt Præsules auctoritate Synodi ibidem celebratæ, qui eos, qui in posterum tale aliquid auderent, graui anathemate execrati sunt, dirisq; deuouerunt, vniuerso Conuentu audiente & assentiente, Amenq; ad singula puncta anathematis acclamante, puncta Synodalis Decreti fuerunt hæc:

*Qui colonorum & agrestium annonam, aut alias res, vi aut aliquomodo tulerit, aut auferri iusserit, anathema sit.*

*Qui legationis aut necessitatis publica, vel priuata occasione, præterquam ad denuntiandum hostium in patriam imminentem insultum, cuiusquam quadrupedem, & iumentum, in angaria Poduodarum acceperit, vel accipere iusserit, anathema sit.*

*Qui bona Pontificum aut Ecclesiasticarum personarum decedentium rapuerit,*

puerit, occupauerit vel distraxerit, etiam si sit persona illustris, & Regalis Ducali, aut quacumq; alia praeferat dignitate, anathema sit.

Qui Episcoporum spoliatores restitutione non reuerenti acceptauerit, aut raptorum, aut distraكتورum relaxationem raptoribus satisfactione legitima non satisfaciente, vel precedente impenderit, velut sacrilegi particeps & consentaneus, & qui ambitioni suae & commodis inbraudo, sacrilegi occasionem praestiterit, anathema sit.

Ad singula haec recitata à Ducibus & vniuerso populo, subiunctum est Amen.

Vt autem sancita haec perpetuum firmitatis haberent robur, in tabulis relata, suoq; ac Pontificum, Principum & Baronum sigillis munita, per Nuntios ex utroq; statu lectos Casimirus Alexandro Tertio, confirmanda mittit, ac per eosdem ossa alicuius Sancti, à sede Apostolica donari Poloniae petit. Collaudata Summus Pontifex Polonicae nationis deuotione, quae legitimum & verum Pastorem, alijs gentibus in pernicioso schismate fluctuantibus agnosceret, de obtinendo corpore Diui alicuius, ijs spe facta, Constitutiones iustas & religioni congruas, in hunc modum approbat & confirmat:

ALEXANDER SERVVS SERVORVM DEI. Dilecto filio Nobili Viro Casimiro Duci Poloniae salutem & Apostolicam benedictionem. Ex parte Tua magnitudinis relatum est nobis, quod de consilio Archiepiscopi, & Episcoporum Poloniae, & Principum Terrae, quasdam abusiones & solitas iniurias, ab Ecclesiis & Ecclesiasticis personis amputasti, constituens ne bona decedentium Episcoporum amplius confiscarentur; Constitutum est etiam, ut si quisquam in res defuncti Episcopi manus iniecerit, vinculo anathematis teneatur, nec praesumat ullus raptorum, defuncto Episcopo succedere, donec absolutionis beneficium assequatur, ablati restituitis, ut ablatorum congrua estimatione praemissa: consuetu-

consuetudinem autem quae à Principibus terra seruabatur, ut quocumq; pergerent pompatica innadentes horrea pauperum euacuarent, & si inter absentes aliquid negotioli quandoq; contigerit, impij satellites discurrentes raptos quoscumq; caballos pauperum agrestium, vel eneruarent in cursu, vel omnino desirnerent, de Ecclesiasticorum & Sacularum virorum consilio emendasti: unde quoniam constitutionem tuam iustam pariter & honestam auctoritate nostra postulas confirmari, Nostis iussu postulationibus annuentes, constitutionem praescriptam sicut in scripto autentico super hoc facto habetur, Auctoritate Apostolica confirmamus, & praesentis signi patrocinio communimus, sub interminatione anathematis, prohibentes, ne quis eam violare aliqua ratione praesumat. Nulli ergo homini omnino liceat hanc paginam nostrae confirmationis infringere, aut ei casu temerario contraire. Si quis autem hac attentare praesumpserit, indignationem Omnipotentis Dei & Beatorum Petri & Pauli Apostolorum noverit se incursum. Datum Tusculani, quinto Kalend. Aprilis.

Nomina Episcoporum qui Synodo Lancicianae interfuerunt, relata sunt superius in vita Onoldi; ubi simul declaratum est, non Onoldum sed Vunelphum Episcopum Vladislauensem eidem adfuisse, & cum alijs Praesulibus promulgatae sententiae subscripsisse: Cherubin Posnan. Antistes, qui tam à Cromerò, quam Dlugosso memoratur imbi fuisse in vitis Episcoporum Posnanensium, ab ipso Dlugosso conscriptis, & à Thoma Tretero Custode Varmieniensi continuatis Brunsbergæ, Anno Dñi. M. DC. IV. impressis, Ioanniq; Tarnowski Archiepiscopo Gnesnen. fidei dedicatis, non reperitur; in annum verò hunc quo celebrata fuit Synodus, regimen Ecclesiae Posnanensis incidit in tempora Arnoldi, de Domo & stirpe Dolanga ex Canonico Gnesnen. & Posnanien. electi, Anno 1177. à



Petro Gnesnen. Archiepiscopo confirmati, & in Gnesnen. Ecclesia consecrati. & Anno Domini, 1186. mortui, porro cum non Petrus, sed Zdislaus ex mente Cromeri & Dlugossi, siue vt Reuerendiss. Stanislaus Lubieski vocat Zilislaus, praesedit Synodo, qui etiam Vitum Successorem Lupi in Ecclesia Gnesnensi consecrauit. Petrus verò secundus Gnesnen. Archiepiscopus Zilislaum antecessit, vt ex vitis Episcoporum Plocensium constat, inde euincitur, non Lupum, quod vult Cromerus, sed quod Dlugossus Vitum cum alijs Antistibus illi Synodo interfuisse, Cherubin autem Poseniensis nullum existisse. Cum verò Zdislaus Archiepiscopus, iuxta Dlugossus, Anno Domini, 1182. de domo *Kozlerogi* nobilis per Electionem Canonicam, successit (à Summo Pontifice Lucio Papa tertio, qui Alexandrum tertium subsecutus est, Mecsiao maioris Poloniae Duce intercedente prouisus) Petro secundo, clarè iam ex verbis eius deducitur, non Zdislaum, sed Petrum Synodo illi praefuisse quod certè verius est, cum incidat in Pontificatum Alexandri tertij confirmatio Synodi Lancicianae.

Cum verò pius Monarcha Casimirus, optatam Poloniae tranquillitatem per iustas constitutiones prouidisset, quo beatiorem patriam redderet, Diuorum protectione spe obtinendi corporis alicuius sancti concepta, ab Alexandro tertio, Romam iterum Legatos expedit ad Successorem eius Lucium Papam tertium; iam enim Alexander Anno 1182. obierat, ea de re supplicaturos sanctae sedis  
quorum

quorum precibus motus summus Pontifex, Corpus Diui Floriani inclyti Martyris, Duci Poloniae & Ecclesiae Cracouiensi donauit, ipsis Superis caelo ratam donationem approbantibus; namq; vt veterum traditione memoriae proditum est, dum summus Antistes sacrarium, quod plura Martyrum corpora continebat, ingressus; quisue ibi quiescentium Diuorum in Polonia ire vellet, sciscitatus fuisset, ex tumba in qua corpus sacrum B. Floriani conditum erat, manus protensa apparuit, seque donari velle Polonis eo indicio demonstraui, quo miraculo diuinitus admonitus Pontifex, eò libentiùs absq; omni cunctatione, sacrum pignus Poloniae obtulit: Aegidioq; Mutinensi Episcopo Prouinciam B. Floriani in Polonia debito cum honore & reuerentia inferendi, demandauit; qui vj. Calend. Nouemb. Anno Domini, 1184. cum desideratissimo hospite veniens; à Duce Casimiro, & Gedeone Episcopo Cracouiensi, omnibusq; Statibus & Ordinibus obuiam illi ad septimum lapidem prodeuntibus, honorificentissimè exceptus est, congratulantium vocibus vndiq; increbrescentibus, quod nouus Polonis Patronus & defensor accessisset, Diuina propitiatione, in cuius honorem Basilicam pulchro ac sumptuoso opere, extra muros Cracouienses in Clepardia Gedeon Cracouiensi Episcopo exedificauit. Casimirus verò Monarcha, in eadem in honorem noui hospitis nouum Praetorium & Canonicorum atq; Vicariorum Collegium fundauit, illudq; villis & Decimis à Gedeone Cracou. Episcopo impetratis dotaui. Praepositurae  
reditus

redius Ecclesiæ Parochialis in rupella attribuit, omnesq; horas Canonicas in ea psalli, resq; diuinas agi constituit.

Per idem tempus facta est auctio reddituum Capitulo Vladislauienti per Ducem Lesconem, quorum donatio in hunc modum cōsignata vilitur in Archiuo Ecclesiæ illius. **IN NOMINE SANCTÆ & INDIVIDUÆ TRINITATIS.** Ego Lesco Dux, notum facio omnibus Christi fidelibus, me contulisse Deo & B. Mariæ Virgini, Canonicis in veteri Vladislauia pro remedio animæ meæ specialiter Castrum Zlonse, cum omnibus appendiciis eius, insuper Capellam in Gniewkow, & hoc saluo concambio Crusciensis Monasterij B. Petri Apostoli addidimus, & Ecclesiam cum villa in Konalia, & aliam quæ dicitur Kurow, cum omnibus ad eas pertinentibus. De foro etiam in Nowo Włocław annuatim de Moneta decem marcas argenti. De cellario etiam in veteri Włocław omni anno decem urnas mellis. Hæc præscripta consuli Deo meo, & Sanctissimæ Genitrici eius in æternum. Qui autem hoc datum Deo, minuire, aut auferre, aut aliqua temeritate violare voluerit, perpetuo anathematis vinculo subiaceat, & in extremo examine coram iusto iudice Deo mihi respondeat. Anno Dominicæ Incarnationis, M. CL. XXXV. Epacta XVII. Concurrente prima XIII. Kalend. Februarij.

Vunelphus Episcopus Vladislauientis, in regimine illius Ecclesiæ annis decem ampliùs exactis, de statione vitæ decessit, Anno Dni, Millesimo, Centesimo, nonagesimo, Clementis tertij Papæ temporibus, Imperatorum regimine Occidentis Friderici Oenobardi, Orientis Isaacij Angeli.

*Vunelphum sacer elegit de more Senatus,*

*Moribus excoctum, iudicioq; grauem.*

*Firmat Alexander toti qui præsidet orbi*

*Tertius, & gratum Dux Casimirus habet.*

*O quantum meritis virtus collegit amorem.*

*Una voce simul, tot placuisse viris. STEPHA-*

STEPHANVS EPISC: VLADISLAVIEN: XIV.



**C**Um annis pluribus sacro Senatui præfedisset feliciter magna nominis commendatione Stephanus genere Almanus, Ecclesiæ Vladislauientis Præpositus, vota q; Prælatorum & Canonicorum magna dexterritate animi ingenijq; in bonum Ecclesiæ Capituliq; commodum,



modum, direxisset: facile diuturnam deliberationem, quis potissimum per Canonicam electionem in locum Vunelphi surrogandus esset, sustulit. Namque ubi dies Comitiorum electionis indictus aduenisset, facile suffragia pro adeunda Episcopatus sede, à confratribus ob virtutem spectatā, morumq; elegantiam sortitus est; qui instrumentis Electionis suæ à Capitulo receptis, literisque Casimiri Poloniæ Ducis, & Monarchæ, sedi Apostolicæ (in quibus virtuti suæ luculentum continebatur testimonium) exhibitis, ipse Romā adiens: Confirmationē à Cælestino Papa 3. & consecrationem in alma Vrbe obtinuit. Annoq; Dni. Millesimo Centesimo, nonagesimo primo, gubernationem Vladislau: Ecclesiæ auspicatus est, qui inter alios, quos in regimine Ecclesiæ strenuè obiit labores præclaram laudem meruit, serio nauatæ operæ Petro tituli S. MARIE in via lata, Diacono Cardinali Capuano, Legato de latere à summo Pontifice Cælestino tertio ad reformandam in Polonia Ecclesiam misso, qui Cracouiensem primum Ciuitatem ingressus, à Fulcone Cracouiensi Episcopo, & omnium Ecclesiarum processionibus solenniter exceptus, habuit ibidem primam Cleri congregationem, alteram in Lubeza, deinde ad Gnesnen. Vratislauien. Plocensem, Pofnanien. Vladislauien. Chelmen. & Lubucensem Dioeceses se conferens, maximè in eliminandis sacerdotum abusibus, & scandalis, operam posuit, quorum mores ea tempestate in tantam processerant licentiam, vt non minus quàm secularibus nubendum

sibi

sibi putarent licere, passimq; concubinas nomine vxorum fouerent: quam corruptelam & perniciosam audaciam, debitā seueritate compescuit, grauissimasq; interminatus poenas edixit, vt sacris initiati Ordinibus, à mulieribus & concubinis abstinerent, castamq; & continentem vitam deinceps, quæ sanctum ad populum laudabilis conuersationis trāsmitteret exemplum, ducerent: Laici verò quacunq; pollerent excellentia & dignitate, vt matrimonia publicè in Ecclesia contraherent, instituit; cuius edicti rigidam obseruantiam, vt cæteri in suis Dioecesibus Episcopi, ita Stephanus in Vladislauensi diligenter promouit, eamq; ad amussim teneri accuratā sollicitudine laborauit. Posteaquam in Polonia, Cardinalis præclare muneris sui partes impleuisset in Bohemiam, parem in ea locaturus operam in excolenda vinea Domini exercituum, atq; similes Polonico solo fructus percepturus contendit, sed irritò penitus conatu. Namq; dum Legationis officio fungeretur, & Ordines Sabbato Dominicam Passionis præcedente conferret, intereaq; constitutionem, qua ad Votum castitatis Presbyteri adstringerentur, iuberet promulgari, tantus tumultus à Bohemicis sacerdotibus Prægæ excitatus est, vt violentas eorum manus, in vitam ipsi eripiendam præcipites, non euasurus videretur, nisi sacrilegos eorum impetus Henricus Episcopus Pragensis, qui tunc Ducalem in Bohemia obtinebat potestatem, repressisset. Per ea tempora, dum Polonia sub felici regimine Casimiri efflorescere videtur, suiq; nominis decus ad exte-

V 2

rarum

rarum nationum propagauit fines; crebris fortissimi Ducis illustrata triumphis, ecce inopinata illius mors, quam in conuiuio hausto vini poculo, non sine suspitione veneni, cum postridie festi S. Floriani, quem diem solenni deuotione transegerat; Pontifices & Proceres Poloniae tractaret, obiit; grauissimamq; perniciem & intestini belli calamitatem accersuit. Nam cum Fulcone Cracouiensi Episcopo persuadente, iucundissimam memoriam gratæ voluntatis, optimo Principi Casimiro (delato regimine Monarchiæ ad natu maiorem filium Album Lesconem, qui in annis pueritiæ ob albicantem comam nomen hoc obtinuit;) Proceres instaurassent, natu verò minori Conrado Masouiam, & Cuiuiam cum bonis adiacentibus assignassent, Christino Palatino Masouiae ad id suam operam conferente. Miecslaus Maioris Poloniae Dux, non ita pridem ob iniquas exactiones & oppressiones populi Gedeone Cracouiensi Episcopo auctore Ducatu Poloniae totius exutus, grauiter tulit se neglecto regimen & gubernationem puero deferri, qui se ipsum regere nesciret, curamq; puerorum stirpis Ducalis Cracouiensi potius Episcopo Fulconi, & Nicolao Cracouiensi Palatino demandatam, quam sibi ad quem iure tanquam patrum & alterum parentem pertinebat: hunc contemptum relato ad Maioris Poloniae Proceres consilio, armis vindicandam decreuit. Processerunt infestæ acies vtrinq; tum primum bello ciuili in mutua vulnera ruituræ ciuium phalanges, signa nota explicant; Hinc Miecslaus armis Polonorum

maiorum

maiorum instructus, & socialibus turmis Miecslai Opoliensis & Ratiboriensis, eiusq; Iaroslai filij sui nepotis Vladislauiens. & Miczugij Pomeraniæ Ducum auctus; Inde Barones Cracouienses, de Principatibus Cracouiens. Sandomirien. Lublinen. Masouien. Cuiuien. Bresten. supra Bug, cæterisq; Russiæ oris, quæ Casimiro dum viueret parebant, lecto exercitu arma expediunt, copiisq; auxiliariis Miecslauio Vladimir Ducis filiorum Casimiri affinis vires extendunt, ad fluuium *Mozgawá*. quatuor milliariibus ab Andreouiensi Coenobio decurrentem, tanto ardore vtrinq; pugnatum est, hinc iura sanguinis & necessitudinis dominandi libidine superante, inde æquitate, & in Casimirum de Patria meritissimum, illiusque progeniem, vires in animis militum accendente, ut cum à tertia diei hora, ad vesperum prælium duraret, horrenda strages cadauerum vtrinq; sit edita, nemine pedem referente, nemine feruore belli remittente, nemine fratri, cognato, genero, socero parcente. Nox sola prælium diremit, & vtriusq; partis copiis timore de euentu belli perculsis, fecit copiam ex capto acie decedendi. Quantum acerba hæc patriæ clades furentibus in viscera matris ciuium arinis dolorem attulerit Stephano Antistiti Vladislauiens. cui magnæ curæ fuit Reip. status, non difficile est iudicare. Gestum hoc intestinum bellum est, Anno Domini, Millesimo Centesimo, nonagesimo quinto, Stephani mors cum annis sex ad Ecclesiam Vladislauiens. sedisset, in Annum Domini, Millesimum, Centesimum, nonagesimum septimum, incidit, quo tem-

V 3

pore



pore Vniuersa Ecclesia Cælestino tertio parebat: Imperium Occidentis Henricus sextus, Orientis Alexius Angelus gubernabat, Magno Sacerdotum & populi elatus luctu, in veteri Basilica conditus quiescit. Hic Pontifex villam *Ortukiny*, à Monasterio Strzelensi, quam illi cum filia Conuentui simul addixerat Nobilis Clementa dictus, commutatione pro Molendino in Queten ad magnam Sanctimonialium instantiam accepit.

*Dat Stephano, Stephanoma sacrum Stephanoplocos ipsa*

*Virtus, hæc, ambit mitra, iubente caput.*

*Ille coronabat Dius responsa Senatus,*

*Texuit hoc illi Dia corona decus,*

*Dux assensitur: Tu Cælestine Sacrate*

*Acceleras: calo hæc nonne Corona datur?*

#### ROGERIVS EPISC: VLADISLAVIEN: XV.

**A**mbitio virtutum hostis capitalis, quæ ea tempestate inter Prælatos & Canonicos Vladislavienses irreperat, non facile cupiditati, terrenis commodatibus magis, quàm animarum curæ, & in regenda Ecclesia solitudini inhianti statuebat modum, proinde pertinaci obstinatione concordia, suffragiorum in Comitibus pro eligendo Antistite indictis obuiam ibat, tandè tamen cum ignotum sibi Romam mitti vererentur, alia die electioni designata in Ogerium, ita enim vocatum fuisse ex Priuilegijs quæ in Archivo Ecclesiæ Vladislaviensis asseruantur, manifestum est, quem nonnulli Agerium, Georgium alij, Ogerum Catalogus Volborienis appellat; cuius probitas

perspecta

perspecta non vanam rectè administrandæ Ecclesiæ spem faciebat, vota tulerunt, vt ab Innocentio tertio confirmatum Episcopum studiosa congratulatione salutarunt,



Anno Domini, 1198. Natione is Italus erat, studium tamen & beneuolentiam Polonorum virtutibus & humanitate colligere non ignarus, magno dolore amans Patriæ Senator, accepit abstractionem à Poloniæ Monarchia; Ducatus Lubucen. illiusq; insignis Episcopatus, per Mecislaum primum

primum Christianum Principem fundati, à Reipub. corpore auulsionem, quem Boleslaus Henrici barbati Ducis Vratislauen. & B. Hedwigis filius, cum sibi inter fratres sorte diuisionis à parente obtingisset, Marchionibus Brandeburgensibus certa pecuniæ summa perpetuis temporibus vendidit. Fuit vero Henricus barbatus filius Boleslai Albi Vratislauensium Ducis, qui sicut ex prima uxore Venceslawa Ruthena, Iaroslauum Episcopum Vratislauicum & Boleslaum filiamq; Algam, ita ex Adleida coniuge 2da. Conradi secundi Imperatoris relicta, Henricum Barbatum, Conradum, Ioannem, & filiam Adleidam, quæ Dipoldo Marchioni Morauiae nupserat, suscepit. Omnibus autem his filiis defunctis solus Henricus in Ducatum Vratislauiensem parenti successit, qui non solum Ducatum Poloniae à Patre sibi relictorum integritate conspicuus, sed etiam splendido coniugio Hedwigis consortis suæ, filiae Bertoldi Morauiae Ducis celebris & clarus exstitit, quæ admirandis iam tunc fulgens virtutibus, sanctitatis suæ decus longe lateq; diffundebat. Hæc ad ædificandum Cœnobium Sanctimonialium Ordinis Cisterciensis in Ducatu suo, in loco qui nunc Trebnica vocatur, in Diocesi Vratislauensi ab ipsa Ciuitate tribus miliaribus distante, frequentibus consilijs & persuasionibus maritum induxit, quod ille cum excelsa & ampla Basilica, digna Principe munificentia iactis Anno Dni. 1203. fundamentis intra quindecim annos perfecit, per tantum autem spatium neminem facinoris alicuius reum, B. Hedwigis capite plecti permisit, sed quem

sed quemlibet pro grauitate poenæ & supplicij ipsi iure infligendi, laboribus durioribus vel leuioribus constituto tempore ad expiandum crimen obtinuit mancipari. Tanta autem Henrici liberalitate prouisum est illud Monasterium villis, censibus, & alijs redditibus eidem attributis, ut mille personis alendis honestè sufficerent; Moniales ad religiosam disciplinam in eo promouendam è Bambergensi Monasterio sunt accitæ, primaq; illius loci Abatissa fuit Petrusa Almana, cuius regimen Gertrudis Henrici Ducis, & B. Hedwigis filia excepit. Condendi autem in eo potissimum loco Monasterij, cum alia magis commoda non deessent, hæc scribitur fuisse occasio: Venatoribus operam dabat Hæricus, cum ipsius comites in saltus varios dispersi feras suis lustris exacturi, solum in loco palustri reliquerunt, in quo ita limosa voragine absorptus cum equo hæsit, ut omni humana ope destitutus, & spe amissa euadendi, inops consilij, tum demum seruatum iri se existimans, si vocato Numinis auxilio in eodem loco Monasterium se Sanctimonialium quāprimū fundaturum voueret. Non frustra ea fuit cælitus immissa Duci periclitanti cogitatio, facto enim voto saluus & incolumis domum à venatione regreditur; visuntur adhuc lapsus equi, siue infixæ ungulæ equinæ in limoso cæno in Oratorio D. Bartholomæo sacro subtus pauimentum maioris Ecclesiæ exstructo vestigia, quæ ego (ibi præsens Anno Dni, 1631. infra octauam Dedicationis, ea Dominica qua in Ecclesia recitari solet Euangelium parabolam Regis inuitantis ad



nuptias filio factas continens, quam etiā tū inibi pro con-  
 cione sacris virginibus explicui) vsurpauit oculis: cuius Mo-  
 nasterij cū ædificia vsque ad fastigium maximo sumptu  
 deduxisset, atq; ex Abbatissa monasterij & sanctimoniali-  
 bus, num qua re adhuc indigerent, esset percunctatus,  
 offerens se munificentia Ducali prouisurum, & iusticien-  
 ter illæ iam suum ab eo monasterium prouisum prædica-  
 rent, neq; vilius se significarent egere, ab euentu responsi,  
 quod in Polonico idiomate sonat *Trzebā nic*, loco nō-  
 men imposuit, Trebniciamq; oppidum ipsum appellauit:  
 cūq; omnia ædificia tam Monasterij, quā Ecclesiæ con-  
 summasset, Ecclesiæ Dedicationem Anno Domini 1219,  
 cum magnā festi celebritate procurauit.

Sed ad Dioecesim Vladislauic em redeundum est, non  
 minorem agnitūdinis animi causam Ogerio Episcopo ac-  
 cersuit Mecslaus senex, Maioris Poloniæ Dux, qui post  
 cladem ad Mozgauam acceptam, ad occupandas bello  
 prouincias vires exercitus instaurauit, Cuiaviensemq;  
 prouinciā, quæ de Lesconis & Conradi filiorum Cali-  
 miri forte fuit, velut Principatibus suis conterminā, ex  
 propinquitate & opportunitate loci per vim occupat, &  
 in suā redigit potestatem. Quæ iniuria à Lescone Duce  
 & suis curatoribus repressa non est tunc, eo quod noua  
 clades intestini belli timeretur, qui etiam blanditus animo  
 muliebri, Helenæ matris Lesconis Albi, & Conradi deli-  
 nito, in Monarchiæ regimen illa consentiente inuolauit;  
 quem dum rursus vrgēte & negotium promouente Nico-

lao Cracouiensi Palatino amississet, rursus eundem à Du-  
 cissa, blandis ipsius inescata pollicitationibus obtinuit,  
 quem vt firmaret, Palatinum Cracouiensem Nicolaum in exi-  
 lium mitti, in quod illa consensit, facile impertrauit; qui  
 postquam ad partes Mecislai transisset, non difficili nego-  
 tio ipsius Monarchiam firmavit, animis ipsi Cracouiien-  
 sium deuinctis, ita vt breui nepotum suorum, reliquas  
 occupaturus ditiones videretur. Postquam Cuiaviā oc-  
 cupasset, & in Sendomiriensi tractu per occupationem  
 Visliciensis Oppidi pedem fixisset, nisi mors conatibus  
 obstitisset, quam vt obiit, in veteri Kalisz in Collegiata  
 Ecclesia S. Pauli, cuius nunc nulla extant vestigia, sepultus  
 est; sepulchri tamen eius aliqua signa etiam nunc ab inco-  
 lis sub Dio monstrantur. Illi filius Vladislaus Miecislau-  
 ic, non repugnante Miescone Albo in regimen Monar-  
 chiæ successit, qua variatione Principum in ora Cuiavi-  
 ensi per vim facta, fieri non potuit, quin bona Episcopa-  
 tus Cuiaviensis, magna ex parte in direptionem impiorū  
 militum, ambitum dominandi Mecislai promouentium,  
 acceperint non mediocre detrimentum.

Anno Domini 1200. quinta die Mensis Maij terræ mo-  
 tus in Polonorum regione, vicinisq; regnis & terris sub  
 meridianum tēpus exortus, & frequenti spatio dierum re-  
 petitus, plures turres, domos, & munitiones attriuit, quæ  
 res in Polonia rara prodigiosa, & apud plerosq; in religio-  
 nem versa videbatur. Porro Vladislauiensis Episcopus  
 Ogerius ex ventris dolore obiit; iustaq; ei in Ecclesia ve-

teri Vladislauienti soluta sunt, corpusq; ibidem terræ mādātum, Anno Domini, 1203. Postquam Pontificatum quinquennio gessisset, Innocentius III. tunc sedi Romanæ præerat. Occidentis Imperio Philippus, Orientis Balduinus Belga.

*Voluitur anfractu vario sententia discors,  
Nec vox, in nomen Prasulio una sonat.  
Altera pars illum, istum vocat altera, donec  
Consilio tandem vox placet una sacro.  
Prasulea sedi præfectus Ogerius, illam  
Dirigit, & lustro, sed breuiore gerit.*

# BARTHA EPISC: VLADISLAVIEN: XVI

## Extera Nationis ultimus.

**Q**uemadmodum in fertili fecundoq; solo, inter miticum herbas inutiles, & infelix lolium succrescere quotidiana docet experientia, ita compertum est, virtutem quæ sine aduersario manet, nullo posse loco absq; inuidorum liuore consistere; simul enim atq; hæc suum explicuerit florem, æmula statim ambitio ad parem sublimitatem contendit, & frustra herbescentis culmi inani umbra opprimere, efflorescentem probitatis palmam conatur. Altè vitium hoc radices egerat in senatu Ecclesiæ Vladislauienti vnde factum est, vt posteaquam ad designatam diem, quo Successor vita functo Ogerio rogandus erat, concordibus suffragijs conuenissent, atq; in diuerlas scissi factiones, prout cuiq; quis esset addictus,

& affe-

& affectus, vota ferrent varia, neq; in vnā cogere eas sententiam vellent, officio amicitia, aut spe in futuro Prasule fauoris, aut alio quouis respectu concordiam disrumpen-



te, cum frustra tentassent media quibus pertinaces animi coalescerent, tandem re infecta, consiliorum loco egres- si, nihil pensi duxerunt, aliam diem Comitij, ad eligendum Antistitem destinare, totumque negotium electionis penitus postposuerunt. Tunc vacantem Ecclesiam Vladi-



flaviensem Innocentius Papa Tertius, Barthæ Palatij sui Auditori, legum Canoniarum perito regendam commisit, in Episcopumq; Vladislaviensem consecrari fecit. Hic cum literas prouisionis sedis Apostolicæ, Prælati & Canonicis exhibuisset, solenni ritu à Clero & Populo exceptus, gubernationem Ecclesiæ inchoauit anno Domini, Millesimo, Ducentesimo quarto: in qua se ita gessit, ut magnam laudem sui muneris apud omnes consecutus fuerit, maximè humanitate & comitate, qua plurimum excelluit, animos illi omnium quibus præerat conciliante. Obijt per id tempus Vladislaus filius Mecsiai senis, cuius mors Principatum securum & Monarchiam Lesconi Albo attulit; cum autem Monarchia & Cracouiensis Principatus ad Lesconem Album Casimiridem plenè deuolutus esset, Conradus frater natus minor iustam hæreditatis partem à fratre requisit. Conuentu itaq; ob eam rem Sendomiriæ, propter Ducissæ Lesconis & Conradi Matris præsentiam indicto, cum Fulco Cracouiensis, & Getko Plocensis Episcopi, primique ex Baronibus, omnium principatum conuenissent, varijs tractatibus per plures dies habitis, diuisio tandem Terrarum, inter Lesconem & Conradum germanos in hunc modum sancita est: ut Lesco Albus Monarcha & natus maior, Cracouiensem, Sendomiriensem, Lublinensem, Siradiensem, Lanciciensem, & Pomeraniæ terras & Ducatus obtineret: Masouiani verò cum Chelmen. Cuiaviensi & Dobrinenfi terris Conradus natus minor, pro sua sorte haberet. Hæc diuisio cum

eum ab utroq; Principe acceptata, & approbata esset, etiã mutua sponsione Ducum & Baronum firmata est, anathematisq; execratio à Præsulibus apposta in eum, qui eam pactiorem irritam fieri niteretur. Cum autem terra Pomeraniæ remotius à sede Cracouiensi distaret, quam ut super omnes quæstiones decidendas, & iniurias propulandas, ad Ducem Lesconem ipsiusq; Tribunal Pomeraniæ pateret recursus, tranquillitati illius Dux consulturus, Suantopelconi genere nobili de armis Gryphorum, filio Mscuzij prudentia & ingenio præstanti, gubernationem eius commisit, eumq; terræ illi ita præfecit, ut Palatinos Gedanensem, & Suecensem, tum & alios quosuis primores, ac præfectos terræ ipsius potestati subiecerit, recepto ab eo iurisiurandi sacramento, quod præfatam terram pro Duce Lescone filijq; & successoribus suis Ducibus Polonorum fideliter administraturus esset, ipsosque directos Dominos iusta obseruantia, fide, obsequio, ac obedientia culturus, & nunquam ab eorum Dominio desciturus, ac singulis annis marcas mille argenti in fiscum Ducalẽ esset importaturus. Sub idẽ tempus Colomanus filius Andreæ Vngarorum Regis, à Vincentio Episcopo Cracouiensi in Regem Haliciæ inunctus & coronatus est, Anno 1208. una cum coniuge Salomea regina, Regiq; Galatiæ titulum obtinuit, quod si Halicia & Galatia eadem est, ut vult Augustinus, ipsa literæ B. Pauli ad Galatas antiquitus fidem suscepisse Ruthenos iam inde à temporibus Apostolorum cum cunctis Salomea coniux illius fuit soror Lesconis Ducis Craco-

*Adri. f. p.  
123. v. f. s.  
Sam. h. o. r. u. m.  
1211. 1218  
Ducem Tome  
vania O. f. u. g.  
Monasterii  
sen. l. a. v. i. s. s.*

Cracouiens. cum qua cælibem vitam duxit, illibatumq; decus Virginitatis vterq; coniux ad mortem constantissimè retinuit, qui breui à Ruthenis in fugam versus ad patrem Andream Vngariæ Regem redijt, multi tunc capti arce Haliciens Polonorum & Hungarorum telis obruti perduellium ceciderunt.

Eadem ætate anno 1213. decimo tertio Kalend. Noueb. Vladislaus Ottonis filius Dux Calisiensis fundauit Cœnobium sanctimonialium in Otobok Ordinis Cisterciens. in terra Calisiensi Diœcesis Gnesnen. illudq; sumptibus Ducali magnificentia dignis ex fundamentis erexit, villasq; & hereditates eidem plerasq; assignauit. Huic Monasterio laudabiliter nuper præfuit Reuerendiss. Sophia Lubienska Abbatisa, germana duorum Pontificum, Vladislauen. & Plocen. & Alberti Præpositi Pultouiens. Canonici Cracouiens. Societatisq; I E S V Presbyteri Martini Lubiensiorum soror, pietate & prudentiâ insignis annos quinque, Eius vita functæ Illustriss. Vladislauen. Episcopus marmore immortalis dignam recordatione memoriam æternauit anno Domini, M. DC. XXXII X.

Bartha Vladislauen. Episcopus cum annis propè duodecim Vladislauen. Ecclesiam rexisset, rebus humanis eximitur dolore calculi, & in veteri Basilica conditur anno Domini, 1215. eodem quo Concilium Lateranense, per Innocentium Papam tertium in mense Nouembri inchoatum est. quod tanta frequentiâ illustre fuit, vt Patriarchis, Archiepiscopis, Episcopis insignioribus exceptis, Prælati

Prælati Mille ducenti quindecim numerarentur, in quo prædictus Papa pro subsidio Terræ sanctæ ferendo enixius laborauit, & complures Ordinationes, pro reformanda Ecclesia Dei, & tollendis nonnullis abutibus edidit.

*Ancipites iterum dum vox sinuosa recessus  
Quarit, & instabiles iug reditq; vias,  
Sed ab arbio Romano Pastor habetur,  
Barthol. Præsuleum suscipit inde pedum.  
Vixit is humanus; verum præcordia vincit  
Exanguis nunquam sic potuere Dea.*

#### MICHAEL EPISC. VLADISLAVIEN. XVII.

**A**Nnos iam ducentos & ferè quinquaginta Ecclesia Vladislauen. ab externis nationibus accitis paruit Episcopis Italis, Gallis, Germanis obtemperans: qui tametsi strenuos se in administratione tanti muneris præstitissent, & dignam à Clero & populo commendationem præclare gesti officij tulissent, non tamen omnem penitus ex animis Polonorum æmulationem eliminare poterant, aut humanitate eos & vitæ integritate ita deuinctos tenere, vt nunquam vellent cogitare, potius ad suæ nationis viros, iam & scientiâ & virtutibus exultos, primariam in Ecclesia & Repub. dignitatem esse deferendam. Itaq; postquam congruum sepulturæ honorem Barthæ exsoluissent, diemq; Conuentui pro eligendo Antistite indixissent, id primùm antequam negotium electionis prosequerentur, tanquam scopum consiliorum proposuerant, vt in eum potissimùm animis votisq; irent

Y Præsulem.



Præsulē, qui nationis esset Polonicæ, atque eo nomine  
facilius tum ob sanguinis, tum ob idiomatis coniunctio-  
nem, amorem, & benevolentiam Ordinis Equestris, col-



ligeret, ad pacatē gubernandam Ecclesiam pernecessariū  
tum ut natura ipsa ingenium soli natalis inclinante vehe-  
mentius ad iuuandam salutaribus consilijs patriam, & stu-  
diosius tinerentur, quo se ciues strictiori vinculo animi,  
grati, patriæ & educatrici suæ meminissent obligatos;  
immō

immō maximē congruum & æquum videbatur, ut bene-  
ficijs, eiusdem patriæ incolæ dignitati annexis; cuius illa  
bonis constitissent erecta, gauderent; atq; in eam spem  
facilius excelsos Polonorum animos scientiā & virtutibus  
nutrissent. Michael maximē omnium idoneus ad tantam  
dignitatem & tanto oneri par visus, Nobilis de domo &  
prosapia Godziebarum, pro insigni euulsam pinum, in  
scuto rubeo gerentium, qui cum in se suffragia maioris &  
sanioris partis conuenissent, electionis suæ Confirmatio-  
nem, Conrado Cuiaviae & Masouiae Duce operam inter-  
ponente, ab Honorio Papa tertio obtinuit, atq; regimen  
Episcopatus inter festiuas Equitum Polonorum congratu-  
lantium voces, & iucundos applausus feliciter est aggres-  
sus, Anno Domini, 1216. Qui quantus religionis, Eccle-  
siæ bonorum, & patriæ zelator exstiterit, non obscura  
initæ dignitatis primordia demonstrarunt. Namq; sub id  
tempus, Anno 1220. ut Pruteni Cristinum Palatinum,  
quem illi Deum Polonorum vocitabant, interemptum  
didicerunt, (cuius mortis auctor, ob inuidiam amplitu-  
dinis honorum & opum, Conradus Dux Masouiae, con-  
sulēte Ioanne Czapla Vladislauien. & Plocen. Scholastico,  
eiusdem Ducis Cancellario, auctor exstitit) omnes cona-  
tus hostiles in Culmensē terram verterunt, ita ut  
eius castra, oppida, & vicos solo æquarent, iusta Numi-  
nis vindicta eadem innoxiam insontis viri optimē de pa-  
tria & ipso Duce meriti, vlciscente. Tum ad Castrum  
Culmense reficiendum, illudq; ab incurribus barbaro-

rum defendendum vires & operam Michael Episcopus Vladislauensis liberaliter contulit, exemplum Henrici Silesiae Ducis Laurentij Lubecensis Episcopi, consilium verò & persuasionem secutus Christini Ordinis Cisterciens. professi, quem postea in Culmensi Episcopum Conradus promouit, eiq; propter singulares virtutes, & quod tantos Heroes, aliosq; plures milites cruce signatos, ad reparandum Culmense castrum, à Prutenis desolatum induxerit, plus quam centum villas in terra Culmensi largitus est. Miserrima erat rerum facies in Pomerania, cum passim cadibus & flammis per oppida & pagos barbari Pruteni grassarentur, nemini iustas vires potentiae hostili opponente, quod animum pij Antistitis magno dolore afflixit, horrendam cladem populi suae curae subiecti, affluente pate no perferentis, inter quas calamitates, non minus grauis auditu Episcopo ea fuit, cum efferata rabie in Coenobium Oliuense irruerunt, valisq; sacris & pretiosa suppellectili templum spoliarunt, Abbatem verò cum Religiosis omnibus, captiuos. Gedanum. versus abduxerunt, atq; omnes nece crudelissima peremerunt. anno 1224.

Lenijt aliquantùm acerbiter doloris nouorum in suam Dioecesim hospitem aduentus, de familia B. Domini religiosorum, quibus vt Monasterium fundaret & edificaret Suantopelcus Dux, ipse auctor fuit; quod posteaquam in honorem S. Nicolai exstruxisset, libertatibus & Priuilegijs insigniuit. anno Domini 1226. anno quarto ab hinc, vt praeclari huius. Ordinis Iuo Cracouiensis Episcopus

scopus ex Italia in Poloniam coloniam deduxit à B. Dominico fratribus, obtentis (quorum B. Hiacythus gente Odrowansius, Canonicus Cracouiensis auxit numerum) quibus idem Iuo Cracouiensis Antistes, communicato cum Lescone albo Cracouiens. & Sendomirien. Duce consilio, Capituloque & Consulatu Cracouiensi, Ecclesiam sanctissimae Trinitatis, quae mater & origo Parochialium erat, & locum spatiosum pro Conuentu & officinis assignauit, templumq; ita donatum calicibus, sacro apparatu, & supellectili, libris, cæterisq; ad cultum Monasterij necessarijs copiose instruxit, cubicula aedificauit, & religiosorum defectus, tam in vestibus, quam in victu munificenter liberalitate suppleuit. Pro Ecclesia sanctissimae Trinitatis FF. Prædicatoribus collata, idem Præsul in Circo Vrbs Cracouiens. nouam Ecclesiam in honorem B. M. V. erexit, & dedicauit, in eamq; ius Parochiae transfudit.

Verum enimuero Suantopelcus Pomeraniae Præfectus, pietatem hanc suam crudeli cæde Albi Lesconis Polonorum Monarchæ, Domini sui, cui se sacramento fidelitatis obstrinxerat, funestauit, solaciumq; illud de suo religionis seruire preconceptum, in pectore Michaelis Vladislauensis Episcopi, Senatoris patriæ amantissimi, acerbo luctu oppressit; cuius facinoris altius memoria repetenda est. Contraxerat affinitatē cum Vladislao Ottonis Maioris Poloniæ Duce per sorore matrimonio sibi iunctam, Suantopelcus Pomeraniæ Capitaneus, & plurimas opes terra mariq; in ea præfectura corrogauerat, vnde fastu arrogantiore insolens,



apud Dominū & Principem suum Lesconem Album Cracouien. & Sendomirien. Ducem, cuius vice & auctoritate honore Præfecturæ apud Pomeranos fungebatur, precibus crebris & Legationibus institit, ut se Ducem totius Pomeraniæ renuntiaret, supremo dominio sibi reseruato. Posteaquam verò suboleuit Suantopelco ea postulatione sibi offensum esse Lesconis animum, actutum ad defectionem spectare cepit, tributaq; de Pomerania Lesconi pendere intermisit. Cogitabat gliscientem hanc rebellionem & contumaciam Dux antequam fortiùs inualesceret in ipsis initijs opprimere, itaq; communicato cum Henrico Barbato Silesiæ & Vratislaviæ Duce (in quo rerum & actionum suarum ex familiaritate pridem contracta statuēbat fiduciam) consilio, ad Gonzavam prædium Monasterij Tremeshensis propè oppidum Znennam situm, pro die S. Martini indicit conuentum, mandans vt Suantopelcus Præfectus Pomeraniæ ibidem præsto sit, consilijs Reipub. cuius ipse incolumitati velut Monarcha prouidere, ac stabilitatem firmare præseferēbat, re autem verà, eò spectabat mente, vt Suantopelci illuc aduenientis vires accideret, & potentia in terra Pomeraniæ in suum nomen militibus iurare compulsis, firmata, sine cruentis cædibus exarmaret. Interfuerunt tunc Comitij Vincentius Gnesnen. Archiepiscopus, Iuo Cracouien. Laurentius Vratislaviensis, Michael Vladislaviensis. Paulus Posnaniensis, Laurentius Lubucensis, Gunterus electus Plocensis, Episcopi; & Proceres quàm plurimi, Suantopelcus Pomeraniæ

Pomeraniæ præfectus; vt astu & calliditate pollebat, in suum periculum Conuentum illum apud Gonzavam coactum lubodoratus, cum affine suo Vladislao Ottonis, in Lesconis albi & Henrici barbari caput conspirat, clandestinasq; molitur infidias. Quamuis verò Vladislai Ottonis Maioris Poloniæ Ducis impiam in Lesconem & Henricum machinationem propinquitatis consanguinitatis morati debuerit, facile tamen ius sanguinis ambitui celsit & ad nefarium scelus incendit animum vniuersi Regni Poloniæ Principatus præceptus cupiditas, cum sibi destinante Suantopelco, illis Ducibus simul cum vita ereptis. Quartusiam Comitiorum dies erat, cum Duces plurimorum negotiorum tractatione expedita, balneam ad curanda ablundaq; corpora sunt ingressi, Suantopelcus celeritate famam præuertente, opportunitatem hanc cogitato sceleri nactus, per exploratores quos specie significandi sui aduentus præmiserat, cum hostili agmine superuenit, & tam in hospitio, quàm in tabernacula Ducum & militum irruens, singulos, qui sibi resistere conarentur obtruncat; Tanti periculi Dux Lesco in balneo à suis admonitus, de balneo exilit; & equo conscenso, versus villam Marcinkowo paucis se comitantibus fuga salutem querit. Verum Suantopelcus reliquis alijs elabi permisis, hanc vnam prædam desideratā insectatus, suos omnes in illius necem exhortatur, omnem triumphum suum in vno illo corpore consistere vociferatus, itaq; pauci multorum armis circumsepti, quàmuis diu, satisq; strenuè vi-

tam

tam Domini tuerentur, omnes vnâ cum Duce suo proditoria nece trucidati sunt; quorum sanguine balneum cruenta cædes vaporauit; Neq; nudis parsum est, tanta fuit rabies militum Suantopelci qui Henrico Vratilauiz & Silesiæ Duci, multa inflixerunt vulnera, quorum ingeminatione frequenti occubuisse, nisi miles suus Peregrinus de Wefzemberg mira fide & pietate in Dominum, & Principem suum insignis, pectoris sui oppositione Domino mortem intentatam excepisset, qui plurimis vulneribus confossus, etiam cadaver suum exanime, in corpus Ducis ita superiecit vt vterq; mortuus creditus fuerit. Dignus profectò miles ob tantam in Dominum fidelitatem cuius vitam ferro hostili breuiorem, per longa posteritatis sæcula nominis immortalitate fama illustris extendat.

Non paruam mæroris causam dedit Michaeli Episcopo iterum illata à barbaris Monasterio Oliuensi clades, namq; anno Domini 1234. Nonis Ianuarij, Varmienses Pruteni funesto illud deformarunt incendio, & septem conuersos pro custodia claustris relictos, ac triginta quatuor Monasterij seruos igni & gladio trucidarunt. Subijt etiam tunc Plocensis Ecclesia grauem calamitatem, siquidem castri Plocensis per Henricum Marchionem Misnensem captum per Ducem Conradum & filios eius Boleslaum & Casimirum facta esset recuperatio, magno ea Ecclesiæ sterit, cum Germanorum caesi plurimi simul cum Ecclesia Cathedrali flammis traditi sunt: quo etiam anno eundem per Ducem Monasterium Fratrum Prædicatorum fundatum

est Plociæ. Grauem doloris Episcopi causam, non leuior sollicito de bono communi Senatori est subsecuta obciuite bellum, quo magna vtrinq; vi, inter Henricum Barbatum Silesiæ Ducem, Boleslai Pudici Cracouiensium Ducis Lesconis Albi filij tutorem, & Conradum Masouiæ Ducem Patrum Boleslai exarserat, illo res sui clientis animosè propugnante, hoc autem incredibili cupiditate & curam Boleslai, & Ducatum ipsius sibi vendicante, eumq; sibi ad Monarchiam occupandam gradum struente: tam præcipiti furore ferebatur in id Conradus, vt primus paci & tranquillitati ædium sacrarum pessimo exemplo & sacrilegâ temeritate in Polonia putauerit non parcendum, dum templo S. Andreæ honori dicato, sub Castro Cracouiensi, quod tunc extra murorum ambitum Ciuitatis fuit, item altero in Prandocin, tum & Ecclesiæ Collegiata Scarbimiriensi, atq; Monasterio Andreouiensi pro Castris abusus est. Post varia bello atroci frustra adhibita remedia, tandem ad sopiendum illud An. Dñi, 1236. penultima Iunij consilium in Conuentu Principum Polonia, apud Dankow habito, initum; maximè visum est accommodatum, vt filiae Virgines Henrici Ducis Silesiæ iunioris, Constantia, & Gertrudis filijs Conradi Boleslao & Casimiro, desponsarentur, quod factum est coram Michaeli Vladislauensi, & Petro Plocensi Episcopis, nuptiarum solennitate quod nondum essent annis nubilibus puellæ, dilata. Porro Conradus Masouiæ Dux, Principatus suos inter præfatos filios ita partitus est, vt Boleslao



Ducatus Masouia, Casimiro vero Lancien. & Cuiavien. terræ cederent: quam diuisionem ambo iureiurando solenni, in præsentia Vladislauensis & Plocensis Episcoporum, & plurimorum Baronum pacti sunt religiosè seruatu- ros. Cum verò belli ciuilis odia inter Duces essent in obliuionem mutuam versa, nuptiarum celebritatem, quantum licuit per ætatem virginum maturare visum est, quæ solenni pompa Vratislavia peracta est, in qua opera & sollicitudine Beatæ Hedwigis, vt pacta antea Plociæ, Reipublicæ salutaria eiusdem Beatæ Matronæ steterant arbitrio, pax optata Poloniæ felici Principum cõsanguinitate firmata est.

Non diu Procerum Equitumq; Poloniæ pax ea solata est animos, nam postquam communem legem mortalibus subiisset Henricus Barbatus A. Dñi, 1238. 14. Calend. April. in Oppido suo Krosno, triginta annis coniugalitatis expers consuetudinis, cui in Monasterio Trebaicensi iusta soluta sunt: Conradus Masouia Dux, sopitum incendium intestinarum dissensionum, ciuilibusque tumultus cupiditate Monarchiæ iterum suscitauit, & contra Boleslaum Pudicum Cracouiensem & Sendomiriensem Ducem deposita resumit odia; ille ad Belam. Vngariæ Regem missis solennibus legatis, filiam eius Kunegundim siue Kingam, quam soror Boleslai Salomea consors Colomani Haliciensis Regis, & filij Belæ de præstantia virtutum & morum commendauerat, in coniugem poscit virginem, ea tempestate singularis formæ & raræ virtutis, cuius futuram sanctitatem vitæ ipsa primordia præfigerunt: nam anno Domini

1204. in Pannonia primam ortus sui horam non à lacrymis aliorum infantum more, sed à salutatione Gloriosissimæ Virginis Mariæ auspicata est, Aue Regina Cælorum, Vngarico idiomate pronuntiando. Quartis insuper & sextis feriis semel tantummodò vbera sugens, B. Nicolaum Præulem in ipsa infantia imitabatur; Excepta est Cracouia magno solennitatis apparatu, ferens secum amplam, illis temporibus quadraginta videlicet millium Marcarum dotem: constans fama est ambos coniuges virgines permansisse, vnde Boleslao Pudici nomen obuenit. Tam illustri matrimonij splendore, Dux Masouia perculsus, Nepotem suum Boleslaum Pudicum, tandem bello laceffere desijt.

Castrum interea Bidgostiensis, quod à Suantopelco Pomeraniæ Duce interceptum & occupatum fuerat, recuperat. Suantopelcus verò in vltionem amissi castri, cum exercitu aliquanto ex equitibus peditibusq; coacto, Cuiaviensem terram Ducatui suo vicinam irruptione tumultuaria vastauit, oppidumq; Iuniuladislauense, & plures villas exussit. Male feriatus interim ab hostili conflictu Conradus, in domesticos sacrilega arma vertit, Anno Dñi, 1239. cum Ioannem Czaplâ Iuris Canonici peritum Cancellarium Ducatus sui, Scholasticum Vladislauensem & Plocensem, ordine Presbyterum, filiorum suorum Boleslai & Casimiri Pædagogum, per Semouitum patris impij iussu comprehensum, & squalido carcere diebus aliquot detentum, atq; equuleo tortum, in publicum patibulum

egit; Auxit nefarii sceleris crudelitatem, coniux improba Agatia, quæ, cum extinctum & à suspendio sublatum Fratres Prædicatores in Ciuitatem ferrent sepeliendum, in rabiem acta illis ablatum, non secus quam altara: lezabel sanguinem sacerdotalem sitiens, plastro impositum, & duobus bobus vectum, in altero rursus patibulo studiosè ad id circa Ecclesiam S. Dominici fabricato supra Istulam è regione Ecclesiæ Plocensis maioris suspendi iussit. Quem Frater Martinus Prior Plocensis Ordinis Prædicatorum, missis fratribus de patibulo secundo depositum in Ecclesia maiori ordinauit sepeliri. Quo leuiore causa ad patrandum tam horrendum facinus moueri se passus Conradus, eò tetriorem ignominia: labem, suæ prosapiæ adpersit. Casimirus alter filiorum eius Virginem Constantiam filiam Henrici Pij Vratislauensium Ducis, dudum sibi per B. Hedwigim desponsatam, acceperat in vxorem, nuptijs pro magnificentia tam soceri celebratis, quã generi Vratislauia; Casimirus nouæ nuptiæ amore captus, in domo soceri Vratislauia: longum tempus morabatur, Patre illum tam nuntijs quam literis redire in Masouiam urgente, Paternis ille minus obsequens iussis, procrastinabat reditum, Conradus autem Ioannis Scholastici Magistri sui filij suauis & consilio se & sua mandata à filio contempta credens, veritusq; ne Henricus irruptione in Masouia Casimiro dissimulante moliretur, Ioannem Scholasticum & Cancellarium promissa omni securitate blandè accersit, quasi consiliu cum eo de filij reuocatione communicaturus,

mus, vbi hic aduenit, omnem iræ impotentiam in eum effudit, nihil examinatâ veritate, crudeliq; supplicio damnauit immeritum, qua in re seuera Diuinæ ultionis animaduerso Ioanni Czaplæ videtur iustum supplicium rependisse, pro eo quod consilium seuiendi in virum insontem optimè de ipso Duce meritum Christinum Palatinum Masouia: præbuisset, vt ita cum Ducis furorem experiretur, quem ipse in alium accendisset. Horrenda cædes vbi passim percrebuit, Petrus Gnesnensis Archiepiscopus, ad puniendum nefas animum intendit; Andrea Pontifice Plocensi timore mortis remissius agente, communicato itaq; virorum prudentum & iuris Diuini atq; humani peritorum consilio, per vniuersam Plocensem Diocesim sacris interdixit. Furorem primùm poena hæc in animo Conradi exciuit, post tamen constantia Petri Gnesnensis Archiepiscopi nihil remittentis de rigore resipiscentem, ad poenitentiam adduxit. Itaq; missis Nuntijs supplex Conuentum fieri postulauit. Qui cum Lancicia habitus esset, venit illuc cum Andrea Episcopo Plocensi & consiliarijs, ac signa poenitentia: non obscura edidit, seq; scelus omnibus modis qui viderentur Antistitibus expiaturum obstrinxit: laudata primùm ab omnibus est resipiscentis demissio, deinde sancitum, vt in piaculum commissi facinoris villam Lowicz cum syluis & nemoribus ipsam ambientibus Archiepiscopo & Ecclesiæ Gnesnen: perpetuò possidendam adscriberet, vna Marcaturum quotannis pendendi fisco Ducali in iisdem bonis reservata; Gnesnensis



verò Archiepiscopus Ecclesiæ Canonatum cum Præbenda in Plocenſi Ecclesia obtineret, & Canonicus natus Plocen. censeretur, Ecclesijs autem Vladislauienſi, & Plocenſi certas libertates & iura cōferret; postquā latē sentētie submisit se pariturū, donationemq; Lowicz Ecclesiæ Gneſnēſi Conradus verbo & literis ratā haberet, Petrus Gneſnenſis Archiepiscopus, sacrorum vsum restituit, Diuinaq; officia per Plocenſem Dioceſim frequentari, & Duci Conrado abſolutionem à ſede Apoſtolica petendam iniunxit. Quam dum ſolicite is procurat, Gregorius Nonus Thomæ Vratislauienſi Episcopo, & Gerardo Cracouiēſi Scholaſtico, dedit in mandatis, vt Duci, condigna ſatisfactione, ab eo prius accepta, abſolutionis beneficiū impēderent; Hi Gneſnen. Vladislauien. & Plocen. Ecclesijs per Conradum factam largitionem, in expiationem facinoris approbantes, exacta à filijs ipsius Boleslao Maſouiæ, & Caſimiro Cuiaviæ Ducibus, omnium eorum quæ Ecclesijs prædictis contulerat, confirmatione, eundem abſoluerūt. Exſtāt literę Ducis Conradi in Vladislauienſi archiuo, quarum exemplum mihi à Perilluſtri & Admodum Reuerendo Domino Anſelmo Raciborski Decano Vladislauien. Cancellario Poſnanien. viro de Ecclesia Vladislauienſi meritissimo (cuius etiam in reliquo hoc opere non mediocri ſum opera adiutus) communicatum legi, in quibus cum aſſenſu filiorum eam donationem confirmat, quas ob prolixitatem hic interſerere non eſt viſum.

Nihil extra terminos propoſiti progreſſus videbor, ſi memora-

memorable vindictę Numinis exemplum in Dioceſi Vladislauien. Dux Mecislaus propter mentis impotentiam, Choſciſko appellatus, dum quasdam viduas & orphanos bonis ſpoliaſſet, & hobus eorum maſtatis, ſplendidum conuiuium Optimatibus & militibus Cuiavienſibus appaſſet, atq; oppipare epulaturus menſa accubuiſſet: inter prandendum iuſtiſſima Dei vindictā, enormia ipsius facinora puniente, emittit; mures innumerabiles conueniunt; ipſumq; rodere incipiunt, qui cum fruſtra modis varijs abigerentur, ille extremum vitæ ſuæ imminens periculū, euitaturus, nani conſenſa illos poſſe aquis arceri credens, vitæ aleam commiſit, quod dum fruſtra tentaiſſet, à muribus ſe per omnes vndas & fluuios infectantibus miſerrimo exitio corroſus eſt. Horrēdo ſuæ vltionis exemplo iniurias à viduis & orphanis propulſaturus. Alterum terra Cuiaviēſis irati Numinis poſt depaſtum à muribus Popielum hoc vidit ſupplicium, Anno Dñi, 1237. Per eadem tempora anno altero, poſtquam D. Stanislauus Martyrem Episcopum Craconiēſem inter cælites auctoritate ſedis Apoſtolice relatum Legati Vrbe reuertentes renuntiarunt, leuata ſunt ſacra Diui offa, vinoq; lora, populi venerationi, qui tum frequentiffimus tam ex Polonia, quam Vngaria conuenerat, expoſita Anno 1254. ad cuius triumphū celebritatem cum Archiepiscopus Gneſnen. Opizo Abbas de Meſano Apoſtolicus Nūtius, Prandota Episcopus Cracouiēſis, Thomas Vratislauien præſto fuiſſent, aderat & Episcopus Vladislauien. (Wolimirus auctore

auctore Dlugosso) Priuilegijs autem Vladislauensis Ecclesie attestantibus Michael Godziemba, cuius egregia facta anno Dñi, 1258. in archiuo Vladislauensi recensentur, cumq; inter Ecclesias Cathedrales, Collegiatas, Conuentuales, Parochiales sacra ofcium lypsana tribuerentur, capite, brachijs, insignioribusq; partibus, cum cineribus corporis in Basilica Cracouiensi reseruatis, celsit Vladislauianæ Basilicæ non minima portio sacrarum reliquiarum Diui, manu inauratâ, statua argentea, & cistella metalli eiusdem contentarum.

Interfuit idem Synodo habitæ Vratislauia anno 1248. Michael Vladislauensis Antistes, in qua omnes Episcopi Ecclesiarum Poloniae Innocentio IV. quinta parte beneficiorum & prouentuum subuenire in triennium sancierunt, ad exsoluenda debita, quæ ad defensionem sedis Apostolicæ ab Imperatore Friderico, contraxerat; quem in Concilio Lugdunensi idem Pontifex Casarea Maiestate deposuit. Iacobus Laodiensis Archidiaconus Nuntius Apostolicus Vratislauianæ Synodo præfedit, præsentibus Iuliano Gnesnensi Archiepiscopo, Prandota Cracouiensi, Bogusfalo Posnanien. Thoma Vratislauensi, Andrea Ploccen. Nankero Lubuscensi, Henrico Culmen. & nostro Vladislauien. posteaquam verò collectam pecuniam, per Gotfridum Penitentiarium Apostolicum transmisissent, habitæ sunt gratiæ ab Innocentio IV. Pontificibus & Clero Poloniae in publico. Viguit hætenus in vniuerso Poloniae Regno ab initio susceptæ Religionis consuetudo, iuxta

iuxta morem primitiue Ecclesiæ, quem etiam nunc Orientalis obseruat, vt ieiunium Quadragesimale, à Dominica septuagesimæ inchoaretur, ad diem Palchæ continuandum, quæ sæpenumerò à pluribus prætermissa, magnam dissensionum & scandalorum occasionem inter Clericos & Laicos ministrabat, dū Ecclesiarum Parochialiū rectores, huiusce moris transgressores, aut publica, aut graui pænitentia, quin etiam ingressus Ecclesiæ negatione punirent. Laici in contrarium consuetudine se & obseruantia Romanæ Ecclesiæ reliquarum magistra tuerentur, quæ Quadragesimalis ieiunij prorogationem antiquarit & aboleuerit, in omnibus Regnis, Terris, & Præuincijs quibuscumque, proinde se quoq; nisi ad normam aliorum omnium Catholicorum Romanæ sedi obtemperantium ieiunare non teneri asseuerarent. Agitata diebus aliquot, de abrogatione consuetudinis quæstio in Synodo Vratislauensi, Iacobus tandem Apostolicus Nuntius de consilio & assensu Pontificum, vt omnem in hac controuersia in posterum dissensionis, aut scandalorum occasionem exstingueret, & ne deinceps fluctuantibus animis anxij oborirentur scrupuli, remedio salutari prouideret, esum carniū auctoritate Apostolica, tam Ecclesiasticis quàm secularibus, ad diem Cinerum exclusiue, contraria consuetudine Polonorum, & primæua Ecclesiæ institutione non obstantibus, indulgit; atq; ex eo tempore Dominicā Septuagesimæ, Polonis appellari Vetus Bacchanal, siue vt ipsi voce nouata, ad analogiam Polonici vocabuli



cabuli Carnispruium dicunt, mos obtinuit.

Excelsam inuicti animi robur, & inexpugnata[m] Ducum cupiditate, nec feritate, aut vi vlla perterritam in vindicandis Ecclesiæ bonis constantiam, monimenta Vladislauensis Chartophilacij clarè Pontificis istius loquuntur, quando incolas Bieleuicianos qui olim sub temporibus Ogerij (vt securi à deprædationibus militum tunc facultatibus Ecclesiarum cruenta avaritia inhiantium, sub protectione Lesci Ducis conquiescerent,) iugum officij Venatorij subierant, in pristinum ius & minifterium Vladislauen. Ecclesiæ à Boleslao Duce Sendomiriensium recuperatus asseruit. A Conradi Ducis Lancicien. Castellaniam, seu bona clauis Volborientis omni iurisdictione & subiectione iudiciorum, subuectionum, venationum liberauit; & villam Bangkowo antiquitùs ad Ecclesiam Vladislauensem spectantem, ab eiusdem usurpatione recuperavit. A Conrado Masouia & Cuiavia Duce, eiusque filio Casimiro villam Chelmce violenter per suam vxorem matrem Casimiri ereptam, animosè vindicauit, quam ipse Episcopus Michael apud heredes filios Sasin centum & decem marcis emerat. Ab eodemque Duce Bankow & Bantkow pro Wilkoczycze commutatione accepit, ac villam Kicko propè Chelmce sitam cum omnibus lacubus illi connexis apud eundem quinquaginta Marcis argenti examinati emit. A Casimiro Duce Lanciciæ & Cuiaviæ Conradi prædicti filio, collationem Preposituræ Vladislauen. usur-

param

param redhibuit, quod ius ita restituit Casimirus, vt deinceps in potestate Episcopi Vladislauensis in perpetuum esset beneficij memorati collatio. Actum Raciazij infra Octauam Epiphaniæ, anno 1250. Cum autem exstet in volumine Priuilegiorum Ecclesiæ Vladislauen. per Sacr. R. M. approbatorum, hæc iuris per Ducem occupati celsio, nescio qua illi derogari cepit consuetudine. A Suentopelco Duce Pomeraniæ, pro rapinis & incendijs quibus vastauit bona Episcopatus Vladislauen. excommunicatione adactò, villam Komorskò in satisfactionem recepit, omnibus oneribus seruitutis, & iudiciorum liberam Idibus Octobris anno Dñi, 1246. villam quoque Licháwá ab iniquis occupatoribus, iudicij Syradiensis sententiá interueniente, restitutam obtinuit.

Non minor liberalitas Præsulis in augendis Ecclesiæ bonis eluxit, dum villas Dobrzeiowice, octuaginta quinque marcis argenti à Casimiro & Samborio Pomeraniæ Duce (qui maximum beneficium agnoscit sibi à Michael Vladislauen. Episcopo præstitum, in arctissima paupertate per collatas trecentas marcas argenti iusti ponderis) Milobadz, Zarnowino, Kleczewo, Rudno, Wyszyno triplex. A fratre Pompino Magistro Prussiæ, cum totius ordinis consensu, Ganlno 75. marcis argenti & sex aceruis filiginis, nulla parte syluæ quæ Mokry dicitur exclusa, item villas Ostrowice, Vizanbiewo, Chelmane, centum marcis argenti, villam Sieldce in districtu Lancicien. à FF-Prædicatoribus Plocen. 30. marcis, cæterasque possessiones à

A 2 2

nes à diuersis. in vsum Ecclesiæ Vladislauien. cōdēmit. Multi præterea bona sua. studiosa humanitate Antilitis deuincti, libenter addixerunt Ecclesiæ; Boguslaus Canonicus Vladislauien. Lampno maius cum fluuio Lampnicā cum vsu lignorum pineti Ducalis. emptum, à Casimiro Duce Cuiuuiensi. largitus est. Nobilis Eustachius cum consensu fratris sui. Mauritij sæculo renuntians, & inter Monachos pauperem vitam eligens, sortem hæreditariam in Karsko donauit. Suantopelcus Dux Pomeraniæ decimam omnium iudiciorum in tōta terra sua contulit. Boleslaus Dux Sendomiriæ villam Czernice. Henricus Commendator de Chrisburg villam. Golube. Comes Zdislaus villas suas hæreditarias Slawsko, Trebaczow, & Gaiwonice. Samborius Dux Pomeraniæ Castellaniā, quæ Goranczyn nuncupatur, decem & octo villis opulentam, videlicet: Goranczyno, Wąkcowo, Zakowice, Lesno, Kiełpino, Warcino, Derizno, Karlikowo, Boreze, Sardopardy, Wyflezechowo, Semanino, Stawkowo, Bozenkowo, Ráná, Ránikowo, Darkanice, Ostriche, Reuerendissimo Michaeli Episcopo Vladislauien. donauit perpetuò possidendam, ea ratione, vt reliqua pars terræ eius in Pomerania libera esset à Decimis ex prædijs præstandis Episcopo Vladislauien. Actum Torunij, 9. Cal. Martij, anno Domini, 1241. quam tamen donationem postea frater ipsius Suantopelcus Dux rescidit decimam in manipulis omnis grani de tota terra sua se pensurum submittens, Nonis. Iulij, Martini Papæ IV.

Pontificatus

Pontificatus anno 11. idemq; fidelitatem, assistentiam, defensionem rerum & personarum, & iurisdictionis Episcopalis, nec se in institutionem aut destitutionem Clericorum & quæstionum inter eos, aut controuersiarum cognitionem vllatenus intromissurū, excommunicatis non communicaturum, immò in excommunicatione per annum infordescientium bona confiscaturum, mucronemq; spiritualem suo materiali adiuturum pollicitus est.

Hic Pontifex ornamento Collegiæ Crusuiciensi Ecclesiæ, & vtilitati Parochialium prospecturus, extinctum Archidiaconatum Crusuicien. & Vladislauien. vnitū, restituit Ecclesiæ Crusuiciensi in Synodo Diocesana Iuniuladi. slauic 1233. pridie Nonas Octobr. Sub idemq; tēpus Paulus Crusuiciensis Archidiaconus villam Chelmec à Duce Boleslao patri suo collatam, ad se hæreditario iure deuolutam, Ecclesiæ Crusuiciensi cum consensu Ducis Casimiri, donauit.

Cum Michael Ecclesiam Vladislauensem gubernasset, magna vigilantie & prudentie laude annos .10. dierum ac bonorum operum plenus, de laborioso huius sæculi certamine, ad immarcescibilis brauium coronæ à supremo Iudice vocatus est, Anno iuxta Dlugossum, 1256. Octaua Mensis Augusti; tamen quia Priuilegia Vladislauianæ Ecclesiæ pleraq; extant an. Dñi. 1258. nomen Michaelis continentia, credibile est, magis hunc ipsum annum esse obitus illius, in quo etiam Volimiri mentio, vt videtur nō tardè succedēris, habetur. Gubernabat tunc

A a 3

Vniuer



Vniuersalem Ecclesiam Alexander Quartus. Imperium Occidentis vacabat. Orientis Balduinus secundus Latinorum ultimus, regebat. Vladislauia conditus est in templo veteri, sed iam lateritio, vt in Catalogo Volbiano legitur, vnde facile deduci potest ab Onoldo ligneum primum ad ripam Istulae fuisse conditum, postea a Michaelis cocto latere exaedificatum.

*Incipit Arctois depulsa Trionibus, axul  
Esse feris Lechidium barbaries animis.  
Ergo Caecicolum possunt oracula fari,  
Et sacra, iam Patria pandere voce, gregi.  
Primus Atlanteis Michael Pinifer armis,  
Praefulis excepit Vladislauensis onus.  
O fortunata, decisa propagine pinus.  
Tu Dodonao robore maior eras!  
Tu secus Istuleas vndas plantata dedisti  
Commoda Sarmatia, tempore, digna Tuo.  
Te remo frangens inuidit Nerea Typhis,  
Pinus ait quanta hac pondera ferre queat?  
Te sauas hyemes, inter gelidasq. procellas,  
Cedrus edax cui, posse manere stupet.  
Tu, quos Virgo parens grato pietatis inumbrat  
Tegmine, cen platani latior umbra, fones.  
Tu prope Cadea defixa sacumina palma,  
Moribus, exemplo, religionem, vires.  
Vna virens hyemes, qua Quadraginta tulisti  
Temporis annosi baud, Vi temeranda, vires.*

VOLI.

VOLIMIRVS EPISC: VLADISLAVIEN: XVIIII.



**D** iuturnam deliberationis moram, de sufficiendo Michaeli Praefule, sustulit generosa excelsi animi constantia Volimiri, in quem eo facilius in Comitibus electioni Antistitis designatis, concordibus votis Praelati & Canonici conuenerunt, quod dulciores fructus electionis

tionis, in vindicandis & augendis Ecclesiæ bonis fuissent experti in Polonæ gentis Episcopo. Itaq; die constituta regimen gubernandæ Ecclesiæ Vladislauien. per Electionem canonicam deferunt Volimiro, Nobili de domo Bolistaram, qui Solea superius cruce exornatâ insigniuntur, quod insigne vulgò *Pobog* in lingua vernacula solet appellari. Quamvis in Catalogo Volborianò stemma Bylina sit ei appositum, constat tamen Bolestas non hoc, sed illo usus, pro qua re citatur Cromerus à l'aproccio. Quod autem aliqui lastrzembecium fuisse velint, hinc est, quod talia insignia certis inter se distincta signis, originem suam ad gentem Accipitrinorum referant. Porro gloriam suorum maiorum laude propriâ virtutis & scientiæ ita gloriosè cumulauit, vt ad amplissimas dignitates, merita illi, in Ecclesia & Patria luculentur nota, iter aperuerint. Fuit antea Præpositus Crusiciensis, Canonicus Vladislauien. & Ducum Masouiæ Semouiti & Casimiri Cancellarius, quorum promotione facilè apud Alexandrum IV. Supremum Antistitem electionis suæ confirmationem consecutus est, anno Domini, Millesimo, Ducentesimo, quinquagesimo septimo, iuxta Dlugossum; Cum anno 1258. Priuilegia Ecclesiæ Vladislauien. Michaelen vixisse loquantur, atq; in eum ipsum annum, ipsius mentio desinat, eiusdemq; anni Priuilegia nomen Volimiri proferant, vt facilè hinc conijci possit, eodem anno quo vita excessit Michael, Volimirus in ipsius locum sub decursu anni eiusdem successisse. Vt in dignitatis Episcopalis

palis fastigium euectus est, oculos animumq; vigil speculator, ad ea primùm intendit, quæ ad defensionem libertatis, & immunitatum Ecclesiasticarum conseruationem facere videbantur. Itaque communicato cum Prandota Cracouiensi Episcopo consilio, literas ad sedem Romanam direxit, cui tunc Alexander Papa IV. præsidebat; (mandauerat enim Summus Pontifex Gnesnensi Archiepiscopo & Cracouiensi ac Vladislauien. Episcopis, vt Bolestum de dimittendo Thoma Vratislauen. Episcopo, auctoritate Apostolica admonerent, & abnuentem diris deuouerent) in quibus certiore facit Papam, quod Bolestus Sæuus Legniciensium Dux monita Apostolica contemptui, & censuras à se fulminatas ludibrio haberet. Alexander Papa IV. zelo in Ecclesiastica libertate, & ministris eius propugnandis accensus, insolentiam & temeritatem Bolesti Sæui Legnicen. compressurus, vexillum Crucis contra eum & terras illi subiectas, velut contra Ethnicum, & fidei ac Religionis Catholicæ hostem decernit. Quo mandato Fulco Gnesnen. Archiepiscopus accepto, die altera Lanciciæ pro die S. Calixti Synodum Prouincialem indicit, ad quam cum Prandota Cracouiensi Thomas Vratislauen. qui iam tunc per facta commutatis decimis manipularibus per totam Diocesim pro pecuniarijs, carcerem euaserat, Boguphalus Posnaniensis Volimirus Vladislauien. Andreas Plocen. & Vilhelmus Lubucensis, multiq; Abbates & Prælati Ecclesiæ conuenissent; Mandatum Apostolicum perlectum est, in quo contra Bolestum



naum Calium Ducem Legnicensem sacrum bellum promulgabatur, velut contra eum qui fidei Catholicae hostis esset; cuius contemneret censuras, & disciplinam odillet, decretumq; est tunc auctoritate Synodali, vt omnes Episcopi pugnatueros contra eum milites Cruce insignirent. Obiurgatus ibidem Thomas Vratislauensis Episcopus à Pontificibus, quòd pactus fuisset commutationem decimarum manipularium in pecuniarias, magno detrimento iurium libertatisq; Ecclesiasticae, qui metu cadente in virum constantem, & multiplicibus ærumnis, quas perpeffus fuit eò se adductum non inficiatus, pactioni se iniquae reclamaturum recepit. In tantum intenderat zelus Pontificis nostri studium; propugnandi bona Ecclesiae, vt cum videret non posse iniurias illatas Ecclesiae iure vindicari, agmen militum cogeret, ad comprimendos Ecclesiae hostes. Inde factum est, vt cum anno 1259. Varcisslaus Sclavorum & Cassubitarum Dux, irruptiones à Suantopelco Pomeraniae Duce in terras suas vlturus, congesto ex omnibus suae ditionis incolis exercitu, copiisque auxiliariis Ducis Calissiensis Boleslai coniunctis, in hostilem terram tenderet, comitem se expeditionis collecta manu ipsi adiungere non dubitauerit, vt eadē opportunitate iniurias, tam in villis Episcopatus sui illic consistentibus, quam in manipularibus decimis illatas ab Ecclesia propulsaret, verum conatibus non iuxta animi sententiam euentus respondit. Varcisslaus enim cum Pomeraniam caedibus & igni vastando versus Slup peruenisset, vt celerius terram

hostilem

hostilem popularetur, impedimenta & sarcinas inibi reliquit, custodiamq; illorum Episcopo Vladislauensi cum aliqua parte copiarum in statuis Slupensibus demandauit. Suantopelcus ab exploratoribus rem ita se habere edoctus, Varcisslao quidem Cassubitarum Duci manus conferere non est ausus, grassari eum in subditos, & tecta vri, praedaeq; agi interim sinens; in Episcopum autem Vladislauien. & milites, ad impedimentorum & sarcinarum custodiam excubantes cum exercitu irruit, & incautum adorsus agmen, Episcopo cum paucis fuga elapso, ceteros omnes aut occidit, aut in seruitutem abduxit, spoliisque potitus priusquam à Varcisslao & eius exercitu intercipi posset, in castra & munitiones plus lucri ex praeda, quam ex hostili vastatione damni consecutus se recepit.

Novum deinde sed armis diuersis Praesul inire debuit praetium. Eodem enim anno Calimirum Lanciciensem & Cuiauiensem Ducem, virulenta malorum radix cupiditas ita praecipitem egit, vt Ducatibus suis non contentus, Ecclesiasticis bonis violentas ingereret manus, Castrumque Raciaz cum suo districtu, ab Ecclesia Vladislauensi per iniuriam & summum nefas auelleret, & suae ditioni applicaret. Volimirus generoso animo reputans quantum tam atrox violentia percelleret Ecclesiam, Casimiri sacrilegium priuatione honorum spiritualium damnauit, & terras ipsius absq; lacris esse iussit; ipsum autem anathemate percussit, ac ne quid Casimirus durius in se statueret, Dioecesi propria egressus in Cracouien. Lagouiae moratus est. Ca-

simirus cum in Episcopum absentem seuire non posset, in bona Ecclesie rabiem vertit, & plures curias Episcopi cum horreis, pradijs, & frumentis igni sustulit. Thesaurum Ecclesie Raciaren. expilauit, Decanum & Canonicos Vladislauenses domibus exturbauit, Rectores Ecclesiarum affecit verberibus, & facultatibus exspoliavit, de his facinoribus Casimiri factus certior Clemens Papa, fulminatam sententiam contra oppressorem Ecclesie, per Episc. Vladislauen. approbavit. Durauit in sacrilega impietate furiosus Princeps annos plures, & ab affligenda Ecclesia Vladislauen. non destitit, donec anno Domini 1267. Frater Guido Tituli S. Laurentij in Lucina Presbyter Cardinalis, Clementis Quarti in Poloniam Legatus, commisit Abbati & Custodi Coenobij Vratislauensis Ordinis S. Augustini Canonorum Regularium, ut longam litem & periculosam, inter Episcopum, suamque Ecclesiam Vladislauen. ab vna, & Casimirum Lanciciensem & Cuiauensem Ducem, partibus ab altera dirimeret; auditis partium controuersijs, qui 14. April. Vladislauia adiudicarunt, Castrum Raciaz cum suo districtu, Volimiro Episcopo, Ducem verò Casimirum communioni fidelium restituerunt, Interdictumque in terris ipsius relaxarunt: postquam saniori menti restitutus pro iniurijs & damnis ducentas marcas argenti Episcopo persoluisset, & villa Bandkow inique usurpata cessisset, multaque Priuilegia & libertates Ecclesie Vladislauen. contulisset. Inter quas à Casimiro perpetuus est calamitates, non minorem dolorem accepit, terrae Cuiauenensis

Cuiauenensis ab hostibus deuastatione: nam anno Domini, 1262. Lithuani cum Ruthenis coniuncti vniuersam Masouiae oram, & maiorem partem Cuiauiae, in plures turmas & cuneos distributi, depopulati sunt; & hominum cuiuscunque conditionis multitudine alia caesa, alia capta, immensam praedam abegerunt, ac tam oppida quam rura in fauillas redegerunt, onusti que spolijs terras suas impune repetierunt. Idem Guido Cardinalis Legatus summi Pontificis, Anno Domini 1267. Vratislauiae Prouincialem Synodum in festo Purificationis B. M. V. celebravit, cui interfuerunt Ianussius Archiepiscopus Gnesnen. Paulus Craouiensis. Thomas Vratislauen. Volimirus Vladislauensis Nicolaus Posnanienensis, Thomas Plocen. Vilhelmus Lubucen. Henricus Culmem Episcopi; subsidiumque Terrae sanctae sub hostili iugo ingemiscenti, cuius oppressionem luculenta oratione recensuit Legatus, à clero contribuendum decreuerunt; ac promulgationem iubilaei, pro gratia ad tam opus sanctum colligenda, & crucem contra Saracenos Terrae sanctae occupatores, in omnibus Ecclesijs praedicari sanxit idem Cardinalis auctoritate Apostolica.

Sub idem tempus Ordinis Praedicatorum religionem Casimirus Lanciciensis, Cuiauenensis & Syradiensis Dux, in suis Principatibus propagaturus, Monasterium in oppido suo Brzescie Cuiauen. fundat; & erigit; & Religiosos per Prouincialem petitioni suae libenter annuentem, ex Craouiensi Conuentumissos in eo locat, curamque illorum Ducali munificentia gerens, templum à se exaedicatum



sacra suppellectilia ac ornamentis ditat, Annum foundationis Dlugossus habet 1264. mirum tamen videri potest, quomodo iisdem annis & bona Ecclesie Vladislauensis castri Raciæ occupasse, & fundasse Monasterium, & in excommunicatione delituisse, & cultum diuinum promouere dicatur, videtur potius Monasterium postquam resipuit struxisse, aut paulo antequam infensus esset Volimiro, cui etiam anno Dñi. 1255. Vladislauensem ciuitatem donauit, cuius priuilegium exstat in Ecclesia incipiens; *In nomine Patris &c.* Quam donationem Synodus prouincialis approbat. celebrata Syradie sub Ianusio Archiepiscopo Gnesnenli Patribus Paulo Cracou. Thoma Vratiss. Nicolao Posnan. Vilhelmo Lubucen. & Petro Plocensi Episcopis, eodem ipso anno donationis.

Anno Domini 1269. Diuturna disceptatio inter Plocen. & Culmensem Episcopatus eorumq; Pontifices super finibus Dicecesum arbitrio Volimiri octauo idus Decembris subsidit, ita vt Thomastunc Plocen. Episcopus parte Dicecesis suæ, possessionibusq; & decimis, quam & quas obtinebat in terra Culmensi, cesserit, Vernerus autem Culmensis Episcopus, pro compensatione vicissim, villam Orzeczkow cum mensuris Episcopalibus & Iure patronatus, item trecentos mansos in terra Lubauie Dicecesi Plocen. contiguæ nondum tunc cultos dederit; in quibus temporis successu villæ locatæ sunt Plocensis Ecclesie ditioni seruiantes. Aderat Volimirus, & alteri Synodo Prouinciali Vratisslauie Anno Domini 1260. congregatæ,

gregatæ, in qua de immunitatibus Ecclesiarum, & Personarum cultui Diuino addictarum tractatum fuit, cuius exemplum decisionis Pontifices transmiserunt Duci Pomeranie, in hunc modum:

*Archiepiscopus Gnesnensis Vratislanien. Cracouien. Vladislauien. Posnanien. Episcopi, in Synodo Prouinciali Vratisslauia celebrata, herenissimo Duci Pomerania Messuino premant Constitutionem in Synodo eadem prolata tenoris talis: Frater GVI D-O tituli Sancti Laurentij in Lucina Presbyter Cardinalis, Apostolica sedis Legatus, ad perpetuam rei memoriam. Excommunicamus Principes seculares, qui Ecclesias vel Ecclesiasticas personas, vel homines Ecclesiarum commouentes, talis, vel collectis aggrauare presumunt. Verum si quando Episcopus simul cum Clericis, tantam necessitatem vel utilitatem prospexerit, vt absq; ulla coactione ad releuandas utilitates vel necessitates communes, ubi Laicorum non suppetunt facultates subsidia per Ecclesias duxerint conferenda, nullatenus hoc presumant, nisi prius Romanus Pontifex consulatur. Quidquid verò Episcopus vel Prælati in contrarium facere presumpserit, tam ipse, quam illi, qui in hoc facto consilium sibi dederunt, quousq; per sedem Apostolicam absoluantur, suspensi maneant à diuinis. Item cum in plerisq; locis quorundam iniquitas inualuit, quod in rebus Ecclesiæ factum reputetur sagacitas, rapina, probitas, & violentia fortitudo: Synodali Iudicio desinimus, vt qui bona Ecclesiastica scienter detinent occupata, nisi infra instans Pascha eadem restituerint, & de damnis ac iniurijs satisfecerint, extunc introitu Ecclesie interdicimus, nec ab Episcopo aut alijs Prælati ad communionem Diuini corporis admittantur. Qui verò obstinata mente, dum vixerint satisfacere non curauerunt, nullus Clericus secularis vel regularis sepultura ipsius interesse presumat: adijcetes, vt singulis annis in Synodo illi, qui Clericos capiunt, verberant, vel occidunt, aut alias in ipsos iniiciunt manus violentas, excommunicati denūtiētur. Qui verò persona Ecclesiastica enormiter vulnerauerit, mutilauerit vel occiderit, aut captiuauerit, non nisi per sedem Apostolicam absoluator, & ipso facto, si quid tenebat ab Ecclesia illud perdat,*

perdat, & in utilitatem Ecclesie conuertatur, adijci de quod in illa Diocesi, in qua aliquem Canonicum Cathedralis Ecclesie & in dignitate Ecclesiastica constitutum, capi contigerit, vel captum detineri, usque ad liberationem ipsius & exhibitionem debita satisfactionis, cessetur generaliter à diuinis, similiter & illa Parochia, in qua res Clerici violentè ablatas capi, vel detineri contigerit, usque ad restitutionem & satisfactionem condignam à diuinis cessetur. Datum in Synodo celebrata XVIIII. Kalend. Nouemb: Anno 1280.

Emit Præsul hic Vladislauiensis à Comite Nicolao Bartholomeiow, Subpincerna Lancicien. Villas Sminko, Witowo, Oskomia, triginta marcis an. Dñi. 1257. & ultra restitutas à Casimiro Lancicię & Cuiauię Duce villas antiquitus ad Vladislauen. Ecclesiam spectantes Grochowarsko, & Wyfzyna, item Boryszewo in clauē Volborien. Ciuitatem Vladislauiam & molendinum vicinius ciuitati super fluuium, qui Zgłowiátká vocatur, constructum, donatione perpetua ab eodem Duce cum libertate & pleno iure Teutonico in villis *Wieniec*. & *Kopacino* in remissione suorū peccatorū collatam obtinuit; qui etiam Dux libertates villis Episcopalibus *Lubotin*, & *Zakrzewo* à Patre suo concessas innouauit, & confirmauit; Idemq; villas *Drwal* & *Korabniki* in ripa *Istulæ* sitas, cum pratis, syluis, aquis, piscationibus, tum & molendinum locatum inter *Wienecensem* & *Vladislauen*. Molendina, item villæ *Klotno* libertatem, nec non facultatem fossis circumual-lare ac munire Ciuitatem Vladislauen. concessit, idque permutatione pro villa *Sokolow*, & pro sorte quadam in *Markowice*, ita ut Incolæ de *Sokolow*, *Gerdline*, & de sorte

forte *Márkowice*, à decimis manipulatim præstandis immunitate gaudere debeát, sed de quolibet máio *Vladislauen*si Episcopo & Canonicis, pro festo S. Martini, duas mensuras tritici, sex siliginis, & quatuor auenæ pendere teneantur.

Contulerunt præterea plerique Duces & Nobiles in subsidium animarum, multa bona Vladislauen. Ecclesie per *Volimirum*: *Boleslaus* Dux *Cracouiæ* & *Sandomiriæ*, villam *Myślanowice* super *Szreniauiam* sitam, iure patronatus sibi reseruato.

*Zemomyślaus* Dux *Cuiauię*, villam *Arnoltowicz*, *Gdyfzyn*, Syluam cum pratis quæ *Grzegorzow* *Łag* nuncupatur, & *Glumowo*, iuxta *Złotoriam* super *Drwenciam*, permutatione pro *Dzwirna*, cum molendino lacu & vinea, saluo iure Capellæ ad Præposituram *Crusciensem* pertinentis. *Mestuinus* Dux *Pomeraniæ* villam suam parua *Komorsko* cum omnibus libertatibus. *Clemens* Canonicus Vladislauiensis cum Patruo suo *Młodziowe* hereditatem suam de *Zblag*. Nobilis *Bogussa* filius *Mecslai* testamento largitus est Episcopo *Volimiro* Ecclesie Vladislauen. villam *Powsino*, vxori verò suæ *Lubanie*, *Mikanowo*, *Kucer*, *Novogrod*, *Sitno*, *Rudawe*, *Pomorzany* & *Mlyn*, ita ut post mortem eius ad Ecclesiam S. MARIE antiquæ Vladislauie cederent, prout quidem defacto cessit. Nobilis *Ludimilla* coniux illius, possessione aliquarum videlicet *Lubanie*, *Rudawe*, *Nowygrad*, *Sitno*, non expectato vitæ suæ termino, quam



no, quam ultimæ voluntatis dispositionem & donationem Alexander Papa tertius, 3. Cal. Maij, Pontificatus anno quinto, Avinionē confirmavit. Cū autem hinc liquido constet, villam Lubanie testamentaria donatione ad Ecclesiam Vladislaviensem pervenisse, ne quid illud iam subsistere, quod Paproccius asserit, auctorem cædis Decani Vladislaviensis hereditate hac Ecclesiæ in expiationem tanti sceleris cessasse, huncq; primum fratricidam originem stemmati Pomiano commutatione circuli naribus Bisontis exempti, in gladium capiti eiusdem feræ adactum, in perpetuam cruenti sacrilegij memoriam dedisse; originem stemmatis non improbo, heredem tamen existisse villæ, qua nunc Capitulum Vladislaviense gaudet, testamento Bogussæ mihi adstipulante non approbo.

Anno Domini 1271. Volimirus cū annis tribus & viginti sustinisset pro Ecclesia Vladislaviensi labores, ad æternæ quietis portū transijt, & in Ecclesia Vladislaviensi honorem sepulture obtinuit, lacrymis piorū bono Pastori parentantibus. Vacuit tunc sedes Romana; nam cū Clemens IV. anno Domini 1268. 29. Nouembris Viterbij maximo omnium luctu obiisset, Principes Ecclesiæ Romanæ purpurati, incertum an discordes, an aliqua vi superiore præpediti, ferè totos XXVII. Menses neminem Cathedræ S. Petri præfecerunt, quamvis grauter præsentēs Reipub. Christianæ necessitates electionem vrissent. Michael Paleogus Orientis imperio tunc præfuit. Occidentis regimen Imperatore caruit.

Qua

*Qua Volimire tua par sit facundia laudi?  
Quo tutore suo, stant bona sacra loco.  
Inuictō quantum præstares robore, sensit  
Dirarum subiens, Dux Casimirus onus.  
Vive vetustatis temens molimina longa,  
Et pete quā virtus fœcit ad astra viam.  
Aurea crux firmat vestigia gressibus, O quā  
Laude, inoffenso sic pede curris iter?*

## ALBERTVS I. EPISC. VLADISLAVIEN. XIX.

**N**obilis hic de gente Perſztynea seu Wieniauitarum qui pro insigni gestant caput Bisontis circulo per nare traiecto, ingenitam suorum maiorum nobilitatem, magna laude virtutum propriarum illustravit, quarum decore quamvis longè celeberrimus coruscaret, ac pænè omnibus morū polleret ornamentis, tamen inter alia pietatis & probitatis specimina, liberalitas in egenos suum maximè pandebat iubar. Hic cū Decanatus dignitatem in Ecclesia Vladislaviensi annis compluribus rarā sui nominis commendatione gessisset, non difficili negotio morum suauitate & prudentia longioribus procraftinationibus, de eligendo Antistite finem imposuit, eo ipso die quem ad surrogandum Volimiro successorem, Prælati & Canonici destinārant, qui quamvis à sacro senatu Anno Domini 1271. ritè fuisset electus, quia tamen Sedes Romana hoc anno vacauit, anno insequenti à Gregorio Papa X. confirmationem obtinuit, Casimiro Duce Lanciciæ & Cuiaviæ Principatum tenente. Ipsa officij suscepti

suscepti magnitudo admonuit virum, iam in minore fortuna gloriolæ liberalitatis alacritate conspicuum, quàm sollicitè sibi pensandum esset, atq; in id cogitationes dirigendæ, ne quid necessitatibus pauperum deesset, per suâ



incuriam, quem Dominus super familiam suâ constituis-  
 set, in quo suum eò alacrius elaborabat studium, quò  
 magis ipsæ opes Ecclesiæ Ducum liberalitate amplifica-  
 rentur, quarum accessio ex Archiuo Vladislauensi de-  
 prompta

prompta hic proponitur. Mszczugius Pomeraniæ Dux cum  
 Dantiscū rebelle ad officiū reduxisset, atq; capita seditio-  
 nis multasset, pleraq; bona factiosorū redegit in fiscum, ex  
 his autem duas villas Serobotow & Wichouino Ecclesiæ  
 Vladislauensi, & suo tunc Episcopo Alberto donauit. Por-  
 tum maris qui *mosty* nuncupatur cum omnibus utilitati-  
 bus, & villas Brod, Gogolewo, ab omni seruitute & one-  
 ribus liberas, Item Swaryszewo, Sobkowo, cum Tulce,  
 Mszczino, tertium Wysino quod Crydlowo dicitur, Le-  
 niuo, Witomino, cum Suigrino, & alijs suis campis & locis  
 villarum quocunq; alio vocabulo nuncupatur. Item Po-  
 stolewo, iunctum villæ Milobadz; medietatem villæ Cze-  
 tnowo, & Mneszynam, iuxta Milessewo sitam, cum clau-  
 sura super Ráduinā positæ cum omni pleno iure, dominio,  
 & libertatibus Ecclesiæ Vladislaueni. B. M. V. liberali-  
 ter contulit; in crastino B. Iacobi Apostoli, Anno Domini  
 1283. Idem pro Centum sexaginta marcis minùs duabus,  
 quas tenebatur Alberto Vladislaueni Episcopo in terra  
 Suecensi villam Szechorowo cum omni suo districtu ab  
 antiquo habitam Ecclesiæ Vladislauensi liberam ab om-  
 nibus oneribus.

Idem anno Domini 1274. Quarto Nonas Ianuarij in  
 Castro suo Swiecie agens, Monasterium in Polplin in terra  
 Pomeraniæ & territorio Thunauensi Ordinis Cisterci-  
 sis, olim Nouin Dubráwy appellatum sub titulo & honore  
 B. M. V. fundat vel potius transfert. Dudum enim Dux  
 Samboriz Patruus, Germanus dicti Mszczugij illud fun-  
 dauerat,



198  
dauerat, & bona Rogotkow, Kobylow & Kozmin donauerat, quod propter incommoditatem loci Msczugius in Potplin transtulit, & ampla dote & libertatibus amplauit. An. Dñi. 1279. Boleslaus Pudicus Cracouiensis & Sandomiriensis Dux è viuis excessit in cuius locum successit nepos ex Fratre Patruale Casimiro Duce Cuiaiuen. Lescus Niger Siradiensis Dux, qui multas libertates & Priuilegia cōcessit Clau Volboriensi, ab omnibus oneribus personarum & prædialibus, & à reparatione pontis Siradiensis. Hic Pontifex accepit commutatione villam Sawlowice nuncupatam in Dominio Ducis Cuiaiuen. & in Castellania luuenis Vladislauie sitam, pro villa Ecclesie Vladislauien. Powfino in Dominio Cernensi, quam resignauit Comiti Nicolao Castellano de Vizna, heredi de Iaschow Vladislauie die S. Margaritæ, Anno Domini, 1282.

Anno Domini 1283. Nonis Decemb: postquam Albertus annos tredecim in Pontificatu exegisset, è viuis excessit, in Ecclesia Vladislauien. tumultatus est, vir spectatæ virtutis (quod elogium Dlugossus ipsi tribuit) & in pauperes religiososque ac quoslibet inopes liberalitatis profusæ, magno luctu non eos duntaxat quos sua munificentia solabatur, verumetiam vniuersam Diocesim Vladislauien. affecit, Martino Papa IV. Ecclesie Romanæ præfidente. Occidentis Imperij fasces tenente Rudolpho, Orientis Michaelis Palæologo. Volunt quidam sepultum in Ecclesia Brestensi Cuiaiuen. FF. Prædicatorum ante maius altare, sed nullum vestigium tumuli demonstrant. Paproccius asserit

asserit gente Toporum exstitisse, & successorem quidem rectè Volimiri affirmat, stemma autem gessisse Asciam secus; quando in ipso Dlugosso Vieniuium Albertum fuisse comperio.

*Perstinj celebret Taurinos fama labores;  
Alberti nomen sacula cuncta sonent.  
Omnibus hic nituit, clarus virtutibus heros;  
Sed magis hac, inopi quod tribuisset opem.  
Pauperes plorato patrem, plorate pupills,  
Ut virgant lacrymis arida Busta pijs.  
Vimen hult patrium rutilat de nare Bisontis,  
Qua vincere nequit vimine, amore, potest.*

VISLAŮS EPISC: VLADISLAVIEN: XX.

**R**itè persoluto extremi honoris officio Alberto, Prælati & Canonici Vladislauenses, die Comitij indicta, anno insequenti Millesimo, Ducentesimo, octuagesimo quarto; munus & onus Pontificium vnanimi consensu imponunt Vislao Præposito Plocen. Canonico Vladislauien. qui decimo quarto Cal. April. à Iacobo Suinka Gnesnen. Archiepiscopo in Monasterio Strzelnen. Ordinis Præmonstratensis Vladislauien. Diocesis, confirmatus & consecratus est, Anno 1284. Nobilis fuit de armis Zabauiorum, nobilitatem quam virtus maiorum parauit, cumulatissimis laudibus & meritis; non modò conseruauit, sed amplissimis virtutum propriarum meritis decorauit, inter quas maximè zelus & studium Diuini cultus propagandi eluxit. Primus hic Electionis suæ Confirmatio-

nem,

nem, ab Archiepiscopo Gnesn. suæ Prouincię Metropolitano consecutus est, inter Episcopos Vladislau. fortasse id à sede Apostolica obtinuerat Iacobus Suinka, vt pro au-



toritate Primatialis & Metropolitanę dignitatis, gauderet Priuilegio confirmandi Electionem Episcoporum, cum securus ad Urbem accessus non pateret, propter finitima-

rum

rum Nationum bella. Anno enim Domini 1282. exorta odia & inimicitie inter Carolum Galliarum Regem, & Petrum Aragonię aditu facili prohibuerunt Romam, frequentibus militum vtrinque copijs vias insidentibus, quarum inimicitiarum vis in tantum exarsit, annis subsequentibus, vt anno Domini 1284. Martinus Papa IV. in die Coenę Domini, Ascensionis Christi festo, & in celebritate Basilicę Principis Apostolorum in platea maioris Ecclesię apud Urbem veterem, & Perusij, Petrum Aragonum Regem, nominatim numero impiorum habendum sanciuerit, & sacrum bellum in eum decreuerit, eiusque prædicandi potestatem in Sardinia, Gallia, Corsica, & alijs Prouincijs iniunxerit. Deinde ius Regni etiam Aragonię & Valentię, ei abrogauit, idque Carolo Valesij Comitis Regis Francię ex sorore Petri filio attribuit ne, in alienam cognationem transferri sceptrum populares conquererentur, eosque à vinculo fidelitatis, & iurisiurandi religione soluit, qua se Petro obligauerant.

Non fuit difficile obtentu, Priuilegium confirmandi Electos Episcopos Iacobo Suincę, qui facile à Martino Quarto Papa in augurationem, in Archiepiscopum Gnesnen. propter familiaritatem primę ætate contractam, reprobata legitima Electione Wloftiborij Decani Gnesnen. fuerit consecutus & possessionem nactus, frustra Prælati & Canonicis renitentibus. Hic anno 1283. Sabbatho 12. Cal. Ianuar. Calissij in Monasterio Fratrum Minorum, ordinatus est in Presbyterum, & sequenti Dominico die

Dd

conse-



consecratus in Archiepiscopum à quatuor Episcopis, Thoma Vratislaviensi, Ioanne Posnaniensi, Goslao Plocen. Volimiro Lubucem presente Præmyslao Duce Maioris Poloniae, qui Archiepiscopo annulum gemmâ & opere insignem in ipsa solennitate donauit.

Anno Domini 1285. in festo Epiphaniæ indictam Decembri anni Superioris Synodum Prouincialem Lancicis Iacobus Swinka Archiepiscopus Gnesna celebravit, in qua Paulo Cracouiensi, Visslao Vladislaviensi, Thomae Vratislaviensi, & Volimiro Lubucem Episcopis, cæterisque Prælatibus & Abbatibus magno numero præsentibus, Archiepiscopus de Episcoporum consilio, Summario processu contra Henricum Quartum Vratislaviensem Ducem (qui omnem possessionem bonorum Episcopatus Vratislaviensis & decimarum violenter ademerat) instaurato, ipsum & omnes suos satellites familiares & adherentes, & singulos qui eidem præstarent consilium, auxilium, vel fauorem censuras Ecclesiasticas extendit, & aggrauauit, & omnia loca Principatus Vratislaviensis Ecclesiastico subiecit interdicto, cui Decreto vniuersæ Ecclesiæ & Monasterium Vratislaviense Diocesis paruerunt, solis repugnantibus magno Franciscanæ submissionis detrimento, ac ordinis dedecore Fratribus Minoribus ad ædem S. Iacobi degentibus.

Anno Domini 1288. 4. Cal. Maij, in die S. Vitalis Martyris Visslaus Episcopus Vladislaviensis sub tempore & regimine Engelberti Abbatis Byschcouien. ex loco altero fundationis

fundationis in villam Smielle quam appellari voluit felicem vallem, quæ nunc Koronow dicitur transtulit Monasterium, cuius prima initia fuerunt in Hospitali villa supra Vistulam è regione Ciuitatis antiquæ Vladislaviensis, inde translatum Byschcouiam, annis septuaginta durauit, vnde Coronouiam in locum cultiorem, & pluribus commoditatibus vtilem, ob fluvium Dbra præterlabentem, opera Visslai translatum est. Præfuit huic felici Valli dum hæc scribebam Reuerendissimus D. Iacobus Piascecki pius Monachorum pater.

Anno Domini 1289. Octaua Maij Msczugius Pomraniae Dux pro die illa agens in Castro suo Swiecie, de consensu Visslai Episcopi Vladislaviensis in titulum & honorem gloriosissimæ Virginis MARIE, Monasterium Ordinis Prædicatorum Tczouiae, alias Dirszauiae, donans Monasterio capacem aream, & licentiam in omnibus aquis piscandi, fundauit. In eundem Mors Lesci nigri Cracouiensis Sandomirien. & Syradien. Ducis vltima die Septembris incidit qui in Sanctæ Trinitatis Monasterio Ord. Prædicatorum in parte Chori sinistra, quem locum viuens delegerat, Ducali honore sepultus est, locumq; dedit bello & discordijs ciuilibus, nullâ prole superstita, dum multi, alius potentia, alius opibus, alius propinquitate, alius consanguinitate, alius electione, alius designatione freti Principatum ambirent, alij Boleslaum Ducem Masouiae, alij Henricum Vratislaviensem Ducem deposcerent, cui tamen cesserunt, fasces.

lit electionem hanc, Vladislaus Cubitalis Cuiavien. Dux etiam Ducatu Syradiensi gaudens, qui Lesci germani sui Ducatum sibi deberi iure propinquitatis apud se statuisse, cum verò ad propulsandam hanc iniuriam vires copiarum intendisset, à Cracouiensibus admissus est, mortuo interim Vratislavia Henrico Duce Principatu integro potitus est, quo brevi excidit propter impotentem. Dominationem, si quidem anno Domini 1295. ut membra Regni Poloniae haecenus scissa iusta Numinis vindicta eadem D. Stanislai expiante, in vnum Reipub. corpus coalescerent. Procères & Ordines Regni consultantes regimen Principatus Præmyslao Posenanien. Duci votis concordibus Cubitali spreto & repudiato, detulerunt. Hic Patre Præmyslao maioris Poloniae Duce profectus, de vetusta Regum Poloniae Stirpe ducens originem ob præclaras virtutes, maxime dignus visus est Regali sublimitate. Itaque anno prædicto die Dominica 26. Mensis Iunii Procères & Equites conventu facto in diem Divis Martyribus Ioanni & Paulo sacram, coronationem Regis indicunt. Qua adveniente Iacobus Swinka Gnesnen. Archiepiscopus in Ecclesia Metropolitana sacris frequenti solennitate operatus, implorata Divini Spiritus ope Præmyslaum in Regem consortemque suam Richsam in Reginam Poloniae vniit, & Diademate Regio quod studio & opera virorum Ecclesiasticorum per plures transactas ætates servatum custoditumque erat, coronavit, assistentibus sibi Ioanne Gerbisch Posenanien. Ioanne Romka Vratislavien. Goslao Plocen-

si, Con-

si, Conrado Lubucen. Episcopis, Palatinisque & Baronibus Poloniae insignioribus, ac multitudine populi numerosa plaudente Procopius Cracouiensis, & Vislaus Cuiavien. Episcopi atque earum terrarum Procères, etsi coronationi non adfuissent, ratam tamen habuerunt, & de eius celebritate festos & ipsi lætosque dies egerunt. Breuem hanc lætitiæ triumphu cruenta mors Regis intercepit, nam anno insequenti 1296. Marchiones Brandenburgenses Ottones duo, & Ioannes Conradi Rogozni ubi Rex absque vlla suspitione hostium securus constiterat, pro vitæ salutisque custodia, minore stipatus comitatu: aggressi quieti deditum in milites per hospitia dispersos ex hesternæ crapulæ sopore oppressos irruunt, ipsumque Regem securè quiescentem crudeliter trucidant.

Ne Regnum per occisionem Præmyslai civilium bellorum tumultibus, & discordiarum seditionibus periclitaretur, Procères Baronesque Poloniae Regni & Ducatus Pomeraniæ conventum pro die S. Adalberti Posenaniæ celebrant, unanimique consensu, Vladislaum Cubitalem Casimiri Ducis Cracouiensis filium, Conradi Cuiaviæ & Masoviæ Principis Nepotem, sexto à Boleslao audace D. Stanislai interfessore consanguinitatis gradu distantem eligunt, eum nulla Præmyslai proles virilis exstaret, filia verò Richsa nondum matura coniugio, nihil opis ad arceda pericula patriæ impendentia videretur allatura. Fuit Cubitalis inter Fratres Lescum Nigrum Cracouiensem & Syradiensem Ducem, Zemomyssum

Dd. 3.

Casimi-



Calimirum & Semouitum Lancicia Cuiaviae, & Dobrynen. Duces tertius natu. Hic vnus posse videbatur scissum Regni corpus redintegrare, vt qui mortem germani; Lesci nigri Cracouiensem, Sendomirien. & Syradiensem obtinuisset Ducatus, perq; coniugem suam Hedwigim filiam Boleslai Pij Calissien. & Posnaniensis Ducis vtroq; Ducatu illo fuisset potitus, Ducem itaq; se & heredem regni scribebat nondum diademate insignitus, qui anno Domini, 1298. XVI. Calend. Martij à pietate auspiciu Principatus orsurus fundauit Monasterium FF. Minorum Radeiouiæ in Vladislauensi Diocesi.

Eum tamen rursus, post biennium in omnem petulantiam pronus, cum neq; sacrilegas manus ab Ecclesijs, earumq; bonis continuisset, neq; ab oppressiõibus destitutus aliquam spem emendationis in Ordinum animis ingenerasset, in Conuentu Posnaniensi sua electione abrogata amittit, cum Venceslaum Bohemiae Regem, qui se tunc Cracouiensem & Sendomirien. Ducem scribebat, quod Ducatus eos Grifinae Lesci Nigri coniugis relictæ donatione obtineret, concordibus votis Regem promulgassent Proceres, cumq; in Ecclesia Gnesnen. per Iacobum Swinkam Gnesnen. Archiepiscopum assistentibus Visslao Vladislauien. Andrea Posnaniens. Ioanne Romka Vratislauen. Episcopis, Senatorumq; & Nobilium Regni Poloniae multitudine frequenti praesente vngi procurassent, ingenti omnium Ordinum applausu. Sub Venceslai regimine Boleslaus Prior Heremi in Suarnogancz cum fratribus

tribus suis in Monasterium Oliuense transmigravit, habitumq; & professionem Cisterciensis religionis suscepit, Rex verò Poloniae Venceslaus omnes possessiones & redditus, quas Heremus praedicta donatione Principum Poloniae habuerat, Monasterio Oliuensi donauit & vniuit. Videtur hæc vnio facta, cum bonis S. MARIE Paradisi Carthusianorum instituti, de qua etiam quaesti sunt: Carthusiani coram Illustriss. D. Hieronymo Comite à Rozrazew Episcopo Vladislauien. Anno Domini 1583. asserentes factam non iuxta rectam sedis Apostolicæ informationem, cui relatum nullos iam fuisse Carthusianorum superstites, timendumq; fuisse ne in prædā hæreticis tam nobile Coenobium cederet, pagis XIV. Lacubus XXVIII. in Gedanensi Ciuitate ædibus quinquaginta, prædijs tribus, molendinis duobus, sylua ad septē millia passuum protensa locuples.

Nunc iam quibus bonis aucta sit sub regimine Visslai Vladislauien. Ecclesia, ex Tabulario eiusdem produco. Præmyslaus Dux Poloniae, adiudicauit villam Piotrchouiam, alias Podkczewica propè Sobotam Visslao Episcopo Vladislauien. Hermanus Balke Magister Prussiae partem prædij in Złotoria constitutam inter Istulam & Drüencam & semitam, quæ ducit de vno flumine ad aliud per syluam Mokry dictam, cuius proprietas ad Ecclesiam Vladislauien. pertinet, restituit.

Albertus Heres de Złolna, villam suam Złotoria emptam ducentis marcis Reuerendissimo Visslao & Ecclesiae Vladislauien.

*Mag. H. Balke*  
*1239. in*  
*Livoniae*  
*translaty, in*  
*1245 mor.*  
*trus.*

Vladislauiē. resignauit. Comes Prasslaus Castellanus Brestensis, villam suam Zelino Reuerendiss. Villao & Ecclesiæ Vladislauiē. centum marcis Torunensibus vendidit. Frater Ioannes Commendator Prouincialis Terræ Culmensis, cum alijs deputatis à Magistro Prussiæ assignauit censum sexaginta Marcarum monetæ Terræ Culmensis in villa Grzywna Reuerendiss. Episcopo in possessionem eiusdem villæ intromisso, & Ecclesiæ Vladislauiē. quæ successu temporis in hereditatem propriam & directum Dominium prædictæ Ecclesiæ celsit.

Georgius, & Rudolphus filij olim Castellani de Vindenburck 60. marcis denariorum emptam villam Sobkowo Episcopo & Ecclesiæ Vladislauiē. resignauerunt.

Ioannes Abbas Monasterij de Luckna Ordinis Cisterciē. pro decimis villarum Połuszyno, & Bruchnino contulit cum suo conuentu Villas Smolino & Zelibore, Reuerēdiss. Villao Episcopo & Ecclesiæ Vladisl; Zdislaus Castellanus Vladislauiē. villas Sławsko Darnowo, & Trzebaczowo, Episcopo & Ecclesiæ Vladislauiē donauit quam donationem approbauit Casimirus Dei gratia Dux Lanciciē. & Cuiuuiæ decernens, quod cuilibet Nobili siue militi liceat possessiones suas mobiles, & immobiles perpetuis temporibus inter viuos donare, vel testamento legare, non attenta consanguineorum quorumlibet contradictione, cui quidem decreto inserto Priuilegijs Ecclesiæ Vladislauiē. (cum toties à Principibus & Regibus sit approbatum & confirmatum) derogari per Statuta Pietatem

tem sanctam non potuit, cum lex communis priuatam Legem Principis fauore datam & successorum, voluntate roboratam, non afficiat. Ciues Torunenses ad priores tres maiores census soliti ex parte Zlotorie (quæ ab altera parte Drwence intra territorium Ducis Prussiæ continetur) inscriptas addiderunt sex marcas, & se obligarunt quotannis censum nouem marcarum pro festo B. Martini pensuros Episcopo Vladislauiensi.

Expertæ & aliæ Ecclesiæ liberalitatem piorum sub regimine Villai, si quidem tunc Vladislaus Dux Regni Polonia, Hospitali Brestensi villam Katy sitam, in terra Cuiuuiensi largitus est. concedens in præfata villæ spatio construere molendinum, vbi fluuius Bächerza intrat fluuium Zgłowiátka.

Iarosslaus miles villam propriam Kretkow Crusiciē. Ecclesiæ dedit, adiungens eidem villæ partem de Gosino cum parte nemoris versus Xiance, idq; permutatione pro villa eiusdem Ecclesiæ Crusiciē. dicta Crasino.

Albertus heres de Zwolna considerans villam Elgieszewo per Commissarios Apostolicos Rectori Ecclesiæ de Ciechocin esse adiudicatam, ne contra conscientiam niteretur, omni impetitioni renuntiauit, & de eadem villa prout est per Dominos Cruciferos limitata, celsit.

Fundauit Episcopus hic Ecclesiam in Komorsko, cui assignauit sortem cum area in villa supradicta marcam argenti in molendino, quam pro lumine dictæ Ecclesiæ deputauit: Decimas item in villis Glowno, Rulewo, Bzewo Bartkowo & Molewe.

Ee

Anne



Anno autem Domini 1300, præclare functus munere Episcopali ex vita mortali ad immortalem transijt. Vigesima septima die Mensis Nouemb. & in Ecclesia Vladislau- sepultus cum annos XVI. in Pontificatu exegisset. Vniuersalis Ecclesię gubernacula tenente Bonifacio Octauo, Occidentis Imperio præsidente Alberto. Orientis autem Andronico filio, impio Schismatico, talis parentis Michaelis Paleologi, sub quo & arctari cępit illud imperium ab Othomano Zichi filio Turcarum primo Rege.

*Vislai virtus calo caput intulit; astrum  
Sidereas inter docta nitere facies.  
Dextera supplicibus prompto qua fauit egenis:  
Munere, dat tanta munera digna viro,  
Felici, quando Coronouia, valle virescet:  
Crescet in auctoris pulchra corona, caput;*

GERVARDVS EPISC: VLADISLAVIEN: XXI.

**A** Nimosus hic bonorum Ecclesię propugnator, acerrimusq; iurium Patrię defensor, vir consilij & ingenij singularis, Episcopus cultus Diuini promotor feruentissimus, Senator Reipub. amans, æque ac prudens, gubernandam Ecclesiam Vladislauensem obitu Vislai vacantem suscepit, cum munus hoc sibi non discor- dibus suffragijs Collegium Prælatorum & Canonicorum detulisset, Anno Domini, Millesimo, Trescentesimo primo, quo etiam à Iacobo Swinka Archiepiscopo Gnesnē confirmationem obtinuit, Venceslao Polonię & Bohemię Rege electionem eius gratam habente, in Strzelnen-

sis

sis Monasterij Ecclesia consecratus, Cathedram Episcopalem solenni Cleri, populiq; gratulatione adiit. Antiquissima Coryllorum, siue Aceruorum gente oriundus fuit, cui auiti nominis decus conseruare, magnus & non



infelix labor, atq; ideo vrgente maiorum gloria magnanimum se præbuit in asserendis tam Ecclesię, quàm Reipub. iuribus, cuius in vtramq; studiosus amor ex subsequenti historię progressu clarius innotescet. Venceslaus

Ec 2

Polonię

Poloniæ & Bohemiæ Rex, Anno Domini, 1305. non sine suspicionem veneni, quamvis & senectus ipsa causa morbi putaretur, 9. Cal. Iunij Pragæ in humanis esse desijt, successorem filium in Regno Bohemiæ reliquit vnamini ordinum suffragante consensu, nomine Venceslaum, hic quavis non esset Regio diademate in Polonia insignitus, aut electus, tamen nihil minuendum de Patria conditione ratus, Poloniæ Regem se scribebat, sed Vladislaus Cubitalis nactus opportunitatem sollicitandi Polonorum animos terra Sendomirienti potius, facile Cracouienses qui regiminis Bohemorum pertæsi fuerant, sibi deuinxit; in quem dum arma expedit Venceslaus, Olomucij in domo Decani Olomucensis ipso meridie somno indulgens à gregario milite 3. die Augusti obtruncatus est, anno Domini. 1306. Itaq; Vladislaus Cubitalis Cracouiens. Sendomirien. Syradien. Lancicien. Cuiaviensis & Dobrinen. Terrarum consensu, in die S. Augustino sacro, postliminio ad Monarchiam reuocatus est, in cuius etiam fidem & tutelam, Terræ Pomeraniæ, Baronibus & Militibus Bohemis electis concesserunt. Maiores Poloni obstinatiùs electionem Vladislai auersabantur, quod grauius toleratu iugis Principatus illius fuissent experti; quare Henrico potius Silesiæ & Glogouiæ Duci filio Conradi, quod ex sorore germana Regis Præmyslai Poloniæ Salomea genitus esset, falces Regni deferendos censebant. Eorum fauore fretus Henricus Glogouiensis, quoad vixit heredem se & Ducem Poloniæ scribebat, licet nunquam Regia insignia sibi de-

bi delata fuissent. Quo effectum est, vt sectione hæ Principatum durante, Vladislai Cubitalis in annos plures solennis inauguratio prolongaretur, tum quod Archiepiscopus Gnesnensis Borillaus, penes quem Regis vngendi & Coronandi ius est, in contrarij Vladislai votis, Principis ditione, moraretur; tum quod Diadema, cæteraque Regalia insignia Gnesnæ, cuius tunc Henricus Silesiæ & Glogouiæ Princeps erat, seruarietur. Porro, vt Vladislao Terræ Pomeraniæ vndiq; hostibus circumseptæ, tuta & firma possessio maneret, eam Ducibus Præmyslao & Casimiro Nepotibus, olim Ducis Zemomylli germani sui filijs, cum vniuersis Castris tenendam commisit, quomobrem cum descendisset Gedanum, maximo honore tam militum, quam ciuium suo principatu gestientium, acceptus est, vniuersosq; tum Barones, & Nobiles Pomeraniæ fidelitatis iureiurando obstrictos audiuit, præsentibus Geruardo Vladislauiens. Episcopo, Wierzbieta Cracouiens. Kelcio Posnanien. Bronisio Cuiaviens. Palatinis, Clemente Castellano Syradiens.

Ea tempestate iam fræna laxare cæperant ambitiosæ cupiditati Fratres Cruciferi, in Gotfridi Magistri Prusiæ locum, sponte officio cedentis, Sigfrido de Feuhthagen surrogato, sub cuius regimine, maximam tempestatem bellorum, ardor dominandi exciuit, quo prætextu verò illi pij milites, belligerandi cum Polonis auiditatem intexerint, accipiat posteritas.

Anno Domini, 1304. Lescus Michalouien. & Gniewkouien.



kouien. Dux, filius Zemomisl Cuiavie Ducis, Vladislai Cubitalis nepos, pertaesus molestiarum captiuitatis, in quas Caroli Regis Vngarie secutus partes, a Venceslao Bohemie & Polonie Rege victore fuerat redactus, terram sibi cum Fratribus Premyslao & Casimiro communem Michalouien. illis reclamantibus, & inuitis Magistro Prusie in centum & Octuaginta marcis Torunesibus, hypothecę nomine obligauit, ita vt infra biennium haberet potestatem eam recuperandi numerata pecunia, secus lapso tempore, repouendis nummis destinato, ad Magistrum illa & Ordinem Cruciferorum deuolueretur; quę sic vtrinque stabilita conuenta, Magistri literis munita sunt, eorumque exemplum Duci traditum. Porro quamuis processu temporis, tam ipse Lescus quam fratres sui Premyslaus & Casimirus plenam pecunię Magistro & Ordini repręsentarent solutionem, neutiquam tamen, ad restituendā terram Michalouien. adduci poterat, vt Fratres illi sua hereditate per Cruciferos exuti, sumptibus Vladislai sustentari debuerint. Exstat exemplum literarum apud Dlugossum Anno Domini 1304. Die S. Calixti scriptarum, iustam indignationem in animo Vladislai, in iusta bonorum ad nepotes suos spectantium, detentum accendit, verum maior altera ipsi ratio Cruciferos bello vlciscendi.

Petrus Szwanca Cancellarius Pomeranię nouem inhibi Castrorum gubernator, filius Gedanen. Palatini, quod molestę ferret principatum Vladislao delatum, Marchionibus Brandeburgen. se traditurum Pomeraniam pollicitus est.

aus est. Cum verò admonitus de his Vladislaus, in terram numerofo cinctus exercitu venisset, Petrum comprehendit, Cracouienſiq; Castro includit; quo tamen illum precibus duorum Nicolai & Ioannis Fratrum expugnatus exsoluit, ipsos obsides pro eo carceri mancipando. Hi custodibus pecunia corruptis, ruptis vinculis euadunt, ad fratrem redeunt, in rebellionemq; conuersi Marchiones Voldemarum & Ioannem ad inualionem Pomeranię sollicitant, & inducunt; Voldemarus coacto exercitu in Pomeraniam aduenit, Municipijs quibusdam & Castellis interceptis; ad Castrum & Ciuitatem Gedanensem Metropolim terrę Pomeranię properat, cui per id tempus Bogusium iudex Pomeranię Vladislai voluntate pręfuit; Ciues Gedanenses, quorum pręstantior pars Almanis constabat, Marchionum Brandeburgensium votis propensi dederunt Ciuitatem, quo celerius tantę necessitati consuleret Bogusius, ad Vladislaum nuntios expedit, quos & ipse ne nouum mora discrimen faceretur subsecutus, deditionem Ciuitatis & imminentiā discrimina Principi exponit, quocirca laturum se obsessis auxilium pollicente Bogusius instantis angustijs omnis morę impatiens; potius aduocandos ē Prusia Cruciferos suadet, maximis deuinctos beneficijs Polonorum Ducibus. Annuit Princeps, ipsiq; dat negotium eos aduocandi. Vocat ille, beneficiaq; in Ordinem, ab Auo Vladislai Conrado collata nouis augenda spondet, obtinet auxiliares Teutonici Ordinis copias, eò promptius, quò maiore dudum Magister & Pręceptores ad occu-

ad occupandam Terram Pomeraniæ vires & consilia intendissent. Ducis itaque Vladislai postulata suis, morem gesturi desiderijs libenter acceptant, eo pacto, ut Castrum Gedanen. media parte à suis occupatum, altera media Bogussio Iudici & Polonis relictum, vno anno tuerentur, proprijs impensis, nullo respectu, nulloue casu in debitum Vladislao Duci computandis, quo lapsa subsequenter anni primum computarent expensas, quarum solutione à Duce Vladislao præstita Castro decederent. Ita rebus constitutis, Bogussius parte Castri Gedanen. cedit; Ea fuit prima Polonorum de terra Pomeraniæ, prolapsio non nisi post multas ætates, magno generosi sanguinis dispendio, instauranda. Repulsi Marchiones vnitis Cruciferorum Polonorum & Pomeranorum viribus, frustra obsidionem tentatam præsidio ciuitati imposito soluerunt; Eorum discessu ciuitas Polonorum & Cruciferorum impar potentia expugnata est, plurimis præsidiariorum militum desideratis, quorum corpora Rudgerus Abbas Oliuentis in Cœmeterio S. Iacobi ante Cœnobium honore sepulturæ profecutus est. Ciues Gedanenses defectionis auctores, capite plexi. Ita ad officium reductis Gedanensibus, Crucifericus miles, numero & viribus longè superior, Bogussio & militibus Polonis grauis esse cæpit, in tantum ut post multas rixas & seditiones, altera parte Castri, Magistro & Ordini cedere fuerint coacti, ea conditione, ut ad placitum Vladislai Polonorum Monarchæ, habita omnium expensarum suarum solutione, Cruciferi absq; vlla tergiversatione

uersatione illinc cederent, Vladislaus honesta legatione inuitatum Magistrum in Villam Kraiewice, Radzieuuiam in Terra Cuiuiæ sitam, præsentem Geruaro Vladislauensem Episcopo, alijsq; Proceribus commemoratis pluribus in Ordinem beneficijs à Ducibus Poloniæ præstitis officij admonuit, ac de eiectione militum suorum de Castro Gedanensi, grauiter questus est. Ibi Magister è re factum Vladislai quod seditioni tumultuantium militum gliscenti obuiam iuerit, eâ ratione pluribus differuit, egressurum illthinc se spondens, impensis Castri defensi receptis quas cum centenis millibus latorum grossorû æstimasset, rebus infectis & magis irritatis, quàm pacatis animis discessit.

Ut autem Vladislaus Ruthenico & Lituanico bello implicatus erat, nil morati commoditatem occupandæ Pomeraniæ Cruciferi. Anno Domini 1310. repentino incursu in Ciuitatem Gedanensem ingruunt, festo S. Domini die, nundinarum, & populi ad forum frequentiore concursu celebri, eamq; obsidione circumuallant, quæ cum pluribus diebus obsidionem tolerasset, militibus & Nobilibus Pomeraniæ eam strenuè defendentibus, fraude tandem Ciuium Gedanensium Teutonicorum prodita est: hostes per portam noctu intromissi tam puberes quàm impuberes, vtriusq; ætatis & sexus, Polonicæ nationis homines trucidant, nulli conditioni parcunt, sæuiunt in crudelissimam effusi cædem. Carolus præfuit tum Ordini homo ferox & superbus, qui capto Gedano cum exercitu versus Derschauiam contendit, eamq; cum alijs



alijs pluribus ciuitatibus, & arcibus occupauit. Casimiro & Præmyslao Ducibus inde pulsis.

Tenuerunt Cruciferi occupatam tunc Pomeraniam nefarijs fraudibus & irruptione iniquâ, ab anno Dñi. 1311. ad annum 1466. nil æquitate, nil religione, nil pietate, nil Ordinis professione ab iniuria Polonis inferenda reuocati.

Sub id tempus nempe Anno Domini 1310. Heduigis Vladislai Cubitalis coniux filium Casimirum, qui magni cognomen in Polonia consecutus est, in Oppido Kowale Dices. Vladislauen. est enixa. Anno verò insequenti scilicet Idus Decemb. Henricus Maioris Poloniae & Glogouiae Dux vitâ excessit, ac in Lubësi Monasterio humatus. tranquillum regimen Poloniae Vladislao reliquit, cum facilè à filijs Henrici. Maiores Poloni descuiissent eò quòd conatus Teutonum in excidium gentis Polonicae armari animaduuerterent, quo factum est, vt in Gnesnen. Comitibus vniuersi Ordinum. consensu Rex fuerit renuntiatus; cuius pacatam electionem frustra turbare adnixus est. Przemek Posnaniensis. Ciuis, prodita Henrici filiis ciuitate, unde ex Basilica hostili præsidio munira in perniciem ciuitatis hoc consecutus est, postquam hostes flammis & ferro in Curias Prælatorum & Canonorum sæuiissent, & in his crudeliter Nicolaũ Samotuliũ Archidiaconũ Posnaniensem trucidasset, vt depulsis hostibus, & pace restitutâ, perpetuū dedecus posteris Posnaniensibus accersiuere, qui à dignitatibus Ecclesiarũ Cathedraliũ in Regno Poloniae in poenâ proditoris, decreto Principis arcerentur. Hæc fuit. Silesia

siæ defectionis à Regno Poloniae causa, negatũ electionis posteritati Henrici suffragiũ. Cum verò memoriã repeteret Poloni inaugurationem Regis Præmysli inauspicato fuisse, ac infelicem euentum fuisse sortitam, quòd inconsulta sede Apostolica (quæ à cæde D. Stanislai quenquam in Regem Poloniae vngi vetuerat) ad eam processissent, supplicandum Ioanni XXII. Pontifici Maximo decreuerunt, vt Gregorij septimi eam prohibitionem iuberet esse irritam, Regemq; Polonos sibi more auito creare pateretur, datũ est ab Ordinibus negotiũ Geruardo Vladislau. Antistiti, qui id a sede Apostolica impetraret, simulq; apud eam de occupata per vim Pomerania cũ Cruciferis expostularet, ac sibi negatas ab ijs decimas iure vindicaret; nãq; Cruciferi flagrãte in dies acrius cupiditatẽ, in eam acti fuerunt auaritiã, vt etiam à sacris, & Deo dicatis bonis sacrilegas non continerent manus, qui vt ante Culmensẽ Ecclesiam occupãrant, & à Gnesnensis Archiepiscopi iurisdictione abstractam Rigeni subiecerant: ita tunc Archiepiscopi Gnesnensis, Vladislauen. & Posnaniensis Episcoporum possessiones & prædia inuaserunt, sacerdotibus decimas ab arationibus suis omninò denegãrunt, agricolarum verò in pecuniarias pensiones tam vili æstimatione commutauerunt, vt ex manso siue laneo quaterni duntaxat grossi, vt Cromerus, siue vt Dlugossus asseuerat duo sconi illis prouenirent, quo factò vt multa sacerdotia derelicta supprimerentur à Crucigeris. Iniquius hæc tulerunt Archiepiscopus Gnesnensis, & Vladislauen.

ac Poñaniensis Episcopi, in quorum Dioecesibus redditus beneficiorum sacrilega illorum cupiditate accidebantur. Ioannes vero Plocen. cui ex Michalouiensi territorio negabatur decima cum Carolo Magistro Prusiae transigit ea lege, ut septem annis territorium illud à pensione esset immune, post eos deinceps Nonaginta marcas Thorunenses, Episcopus decimae nomine quotannis percepturus. Illi cum tenaciores essent iurum suorum, Magistrum & Commendatores publicè in templis execrabantur, & locis quibusdam sacris interdixerunt, & quanquam eam disciplinam religiosè à bonis hominibus semper obseruatam specie prouocationis ad sedem Apostolicam Crucigeri floccipenderent, tamen post quinquennium commissorum negotiorum sedulus executor Geruardus, cum anno Domini 1321. in causa victor euassisset, perq; Iudices Apostolicos super occupatione Pomeraniae & damnis ac sumptibus inde secutis pro Vladislao Rege fuisset pronuntiatum cum fulminatione Censurarum contra Crucigeros, ne quicquam illis adnitentibus & multorum Principum operas interponentibus, ut vigore appellationis, ad summum Pontificem iudicium sententia suspenderetur, tam diu publicè in templis festis diebus denuntiabantur, donec spe omni postposita nouum quid à sede Apostolica impetrandi, in totum rei iudicatae paterent. Quod ad Regis attinet titulum, omni contentione adnixa Crucigeri vrgebant, ne decerneretur Vladislao in Romana Curia. Ita que missis qui conatibus Polonorum obsisterent

nuntijs

nuntijs, etiam promissis, muneribus Ioannem Bohemorum Regem, qui Regis Poloniae nomen sibi secundum Vladislauum vsurpabat, induxerunt, ut Vladislao negotiū facesseret, & quāta fuisset ope apud Pontificē votis Polonorum intercederet, tamen & in hac causa superior exstitit Geruardus, qui cum Archiepisc. Gnesnen. Episc. Posnanen. & Abbati Mogilnensi, cognoscendae causae inter Duce[m] Poloniae & Crucigeros agitatae, dari ius supremum à Pontifice Maximo obtinuisset; obtinuit simul ne is in Rege creando, & solenni inauguratione vngendo Polonos impediret; qua in re quamuis apertè Regium titulū Vladislao non decreuerit, cum quod necesse non fuerit, quod nomen Regium Romana sedes duntaxat suspendisset ad arbitrium suum, non omnino sustulisset ex Polonia, tum ne Ioannem Bohemorum & socerum eius Philippum Regem Francorum offenderet, Geruardo voluntatis suae significationem secretò manifestauit, quam & ad Vladislauum perscripsit. Sumpsit is à Ianislao Gnesnen. Archiepiscopo regalia insignia inter festiuas populi compectantis voces anno 1320. Inter ea dum Geruardus susceptae legationis munus prosequitur, causamq; Ecclesiae ac Reipub. animosè apud sedē Apostolicam Auinione propugnat; Cruciferi in familiam ipsius laeuiunt; Paulumq; bonorum Episcoporum in Pomerania Oeconomum Sobcouijs vinculis mancipant, & squallido arctāt carcere; qui ut pecuniarum adminiculo diuturnos cruciatus euaderet, trecentas marcas Magistro numerauit.

Ff 3

Itaq;



Itaq; cum Pontifex hic septennium in Summi Pontificis Curia fuisset moratus, prima die Mensis Nouembris Anno Domini 1323. Auinione obiit, & in Ecclesia S. Iohannis Euangelistæ Fratrum Prædicatorum conditus est. Ioanne XXII. Apostolicæ sedis præidente, vacante Imperio postquam annos 23. in regenda Vladislauensi Ecclesia exegisset. Cuius gesta ex Tabulario Ecclesiæ Cathedralis deprompta, ad æuiternam memoriam libuit annectere. Exegisse imprimis memoratur è sua Diocesi Fratres Beguardos, qui se dicebant Eremitas, qui ex Alemaniæ orti, sicut & Beguine infideles ac perversæ feminae, varios profeminabant errores, & in his asseriebant hominem in hac vita tantum ac talem perfectionis gradum consequi posse, ut penitus extra periculum peccandi constitutur, seu impeccabilis reddatur, neq; amplius in gratia proficere possit. Horum pestifera lues cum se varijs insinuasset locis, etiam in Vladislauensi Diocesi in fundo Zlotoria nuncupato, bonorum Ecclesiæ Vladislauien. constitit, dictiq; fratres inibi Coenobium cum Ecclesia S. Crucis erexerant. Hi in ius vocati, à Geruardo, Coenobio, Ecclesia, totaq; suppellectili & portione ligni S. Crucis, nec non quibusvis possessionibus, maximè autem in villa Dobrzeuice decem mansis cesserunt. Locus habitationis ipsorum in hanc diem denominationem Coenobioli retinet, quamuis vulgus pro voce *Klasztorok*, *Kaczorek* substituere solent. Quemadmodum verò hos ex sua proscripsit Diocesi anno 1320. ita suis sedibus mouit Fratres Hieroso-

Hierosolymitanos. Erant hi Templarij, quorum religio fuit Hierosolymis orta. Inde nomen sortiti, quod fines ac vias Hierosolymitanæ dirionis ab incurribus hostium, & latrocinijs tuerentur, quo liberior ad sacra loca visitanda peregrinis & aduenis aditus pateret. Multi olim ex illis Christi causa fuderunt sanguinem, tamen postea à sancto desciscientes instituto, Hierosolymitano Patriarchæ à quo prima acceperant beneficia, obedientiam denegarunt; Ecclesijs decimas subtraxerunt, & ut Bulla Clementis Indictionis Concilij Viennensis memorat, in hæresim, apostasiam, nefandaq; vitia sunt prolapsi, ita ut Clemens V. ne latius maximo Ecclesiæ detrimento viriosa pestis serperet, diligenter cauens, An. Dñi. 1312. Conciliū Viennæ coegerit, in quo Ordinem hunc, qui iam tunc annis centum octuaginta quatuor durauerat, aboleuerit: bonaq; illius temporalia militibus Hospitalis S. Iohannis Hierosolymitani attribuerit, cuius etiam decreto Magister Ordinis cum nonnullis Commendatoribus Parisijs igne publico XI. Mensis Martij, Anno 1313 crematus est. Contra hos in sua Diocesi nauiter vrsit executionem Geruardus, obrinuitque, ut pulsus prædictis fratribus, Archiepiscopus Gnesnen. & Episcopus Posnaniensis Apostolici exsecutores se in possessionem villæ Niemoiow & Zdang. auctoritate Apostolica immitterent, & contradicto res quasvis diris deuouerent, & Ciuitatem Iuniuladislauensem interdicto subijcerent, si & in quantum Commendatori Hierosolymitano adhæserint, anno Domini, 1324. intra

intra paucos annos vigilans Præful tribus Ordinibus perniciosæ lite intentata victor euasit, immortalis nominis sui memoria. Obtinuit à Ioanne XXII. vt liceat Vladislauienſi Episcopo de noualibus quas hominum memoria cultas nō recolit, in territorio Ciechocinen. Plocen, Diocæſ. ad menſam Episcopi Vladislauien. in temporalibus pleno iure ſpectante liberè percipere, non obſtante quod territorium ipſum ad Plocenſis Episcopi iurisdictionem in ſpiritualibus pertineat, ſimulque approbationem limitum inter Vladislauienſis & Plocenſis Eccleſias per Ianiſlaum Archiepiſcopum, & Domara-tum Poſnaniensem Episcopum Compromiſſarios defini-torum; ita vt termini villarum in parochialibus Eccleſijs Hospitalis S. Gotardi Bobrownicenſis, ac Przypuſtenſis ad Eccleſiam quidem Hospitalis dicti pertinentes, Zarzeczewice, Ciampa, Krowirczyno, Lewarze, Olesno, Oſtrowite & Radomice: ad Eccleſiam verò Bobrownicensem Maliſewo, Brzezno, Pákwie, ad Eccleſiam Przypuſtenſem Rybitwy, Podſtola & Zakunowo, perpetui limites eſſent, vtriuſq; Diocæſeos ab eodem Pontifice impetrauit. Protulit Vladislauienſis iurisdictionis terminos, Illuſtriſſ. & Reuerendiſſ. D. Matthias Lubienski, ita: vt ijs territorium Ciechocinenſe contineatur, de Conſenſu Illuſtriſſ. D. Stanislaſi Episcopi Plocenſis germani ſui, quo tutius conſcientiæ Episcoporum ad reſidendum intra Diocæſim adſtrictorum proſpiceret, ſiquidem commodius ibi quam uſquam alias in uicinia ſuæ Cathedralis Eccleſiæ

cleſiæ Episcopus Vladislauien. poteſt commemorari. Ratum habuit hoc Vrbanus VIII. ſummus Pontifex, voluntatemque ſuam Illuſtri & Admodum Reuerendo D. Mat-thæo Iudicki Archidiacono Pomeraniæ ſuæ Celſitudinis Nuntio, anno Domini, 1640. in hoc negotio luculenter manifeſtauit.

Commoditati Eccleſiæ conſulturus Geruardus com-mutationem cum Abbate Mogilnenſe iniit, eiſque ac Conuentui decimam menſæ ſuæ in villa Siedlce in inſula Saulow, Oſtrow dicta conſiſtente, villæ Abbatiali Krzyte uicina, nec non census & prouentus ad Præpoſituram S. Adalberti ad quercum in terra Pomeraniæ ſpectâtes. Videlicet in villis Ruſocino, Marcam monetę Polonicaſis, Iunochowo & Iarczeſzewo tres tentiones Ciemnáty, Lip-cze, Gilowo, Bandzieſzno, Recino, Bartlino, dedi; Abbas autem cum Conuentu Episcopo de villa Bozeieni-ce in terra Iuniuladiſlauienſi, circa bona Sławsko conſiſtente ceſſit, iuſq; patronatus eidem Eccleſiæ S. Ioannis antiquæ Vladislauię cum naulo & teloneo attribuit Râci-ſz, anno Domini 1315. in Oratorio S. Urbani.

Eidem Præfuli Fr. Martinus Præpoſitus cum Conuen-tu Tremefnen. Ord. S. Auguſtini in extrema cum religio-ſis neceſſitate poſitus, penuria rerum victui ſeruientium hereditatem quæ Wloſzowo nuncupatur, ad lacum Goplo in Cruſuicienſi territorio ſitam, 40. marcis denario-rum Torunenſium, cum decima eiſdem villæ ac villæ Likmanowo circa Iuniuladiſlauiam conſiſtentis vendidit,



Anno 1318. Quorum exemplum secutus Fr. Ioannes Præpositus Strzelimensis, cum Conuentu Sanctimonialium, Villas Monasterij Bitó & Stroszow in districtu Radzieio- wienſi conſiſtentes, 150. marcis Torunenſibus acceptis in perpetuum poſſidendas anno Domini 1320. cum Conſenſu Ianuſlai Archiepiſcopi Gnelnen. ſimiliter de aſſenſu Generalis Viſitatoris Ordinis, Villas Broniſław, Bregonow, & Zlotow in Radzieiouienſi territorio ſitas, nec non Skulsko in diſtrictu Cruiſuicienſi permutatione pro decimis in Lagiew & Dolsko villis, ſub Iuniuladiſlauia ſitis, centum quadraginta marcis numeratis, centumq; in ſuper- menſuris ſiliginis acceptis ab Epifcopo reſignauit.

Emit idem Pontifex ab Epifcopo Poſnaniēſi cum conſenſu Capituli villam Poryſzyce propè Slawsko deſertam, Marcis Torunen. argenti 30. à filijs Præſlai hereditatem Roſkidlalino ad Iſtulam in Ięua Cuiaiuenſi poſitam, quam poſtea Iacobus Canonicus Cracouiē. iniquè à Patre & Nouerca occupatam, Vladiflauienſi Eccleſiæ reſtituit. A filijs Comit. Andreæ Laſzenic Subagazone Cuiaiuen. hereditatem, Korabniki cum Slawsko in territorio ultra Maſwy Marcis duodecim. A Catharina de Roſenberg filijsq; & filiabus ac conſanguineis villam Swariſzewo in Diſſlauien. territorio conſtitutam. A coniuge relicta Andreæ de Plochry hereditatem Krotino cum Eccleſia in terra Cuiaiuæ inter Brzeſcie & Kowale iacentem, centum quinquaginta Marcis ponderis Cracouiēſis. A fideiuſſoribus Prybyſlai Troianowicz. Caſtellani Coualien. in heredi-

hereditatis ipſius Koſzczaly iuxta Broniſław ſitam, in debito Centum quinquaginta marcarum poſſeſſionem immiſſus cum approbatione Capitanei. Comes Fal villā ſuā Balifzewo in Vladiflauienſi territorio conſiſtentē, de conſenſu Præmyſlai Ducis Cuiaiuen. ob remediū animæ Epifcopo & Eccleſiæ Vladiflauienſi perpetuò poſſidendam donauit. Venerabilis Nicolaus Vidowicz Præpoſitus S. Michaelis Plociæ villas Pyranie & Smichorzywo eidem Pontifici perpetuā donatione contulit.

Nunc gente Oſmorogium fuiſſe, nunc de ſtirpe Łodzitarum prodiiſſe Geruardum (ſiue vt ille Giraldum) aſſerit Paproccius, Iacobiq; de Gente Porcaria exſtiſſe ſucceſſorū, annis XII. Epifcopatum geſſiſſe, Romæ mortuum inibiq; tumulatum, ſed in tanta varietate ipſius liber ſequi Dlugoſſum Coryllorum ſiue Aceruitarum gentis fuiſſe affirmantē, quod & in Catalogo Volborienſi viſitur.

*Qui Patria patres dñi meruere, faceſſant.*

*Dignior eſt tanto Præſule tantus honor.*

*Ille ſupremarum fortis munimina legum,*

*Et quod delubris iura dedere, tenet.*

*Scita, coloratis Cruce, dat reſponſa, ſtrategia,*

*Dum Petri cauſas ante tribunal agit.*

*Hic à Pontificis ſas, vt Diadema niteret,*

*In Vladiflaui vertice, ſede tulit,*

*Quanta Columnorum depramunt horrea gentis*

*Commoda Sarmatica: Præſulis arma docent,*

*Sic bene ſecundo Geruardi diues Ateruo*

*Temnit Amalsbea cornua noſtra Lechis.*

## MATTHIAS I. EPISC. VLADISLAVIEN. XXII.



**P**rodigiosos hominum ortus magnam spem solatio-  
rum parentibus, & Reipub. comodum prætulisse;  
immo & ad fortunatum eam eventum deduxisse ex mul-  
tâ observatione natalium, qui non secundum consuetum  
naturæ cursum in lucem sunt editi, compertum est. Ut pe-  
regrinis

regrinis abstineamus exemplis, Clarissimum Poloniæ sy-  
dus D. STANISLAVS terò sterilitati parentum divi-  
nitùs datus, non Patriæ modò & Poloniæ gentis famam,  
verùm totius Ecclesiæ decus, non solùm ex dignitate ge-  
sti Episcopalis muneris splendore, sed etiam Martyrij lau-  
reâ illustravit gloriosè. Non parvam ex ortu paruo spem  
futuræ magnitudinis dedit Matthias Golanczeuius, Epi-  
scopus Vladislaviensis, de quo memoriâ proditum est,  
quod cum mater sua duodecim infantes vno partu fuisset  
enixa, ac reliqui salutaris vndâ Baptismatis lustrati vivere  
desiissent, solus paruulis fratribus Matthias superuixit, &  
fecundo virtutum suarum fructu, spem inutilis maternæ  
fecunditatis solatus est abundè. A nobili genere de gen-  
te & armis Asciarum vulgo Topororum, de villa Roznia-  
towy, Patre Slaunico Castellano Naklensi, Matre Mar-  
garitha originem duxit, quam ut propriarum virtutum  
meritis exornaret, nomenq; gentis suæ per longeuam po-  
steritatis memoriam extenderet, parentes de educatione  
filij pro eo ac debuerunt, solliciti, diligenti curâ elaborârunt,  
itaq; ab ineunte ætate mancipati Musis pueriles nati gressus  
ad strenuè decurrendum virtutis iter firmauerunt, ubi autè  
parentum votis obsecutus animû literis excoluisset, moresq;  
modestiâ perpoliuisset, nihil magis habuit in optatis, quàm  
se cultui Diuino & Ecclesiæ seruituti consecrare; quod de-  
sideriû non modo promouit inspectata Præsuli adolescentis  
probitas, verû etiâ ad Decanatus Vladislaviensis dignitatē  
aperuit, in qua tantû ceteris moribus & pietate prælu-



xit, quantum à diligenti Præfato Ordinem in Ecclesia circa ritè persoluendum Diuinum officium amantis cura & sollicitudo videbatur postulare. Cum autem Anno Domini 1323. Geruardum Episcopum Vladislauien. causas Ecclesiæ & Patriæ apud sedem Apostolicam gerentem Auinione mors hominū consortio exemisset, Ioannes XXII. Electione non expectata, quandoquidem reseruatō Episcopatus Vladislauiensis obitu, ad Curiam summi Pontificis Geruardi vacantis in corpore iuris contineretur, atq; ad sedem Apostolicam, illius prouisio spectaret, Matthiæ tunc Auinione agenti, spectata ipsius pietate, prudentia, & in defensione iurium Ecclesiæ fortitudine de eo prouidendum censuit, & 3. die Mensis Decembris Episcopum Vladislauensem renuntiavit, atq; Episcopo Pronestino Cardinali dedit in mandatis, vt creatum à se Pontificem consecraret, qui anni subsequētis Idibus Ianuarij imperata sedis Apostolicæ cum solēnitate vsitata exsecutus est. Cum verò in Poloniam rediisset, gratissimam sibi fuisse ipsius prouisionem & consecrationem Vladislaus Rex testatus est, proinde maximò honoris apparatu Cathedram adeunti à Clero & populo Dioecesis obuiam itum. Generosè supposuit humeros ad portandum muneris sui grauiissimum ea tempestate onus, excelsa animi fortitudine prædictus Antistes, nihil Cruciferorum potentia, nihil dolosis eorum machinationibus, nihil crudelitatis atrocitate, à statu tranquillæ mentis, constantisq; propositi dimotus, maius suæ præbiturus experimentum fortitudinis cum

cum ambitio Cruciferica in dies insolesceret arrogantius. Tantum abfuit, vt Magister Ordinis Teutonici pertimeret censuras à sede Apostolica ob inultè occupatam terram Pomeraniæ in se Ordinemq; latas, & toties diebus festis promulgatas, vt etiā eorum Dux esset, qui se rebelles Ioāni XXII. palam profiterentur, & peruicaciam propugnandam susciperet Ludouici Bauari Romanorum Imperatoris, quem dignitate, hac eo quòd Hæreticorum esset fautor, & rebellum sedis Apostolicæ protector, omnibus subditis eius ab obligatione fidelitatis & obedientiæ iuramento firmatæ absolutis Pontifex mouerat. Itaq; Cruciferi quàm latissimā dominandi libidine æstuantes, non modo Pomeraniam non restitunt, sed etiam Dobryensem Terram frequenti Lituanorum irruptione attritam, in tantam solitudinem ferro flammisq; redigunt, vt ea Vladislaus Dux Dobryensis, Vladislao Monarchæ cedere debuerit, cum non esset par hostium insultibus reprimendis, quin & Cuiuam Vankone Duce Masouiæ ipsis ferente suppetias, quaquā versus populi sunt.

Vlturus bello Rex tot Cruciferorum iniurias expeditionem indicit, auxiliareq; copias à Carolo Rege Hungariæ & alijs Principibus conquirat, confiato grandi exercitu, Culmensē terram percurrit, omnesq; villas flammis abolit, Vankonis quoq; seu Venceslai Ducis temeritatem merito supplicio oram Masouiæ ferro spolijsq; deuastans castigauit. Tunc ingenti perculsa est calamitate Vladislauensis Basilica, namq; anno Domini 1329. Nono Calend.

lend. Maij, cum auxilijs Regis Bohemiæ adiutus Magister Vernerus ab Orizela, terram Dobrynnensem subegisset. in Ciuitatem Vladislauensem cum fratre Cristino Duce ex improviso numerosum agmen militum immisit, qui Basilicam Cathedralem, Ciuitatem ipsam, ac singulas Canoniarum ciuiumq; domos expilant & spoliunt, vacuam demum opibus, illam Ecclesiam, cui sæpè barbari pepercerant, cum ciuitate & domibus Canoniarum, & quòd auditu horrendum est, cum Diuorum ipsanis, eorumq; ornamentis nefando sacrilegij genere incendunt, plurimq; cæcorum hominum in ipso Coemeterio cruore vndantes flammæ irritant, villas, ciuitatem circumstantes, in cineres & fauillas redigunt: insuper Matthiæ Episcopo, Prælati & Canonicis eiusdem Ecclesiæ, alijsq; sacerdotibus, ac cæteris ciuitatis incolis, postquam omnia funesto sepeliuissent incendio, sub mutilatione membrorum & pœna capitis, edicunt, ne vllum prorsus ædificium, è miserabili busto suscitare auderent. Territorio præterea Ciechociensi per vim occupato, omnem subiecti populi obedientiam, censusq; & tributa ad Magistri & Ordinis arbitrium adegerunt, ac inde moto exercitu Masouiam longè ac latè peruagati, armis & incendijs depopulati sunt. Interea Magister Ioanni Bohemorum Regi, hanc iniit pro latis suppetijs gratificandi rationem. Pomeraniæ terram, quamuis eam à Marchione Brandeburgensi Volde-marò, iam antea qui nihil iuris in eam vnquam habuit, aut habere potuit, decem Marcarum Millibus latorum grossorum

grossorum an. Dñi 1311. numeratis Ordo emisset, à Ioanne prædicto Bohemiæ Rege, qui Poloniae Regis titulo abutebatur, data grandi auri argentiq; summa resignari sibi & resignationem Marchionis confirmari postulauit. Lætus thesaurum suum liberali pecunia Rex Bohemiæ facillè actum iri donauit, resignauit, & inscripsit Venero Magistro & Ordini Teutonico, id quod ad se nullo vnquam iure pertinuit.

Cæperant incolæ Terræ Cuiuiensis anno insequenti 1330. è ruderibus memoriam ædium priorum subleuare, cum Vernerus Magister Prusiæ exercitum ex Alemanis Bohemisq; coactum, ad Castrum Naklense oppugnandum mouit, quo incenso per terram Cuiuiensem copias duxit, quas arcu Raciensi, quæ Episcopo Vladislauensi paret admouit; illudq; pluribus diebus machinis cæterisq; instrumentis quatit, & oppugnat; quod, licet vtriusq; sexus homines qui fortunas sarcinasque suas illuc deposuerant fortiter defenderent, tamen cum crebris conquassationibus hostis arietaret mœnia, & iam propugnaculorum firmitudinem labefactasset, ac puteum obsessis ademit, 14. die reclusis valuis deditum est. Eo Magister potitus, pecunia armis thesauris omniq; rerum suppellectili deditas exiit, plurimosq; Nobiles & plebeios in feruitutem abduxit, quos Matthias Episcopus Vladislauensis solutis quadringentis marcis Polonicalibus, à Magistro redemit, & in libertatem asseruit: quoniam verò in Castrorum conquisitione plurimi ab eis insignes milites desiderarentur,



derarentur, quorū numerus decuplo strage factā in Polōnis superaret, in rabiem quandam versi suorum parentando funeribus, in omnes reliquos Polonici generis homines, tam senes, adultos, viros, mulieres, sacerdotes, & sacerorum ministros, paruulosq; & infantes quoscunq; haberent obuios, crudelissimā trucidatione saeuierunt. Inter ceteros tunc captiuos insignis fuit Suentoslaus Frater Matthiae Episcopi Vladislauientis germanus, ad quem eliberandum cum alijs, recuperandumq; Castrum Raciazienſe, cæteraq; bona sui Episcopatus, in Pomerania per Cruciferos occupata, Matthias tunc ferebatur ardore, siue id necessitate sanguinis, siue metu perpetuæ amissionis bonorum Ecclesiae vrgente, vt inconsulto Vladislao Rege Proceribusq; Regni facto cum Magistro Prusiae Venero Thorunij die S. Bartholomæo sacra conuentu, ignominiosam pactionem suis & Capituli sui Vladislauientis firmatam literis inierit, in qua omnium decimarum Terræ Pomeraniae, quæ sibi & suis sacerdotibus iuxta morem vetustum Regni Poloniae, & Prouinciæ Gnesnen. in manipulis de quolibet genere grani pendi consueuerant, solutionem indulſit senis duntaxat grossis eorum loco sibi reſeruatis, qua conuentione (cuius robur Metropolitanis primū, deinde Apostolicis literis infra vnum annum firmaturum se receperat) Mensam Episcopalem & sacerdotum Pomeraniae redditus vehementer accidit.

Hoc ipso anno bellum Vladislaus Rex Cruciferis non infelici successu intulit, multa de bonis eorum populatus.

Postquam

Postquam enim vtrinq; conuenerat, vt de tota re Carolus Hungarorum & Ioannes Bohemorum Reges arbitri decernerent, Vladislausq; spe iam futuræ pacis exercitum dimisisset, Cruciferis nihil minùs quàm pax cordi fuit, proinde nec in Bohemia conuentui adesse curarunt, cum Carolus Hungariae Rex à Vladislao inuitatus præstò esset.

Itaq; Vincentij Samotulij gente Nalencij, Poſnaniensis Palatini (qui quod Capitanei maioris Poloniae munus sibi fuisset ademptum, iniquis consilijs & fraudibus dolosis machinari exitium Patriæ cogitarat, eamq; ob rem ad Cruciferos defecerat) perfida exciti prodicione in Regem, pacis antea spe inſcatum signa infesta mouent, maioremq; Poloniam & Syradiensem tractum peragrati, oppida & Castra subigunt, multa ex illis ne templis quidem & rebus sacris impias manus abſtinentes, incendijs sunt demoliti, Matronarum & Virginum etiam Deo dicatarum pudori nusquam parſum est. Fumabant omnia sacra & profana tecta, ambitione in Regnum Poloniae inuolandi, aut gentis nomen penitus delendi cupiditate flammæ suppetante. Quid faceret Ladislaus Rex Patriæ charissimæ miserabile bustum circumſpectans, & innumerabilem penè hominum, omnis conditionis multitudinem, partim caſam, partim vinculis hostium adstrictam considerans, nulla suppetebant hostem superandi consilia, si prius prodicione infamem Vincentium in gratiam non recollegisset. Itaq; animum ad expugnandum hostilem proditoris animum adiicit, obliuione perpetua sepulturum se proditorium

ditorium facinus pollicetur, nullaque inde ignominia laudandam domum succedanea posterorum memoria cauet. Pollicetur operam Vincentius, ita firmatus Rex animo bellum ingratis Cruciferis indicit, atque exercitum collectum in hostem mouet; quo bello victoriam seculis memorandam die XXIV. Septembris, qui Translationi Diui Stanislai sacer est, Anno 1331. obtinuit. Quadraginta millia hostium cecidisse memorat Dlugossus, cum ex Pomeranis non nisi triginta ex promiscua multitudine, duodecim viri ex nobilibus occubuerint. Tunc ab hoste confosus Florianus Sari de domo & familia Kozlerogi pro insigni lanceas obtinuit à Rege, maloque vicino liberatus integro pago Regia liberalitate potitus est.

Subsiderat iam ea tempestate bellum, cum ulturi dedecus Crucigeri anno insequenti depulsum à Ciuitate Pomeranensi exercitum in oram Cuiauiensem traducunt, Breftæ obsidione cingunt, ipsoque die Parasceues captum demoluntur, in locum magis idoneum Ciuitatem ubi nunc maiorum opibus impar conspicitur, muris & fossis munitam transferunt. Studiosior pacis etiam iniquæ in Regnum succedit Patri, Casimirus anno 1333. qui solutis in Basilica Cracouiensi Vladislao eodem anno iustis, insignia Regni die S: Marco sacro à Ianislao Gnesnen. Archiepiscopo, Ioanne Cracouiensi, Matthia Vladislauien. Ioanne Pomeraniensi, & Stephano Lubussensi Episcopis assistentibus, accepit. Is anno ab inauguratione sua secundo 20. Novembris die, pacem cum Crucigeris arbitrio Caroli Vngariae

gariae, & Ioannis Bohemiae Regum iniit Visegradi, in qua firmanda persuasione callida Boemiae Regis inductus, Pomerianam in potestate Cruciferorum esse permisit, quin & arcem Nielsoniensem, ut utraque ripa Istulae penes ipsos esset addidit, ut Dobrynensem terram & Cuiauiam restituerent, ac pro damnis illatis 10. Millia florenorum numerarent. Nihil horum praestiterunt Crucigeri, cum demum se arbitrorum sententiae parituros fassi, cum ea conventio Senatus, Nobilitatis, & insigniorum Ciuitatum subscriptione firmaretur, atque Pomeraniae, Culmentis, & Michalouiensis terrarum ditioni addito iuris iurandi sacramento renuntiaret; quod ut ad Regni Comitiam retulit Casimirus, bellum se malle quam ignominiosam pacem conclamarent Ordines: quod tamen non inferendum hostibus, sed si ab iisdem inferretur propulsandum ex postulatione de tot iniurijs ad summum Pontificem descripta concluderunt. Visitur apud Dlugossam exemplum concordiae per Casimirum inconsultis Ordinibus initae cum Crucigeris, in quo legitur quod Casimirus ad postulationem Ioannis Bohemiae, & arbitrium Caroli Vngariae Regum, Pomeraniam illis causa Diuinæ retributionis, & ob remedium animarum praedecessorum suorum, ac suae salutis in perpetuam eleemosynam, & ob bonum pacis perpetuum, anno Domini 1335. Dominica festum S. Helizabethae sequente donauit.

Missus ab Ordinibus Regni Ioannes Grotus Slupeticus Episcopus Cracouiensis ad Benedictum XII. iudices ab

Planè contra  
rium Chron.  
Prutenica  
referunt  
v. Schutz  
f. 66.



co Commissarios Gelardum Titulensem Præpositum, & Verum Geruasium Anicensem Canonicum obtinuit, qui Regum duorum arbitrium approbarunt. Ut verò Cruciferi aliquod velamen prætenderent contumaciæ, sequē decretis iudicum parere non posse colorarent, perfecērunt apud Ludouicum Bauarum (qui tunc erat Hæreticorū fautor damnatorū à Ioāne XXII. Pontifice) ut is Magistro Theodorico Aldemburgio & vniuerso Ordini grauisima poena adiecta interdixit, cuiusquam præcepto, quicquam de ijs terris, quas ab Imperio haberent, cuiquā concederent; neue apud illos iudices propter assensum suum de illis disceptarent; Iudices verò à Benedicto Pontifice delegati, cum Varlauię cognoscēdæ causæ aliquandiu operā dedissent, refutata Crucigerorū friuola prouocatione anno subsequēte 1336. Casimiro & Polonis Pomeraniā, Cuiavian, Dobrynem. Culmensē & Michalouiensem Terras adiudicarunt: Crucigeros autem ad Centum Nonaginta Millia & 500. Marcas Polonicas pro damnis datis, itemq; ad mille sexcentas Marcas impensarum nomine condemnarunt, ad hæc vt ij Tempia & Monasteria in Polonia superiore bello direpta & exusta instaurarēt, decreuerunt. Cumq; iudicata non facerent, anathemate deuoti sunt; & sacris interdictum omnibus locis quę, in ditione eorum essent, & ad quæ quispiam eorum peruenisset.

Profectus in Vngariam Casimirus Rex anno Domini, 1339. comites sibi itineris, & tractandorum negotiorum socios adsciuit, Ioannem Cracouiensem, & Matthiam Vladislauien-

dislauiensem, vbi ex Ordinum Regni Poloniæ voluntate Visogradi 7. Iulij Ludouicum Caroli Regis Vngariæ filium ex sorore nepotem, certis conditionibus appositis successorem sibi designauit; ex quo itinere Matthias reuersus, anno insequenti 25. Martij, primæ fundamenta iecit Basilicę Vladislauiensis in editiore colle, atq; ab Istulę ripas subruentis impetu remotiore, cuius mænia progressu temporis felici continuatione eduxit, non paruo sumptu, magnā nominis sui omnium seculorum celebritate.

Interea Casimirus anno Domini 1343. bello Ruthenico & Lituanico implicitus, cum vires exercitus sui trino hosti Patriam bello appetenti non essent pares, Conditiones à Cruciferis propositas (Pontificibus licet omnino reluctantibus, easq; graues atq; indecoras demonstrantibus) approbare, pacemq; cum Magistro & Ordine contexere in animum induxit, (Cruciferi tunc censuras Ecclesiasticas per iudices Apostolicos latas, super restitutione Pomeraniæ Chelmen. Michalouiensem terrarum, iniuste per ipsos occupatarum, per vmbra appellacionis interpositæ eludere conati sunt) Calisij igitur in die S. Procopij conditiones tam sibi, quàm Regno plurimū graues accepit, si teris suis in die S. Chilian scriptis firmavit, in quibus non solum iure & proprietate terrarum cessit, ac illarum imposterum petitioni renuntiavit, sed etiam titulum Ducatus Pomeraniæ à se abdicauit, atq; eum de sigillo erasum sponpondit, quas Iuniuladislauia in die S. MARIÆ Magdalene publicis Comitij, presente Ludolpho Konick Magistro

Magistro Prussiae ab utraque parte praestito iuramento, Semouitus Visnensis, Semouitus Czynen. Boleslaus Plocensis Masouiae, Casimirus Gniezkouensis, & Vladislaus Lanciciensis Duces, Barones Craconien. & Maioris Poloniae. Item Ciuitates Cracouien. Posnanien. Sandomirien. Sandecen. Calissien. Vladislauien. & Bresten. subscripserunt, Iaroslao de Samotuly Gnesnen. Archiepiscopo. Ioanne Cracouien. Matthia Vladislauien. Ioanne Posnanien. & Clemente Plocensi Episcopis, iniquae praetioni reclamantibus, quo factum est, ut ius ad terram Polimeraniae Cruciferis praetensum nequaquam citra approbationem Pontificum potuerit subsistere. Nactus iniquam a Cruciferis Casimirus pacem, ad stabiliendam legibus Rempubicam studium vertit.

Erat mos barbarus apud Polonos, quod si in pronuntiatione iuramenti aliquis verbo lapsus, siue haesitatione linguae, aut vocis imminutione esset hallucinatus, illico causa quantumvis graui & iusta caderet. Ad hunc & alios plures abusus in administranda iustitia tollendos Visliciae Conuentum indixit, in quo de Pontificum consilijs Iaroslai Bogoriae Gnesnen. Archiepiscopi, Ioannis Grothonis Cracouien. Alberti Paluka Posnanien. & Matthiae Vladislauiensis, & Palatinorum, Castellanorum, virorumque grauium & doctorum legum diuinarum & humanarum peritorum, placitis Polonis Leges condidit.

Interfuit Synodo Matthias, in qua decreto Pontificum exacti sunt e finibus Poloniae Flagellantes, qui ex Vngaria

venerant,

venerant, ex utroque sexu conglomerati. Hi praetatis vexillis quascunque haberent obuiam Ecclesias visitabant, nudata umbilico tenus corpora, ad profusionem sanguinis cadebant flagellis, carmen quoddam inconditum, siue Naeniam patriam eaque lugubri voce ingeminantes, visam primum speciem pietatis secta praetulisse, cum deinde multis deprehensa erroribus scatere: ut quod eius sectatores se inuicem a quibusvis peccatis absque ordine absoluerent, & illecebris carnis essent dediti: Eam in commune collatis consilijs Iaroslao Archiepiscopus Gnesnen. Bodzanta Cracouien. Praeclaus Vratislauien. Matthias Vladislauien. Albertus Posnan. e Polonia proscripserunt. Sbylutum praefuisse Vladislauiensi tunc Ecclesiae auctor est Dlugossus, sed non ad suam mentem, cum ipso referente Casimirus Rex in Oppido Raciae Episcopali, Ioanem Episcopum Posnaniensem cum Semotiuo Duce Masouiae in gratiam reducerit in praesentia Matthiae Vladislauiensis Episcopi, anno Domini 1358. 15. Calend. Febr. Sbylutus autem non nisi post sexennium gubernaculum Ecclesiae Vladislauiensis apprehendit.

Cum enim Matthias annos duos & quadraginta egisset in Pontificio Vladislauiano, postquam basilicae parietes consummasset, laboribus ac senio confectus, oculorumque officio destitutus, Episcopatu Vladislauiensi, in fauorem Sbyluti de Golancza Praepositi Vladislauiensis nepotis sui cessit: quae cessio sibi non ut optaret succederet, fiebat enim ut frequenter, non priuatim modo, sed

II

etiam

Quid Episcopi  
iuris de rebus  
tempore illo  
fuit?



etiam publicè, sibi non ex dignitate à nepote prouideri quereretur, moneretq; plures ne sanguinis necessitudini tantum tribuerent, vt in eius gratiam minus suis prospicerent necessitatibus, sedibus, aut beneficijs propriâ virtute partis exulantes, exemploq; suo condocerecti, quam maximè à tali arrogatione successorum abhorrent. Cumq; inter eas querimonias quadriennium vitæ sustinisset, anno Domini 1368. die 16. Maij in viuis esse desijt. Dlugossus tempus obitus eius annum Domini 1370. in vitis Episcoporum assignat, sed non congruenter ad suos annales & Volborianum Catalogum, illatus est in tumulum quem sibi viuens delegerat, in sacratio Vladislauensis Basilicæ ad Austrum, sub malluio sacerdotum. Præsedebat Romanæ Ecclesiæ Urbanus V. Occidentis Imperium regebat Carolus IV. Romanorum Imperator, Orientis Ioannes Palæologus.

*Unica laudan.  
di. ep. m. l. m. l. m. l.*

Constant fuisse studiosissimum conseruandorum bonorum Ecclesiæ, atq; plurimos pagorum & prædiorum limites iure euicisse ex monumentis Ecclesiæ Vladislauensis quantum accesserit Ecclesiæ sub illius regimine, ex libro Priuilegiorum hic attexo. Meeßlaus de Konecko hereditatem suam Cieleczyce cum sorte Sandikowska, 900 Marcis. Torunensibus Matthiæ Vladislauensi Episcopo vendidit; Villæ Fratrum Hierosolymitarum Ordinis Zagosez, Winiary, Skotniki, Januszewice, in Diocesi Cracou. Niemoiow, & Sczeblaw in Diocesi Vladislauensi per Iudices Apostolicos adiudicatæ sunt Episcopo Vladislauensi.

Fecit:

Fecit aliquot commutationes bonorum illa fortasse tempestate vtilis Ecclesiæ, nunc minus, præsertim villam Zakowice in districtu Bræsten. constitutâ, bonis Skarbko-wa Wola & Zblag adiacentem ad Ecclesiam & Parochum Coualien. spectantem, mensæ suæ applicuit, in eiusque locum decimas in Pyszkowo, & Cromiszewice villis propè Couale consistentibus ad mensam suam spectantes contulit. Cum eodem Episcopo Fr. Matthias Abbas de Linda villam Łag & septem maldratas de Kłobia Regia, pro villa Gorzyszewo & decimis in eadem, ac alijs decimis in villis Conuentus Landen. videlicet in Kłodawa & Srubs, in Trambki, Koziemino, & in Zakrzewo Ecclesia quoq; ac iure patronatus commutauit. Idem Pontifex cum Capitulo Vladislauensi accepit permutatione villam Zbrachlino in Cuiauiensi terra sitam, pro villis & hereditatibus Ecclesiæ Vladislauien. Sobota & Zagniszewice in districtu Lanciciensi ad fluuium Bzura sitis, quas Ioanni Palatino Lanciciensi contulit, anno Domini 1357.

Sub ipsius regimine Casimirus Dux Stetinen. & Dobrynien. Vyssogrodensem seu Fordanensem Ecclesiam fundauit, & digna Duce munificentia prouidit, anno Domini 1349. in dotem ipsi villam Jaruzyno cum omni iure ac dominio assignando, liberam item lignorum in suum usum incisionem in syluis Ducalibus, ac minoribus retibus in Istula piscationem, magnamq; pratorum latitudinem attribuendo, vbi cum Parochum ageret Perillustris

li 2

& Reue-

& Reuerendiss. Baltasar Miaskowski Suffraganeus Vladislauiensis, Ecclesiam latere cocto exedificauit.

*Pontificis iustos Matthias implet honores,*

*Et quos cuiusq. suus dat labor, ille feras.*

*Augustum calod, ferens fastigia templum,*

*Et binas arces, nobile struxit opus.*

*Structaq. Vitalis spectat sibi pegmata Martyr.*

*Vota quibus soluit, plebs beneficia Deo.*

*Tento rapit Cruciger decimas, ab sacra tueri*

*Sanguinis adstrictus compede, iura nequit.*

*Condidit obscuro hinc cineres sacrificia busto:*

*Matthias, quantus, paruule, Praesuleras?*

SBYLVTVS EPISC: VLADISLAVIEN: XXIII.

**A**Nno Domini, Millesimo Trecentesimo. sexagesimo sexto, quo Matthias de Golancza laboribus & fene-  
strutis ingrauescentis incommodis fractus, cæcitate in-  
super debilitatus, proindeq; ad curæ Pastoralis munia ob-  
cūda minus idoneus, regimen Ecclesiæ Vladislauien. à se ab-  
dicauit, Cathedraq; & bonis Episcopalibus in fauorem ne-  
potis sui cessit, Rege Casimiro consentiente, nec Præla-  
tis & Canonicis contradicentibus Sbyluto. Præposito Vla-  
dislauien. cui munus Pontificium per summum Antistitē  
Urbanum V. collatū est, eodemq; anno cōsecratus posses-  
sionē adiit. Fuit ex Patre Sbyluto Castellano Posnanien. &  
Matre Philomena natus, gente Toporus; hic quamuis  
æmulatorem sollicitudinis Patruī, circa structuram Eccle-  
siæ se præbuerit, eamq; studiosè perfici curauerit, in tra-  
ctando tamen Patruo malè audiuit, cui solenne fuit, tam  
publicè,

publicè, quàm priuatim conqueri, multa sibi ad honettā  
tatis conseruationem congrua denegari à nepote, qua  
tractatione videtur supplicium succelsionis hereditariæ  
in Ecclesiam Vladislauensem primo exemplo introducte



toto quadriennio pendisse, semper Ecclesiæ Spiritu sancto  
fundata, succelsionem sanguinis exhorruit, postquam  
abrogato Aaronicæ succelsionis à carne descendens  
sacerdotio, cepit à Christo secundum Melchisedech or-  
dinem



ordinem institutos habere sacerdotes: videant quales columnas Ecclesiae, quae est firmamentum veritatis substruant, qui nepotes iure sanguinis in amplissima beneficia trahunt, plerumque non trahente, immo nec vocante Spiritu. Humanum quid hac in re passus est Matthias, sicut & dum liberationem ex servitute Crucifera suorum consanguineorum, magno Ecclesiae dispendio emit, pluris carnis quam sponsae spiritualis amorem aestimando, itaque paruum solatium immo magnam animi aegritudinem ex tali promotione decerpit. Operosum tamen Sbylutus praestitit se in domo Domini patrem familias, siquidem muros Basilicae Vladislaviensis in sublimem eductos, impensis patris coequavit, imbricibus contexit, & structurae fastigium apposuit, multa idem aedificia in Pomerania muro extruxit. Quin Dlugossus, eam partem Ecclesiae Conventualis Brestiae Ordinis Praedicatorum, in qua diuinas laudes psallere mos est Religiosis, cocto latere exaedificatum a Sbyluto prodit. Per id tempus anno Domini 1370. Casimirus Magnus Rex Poloniae feria tertia ante festum S. Leonardi, quinta Nouembris rebus humanis exemptus, in paterno Sarcophago, in Cracouiensi Basilica ad latus dextrum maioris altaris conditus est, in cuius locum Ludouicus Vngariae Rex, omnium consensu insignia Regni, quae primus Vladislaus Cubitalis illuc Gnesna transtulerat, Dominico die post festum S. Martini, insequenti 17. Nouembr. a Iaroslao Archiepisc. Gnesnen. vnctus obtinuit.

Magna Sbylutum vigilantem Senatorem de prospiciendo

endo bono communi vrsit sollicitudo, unde factum est, ut facile in partes Bozantae Archiepiscopi Semouitum Masoviae Ducem, Regem renuntiantis concesserit. Res ita est: Obijt Ludouicus Poloniae & Vngariae Rex anno Domini, 1382. posteaquam filiam suam natu maiorem Mariam Sigismundo Marchioni Brandeburgensi filio Caroli Imperatoris Romanorum, & Bohemiae Regis ex secunda vxore Elizabetha Boguslai Stolpensis Ducis filia suscepto, annum tunc decimum quartum agenti in matrimonium collocasset, proque dote Poloniae Regnum genero pactus fuisset, cui etiam in Comitibus habitis in Oppido Zwolen, Proceres Regni Poloniae fidem suam & obedientiam sacramento obligarunt: Non inuitis hunc accipere animis Poloni, tamen ubi nonnullos ex oblati conditionibus repudiasset, & inter hos quod Domaratum a regimine Capitaneatus Posnaniensis amorem esse noluisset, immo ijs qui ipsius recusarent iurisdictionem, & auctoritatem obnuntiarent, multa fuisset iuuenili ardore minitatus, non longa deliberatione ab eo discesserunt, Comitibusque apud Radomscios pro festo S. Catharinae indictis conuenerunt, minorē natu filiam Ludouici Hedwigim, eligendo Regi qui in Polonia semper praesens Regni gubernacula moderaretur, optata tranquillitate nupturam debere peti, ab Elizabeth Regina Vngariae consorte Ludouici relicta, quae cum misissuram se fuisset pollicita filiam, multis Polonorum sollicitata postulationibus, noua deinde subsecuta est deliberatio, de quaerendo Reginae futurae coniuge, placuitque Ordinibus.

dinibus in Syradiensi conuentu, dignitatem coniugij cum fascibus Regni ad Semouitum Masouiae Ducem deferri; in qua sententia cum Vladislaus Dux Opolien. Vielunen. & Dobrynensis esset, placitumq; ipsius Barones Maioris Poloniae suis approbasset suffragijs, facile reliqui calculos addiderunt, ut 28. Martij Rex Semouitus renuntiaretur. Qui dum firmare ius electionis plus nimio adnititur, atq; in potestatem cum caltris suis, terra Cuiaviensi redacta, indistincto Generali Conuentu Syradiae, Regni Poloniae Proceribus edictum suum per Syluestrum de Stawyszyno Dapiferum Cuiaviae promulgari iubet, ut qui suae subscriberent electioni, honoribus & praemijs se condecorandos sperarent; qui secus agerent, hostem se acerrimum experti, in commune suffragium ferro flammisq; hostilibus vel inuiti traherentur, spe Regni iam iam habendi excidit, animis Optimatum tanta se veritate offensis facile deinceps in Regali throno in Tyrannidem degeneratur. Obnitentibus itaq; ceteris, Bozanta Archiepiscopus pro S. Viti die Syradiam aduenit. Equitum aliquorum maioris Poloniae caterua stipatus, ac in templo Fratrum Praedicatorum singulis qui secum venerant probantibus, Semouitum Masouiae Ducem Regem pronuntiat, in altumq; fauore militari sublato, Viuat Rex acclamari iubet, iamq; ibidem Regio diademate illum insignire decreuerat, assistentibus Stiborio Plocensi, & Sbyluto Vladislauen. Episcopis, ad eam solennitatem de industria adhibitis, nisi paucorum voluntas obstitisset, quibus nego-

*Armen.  
precipitata  
nom. patris  
regis.*

uum

tum tam grande in tempus aliud differri placuerat. Facile amore pacis & optatae Patriae incolumitatis, iuerunt hi Praefules in Bozanta sententiam, cum viderent non expedire Reipub. Creationem Regis in longum tempus differri, ac eo quidem promptius consilium Metropolitanis sunt secuti, quò maius detrimentum suis Ecclesijs timeret accersere animorum dissensione, quae in electione Regis iam esserbuerat. In id tempus planè Stiborij Plocensis Episcopatus incidit, ut perspicuum est ex vitis ab Illustriss. & Reuerendiss. Domino Stanislao Lubinski Plocensi Pontifice conscriptis; verum Vladislauen. Nicolaus, ut Dlugossus, & ex eo Cromerus habet, nullus exstitit illa tempestate. Sbylutus anno quo haec gesta sunt, 1383. praefuit Vladislauen. Diocesi, cuius regimini & vitae idem annus finem attulit, feria sexta prid. Calend. Sextil. ea ipsa hora qua diuina laus Officij diurni compleri solet in Ecclesijs in arce Raciarnensi, cum ante annos tredecim sinistram corporis ipsius partem paralytis debilitasset. Honor sepulturae ipsi in Ecclesia Vladislauen. tota Diocesi Pastori suo lacrymis parentante impetus est, corpusq; ad cornu Epistolae aq; Pontificis conditum. Urbanus VI. tunc Urbis & Orbis Pontificatus gessit. Venceslaus Occidentis, Orientis Andronicus III. Imperio praefuerant. Exstat super impositus monumento lapis, auito stemmate bipennium insignitus, quem talis ambit inscriptio: Reuerendus Pater Dominus Sbylutus Episcopus Vladislauen. hic iacet sepultus, anno 1383.

Kk

Hic



Hic pagum insignem ex suo nomine Sbyludka nuncupatum condidit, & colonis locauit, in eoque Ecclesiam, sub titulo S. Dorotheæ dote assignata extruxit ac erexit, villam Dziárdonowice in terra Cuiuiensi propè Kowale sitam, à Tomislao Castellano Slonensi herede in Wąsorz 120. Marcis grossorum Pragensium pro Ecclesia Vladislauien. emit, feria IV. post Pentecosten, Anno Dñi. 1379. Ecclesiam Zukowiensem consecrauit, in cuius dedicatione, cum non iusto honore & vrbantate fuisset exceptus, Præpositum grauitè officij admonuit, negligentiamque ipsius in administratione Sacramentorum feriâ reprehensione corripuit, in vindicandis decimis à Vladislao Duce Opoliensium Terræq; Dobrynensis possessore, qui ex Dobrynensi tractu dari eas vetuerat, strenuè Dobeslaum Plocensem Episcopum iuuuit, quem, dum is ob id, & quod ab agricolis Episcopalibus quaternos & vicinos grossos in iugera seu lancos exigere præsumpserat, anathemate percussisset. Sbylitus in Arce Złotoriensis, vnà cum Ioanne Archiepiscopo Gnesnen. ad saniozem mentem reuocauit, & cum Episcopo Plocensi æquis conditionibus, & condignâ de omnibus iniurijs satisfactione in gratia reposuit, cum Abbate Bysszouiensi concordiam ratione decimarum iniuit, cuius rei exstant monimenta in Ecclesiæ Vladislauiensis Archiuo.

Sub idem tempus Fr. Ioannes. Abbas, cum. Conuentu Bysszouiensi recognouit, quod cultores agrorum, villarum Bielno, Belini, Glinki, Gosciradz, Stronno in Capellania

pellania Bidgostiensis & Wysogradiensi Reuerendissimo Episcopo ratione decimæ de quolibet manso Culmensi pro festo S. Martini per sex grossos Pragenses dabunt, idque in recompensam pro Decima ex Gogolewo ad Cœnobium pertinente quam, in vim permutationis conferunt cum Marica quæ nondum est locata, ad eandem villam pertinente. Insuper pro decimis in Skarbowo & in Buszkowo sibi à Reuerendissimo Episcopo donatis, obligant se singulis septimanis vnâ Missam pro remedio animarum DD. Episcoporum & Benefactorum Ecclesiæ Vladislauien. celebrare. Datum Raciaz Sabbatho infra Octauam Paschæ, exstat præterea illi ætati cœua ordinatio per Abbatem Bysszouiensem. vt pro decima in Zaduszniki in terra Dobrynensi sita coloni soluant, prout consueuerunt in perpetuum Episcopo & Ecclesiæ Vladislauien. Anno Domini, 1372. facta. In magnam Ecclesiæ vexationem Sbyluti regimen Ecclesiæ Vladislauiensis inciderrat; tamen ipse nihil passus videtur in suo Episcopatu, multa donaria de auro, argento, supellectili, de libris, & pecunia, in ornamentum Ecclesiæ sub dispositione Capituli Vladislauien. reliquit.

*Te successorem Patruus Sbylute reliquit,  
Vt fidus Domini pastor ouile regas,  
Rex assentitur, nec discors voce Senatus  
Abnuat, in tanto munere pondus vnes.  
Mœnia continuas, Patruusq; coronida rebus  
Addis, & impensis stant nona multa tuis.  
Gaza tuo templi splendet munere. Felix  
Nō de te Patruus conquereretur, erat*

*Asia*

*Astia sic Patruis, quam praeferit stemma, secare  
Cuncta nequit, murmur dum refecare nequit.*

## TROIANVS EPISC. VLADISLAVIEN. XXIV.

*Virtus repulsa, nescia sordida,  
Intaminatis fulget honoribus,  
Nec sumit, aut ponit secures,  
Arbitrio popularis aura.*

**Q**uam verè cecinit Vates Vénusius, facile iustus  
arbitrè trutinabit, si honore virtuti debito præ-  
mio, exauetoratum Troianum, iniquâ sorte ordi-  
nem confundente considerauerit. Nobilis hic fuit de-  
gente Coryllorum siue Aceruorum Præpositus Posnan.  
Canonicus Vladislau: qui maiorum suorum insignia clarissi-  
mis virtutum ornamentis cumulauit; quibus tantum præ-  
lūxit, vt Prælati & Canonici Vladislavienses, postposito  
omni periculorum timore, illi regimen Ecclesiæ deferen-  
dum optauerint: Quam in re constantem animi magnitudi-  
nē generosè probauerunt, liberaq; vocis et votorū egregiè  
tutati sunt iura. Namq; vt in humanis esse desijt Sbylutus;  
Drogosius de Chroberz Capitaneus Syradiensis stirpe  
bipennium, profectus omni contentione institit, vt Ger-  
manus suus Nicolaus Chroberz, Cantor Vladislaviensis  
cuius pueritiam Matthias & Sbylutus Episcopi Vladisla-  
uien. educauerant, sacrissq; additum ministerijs Ecclesi-  
asticis ornauerant beneficijs, Pontifex Vladislaviensis ele-  
ctione Prælatorum & Canoniorum renuntiaretur: vt ita  
succes-

successio Episcopatus in vna bipennium consanguinea  
successione domo perennaret. Itaq; is cum Castellaniam  
& castrum Wolborz, nihil obnitente immò dissimulante.



Henrico Canonico Vladislaviensi, cui tunc cura Castr  
Wolborz incumberebat; per familiarem suum lacussium  
Kuczewski; & alios ad id consultò subornatos milites; &



ciues atq; paganos districtus illius plurimis exactionibus, & oppressionibus onerasset, & cum peregrino de Vangle-  
 stin Capitano maioris Poloniæ milite stirpis tribus haltis  
 per transversum insignito, quæ Kozlerogi vulgò dici so-  
 let, coniunctis viribus aliquot villas inuasisset, eò se tam  
 graui Ecclesiæ Vladislauien. iniuriâ, res adducturum spe-  
 rabat, vt molestiarum pertæsi, optataq; tranquillitatis  
 cupidi, Prælati & Canonici facillè vota sua optatum euen-  
 tum sortiri vnanimi consensu permetterent, verùm nihil  
 ea vastatione bonorum fracti, feria quarta quæ fuit II. dies  
 Augusti, Anno Domini, 1383. in Castro Raciæzen. nouam  
 violentiam Semouiti Ducis Masouiæ veriti, cui tunc terra  
 Cuiaviensis parebat, per viam compromissi ad electionē  
 Pontificis processerunt, & postquam in tres Prælatos de  
 gremio compromississent, in Theodoricum Vladislauien-  
 sem, Troianum Posnaniensem Præpositos, & Ioannem  
 Archidiaconum Gnesnen. Canonicos Vladislauientes, ex  
 his duo potestate sibi tributa, tertium Præpositum Po-  
 snaniensem elegerunt, pro sapientiæ nobilitate, & propriâ vir-  
 tutis laude conspicuum Troianum. Cuius electionem  
 etsi Archiepiscopus Gnesnensis Bozanta, in festo Assum-  
 ptionis gloriosissimæ Virginis MARIÆ in arce Vnie-  
 iouien. confirmauerit, consecrationis tamen munus illi  
 impendere detrectauit, Semouiti vt videtur Ducis, qui  
 tunc Cuiaviam quoq; in potestatem suam redegerat, ex  
 postulationibus interpellatus, quod Prælati & Canonici  
 Vladislauieses suo assensu minimè requisito ad Electionis  
 Anti-

Antistitem processissent, plurimum verò tribuebat Semo-  
 uito Bozanta, quem reclamantibus Ordinibus Regem  
 promulgauerat. nam cum Dlugossus narrat, Capitulum  
 Vladislauiese ad Ludouicum Poloniæ & Hungariæ Re-  
 gem Budam nuntios misisse, plurimorum consiliariorum  
 Poloniæ literis instructos, qui peterent à Rege, vt ratam  
 vellet suam electionem esse, meminisse debuit obitus Re-  
 gis Ludouici, quem in añum Domini, 1382. refert; diemq;  
 illius 13. Septembris sicut & locum sepulturæ in Regali ci-  
 uitate Alba connotat. Veri similis dixisset, ad Sigisimun-  
 dum Marchionem Brandeburgen. Mariæ maritum,  
 maioris natu filia Ludouici Polonorum Regis hosce nun-  
 tios fuisse missos, à quo tamen iam Poloni descuerant,  
 atq; in ipsius locum Hedwigis iunioris filia Ludouici con-  
 iugem & Poloniæ Regem votis consilijq; diuersis quæ-  
 rebant; illud non alienum à vero esse videtur, nempe  
 ad infringendum noui Regis electionis robur, apud se-  
 dem Apostolicam Sigismundum, cui præstita obedi-  
 tiæ & fidelitatis iuramentum à Polonis nondum fuisset  
 relaxatum, interuenisse; vt Vladislai Opoliensium Ducis,  
 Vngariæ Palatini, filij Ioannis Cropido nuncupati, trans-  
 lationem à sede Posnaniens. in Vladislauensem postula-  
 set. Tria refert Paproecius de Troiano cum scriptis Dlu-  
 gossi pugnantia, primum gente Szeligium fuisse, si quod  
 ita est, eò atrocior videri potest iniuria Bozantæ Archie-  
 piscopi in Troianum, qui in causa æquissima, gentili suo  
 (fuit enim is Archiepiscopus de armis Szeliga) ipso Pa-  
 proc-

proccio teste non fauerit, & eius cuius ratam electionem perspectamq; virtutem gentis suae gloriâ illustratam habuisset, recusauerit consecrare; alterum Romam abiisse, ibique diem extremum clausisse, cum tamen ex Dlugosso habeatur, abdicatâ à se dignitati superuixisse, surrogatumq; in suum Episcopatum, vnâ cum alijs Prælati & Canonicis honorificè excepisse, postremum Prædilaum gente Grzymalium, à repulsa Troiani, regimen Vladislauensis Ecclesiæ fuisse adeptum, cuius mentio nusquam apud Dlugossum, vel in Catalogis quotquot vidi manuscriptos, vel in Arce Volbortiana inter Pontificum imagines, vel in monimentis archiui Vladislauensis habetur. Hoc inter omnes conuenit, quotquot nomen Troiani seculis prodiderunt, fuisse virum probatę virtutis, nec alio quàm solius probitatis respectu, à Compromissarijs tulisse suffragium, proinde iniuste fuisse aditu meriti dignitatis prohibitum. Primus Bozanta Archiepiscopus, siue temeritate, siue inuidia, quod iustam electionem posteaquam confirmasset, munus consecrationis electo Canonice abnuerit conferre, opportunam præbuit ansam Principibus, & sedi Apostolicæ ius electionis Episcoporum infringendi, quod exemplum secuti Principes, deinceps electionem posthabere audacius cæperunt, & meritis erga seipsos Ecclesiasticę dignitatis fastigium arrogare, proque libitu conferre, donec sede Apostolica indulgenti, honoremq; hunc fundatoribus primis, & Patronis eorum successoribus deferente ius electionis in Nominationis transijt.

*Ius eligendi  
Episcopos ex  
electione an  
cipi uenit  
deinde Can  
tula.*

transijt. Euenit illud Troiano quod ait Plato in Timæo: Iter facientes per solem, necessario comitatur umbra, incendibus vero per gloriam, comes inuidia. Non exigua enim suspicionem de inuidia Bozantæ Archiepiscopi illud potest mouere, quod qua ipse non venit ad Archiepiscopatum via, eam in alijs virtute dignitatem prensantibus fastidiret, tum quod gratiam Ludouico, quam superstiri nequiret, in genero suo Sigismundo referre videretur, qui à Troiani electione alienus quàm maximè fuit; maluit videri officij quàm æquitatis & iustitiæ cultor religiosior. Namq; operâ & instantia Ludouici Vngariæ & Poloniæ Regis factus est Archiepiscopus, eodem anno, per eosdem nuntios, quo & per quos Ioannes Cropido est Posnaniensis Episcopus creatus, quin & fauore simili, dum Dobrogostium de Nowy Dwor Canonicè electum à Prælati & Canonicis Gnesnen. à dignitate Metropolitana, Vrbanus VI. exclusisset, in utroq; Præsule non ad utilitatem Ecclesiæ Ludouico gratificatus. Habuit verò Pontifex gratificationis istius causam, quod sibi postulanti Carolum Fratris filium cum exercitu misisset, vt Ioannam Reginam Neapolitanam, cuius studio æmulus Vrbanus à Gallis Cardinalibus excitatus erat, Clemens VII. vlcisceretur.

*Ibis Prasuleos inter numerande Toparchas  
Vir Troiane, sacri gloria magna chori.  
Virtutem mitrà fratres dignantur, euntem  
Qui stetit in capto tramite, liuor erat.*



*Maſte tua virtute vir; hinc abſiſte moueri.  
Inuidia, laudis, qui prait, urget iter.  
Magna quod à ſacro dignus cenſere ſenatu  
Laus, nec ſtare loco, ſed potuiſſe tuum eſt.*

IOANNES I. CROPIDEO DICTVS EPI-  
SCOPVS VLADISLAVIEN. XXV.

**G**rande ſchiſma XXIII. in Eccleſia, & grauiffimæ de ſucceſſore in Cathedram D. Petri. morte Gregorij XI. vacantē promouēdo, inter Italos & Gallos diſſenſio, exitioſum virtuti virus, in Eccleſiam Polonā effudit; namq; Urbanus VI. legitimè creatus Orbis Pontifex; vt in obedientia ſua contineret Regna nobiliſſima, Polonia & Vngariæ, quod vtrumq; tempeſtate illa vni obtemperabat Regi, (adhuc enim Poloni Ludouici ſollicitationibus, in obedientiam Sigifmundi Marchionis Brandeburgenſis, generi ſui adducti, in officio permanebāt) indulgēdū aliquid putauit Sigifmundi poſtulationibus (varius hic eſt Dlugoffus cū Ludouicū literas ad Urbanum expediuiſſe memorat in vitis Episcoporum Vladislauen. manu ſcriptis, quem añotato ſuperius anno obijſſe in annalibus adſtruit) & Vladislai Ducis Opolienſium, qui tunc plurima in Regno vtroq; pollebat auctoritate. Itaq; reprobatā Troiani, quam Archiepiſcopus confirmarāt electione, Pontificem Vladislauen. eſſe iubet Ioannem Olicht, Ducis Opolienſis filium, de Eccleſia Poſnanienſi tranſlatum, quam biennium rexerat, nondum ſui ipſius regimini per ætatem, nondum benè conſtitutam ſufficiens

ſufficiens, vt pote recens à ſtudio Bononiienſi iuuenis reuerſus. Qua autem via gubernationem Poſnaniienſis Eccleſiæ adiit, eadem ad Pontificatum ſedis Vladislauenſis aſpirauit & peruenit. Elegerant Prælati & Canonici



Poſnaniienſes Nicolaum, Cantorem Gneſnen. Scholaſticūq; Poſnaniē. nobilem de armis Nalenciorum, omni genere virtutum, ſed maximè modestia & liberalitate in pauperes, auri ſplendoris iubar extendentem, qua in re,  
L 1 2 quia

*Sup. patronatus  
in regno.*

quia nihil ad Regem Polonię & Hungarię Ludouicū reu-  
lerūt, qui Patronus Basilicarū in Regno à Rege conditarū  
esset, vota ipsorū & suffragia in irritū reciderunt, Rege gra-  
uē animi dolorē inde conceptū acriter vlciscēte, ita vt ni-  
hil minūs quā Electiōnē, absq; suo assensu factam appro-  
baret, ea affectiōe perturbatū animū faciliē cepit Vladislai  
Ducis Opoliēsis Palatini Hungarię, pro filio preces inter-  
ponentis instantia; qui cū sacerdotio Præposituræ ad S.  
Martinum Scepuzensē insignitus, in Vniuersitate Bono-  
nienſi literis operam dabat, nondum per ætatem dignitati  
Pontificali tempestiuus. Peruicit eo facilius Regis Ducisq;  
in promouendo iuuenē cura, quod Vrbānus VI. Nepo-  
tem illum suū, aut quacūq; sanguinis propinquitatē  
coniunctū sibi arbitraretur, vt pote qui albam aquilam  
in campo cæruleo insigne Ducum Opoliensium ex maio-  
ribus deferret, quod ipsum gentilitiæ Nobilitatis Vrbani-  
fexti Synthema fuit, itaq; Episcopatum Posnanienſem Bo-  
noniæ versato confert adolescenti, anno 1382. nona die  
Mensis Iunij. ex quo eum ad Vladislai. anno 1384. pro-  
mouit; qui cū II. Mensis Februarij literis translationis  
suæ, & mandati Apostolici Capitulo Vladislaiensi exhi-  
bisset, licet aliquam in adeunda possessione fuisset ex-  
pertus difficultatem, ab initio Troiano Canonicam Ele-  
ctionem opponente, & Prælati atq; Canonicis libertatē  
suffragiorū suorū propugnātibus, breui tamē tam Electus  
quā Electores fasces magnanimitatis potentia Vladislai  
Ducis Opoliensium, cui per id tempus in Polonia non  
aliter

aliter quā Regi parebatur, sub miserunt mitigatoq; emu-  
latoris rigore Romā sibi datum Episcopum concordi gra-  
tulatione salutāunt. Primus hic per translationem Vla-  
dislauenſis Ecclesiæ regimen obtinuit, cū hucusq; de-  
cessores sui per annos quadringentos suis contenti Epi-  
scopatibus, in quos se probata Confratrum calculis virtus  
extulerat constitissent, magno sponſarum suarum orna-  
mento, & Ecclesiarum vtilitate, siquidem transportandi  
opes de vna Ecclesia in aliam, ad ambitionis nutriendam  
cupiditatem, via tunc nulla patebat, & qualis viri indu-  
striam & probitatem elegissent Prælati & Canonici, ta-  
lem vel suo bono venerarentur, vel malo totius Ecclesiæ  
tolerarent, ita periculum redundandi in sua capita consi-  
lii faciebat, vt in sagaci peruestigatione disquirenda futu-  
ri Antistitis vita essent sollicitē circumſpecti.

Eodem anno quo hic sedē Vladislauenſem iniit, He-  
duigis Ludouici Regis Hungarię & Poloniæ natu minor  
filia, ab Elisabeth Regina Hungarię missa, poscentibus  
Polonis, obedientia Sigismundi Marchionis & Sacramen-  
to fidelitatis per legatos absolutis, in Regalē euecta est  
thronum, magno omnium Ordinum applausu, & in Regi-  
nam vncta, per Bozantam Archiepiscopum in Basilea  
Cracouiē die Beatæ Hedugis sacro, assistentibus Ioan-  
ne Cracouiensi, Ioanne Vladislai. & Dobrogostio Po-  
snanien. Episcopis, quam sequenti anno 1385. missis Ora-  
toribus Magnus Lituaniæ Dux lagello coniugem sibi po-  
poscit, cuius cū ab initio illa connubium magno fuisset

*Translatio  
Epi. prius  
exemplum*



auerſata ſaſtudio, perſuaſionibus tandem crebris Pontifi- cum & aliorum Procerum, multū id amplificationi Chri- ſtianæ religionis & emolumento Reipub. poſſe conduce- re demonſtrantibus, cū ſagello ſalutari Baptiſmo cum gente ſua expiandus vnire Ducatum Regno Polonia pol- liceretur acq̄ueuit, atq̄; ita anno ſequenti, magno com- ratu is venit in Polonia, ad Conradumq̄; Czolner Pruſiæ Magiſtrū nuntios expediuit, qui ipſum ſuo nomine pro ſo- lennitate Baptiſmi, in qua ſe leuaret à ſacro fonte, itemq̄; nuptiarum & in Regem Polonorum inaugurationis inui- tarent. Ille autem opportunitatem naçtus Lituania popu- ladi, ſp̄eta expetiç amicitie legatione, hoſtilē animū & arma induit, magnāq̄; clade Ducatum Lituaniæ affecit. Interea cū feſtiuitatem Sacramentorum & Coronatio- nis ſagello celebrat, quæ Sacramentorum ſolenitas Ba- ptiſmi & Matrimonij die S. Valentino dicata peracta eſt. Porro inaugurationis Regalis in 17. diem Februarij, quæ erat Quinquageſima Dominica dilata, Archiepiſcopus Gneſnen. Bozanta, Baptiſmum, coniugem, & Regni co- ronam ſagelloni Vladislao ad ſacrum fontem nuncupato ſolenriter contulit, aſſiſtentibus Ioanne Cracouienſi, & Dobrogostio Poſnaniienſi Episcopis; ille autem terras Li- tuaniæ, Samogitiæ, & Ruſſiæ, quarum tunc exſtitit Do- minus, iuxta fidem datam Regno Polonia annexuit. Fuit hic Episcopus ad normam ſacrorum Canonum, quin & legis Diuinæ non ſatis in moribus compositus, vt pote ſæ- cularibus vanitatibus, ludis & facetijs deditus, arrogans, ambitioſus

ambitioſus, crapulæ aſſuetus, & libidinis ſectator, petu- lans, Ordiniſq̄; Teutonici Cruciferorum, quā Regni Polonia ſtudioſior, vt qui Regis conſilia prodidiſſe illis magno Reipub. detrimento à Cromero ſit notatus; quo factum eſt, vt ſibi non ex animi ſententia ambitionis, con- ſilia ſuccederent. Cū enim, anno Domini, 1389. 26. Decembris Gneſnenſis Archiepiſcopus Bozanta, gēte Sze- legius, exacto in Metropolitana ſede ſeptennio, diem ſuum obiiſſet, Ioannes Cropido tertium parem exitum ambi- tus ſui artes habituras ratus, ex quibus antea duos ſucceſ- ſue Episcopatus occupauerat, iſdem ſibi gradum ad Ar- chiepiſcopatus dignitatem perfacilem fore confiſdens, poſtpoſitis Prælatorum & Canonicorum ſuffragijs, quin etiam fauore & conſenſu Regis Vladislai, ſiue contempto, ſiue neglecto, apud ſedem Apoſtolicam, cui tunc præſide- bat Bonifacius nonus, principem in Eccleſia & Republi- ca Polona prentare cæpit excellentiam Metropolitanæ Eccleſiæ, ſola Ducali eminentiā fretus, & Romæ quidem votorum ſuorum compos redditus eſt, ad importunas Fratrum, Ducum Opolienſium ſummo Pontifici ſuppli- cationes, à Vladislauienſiq̄; Eccleſia ad Gneſnentiē tran- ſatus eſt, & in ipſius locum Henricus Dux Legnicenſis eiufdem Bonifacij prouiſione ſuffectus, ad cuius regimen hic nullo negotio Rege conſentiente admiſſus eſt. Cro- pido autem poſſeſſione Archiepiſcopatus, Rege perdu- ellem ſuum, & hoſtium Regni Cruciferorum amicum in ſublimitate tanta cōſiſtere non permittente, immò quān- uehemen-

vehementissimè ne id fieret obluente, prohibitus est. Archiepiscopi quidem titulum sibi præscribebat, in nulla re tamen sibi à Prælati & Canonicis Ecclesiæ Metropolitanæ parebatur. Nec quidem eos censuris Bonifacio Nono percellente, inter quos potissimum siue temeritas ea, siue constantia dicenda nihil hic disquiro, Bronislai de domo Grabitarum Archidiaconi Gnesnen. tunc in spiritualibus & temporalibus Archiepiscopatus Administratoris enituit, qui nullatenus figere pedem in bonis Ecclesiæ Gnesnen. passus est Cropidlonem, quem Sbigneus de Brzescie Regni Poloniæ Marsalcus comprehendit, & omni rerum opulentiâ ac facultatibus exuit. Is cum septennio per litigium frustra ad possessionem admitti conaretur, in summam tandem inopiam redactus est, in qua plurimum æris alieni contraxit, maximè à Cruciferis subsidium sibi nummarium ad causam lucranda ferentibus; sed cum per tantum se temporis interuallum, oleum & operam perdidisse ipse animaduerneret, videretq; non leuiter suis conatibus continuationem Schismatis in Ecclesia obesse, cum nisi Bonifacius Regi Poloniæ vellet gratificari, timeretur totius Regni ad Petrum de Luna Antipapam defectio, videret præterea animum Vladislai sibi offensum non facile posse deliniri, dedit in mandatis Nuntijs, anno 1394. quos tunc Rex Vladislaus, in grauissimis causis, & inter has, duorum Episcopatum in Lituaniam Vilnensis, & Mednicensis à se fundatorum erectione, cum Dobrogostio ab aula noua, decretorum Doctore stir-

pis

pis Nalencianæ Episcopo Posnaniensi expediebat, vt suo nomine coram Pontifice Romano Archiepiscopatu renuntiarèt, quòd cum hi fecissent, Bonifacius Oratori Regio ad ipsius Vladislai commendationem & instantiâ contulit, ita dum nescit modum statuere ambitioni effrenata cupiditas, altiusq; suis confisa viribus, præter Ordinē equi & iuris aspirare audet, Icario præcipitio altius euolantem Cropidlonis Aquilam Archiepiscopali & Episcopali deturbauit fastigio, simulq; illius pronuntiati admonuit: Virtute decet non sanguine niti. Vacabat interea in Ducatu Stolpeni Terræ Pomeraniæ, quam tunc Cruciferi obtinebant, exiguus & tenuis Camenensis Episcopatus, de eo Bonifacius misero Cropidloni prouidit. Præsedit Vladislau. Cathedræ sexenniū hac vice antequā se altiores spiritus ea exclusissent. Archiepiscopus verò creatus Cruciferorum sustentatione inopem vitam tolerauit, tanquam superbus Nabuchodonozor annis septem.

*Hinc è Posnensi translatus sede Ioannes*

*Cropidlo, Princeps Opoliensis adest.*

*Impiger ad genij curas, venerisq; superbum*

*Mancipium, fallax, ambitiosus, iners.*

*Excidit, ipse suā, sedem Primatis habere*

*Dum cupit, & petit hoc munus, utroq; caret.*

*Sic sublime volat volucrum Regina, sed imo,*

*Deijcit hanc crebrò prada petita solo.*



HENRICVS EPISC: VLADISLAV: XXVI



**D** Ecanus Vratislaviensis fuit, Venceslai Ducis Legnicensium filius, pro insigni clypeum in quadrum sectum pertransuersum Aquilis nigris in duobus capis caeruleis, in duabus reliquis rubeis scachalibus tabulis distinctum gerens, qui cum Cripido in Vladislaviensi Ecclesia

in Ecclesia ad Archiepiscopatum Gnesnen. auctoritate Bonifacii noni fuisse translatus, eiusdem voluntate praefici Vladislaviensi Ecclesiae obtinuit, anno Domini, 1389. cuius possessionem postquam mandatum Romanae sedis Praelatis & Canonicis produxisset, facile adiit, Rege Vladislao nihil consensum morante. Parum aut prorsus nihil ipsius gubernatio utilitatis, aut ornamenti Ecclesiae attulit, tam in spiritualium quam in temporalium administratione, ut pote quem nexu firmiore amor consanguineorum, quam sponsae tenuisset, & qui magis intra lares Patrios delitescere, quam Religionis & Patriae in publicis & priuatis Conuentibus causas agere, ac publica munera obire haberet cordi, ne verò qua sollicitudine de necessariis ad cultum Diuinum rebus prouidendis angeretur, & sua hac domestica interromperetur aliqua boni Ecclesiae procuratore quies, decimam mensae Episcopalis in villa Osuiczewo Procuratori Capituli Vladislaviensis assignauit, anno Domini 1393. in prouisionem eorum, quae ad ministerium Diuinorum Officiorum facere viderentur, ut pote farinae, vini, cerae, seui & similium, ita ut is quotannis rationem reddere teneretur Reuerendissimo Episcopo perceptae & expositae in usus tales pecuniae. In casu verò desolationis praedictae villae, omnium necessitatum earum prouisio ad Episcopum rediret. Anno Domini, 1393. die 7. Ianuarij meminit Cromerus lib. 15. ipsum in fidem Vladislai Regis concessisse, vltro verò an vi adactum dicit non esse sibi compertum, sicut ne illud quidem, cur & quan-

do à Rege defecerit, nisi quod verisimile sit, cum Cuiauiam Rex & Regina Zemouito Masouiorum Duci hypothecæ nomine tradidissent, eum quoque cum Cuiauijs Zemouiti partes secutum fuisse. Accessit eo Pontificatum gerente Vladislauensi Ecclesiæ & successoribus Episcopis villa Trzebatowo donatione Sandiuogij Palatini Calissiensis, Lanciciæ inscripta, feria quarta intra Octauam Sanctissimæ Trinitatis, Anno Domini, 1397.

Sub id tempus ad causas quibus antea bellum prouocabant Crucigeri populatione Ducatus Lituaniæ, hanc quoque nouam adiunxerunt. Memor sacramenti Rex Vladislaus, quo se in Electione Proceribus Ordinibusq; Regni obstrinxerat, recuperandi ea omnia quæ per Ludouici Poloniæ & Hungariæ Regis prodigam donationem inuitis Ordinibus à Regni corpore fuisset auulsa, Vladislaum Opoliensium Ducem, qui tali largitione terras Vielunen. Dobrynen. & Ostrzeszouien. tenebat, per nuntios admonet, se neutiquam tantum Reipub. dispendium posse tollerare, proinde si malitamicum animum, quàm hostiles inimicitias experiri, vltro terras ad suam ditionem redire permittat; si verò graue id & arduum possessori videatur, spondeat, velle in fide & clientelâ Regum Poloniæ permanere. Quam Legationem cum semel quidem officiosis verbis elusisset, iteratam verò palam spreuisset Opoliensium Dux, Vladislaus Rex ad belli consilia vertit animum, partemq; exercitus ad recuperandam Dobrynensem Terram Cristino de Ostrow Castellano Sendomiriensis

copias

copias ducente misit, anno 1396. Oppugnatione Castrî Bobrowniki bellum hoc Castellanus adorsus est, quod dum à Regijs agminibus obsidetur, Magister Prusiæ Conradus de lungigem magna militum manu obsessis tulit suppetias, vt regius exercitus hostium potentia inferior soluere obsidionem debuerit: Cum verò parte ab altera terram Vielunensem Rex ipse numerosis Legionibus fuisset aggressus, & Castra Olstinum, Krzepice, Vielunium, Bolellauecium prospera oppugnatione cepisset, frustra susceptâ terræ Dobrynenensis defensionem Dux Opoliensis intermisit, possidendamq; eam Magistro Conrado de lungigem quadraginta millibus florenorum acceptis hypothecæ nomine tradidit. Castris Dobryno, Bobrownicijs, Ripin, Lipno, Złotoria eidem consignatis, ita vt speratæ Regi Polonorum victoriæ solatium per arma Cruciferica interromperet. His iniurijs laceffit Rex, per Magistrum & Ordinem pacta cum prædecessoribus suis foedera dolens interuerri, tota contentione in bellum Crucigeris inferendum incubuit; restamen hæc vbi relata est ad consilium, Anno 1397. cum videret Senatus eum maximè ob recuperandam Samogitiam, & quòd Lituaniam illi non desisterent infestare, suscepisse belli cogitationem, placuit habere Conuentum Iuniuladislauicæ cum Magistro & Ordine, ad quem visum est, vt Regina cum Proceribus proficisceretur: verebantur enim ne Rex dolore iniuriarum in Lituania acceptarum exacerbatus, asperiore aliquo dicto intempestiuum bellum exsuscitaret, neq; tamen sic

M m 3

æqui



æquialiquid à Cruciferis impetrari potuit, sed neccere in moras & excusationes, nostrorum patientiam eludere, ut sibi diuturnitate temporis Dobrynum firmarent, ibi Hedwigis responsa eorum cum præsentī auaritia, tum superiorum temporum ingratitudine & impietate, qua in Patronos suos Polonos vsi erant, disertè quasi fatidico ore adiecit: se quidem viuente nihil eos aduersi pro illis ausis passuros esse, post mortem verò suam maximis incommodis, atq; cladibus suis, omnia illa expiaturus. Ita tunc rebus infectis, neq; certa pace, neq; aperto bello Iuniuladi flauia discessum est.

Hæc tum in Polonia gesta sunt magno bonorum Episcopatus Vladislauiensis in terra Dobrynensi dispendio. Henricus verò Episcopus, anno sequenti 1398. commune mortalium iter est ingressus, Legnicæ 12. Decembris, bustoq; illatus in Basilica Vratislaviæ ultra limen Presbyterij altare magnum versus cuius sepulturæ locum ærea tabula demonstrat, non quiescit in propria Ecclesia in qua parum viuis laborauit. Obijt sub Bonifacio Nono supremo Antistite, Imperatore in Occidente Venceslao, in Oriente Andronico Tertio.

*Inde subit clara stirpis generosa propago  
Præsuleum Princeps Legniciensis onus.  
Quid ceras memorem veterum sub imagine: sedis  
Tot bona, de Domino quid meruere? nihil.  
Fratribus ipse suis vixitq; nepotibus; ergo  
Carne sibi veniens gloria vermis erat,  
Non licet usq; sua Clero dum dote foueri,  
Quam pereunt aquile quas tenuisti opes?*

NICO-

NICOLAVS I. KVROWSKI dictus EPISCOPUS  
PVS VLADISLAVIENSIS. XXVII.



**N**on exiguam spem attulerat postliminio ad Cathedram Vladislauensem redeundi Ioanni Olith siue Cropidlioni mors Henrici, quam non mediocriter confirmavit frequentibus instantijs increbrescens inopportunitas sedi Apostolicæ consanguineorum & necessariorum ipsius, tum & fauor Bonifacij; facile precibus eorum

rum annuentis, sed cum Vladislaus Rex non tantum tribuisset obsecrationibus Ducum Opoliensium, ut ijs placari animum Ioanni Cropidloni offensum sineret, eaque res Bonifacio innotuisset, facile summus Pontifex proposito destitit, in partemque Regis Poloniae concessit, atque Nicolaum Kurowski, qui iam tum quadriennio Ecclesiae Posnaniensi praefuerat, Regia commendatione motus ad Vladislauensem transtulit, Anno Domini. 1398. 16. Calend. Maij. Ortus est celebri Szreniauitarum genere, à fluuio Szreniawa, quem antiquitus in campo rubeo pro insigni cruce supra vertice stemmatis imminente gens haec defert, nuncupato: in villa Kurow propè Bochniam, Patre Clemente, Matre Catharina in prouincia Cracouiensi, capillos habuisse glaucini coloris, cinninosque; crispos aluisse dicitur. Fuit in pompas & vanitates seculi propensus, ad illecebras & luxum procliuus, varijs instrumentorum musicorum concentibus audiendis indulgentior, in fratres, nepotes, ceterosque consanguineos de bonis Ecclesiae prodigus, interfuit nuptiarum secundarum solennitati, cum Petro Wysz Episcopo Cracouiensi, quas obitu Hedwigis cum Anna Comitissae Ciliae filia, Vladislaus Jagello, anno Domini, 1400. die 16. Cracouiae celebravit. Quo etiam anno studium generale Cracouiae Rex, quod iam multo ante crebris Hedwigis Reginae religiosae coniugis postulationibus, & instantijs in animum induxerat, iisdem Episcopis, & Posnaniensi plurimisque Proceribus alijs praesentibus fundauit & erexit, Sceptraque binis in transuer-

transuersum coniunctis, pro insigni creatam Vniuersitatem exornauit fundamenta prima iacta sunt tantis Ecclesiae & Reipublicae columnis in Polonia, feria secunda post Festum S. Iacobi: ut autem frequentibus in vita mariti animum peruationibus, in tam piam, & Regali dignam magnificentia Hedwigis pertraxerat cogitationem, ita ad opus ipsum celerius maturandum moriens cum tridua ipsi matri filia Elizabeth Bonifacia praeviisset, testamento suam Regialem supellectilem opes & thesauros donauit. Executoribus extremae voluntatis Petro Wysz Episcopo Cracouiensi. & Iaschoni de Teczyn negotio dato, ut omnia iuxta dispositionem & ordinationem Testatricis in subleuatione à fortuna delectorum & erectione Vniuersitatis erogarent. Cui Rex accersitis in omni facultate Doctoribus & Magistris ex Academia Pragensi, perpetuos redditus in salinis & villis certis attribuit, ac Ecclesiae Collegiatae ad S. Florianum dignitatibus & sacerdotijs collationem, quorum ius patronatus penes Regem erat, Sacrae Theologiae Professoribus contulit, aeternaque firmitate ijs solis in posterum conferenda ordinauit. Erectionem Vniuersitatis Ioannes XXIII. & Martinus V. summi Pontifices confirmarunt. Quot, & quam illustres viri, ex alma hac Vniuersitate, sicut ex equo Troiano in Orbis Christiani propugnaculum, profligandis erroribus strenuissimam operam nauantes prodierint, & quanta lumina in amplissimo mundi theatro ad illustrandum immortale Sarmatiae decus effulserint, ne quotidianos fructus intra fines Patriae longius retexam,



quos illa mira suauitate ruminatur, Europa, testis est vniuersa, quæ à Parnaso & Helicone in horridas & incultas olim Polonorum sylvas domiciliū tanta amœnitate transtulisse Apollinem cum Musis obstupescit, vt nullum desiderium nouæ mutationis, aut loci vicissitudinis fecundior aut felicior vsquam gloria in Musarum mentibus possit excitare.

*Felix prole virum Cracouia mater, abunde  
Quam fecundat amor Vladislai, gloria Regis,  
Hedwigis obstetricantem, cui diuite Gaza  
Apponit Regina manum, Libitina negauit  
Victura postquam genitrici prole potuit,  
Æternaturam sic fundat in omnia stirpem  
Sæcla, tot insignes natos dum parturit orbi  
Alma parens Academia; Quos Regina corusco  
Despicis è calo natos. Tibi nectitur ista  
Natorum series, quos educat illa: trophaeum  
Immortale virët tibi, tanta corona nepotum.  
Hi venere Tibi parua meliore, quod anni  
Nulla parte nocent his secula, nulla vetustas  
Obruet immeritum nomen regione latenti.  
Non certare tibi genitrix Berecynthia Diuum  
Audeat, aut clara concurrere Iuno labores.  
Progenie secunda Deos tot suspicis ipsa,  
Lumina quot Lechia Cracouia nutris honori,  
Fue diu, generosa pijs, Academia mater,  
Natis laurigeros innectens fronte tiaras;  
Et dum Crispatus sinuoso gurgite fluctus  
Pandalus attollet, puppes vada liuida verrent,  
Naiadumq; choros Tritonia concha ciebit,  
Et dum nocturnos seruabis Iupiter ignes.*

Sed

Sed ad Nicolaum Kurowski redeundum est. postquam is illecebris & pompis inanibus vixisset ad Cathedram Vladislauiens. annos quatuor, opportunitatem ab ea commigrandi, anno Domini 1402. Mense Aprili, Dobrogostij Gnesnensis Archiepiscopi, ipsi mors attulit. Itaque per Prælatorum & Canonicorum postulationem, Regia in eum auctoritate adductorum, eodem illi anno successit, ac vtri Ecclesiæ biennium vtriusq; fructus percipiens præfuit. Bonifacio Nono indulgente. Porro vt manifestū sit, in quos vsus Christi patrimonij opes & corrogatę hinc diuitię cesserint, exitus ipsius memoria paucis est recolenda.

Cum ad bellum illud cum Cruciferis gerendum, cuius memoria ob victoriam insignem de hostibus reportatam solennis est, Diuisioni Apostolorum die consecrata in Polonia, Rex Vladislaus fuisset profectus, Reipub. curā Nicolao Kurowski commisit, qua in re non tantū industrię personę, quantum dignitati primi in Regno Principis tributum est. Abusus hac potestate fertur, dum cuncta suo arbitrio à Rege permessa existimat, qua opinione factum est, vt se in amicitiam Reginæ minus honestam veller insinuare, iamq; insimulatus fuit pudicitię Reginalis sollicitatę, ipsa Regina id asseuerante. Itaq; dum Regi cum Magno Duce Lituanię Alexandro in pago *Gliniany* dicto agenti, rationem redditurus de se sparsę famę illuc contendisset, anno Domini, 1411. Krzeczuij lapsus equo in ægritudinem incidit. Repczyce autem veniens Dominico die natalem Gloriosissimæ V. MARIÆ præcedente

Nº 2

noctu

noctu poenitentiae Sacramento expiatus, diem suum obiit. Gnesnamq; inibi humandus delatus est. Plurimas possessiones, Castra, villas, praedia, cum grandem pecuniarum aceruum frumento & carnibus instructas naues frequentissime in Flandriam mittendo congestisset, pro fratribus suis coemerat, quorum maxima pars celsit germano suo Petro Kurowski, qui etiam opes, quarum vis ingens erat in auro, argēto, gemis & lapidibus pretiosis interceptis & dilapidavit, ut quae nullo suo labore fuissent conquestae, nulla molestia fuissent dispersae. Ecclesia interim utraque cuius bonis opes illae creuerant, nullum suo memorandum sui Pastoris cura aut impensis monumentum videt. Tanta fuit diuitiarum illius aestimatio, ut cum earum obtinendarum incessisset cupiditas Vladislao Regi Castrum Vnieiouiense, in quo depositae ferebantur, immisso exercitu Nicolao de Michałow Palatino Sendomirien. Capitaneo Syradiensi copias ducente, obsidione cingere non dubitauerit, frustra tamen eam oppugnationem suscepit cum quaesitis opibus iam alter fuisset potitus. Dicitur magnum auri pondus secum in illud iter apportasse, ut illo patrocinate offensi Regalis animi odium declinaret, quod postquam illum mors irato vultui Regis subtraxisset, ad germanum fratrem Petrum praedictum deuolutum est.

*Clarus ausu, atamq; potens Szreniauius quorum  
Pratulit illustri stemmate nomen, eram.*

*Deditus*

*Deditus illecebris vixi luxuq; superbo  
Pomposus, multas, gaza tenebat opes.  
Leibus postquam vertex me sorbuit, cheu  
Terreni fallax fluminis unda vale.*

IOANNES CROPIDLO EPISC: VLADISLAVIENSIS. iterum.

Plurimis iam negotijs & difficultatibus ac omnium rerum penuria exercitus Cropidlonis animus, ab alta sublimitate affectatae sedis Metropolitanæ fulmine Regalis iræ deiectus, non amplius ausus est, ad negatum semel fastigium tantæ Celsitatis aspirare, æquum sibi felicitatis statuens modum, si ad Vladislauien. Ecclesiam, secundo iam, postquam ipsa exciderat, translatione Nicolai Kurowski, ad Archiepiscopatum vacantem pateret suspiranti regressus. Laborabat hac in re Bonifacius Nonus, Apostolico fretus iure, sed frustra, renitente Vladislao Rege, & hominem Regno suo infensum, moribusq; ac vita non satis laudabilem dignitate hac dedignante, hinc factum est, ut biennio sedes Vladislauien. vacauerit, dum neque summus Pontifex vellet alium surrogare, neq; Vladislaus Rex frequentibus monitis ac literis Apostolicis interpellatus quidquam de concepto in Cropidlonem odio remittere, donec tandem diuturna indignatione obfirmatum Vladislai Regis animum, demissæ Bernardi & Boleslai Ducum Opolensium preces expugnarunt, Anno 1404. sicq; Rege Bonifacio Nono voluntatem declarante, de Camenensi Ecclesia ad Vladislauien. Ecclesiam restitutus est. Eodem anno in solennitate Pentecostes in

Nn 3

Oppido



Oppido Raciāz Episcopi Vladislau. habitus est Conuētus Generalis ad tractandum cum Magistro Prussiæ & Ordine Crucigerorū de recuperatione ab ijs terrarū Dobrynen-



& Samogitiæ, in quo his tandem conditionibus pax constituta fuit, vt Vladislaus Rex Poloniæ & Alexander Vitoudus Magnus Dux Lituaniæ Magistro & Ordini Teutonic

tonico Samogitia cederent, atq; omni iuri quod in eam haberent tabulis publicis renuntiaret, datis in eam rem filiis Samogitarū obsidibus. Rex verò Poloniæ Quadraginta, siue vt Cromerus quinquaginta millibus Dobrynensē terram à Duce Opoliensū obligatā redimeret. Graues primum visę sunt conditiones istę Polonis, cum prudenter timerēt ne belli causa redempta ad ceteras Regni partes occupādas, hostis fieret animosior, vt qui magna contētione Regno toti occupando multo ante inhiaret, tamen dulcis pacis amor faciliē postea in se vota pertraxit, cōsultationis in qua placuit, vt vniuersa Nobilitas Polona subsidium pecuniarium, in singula iugera laneos vocari Polonis vitatum, grossis duodecim impositis, conferret, ad liberandam hypotheca terram Dobrynensem ab Ordine Teutonico; cuius exactionis summa ad centum millia marcarum ascendit. Dum hæc ita in noua Corczyn geruntur, Commendatores Prussiæ iniuria læsi, Terras Masouiæ Ianuszin Ducis populantur, de cuius iniuria questus Vladislaus Rex, præter suam hæc accidisse scientiam respondit. Anno verò sequenti 1405. cum ad firmandas pacis conditiones publicis monumentis conuenissent in Oppidum Gniewkow vtriusq; partis Consiliarii, ab Ordinis Teutonici nuntiis depromptæ sunt literæ Casimiri secundi Poloniæ Regis, Anno Domini, 1343. die S. Kiliani Calisij scriptæ, quibus iuri & titulo Terræ Pomeraniæ se renuntiare significabat, promittens se non amplius eo vsurum: immò ex titulis Regiæ Maiestatis erasurum: proinde pe-

cebant

tebant illi, vt iuxta Casimiri concordiam literæ publicæ ita monumentis consignarentur, vt nullum vestigium in sigillo Regio Ducis Pomeraniæ remaneret, quod cū negaret fieri posse nuntij Regis Poloniæ, re infecta discessu est.

Porro Ioannes Croidlo Episcopus Vladislauiensis nihilo serius mores mutauerat, ad Vladislauensem Ecclesiam maximis instantijs reuocatus, sed crapulæ & libidini, vt assueuerat indulgebat, nullam rationem habens admonitionum, quibus cum tum plerique viri pij, tum & Rex ipse Vladislaus à vitæ turpitudine dehortabantur. Alexandro Vitoudo Lituaniæ Magno Duci, cū primis ob vrbaneitatem, siue etiam minus festiuos quàm liberiores iocos charus fuit, cui propterea præter magnifica multa munera Castrum Mielnik, cum villis ad illud pertinentibus, supra Bug fluuium situm, vtendum toto vitæ curriculo largitus est, in quo frequentius solitus fuit Episcopus commorari. Hic in conuiuio opiparo, quo Sigismundum Romanorum & Bohemiæ Regem breui coronandum Imperatorem exceperat Vladislaus Rex, cū fecundis calicibus disertiores esse capissent, diemq; genialem varijs sermonibus iucundius serenassent, Sigismundo æquo maiores sibi laudes heroum arrogante, audaci licentia dixisse fertur: Sile, ô Rex, neq; te de felici Regni tui gubernatione extuleris, solus inter optimos Reges censeripotest Alexander Vitoudus, Magnus Lituaniæ Dux. Tu & Vladislaus Iagello minus apti Regno estis, unde si mihi diuinitus foret copia serendi Reges, nullos Sigismundos

*Solutum v.  
tum serendi  
Reges, qui  
a Deo videntur  
populis.*

gismundos aut Iagellones, plurimos autem Vitoudos fererem. Qua verò sermonis libertate fuit ea prætorium Vratislauiente ingressus, multa iecit in Senatum & viros Consulares illius ciuitatis conuicia, quibus irritati, Episcopum teneri fecerunt per apparitores. Quod, vt factū didicisset Venceslaus Vratislauien. Episcopus, reos quidē comprehensionis anathematis icit fulmine, Ciuitati verò toti sacris interdixit, in quibus templa & aræ à sexta Decembris anni 1411. vsq; ad feriam quartam maioris hebdomadæ vacabant. Tandē reconciliatio per arbitros ea conditione subsecuta est, vt Consulatus Vratislauien. perpetuis temporibus in Ecclesia maiori, candelā quatuor talentis ceræ grauem ante Sacrarium singulis diebus accendendam procuraret. Dicuntur captiuitatis ansam præbuisse germani Pontificis Boleslaus & Bernardus Opoliensium Duces, qui non multò ante currus aliquot mercibus onustos Ciuium Vratislauensium per violentiam abduxerant, cuius iniuriæ acerbam memoriam facile durioribus verbis in animis offensorum suscitauit Episcopus. Parum hic sacris Canonibus videtur detulisse, immò instituta SS. Patrū usq; deq; habuisse. Cū enim Alexander Vitoudus Magnus Lituaniæ Dux matrimoniū cum Iuliana Ducis Ioānis Koraczewski relicta, fuisset celebraturus, atq; ad eam solennitatē Principes, & illustres nobilitate viros plurimos inuitasset, ac Petrum Episcopū Vlnēsem, vt has nuptias cōfirmaret postulasset: enixius negauit ille factū affinitate intercedente; fuit enim prior Vitoudi



coniux Anna subsequenti Iulianæ germana matertera, cumq; nec precibus, nec minis de sententia sana pius vir & magnæ constantiæ Pontifex moueri posset, suscepit hanc prouinciam intrepidus Cripido, nihil de dispensatione sedis Apostolicæ sollicitus, Grodmq; sponsis contrahentibus Dominico die festum S. Helisabethæ præcedente solenniter adstitit. Vindex bonorum Ecclesiæ videtur fuisse non ignauus. Iudices enim Commissarios à sede Apostolica obtinuit ad decidendam litem in causa decimarum de Lubiszew, Richocin, Rownino, Komorowo, quorum sententia Episcopo Vladislau. sunt attributa, Ioanni Commendatori de Lubiszew, questione proprietatis reservata. Idem coram Iudicio sedis Apostolicæ Commissarijs delegato litem mouit Clementi de Moschkorzewo Castellano Vislicien. & Petro Kmitæ de Sliwniki Palatino Sendomirien. occupatoribus Volboriæ, & villarum annexarum. Tamen ab altera parte minus æquum se præbuit eorundem bonorum patronum, dum facultates Ecclesiæ & redditus, suis commodis & vsibus successorum, quæ sanguinis non autem Ecclesiæ applicaret. Extruxit insigne Castrum in parte Orientali Oppidi Opole, cocto latere, sumptibus Episcopatus Vladislauien. & sexaginta marcas census perpetui emit pro incolis Opoliensibus, in subsidium eorum, qui ædes sibi vellent muro fabricari. Per id verò tempus quo sibi litigium de sede Metropolitana intercessit, emerat in Ciuitate Vratislauienti domum insignem lapideam aliquot domunculis hinc inde stipata

tam pro-

itam prope Ecclesiam D. Matthæo sacram, pro fratrum & Nepotum vsibus, ea cōditione adiecta, vt nepotum stirpe in prosapia Ducum Opoliensium deficiente illorum edium dominium ad Archiepiscopum & Ecclesiam Gnesnen. deuolueretur. In hoc maximam commendationis laudem tulit, quod egregiè sponsam suam Vladislauensem Ecclesiam præsentia senatus sacri frequenti stiparit præbendis inter Prælatos & Canonicos ita exæquatis, vt singulis Prælati 20. Præposito soli triginta, Canonicis viri- tim quindecim marcæ grossorum Pragensium cederent, siue ad Ecclesiā residerēt, siue non. In studijs verò alicuius Vniuersitatis morati de licetia, Episcopi duplū perciperēt sibi debitæ portionis. Reditus verò singulorum beneficiorum ultra summam in prædictas personas partiendā excrecentes reseruarentur, & in residentes penes Ecclesiam duntaxat distribuerentur, sub modo, forma, & moderatione quam tradunt sanctiones. Ordinatio hæc facta est, anno Domini, 1410. ipso die SS. Apostolorum Philippi & Iacobi, quæ hætenus vsitato sacramento firmata Prælatorum & Canonicorum viget in obseruantia magno bono & ornamento Vladislauensis Cathedralis. Optatam interea tandem lucem & tranquillitatis serenitatem post tetras schismaticum nebulas Vniuersalis Ecclesia suspexit, Anno Domini 1414. per indictum Constantiense Concilium, à Ioanne XXIII. è qua singularis splendor in ornamentum Polonici nominis emicuit, dum à Patribus S. Concilij plurima tulisset suffragia Archiepiscopus Gneznen. Nicolaus

00 2

de domo

de domo Tubarum, inter candidatos orbis totius Cathedrae praesidendum, quae ille Ottoni de Columna Cardinali Diacono detulit amore pacis Ecclesiae, qui Martinus quintus nuncupatus est. Abdicauerat se in eo Concilio summi Pontificatus dignitate Ioannes XXIII. quod idem fecerat Gregorius XII. & Benedictus seruato iuris processu ab ipsis Patribus depositus est, in eorumque locum verus & indubitatus Pontifex Patrum calculis Martinus quintus auctus Archiepiscopi Gneznenis suffragio creatus est. Concilio huic interfuerant de Polonis Episcopis, Nicolaus Gnesnensis Archiepiscopus de domo Tubarum, Ioannes Vladislauensis. Iacobus Plocensis, Lassianus Electus Posnanienis, quibus Legatos de Tuliszkowo Castellatum Calissensem, Zawisium Nigrum de Grabow Equites Polonos Rex Vladislaus adiunxerat. Hi inter alia negotia urgebant in Ioannem Falkenbergium. Ord: Predicatorum Conuentus Camenen. Diaconum, seuerè animaduerti pro eo, quod spe lucri à Cruciferis obtinendi ductus libellum famosum, plenum contumelijs in Vladislaum Jagellonem & Polonos sparsisset, quem cum articulis erroneis, seditiosis, & aurium piarum offensiuis farciuisset, Concilium merita seueritate damnauit. Cum is publice legeretur coram Patribus indoluit sacra Synodus Regem clarissimum inter Christianos, & Religionis Orthodoxae propugnatorem feruentissimum, & gentem quae esset propugnaculum Orbis Christiani, tam impia temeritate proscissam, atque auctorem libelli perpetuo carceri mancipauit.

pauit. Cuius decreti executioni, quamuis inter alios antea Cardinales Martinus quintus subscripsisset, Papa tamen factus, auctoritatem opposuit, quare nimium Legati Regis Poloniae offensi, ad futurum Concilium, quod ad Papiam fuit post decennium indictum appellarunt. Falkenbergius verò elapsus ad Magistrum Ordinis Teutonici Paulum de Ruschdorff, Torunio Magdeburgum contendit, praemium sui famosi laboris, quod satis opimum spe deuorauerat, percepturus. Cum verò ingrati animi testificationem non nisi quatuor marcas Polonicas ei Magister obtulisset, adiiciens, sibi & Ordini suo nihil ab illo conscriptam Satyram commodi praestitisse; tum ille in furorem actus grauissimis insectari maledictis & probris exagitare Magistrum cepit, disiecta sub oculis ipsius pecunia, quem aquis suffocare animo destinarat Magister, nisi à praesenti morte beneficio Torunensium ereptus in Conuentum Camenensem profugisset, ubi multa plura & acerbiora scommata in Teutonicum Ordinem iecit & scriptis vulgauit.

Reduces à Concilio quod quadriennio continuatum est Nicolaum Gnesn. Archiepiscopum, Ioannem Vladislauensem, Iacobum Plonensem, Lassianum Posnaniensem Episcopos purpureo habitu nitentes, galeris tantum nigris, à S. R. Ecclesiae purpuratis Patribus distinctos, solenni honoris pompa excepit Rex. Tertio post anno auctum honoribus Cropidlonem mors exuijs mortalitatis spoliauit, anno Domini 1421. feria secunda post Dominicam



minicam Lætare, qui vbi exitum vitæ sibi imminere cognouisset, retroactæ vitæ delicta, & vitia summo animi dolore auersatus, largo imbri lachrymarum eluit, perq; vberas scelerum deplorationes ad securum tranquillitatis portum feliciter enare visus, æterni præcipitij discrimen in Oppidi Opoliensis Cœnobio Fratrum Prædicatorum in medio templi conditus est. Quo tempore Martinus quintus vniuersam regebat Ecclesiâ, Sigismundo imperium occidentis, Orientis Andronico tertio gubernante.

*Vladslauiam Cropido suam, gaudete sodales  
Rursus adit, gaude ludere docta phalanx.  
Ferte rosas, resonate lyra, date lilia Baccho  
Aula licet, raucis murmuret aura tubis.  
Afl ubi terribilis tremulâ tuba clangit aure  
Pastor ades: lacrymis immaduere gena.  
Nil nisi flere libet, timido nec parcior imber  
Lumine, quàm vernâ de niue manat aqua.  
Sic aquila implumes flunio corroborat artus:  
Sed latice hoc melius casta iuuenta redit.*

IOANNES

IOANNES II. PELLA DICTVS, EPISC:  
VLADISLAVIEN: XXVIII.



N Vntijs frequentibus de obitu Ioannis Cropidionis facti certiores Prælati & Canonici Vladslauiensis, vacanti Ecclesiæ quantocius de legitimo Pastore prouidere solliciti, indixerunt electioni diem; quæ ad normam & præscriptum sacrorum Canonum celebrata, Ioan-

ta, Ioannem Pella de Niewiesz, virum Nobilitate gentis Perſtryneæ ſeu Wieniauiorum illuſtrem, Patre Alberto Tribuno Syradienſi, matre Margareta ortum, Præpoſitum Cruſuicienſem Vladislauienſem & Sendomiriienſem Canonicum, votis concordibus Regiæ ſuffragationis ratione habita, in faſtigium dignitatis Pontificalis euexerunt; virum conſilio grauem, iudicio maturum, prudentia circumſpectum, ad maximæ ardua negotia idoneum, quibuiſuis in Repub. obeundis laboribus, parem, in componendis difficultatibus felici dexteritate promptum, & expeditū, ingenio acré, animo cōſtantē, probitate conſpicuum. Non nihil Electi confirmationem retardauit apud ſedem Apoſtolicam Pauli Ruſdorſij Magiſtri Pruſſiæ ambicioſa temeritas, qui ius patronatus Eccleſiæ Vladislauienſis, eo quòd terram Pomeraniæ occupaffet, prætendebat: cuius prætextus initio quidem magis aures beneuolas Martini V. habuit, quàm Regis Vladislai pro Ioanne Pella inſtantia, ita vt Iacobum Floriani Episcopum Plocenſem de armis quæ Sirocomlia dicuntur, ad Eccleſiam Vladislauienſem ſummus Pōtifex tranſtulerit. Ioanni verò Pella de Plocenſi prouiderit, tamen cum hanc Episcopatum diſtributionem non iuxta animi ſentētiam videret ſuccedere, tanta indignatione percitus eſt Rex Vladislauſ, vt & Iacobum Plocenſi mouere ſede cogitarit, niſi tranſlationis ſuæ preſentationem iuramento purgaſſet, & nouam expeditionem in Magiſtrum & Ordinem apparare in animum induxerit, quibus malis, quò magis tempe-

giſ tempeſtiuè obuiam iret ſummus Pontifex, eò maturius electionem Ioannis Pellæ confirmauit, Anno Domini, 1421.

Subierat animum Regis Vladislai inconſulta cupiditas illa tempeſtate, vt ſiſcum augere de bonis Eccleſiaſticis corrogatione cogitaret, quam in rem Martini V. conſenſum obtinuit, itaque Anno 1422. cū Vielunij ageret Dominica Palmarum, cum Nicolao Archiepiſcopo Gneſnen. & Andrea Laſciario Poſnanien. Episcopos, cæpit expoſtulare de ſumma quinque millium florenorum ſibi ſedis Apoſtolicæ indulgentiâ, à Clero Vniuerſo Poloniæ exigi permiſſorum; poſteaquam verò rem ad Episcopos Metropolitanos retuliſſet, vnanimi omnium conſtantia reſponſum obtinuit: neutiquam Clerum determinationi Papæ obtemperaturum: tum quòd graue pati tali exactione diſpendium neceſſe foret Eccleſiâ, tum quòd timendum eſſet, ne in exemplum pro Regis arbitrio factum poſthac traheretur, magna miniſtrorum Eccleſiæ iactura & oppreſſione, ſitisque accumulandi opes per neſas auaritię excreſceret, tum maximè quòd mandatis Apoſtolicis conditio fuiſſet appoſita, ſi Rex Vladislauſ expeditionem in Bohemos hæreticos, aut Schiſmaticos moueret, qua non ſubſecuta, ſe ad obediendum reſcripto non teneri. Durius accepit primū reſponſionem Rex, tamen cū infracto animo videret voluntati ſuæ Pontifices obluſtari, ab incæpto deſtitit.

Tunc verò ſalubrius illud conſilium iniit, quod ad



componendam cum Magistro & Ordine Teutonico pacem, arbitrio se Antonij Zenonis Apostolici nuntij permisit, qui cum in Oppido Solec, locum vtriusque partis legatis ad certum diem designasset, multum operæ posuit, ut mutua inter Magistrum Prusiæ, & Regem Poloniæ amicitia coalesceret; Legati nomine Regis erant tum Iacobus Plocen. & Ioannes Pella Vladislauiensis Episcopi, Sbigneus de Olefnica Præpositus ad S. Florianum, Mathias de Łabiszyn Bresten. & Ianusius de Koscielec Vladislauien Palatini. Cùmque ad perpetuo robore firmanda pacta monumentum literis consignatum esset, partibus approbantibus perlectum, ecce dolosam fraudis machinationem specie religionis Cruciferi obuoluunt; dùm ad di concordia descriptæ postulant, ut eius non diuturnior stabilitas sit, quàm Imperatori aut summo Pontifici visum fuerit. Deprehenderant dolum à Sigismundo Romano Imperatore Crucigeris insinuatum Poloni tali euenturum: Ferebat literas à Sigismundo in Prusiam ad Magistrum per Poloniam Rusticanus vir amictui mendico insutas; ut facilius arcani nescijs imponeret, is in Oppido Konin cùm in morbum incidisset, ipsius vi confectus antequam animam ageret, rogabat ut suæ vestes Torunium ad Commendatorem deferrentur, cuius petitionis cùm finem nemo curiosius obseruaret, pro paruoque duceretur, vtrum inter egenos illæ distribuerentur, aut Torunium deportarentur, Guero vestigalis Coninensis Quæstor, inusitatâ extremæ voluntatis significationem admiratus; ad Sbigneum

igneum de Olefnica Secretarium detulit, hic celerrimè misit, qui partitas in pauperes medici vestes studiosa diligentia conquirerent: quibus excussis inuentæ sunt literæ Sigismundi vilibus insertæ pannis, in quibus Sigismundus Imperator omnes copias Polonorum in Bohemiam cum Duce Sigismundo Coributh contendisse significabat, hortabaturque Cruciferos, ut opportunitate vterentur; interpositoque ad tempus atque arbitrium Papæ, aut Imperatoris fadere, Polonos improviso adorirentur. Hanc edocti fraudem Polonorum Legati astu Crucigerorum velatam, Antonio Zenoni Nuntio Apostolico reuelant, & nullatenus se accepturos conditionem testificantur. Ibi tum Ioannes Pella Vladislauiensis Episcopus iusta extimulatus ira, ut erat animi excelsi, dixisse fertur: Veniet tempus illud quo Commendatores in penetralia se Castrorum abdent, feruente belli æstu, milites & ciues, ipsorumque coniuges & filia, poenas spratæ pacis iusto Dei iudicio tot iniurias vlciscente dabunt, quin & hoc calore iracundia prouectus adiecit: Nec verò pudet vos veteratoria calliditate fucum candori Regis nostri obducere, & tot ludibrijs pacis studia à nobis quæsitâ laceßere, atque cùm iam toties foederum ictorum fidem fregeritis, quid etiam nunc religionis & obedientia prætextu nos fraudibus inuoluere; frustra tamen Deo vestras machinationes nostræ integritati manifestante molimini. Hem literas astuum vestrorum testes, (publicè Sigismundi Epistolam ad Paulam Rudorschium. Ordinis Magistrum scriptam extulit)

legitote. Itaque vtrique irritatis animis pace infecta, discessum est.

Hic Episcopus in ornamentum Vladislauien. Ecclesiæ, ut alacrius frequentior numerus Prælatorum & Canoniorum ad residendum inuitaretur, stipendio copiosiore Præpositura S. Michaelis in Arce Cracouiensi à prima sui Episcopatus fundatione, ad mensam Episcopi spectante, celsit Capitulo & perpetuis temporibus mensæ Capitulari applicuit, auctoritate Commissoriali sedis Apostolicæ id ipsum Nicolao Archiepiscopo Gnesnen. approbante & confirmante, anno Domini, 1419. in euentu autem, quo ab immisione Capituli in actualement possessionem prædicti beneficii supersederet, Episcopus idem Commissarius decreuit, ut Volboria cum toto suo districtu Capitulo maneret obstricta.

Eiusdem Pontificatu Vladislaus Rex Poloniæ aream vnam ante Ciuitatem Solec propè Fordan ad Istulam, prædificanda Curia, domibus & granarijs Episcopo & Ecclesiæ Vladislauien. perpetuò possidendam in Brodnia Dominica Palmarum, anno 1424. largitus est. Posteaquam annis sex & mensibus quinq; Ecclesiam gubernasset, Paralyfræfectus, vitam cum morte commutauit, Anno Domini, 1427. die 24. Aprilis feria secunda Paschæ Vladislauia, ibidemq; in medio Ecclesiæ ante altare Sanctissimæ Trinitatis sub tabula ænea humatus 25. Aprilis, vnde perspicuum est, antiquos illos Episcopos nihil de exquisita funeris pompa fuisse sollicitos. Martinus V. tunc Orbis

Orbis Pontificatum gessit. Sigismundus Occidenti, Orienti Ioannes Palæologus imperabat, tumulus in ærea tabula talem præfert inscriptionem:

Anno Domini, 1427. obiit Reuerendus in Christo Pater & Dominus Ioannes Pella Dei & Apostolica sedis gratia Episcopus Ecclesiæ Vladislauien. cuius anima in pace requiescat. Oretis Deum Omnipotentem pro anima eiusdem omnes pertranscentes.

*Pontificis quanquam summi diuersa voluntas  
Rege tamen Mistræ Pella volente subit.  
Consilio prudens, & ad alta negotia natus,  
Feruēt in augenda religione pius.  
Ægra licet morbus fecit resoluta tepere  
Membra, cor haud potuit, debilitare tepor.*

IOANNES III. SZAFRANIEC DICTVS,  
EPISCOPVS VLADISLAVI. XXIX.

**A** Polecti Vladislauensis Ecclesiæ sacro aduentati Paraclyto die, viduatæ Basilicæ ab eo petituri solatium frequentes conueniunt, pridie Calend. Iunij, Anno Domini, 1427. Ioannemque Szafranccium Decanum Cracouiens. Regni Poloniæ Cancellarium, Vladislao Rege promouente, via inspirationis Antistitem postulant, magis quàm eligunt, cum nullo beneficio antea in Vladislauensi fuisset præditus Ecclesiæ. Cui cum nullus intercederet Candidatus, facilè Rege Vladislao apud sedem Apostolicam, per Petrum de Lamburga, Decretorum Licentiatum, Archidiaconum Cracouiensem, Collectorem



Camera Apostolica instante, confirmationem & confirmationem obtinuit. Nobilis hic de Palatinatu Cracouien. gentis antiqui Equi stemma præferentis fuit. *Pauca*



Petro Szafraniec de Luczyce, Subdapifero Cracouien. Matre Kochna ortus. Vir candidi ingenij, literis mediocriter excultus, lingua balbus, ad subleuandam inopum fortunam

fortunam liberali dextera promptus, vitæ continentis & probatæ. Anno auspiciatum ingressam in Episcopatum Vladislauien. Safranecij sequente, videlicet, 1428. Vladislaus sagello, vt nouæ Ciuitatis Niessewienlis decus ampliaret, Collegiatam Ecclesiam Crusuien. Episcopo cōsentiente, auctis munificentia Regali redditibus, ad ædes S. Mariæ Nieszeuiam transtulit, quo in loco vix triennio constitit sacrilegis Cruciferorum incendijs desolata. Hæc illa nunquam satis deplorata tempora extiterunt, quibus Poloni domibus eiekti, illisque in fauillas redactis, turmatim per agros à recenti fumantes conflagratione lugubribus, cælum sedem Supremi iniuriarum vindicis, mugitibus impleuerunt. Funestam calamitatem fuso prosequitur stylo cum luctuosa comploratione oculatus illorum temporum testis Dlugossus. Porro quamuis antea iusto Numine scelera Polonorum vlciscente, magnam cladem à Tartaris tota Polonia quaqua versum vastata ferro, & flammis acceperit; tamen grauissima hæc omnium merito dici potest calamitas, quam non Pagani veri Numinis ignari, sed Christianæ fidei propugnatores sacræ Crucis Triarii, Matris Misericordiæ, vt dici volebant serui, nullo aut imbellis sexus, aut imbellicis ætatis, aut debilis conditionis, aut venerandæ pietatis, aut sacrosanctæ religionis respectu; ab immanitate reuocati, crudeliter intulerunt, ita vt ab hinc nomen Cruciferorum inter Polonos crudelissimum habitum fuerit, in tantum vt etiam nunc super funesta Ciuitatum busta, ad memoriâ Ordinis Teutonic

tonici Crucigerorum aures incolarum inhorrescant. Rem paucis perstringo, videatur historiae series latius apud Dlugossum Tomo 3. Anno Domini, 1431. Paulus de Ruschdorff, Magister Prussiae, cum Commendatoribus suis, adscitis Magistri Livoniae copijs, & non parvus exercitus mercenarij manu, postridie festi Assumptionis B. MARIÆ Virginis, Poloniam hostiliter inuasit, terras Cuiauiensem & Dobrynensem nemine vires superiori potentiæ opponere audēte. Tunc in Nieszewiam igne sauitū est, eò quidē atrocius, quòd nouisteētis & domibus, lapideis & ligneis affabrè factis, primis sui exortus auspicijs splendori Torunensium æmula fore timeretur. Ciuitatem Vladislauien. & eius Basilicam Gloriosissimæ Virgini Deiparæ consecratam, calicibus, libris, auro, argento, sacris apparatus, vestibus, ornamentis, & rei Diuinæ seruiente supellectili spoliata, igne subiecto vastant, Prælatorum & Canonorum Curias expilatas, & ciuium domos solo æquant, castrumq; demoliuntur, ac ne quid tardare videretur sauitia hostilis, præmia ijs, qui Castra, Ciuitates, Oppida & Pagos exurerent proposuit: utque de ærario exutor villæ vnam marcam, Oppidi tres haberet, edixit; atque hæc assignati stipendij cupiditas flammam in totam Cuiauiam & Dobrynensem terram tantam accendit, ita ut intra breue tempus, singula Oppida, villæ & Curia miserrimo incolarum spectaculo conflagraret. Auctor tanti mali fuit Nicolaus Tunugralius de Sikow, districtus Costen. de armis Wesele scacali tabula notis, cui tum

cui tum totius Cuiauiæ custodia demandata erat, hic Castrum & Ciuitatem luniuladislauensem Cruciferis prodidit. Vnde illi fortissimo collocati præsidio, faciliè in omnes partes Poloniae populabundi excurrerant, tanta potentia & celeritate, ut breui summa rerum in Polonia fuissent potiti, nisi Regis inuitatione, & probrosæ proditionis amnistia promissa illectus proditor, fraudem fraude hostibus rependisset, exercitumq; Crucifericum in discrimen adduxisset. Magnam illis temporibus subierant calamitatē Calissiensis, Vielunensis, Lanciciensis, Syradiensis Terræ, dum hostes atrocissimi omnia humana diuināq; tecta sacrilego miscebant incendio, bellumq; nefarium non cum hominibus duntaxat, sed cum Deo ipso religio ligessere milites. Extremam tamen cladem Dobrynensis & Cuiauiensis accepit regio, cineribus & fauillis sepulta ita miserè, ut maximus Nobilium fuerit ad Regem Vladislauum concursus, lacrymosa comploratione subueniri calamitatibus suis esflagitantium. Cum verò nec fiscus, nec bona regalia sufficerent miseriæ subleuandæ afflictorū, ad Ecclesiarum Cathedraliū Gnesnensem & Posnanensem bona, atq; Abbatiarum earundē Dioceseon, vertit manus Rex, villisq; earundē uti permisit, complures dum suas reficerent, nihil tamen simile fieri permisit in Cracouiensi Basilica vigilantissimus Antistes Sbigneus, qui etiam grauissima oratione Vladislauum reprehendit, eiq; desolationem terrarum quasi ipsius inuitatione, sollicitatione, & dissimulatione contigisset, exprobrauit. Indoluerant tanta

Inhuman.  
honoru eadē  
defensor.



clade à Cruciferis afflictà Polonia, Bohemi quàmuis hæretici insignesq; Legatos, nisi quòd Viclefistarum erroribus inuolutos ad Vladislauum expediunt, qui auxilia contra violatores fidei Crucigeros nomine sui Regis pollicerentur. Grata hæc Regi ac Proceribus fuit Legatio, omniaq; humanitatis atq; beneuolentiæ signa legatis exhibitæ sunt; vt quantumuis à sede Apostolica pro hæreticis vitandis essent denunciati, nihilominus & communione fidelium quibusdam viderentur non arcendi. Itaque habitis in eam rem Alberti Iastrzebecij Archiepiscopi Gnesnensis, Ioannis Szafranecij Vladislauien. Stanislai Ciolek Posnanien. Ioannis Chelmen. Episcoporum literis, non paruum itineris iam partem honorifice à Ioanne Manzik de Dąbrowa, & Petro Korczbork deducti confecerant; dum verò Cracouiam ingrediuntur, Sbigneus quàm primum (aberat enim tunc à Cathedra) ad Prælatos & Clerum vniuersum Cracouiensem literas dirigit, quibus sacris toti Ciuitati ob aduentum Bohemorum interdicti Offensus hac censura Vladislai animus, primum quidem in Sbigneum exstitit acerbior, postea tamen decidendum Vniuersitati Cracouiensi commisit, rectenè an secus sacrorum vsus inhibitus aduentu Legatorum ex Bohemia? Qua in re magnum celsi animi robur, & non vulgare argumentum Alma Cracouiensis Vniuersitas exhibuit, dum Regi fundatori suo, maximis deuincta beneficijs, & Bohemiæ ex qua Coloniam deduxit ante vnum & triginta annos, etiam qui istinc venerant Magistris superstitibus

obstricta,

obstricta, id quod ex æquo & SS. Canonū præscripto erat, pro veritate post habitam disceptationem inter Doctores à se deputatos, & Ioanem Szafranecium Vladislau. Ioannē Chelmensem Magistrum in Theologia, ac Vladislauum de Oporow Decretorum Doctorem, Regni Poloniæ Vicecancellariū conclusit, omnino fuisse Legatos Bohemorum tãquam pro hæreticis denunciatos à sede Apostolica vitandos, & quod inde secutum recte ipsorum aduentu diuinæ officia tota Cracouiensi Ciuitate siluisse iussu Pontificis.

Quantum Vladislauienſi Capitulo addictus fuerit hic Antistes, inde manifestum est, quòd altero ab ingressu Episcopatus anno, 1428. Idibus Martij, pro communi mensa, seu quotidianis distributionibus, inter præsentis Prælatos & Canonicos centum Sexagenas Polonicas, in decimis antiquæ Ciuitatis Radzieiouiensis, & Bronislaw, nec non pensiones frumentarias, vulgo Małdratas in Lubanie donauerit, ea conditione, vt singulis anni quadrantibus officium defunctorum cum Missa celebraretur. Coràm eodem Pontifice ipsius, vt videtur cōsilio & persuasione Nicolaus de Lubanie Præpositus Vladislauienſis, omne ius suum ad villas Smolski, Karsko, Popowice, Kucierz, Pokłękowo, Biskupice, Płowno, Cieślino & Sierkowo, quæ ad se ratione Præposituræ pertinebant, in Decanum, Prælatos, & Canonicos transtulit. Porro Decanus cum Capitulo eidem in Lubanie ius contulerunt, quam diu dignitatem Præpositi retineret, cedente autem vel decedente Capitulo eandem addixerunt, Anno 1433. 18. Mar-

tij. Hoc ipso anno Vladislaus Rex Poloniae Statutum de executione contra excommunicatos firmissimè obseruandum ab omnibus Capitaneis, Iudicibus, & Officialibus Regni tulit, ut dum & quoties aliquis indigena cuiuscunque status & conditionis propter raptum decimarum vel aliarum rerum Ecclesiasticarum, aut ratione excessuum & criminum quorumcunque siue etiam ob contumaciam de non parendo iuri, & Mandatis sanctę Matris sententia excommunicationis iusta fuerit innodatus, ipsamque ultra annum pertinaciter sustinendo non curauerit, ad gremium S. Matris Ecclesię redire, ac debitam emendationem exhibere, anno elapso omnia bona sua mobilia & immobilia, per locorum Capitaneos recipiantur, quousque per eosdem excommunicatos, vel per Capitaneos de huiusmodi bonis damna & interesse læsis, vel iniuriam passis plenarie exoluantur; quod si Capitanei & alij officiales requisiti per personas Ecclesiasticas in executione premissorum essent negligentes aut tardi, per Lociordarios decreuit eos anathematis gladio feriendos. Cracouię in festo Purificationis Beatę Virginis MARIÆ, Anno Domini, 1433.

Magnam præter sollicitudinem Ecclesię præsetulit in publicis Reipub. negotijs Petrus Safranecius diligetiam, quandoquidem nulla extiteret Comititia, aut de pace cum Crucigeris tractatio, cui non interfuerit. Aderat Conuentus in Iedlna habito, in quo Vladislaus Rex Priuilegia Ordinum Regni confirmauit, & onus Stationum ab Ec-

clesijs

clesijs, Monasterijs, & Ecclesiasticis personis quibuscunque, magno abusu & graui Patrimonij Christi dispendio introductum, amouit. Præstò fuit consultationi habitę Parczouię, in qua de Rege Vladislao ex carcere à Suidrigellone liberando agebatur. Obijt Legationem cum Sbingneo Cracouiensi Episcopo, & Sanduogio de Ostrorog Posnaniensi, & Ioanne de Liczyn Bresten. Palatinis, ad eundem in hacce causā. Comitijs Vartenlibus magna frequentia, quamuis inter multa peste sublatorum funera celebratis, die S. Nicolai decretam, in quibus hoc etiā fuit ordinatum, voluntate Procerum vnanimi, ut legatos ipsos exercitus Polonicus subsequeretur, ita ut octauo post Epiphaniam die in Kijany Oppido supra fluuium Wieprz consisteret in armis, atque sic ubi Suidrigellus ad arma in Polonia conclamatum esse didicisset, liberum prouectę ætatis fratrem Regem Polonorum Vladislaum, cum illis qui se comitabantur esse iussit, quem ideo carceri incluserat, ut facilius summa rerum apud Polonos potiretur detento Rege, cuius ipse beneficio Magnum Lituanie Ducatum obitu Alexandri Vituodi vacantem fuerat consecutus.

Cum verò Legati Concilij Basiliensis ad pacem cum Crucigeris componendam sollicitarent Polonos, Rex feriam quintam ante Pentecostem, prope Raciązium in Slusko ad tractandum de pace constituit, hisque arbitris: Alberto Iastrzembiec Archiepiscopo Gnesnensi, Ioanni Szafranec Vladislauiensi, Vladislao de Oporow Cracouiensi

Qq 7



uensi Decano, Regni Poloniae Vicecancellario, Sandi-  
uogio de Oltorog Posnaniensi, Iarando Vladislauensi,  
Ioanni de Liczyn Brestensi Palatinis, componendam con-  
trouersiam dedit. Legati tamen Cruciferorum, termino  
in Decimum quintum diem, à Legatis Concilij proroga-  
to non comparuerunt, ita tum re infecta, laude ob stu-  
dium pacis à Legatis Concilij relata discesserunt. ex qui-  
bus legationibus facile conijci potest, Senatorem fuisse  
Patriæ amantissimum, boniq; communis studiosissimum  
Ioannem Szafrancium.

Quantus vindex bonorum Ecclesiæ fuerit, inde liquet:  
Cruciferi foedus initum cum Polonis foedè violarant, &  
crudeliter flammis ac cædibus terras Regni Poloniae, vt  
declaratum est, deuastarant anno 1431. tum prosperis elati  
Crucigerorū successibus ciues Gedanenses, Curia Episco-  
palem muro fabricatam in monte Ciuitati imminenti si-  
tam, in qua Officialis Pomeraniæ solitus fuerat reside-  
re, & quæ pro asylo fuit, iniquitate potentiorum op-  
pressis, demoliti sunt, & solo æquarunt. Egit causam  
iniuriæ illatæ Ecclesiæ in Romana Curia Ioannes Sza-  
franiec, aliquot millibus florenorum in litem impen-  
sis, eamque ita lucratus est: vt in persolutione aliquot  
millium Episcopo, & in ædificatione nouæ Curia fue-  
rint Ciues condemnati, ac nisi decreto sedis Apostolicæ,  
intra certum tempus parerent, anathematis censura à  
confortio fidelis populi ipso facto segregati, & ab aris di-  
uinisq; Officijs exclusi sunt.

Sex annis

Sex annis præfuit Vladislauensis Ecclesiæ; cū illum  
pestis, quæ Anno Dñi. Millesimo, quadringentesimo tri-  
gesimo tertio, per Vniuersam Poloniā virolā contagio-  
ne grassabatur, versantem in Regis Curia, ad Reipublicæ  
consilia sustinenda; erat enim Regni Cancellarius in Vil-  
la Brodnia, mille passibus ab Oppido Varteni distante,  
è numero viuorum sustulit vigesima octaua Mensis Iulij,  
magno in animis Clèri populiq; Pontificis vigilantissimi  
& Senatoris prudentissimi relicto desiderio. Non incautū  
tamē mors inuasit, namq; religiosè sacramentis munitus  
obiit neq; merito quis de intempestiue mortis acerbitate  
queri posset; siquidē aſos vitæ septuaginta circiter exégerat,  
corpus suum vt viuens mandauerat, Cracouiam de-  
latum est, & in Capella sancto Stephano dicata, suis & Pe-  
tri Szafraniec germani de Pieszkowa Skálá Palatini Cra-  
couiensis sumptibus exædificata & dotata, iusto honore  
terre mandatum est, comploratibus amicis. Mitram Phry-  
gianam eleganti opera elaboratam, auro gemmis & pre-  
tiosis lapidibus diuitem dederat Ecclesiæ, hanc tamen  
à morte eius Petrus Szafraniec de Pieszkowa Skálá nepos  
Succamerarius Cracouiensis sustulit. nunc nulla prorsus  
tanti Viri in Basilica Vladislauensi extat memoria. Inci-  
dit mors illius in tempora Eugenij Quarti Summi Ponti-  
ficis. Imperatoris in Occidente Sigismundi, in Oriente  
Ioannis Palæologi.

Vite

## Vna Episcoporum

*Urbe Craci venit Praesul Safrancus, honoris  
 Antiquus stadium quam bene currit equus!  
 Urget Maiorum virtus hunc conscia laudis,  
 Figit & in Patria pectore calcar amor.  
 Perge viam sonipes tanto sessor beatus,  
 Quam non annosa deterat hora mora.  
 Lingua cui quamuis verbo non prompta, sed implet  
 Hoc decus in miseros officiosa manus.  
 Largus egenorum tutor, castusq; sacerdos  
 Floruit insigni laude pudicitia.  
 Pegase cede polo, quo dignior iste caballus,  
 Non pascis potas, hic at utrumq; facit.*

VLADISLAVS OPOROWSKI EPISCO-  
PVS VLADISLAVIEN: XXX.

**P**Lurimum auctoritas imperiosa Vladislai Regis apud  
 Senatum Vladislaviensem valuit, ut pote eius, qui  
 nullum iam Antistitem, nisi ex animi sui sententia, siue  
 electum, siue postulatum passurum se consistere suâ Ca-  
 thedra maximis Episcoporum difficultatibus ostenderat.  
 Itaq; Comitibus ad eligendum novum Praesulem indictis,  
 ubi in frequenti numero Praelati & Canonici convenis-  
 sent, religiosum nescio an periculosum duxerunt non re-  
 fragari, suffragio Regis persuasionibus Vladislai de Opo-  
 row Decretorum Doctoris Decani Cracoviensis, Praepo-  
 siti Lanciciensis, Canonici Vladislaviensis, Regni Polo-  
 niæ Procancellarij electionem urgentis. Electus est ne-  
 mine obnitente, ac per Eugenium Papam Quartum, An-  
 no Domini, 1434. Nicolao Lasocki Regis Oratore in-  
 stantel

## Vladislaviensium.

stante, de Ecclesia Vladislaviensi prouisus, 19. Septembris  
 Dominico die in Lancicien. Coenobio Ordinis Prædica-  
 torum, ab Alberto Iastrzembiec Archiepiscopo Gnesnen-  
 si, Sbigneo Cracouien. & Ioanne Chelmenfi Episcopis



assistentibus, munus consecrationis obtinuit; cum ex  
 Conuentu Raciazj ad pacem cum Cruciferis componen-  
 dam habito reuerteretur. Vladislaus tum Rex (cum Anno  
 eodem posteaquam filium suum Vladislaum primogeni-



tum per Albertum Iastrzembecium Archiepiscopum Gnesnen. regijs insignibus exornari & iungi in festo S. Iacobi procurasset, cui solennitati etiam Vladislaus Electus Vladislauensis Antistes interfuit) anno insequenti rigorem frigoris pro paruo ducens, feria sexta festum S. Adalberti sequente, consuetudini quam in tota vita retinebat, à prima inter gentiles educatione sibi usitatam indulgens, ad audiendum lusciniae cantum in siluas perrexit, cuius voce cum maiorem noctis partem aures oblectasset, frigoris asperitas interiora penetrauit, exiguo calore naturali fota extrinsecus ipsius debilitatem quaesito pelliũ subsidio non corroborante. In omni enim vita sua nobilioribus pellibus martijs vulpinisq; abstinuit, agnellinis contentus; hinc orta febris debilitari cepit, eaque inualecente sacramentis ritè munitus extremum vitae diem clausit, vltima die Maij feria secunda, hora noctis tertia.

Optabilem videtur tribuisse opportunitatem pij Regis mors, nefarijs complurium Equestri Ordinis contra Ecclesiam conatibus, eorum praesertim quibus Vladislaum filium Jagellonis Regem creatum esse displicebat. Hi concitato in animis Nobilium plebisq; aduersus sacerdotes odio, exactionem decimarum & subiectionem censuris Ecclesiae speciem seruitutis ingenuis molestissimam, liberata autem Poloniae maximè inimicam vocabant: solliciti Pastores vt conuerterent corda filiorum ad Patres, maximè in eam rem incumbente Alberto Iastrzembecio Archiepiscopo Gnesnen. Regni Poloniae primo Principe, Conuentum

Conuentum fieri curarunt Vartae, pro die S. Nicolai; frustra tamen secularibus Proceribus illi adesse detrectantibus, simili aliquoties euentu pluribus in locis conuocato nihil opis, ad sanandos exulceratos maleuolentia animos attulerunt; immò & Concilium Basiliense, quam in complanandis Ordinum Regni Poloniae dissensionibus operam adhibuit, perdidit; cum hinc inconditis clamoribus se vnà cum colonis valdè aggrauari Nobilitas obstreperet, inde autem vt debebant sacrorum Antistites, omnia se ex legis diuinæ & humanae praescripto agere, nihilq; alieni iuris usurpare, suas immunitates & libertates Ecclesiae ac Privilegia Regum & Principum benignitate concessa, se constantissimè propugnatos asseuerarent. Iamq; multi abusi eo tempore, quo nondum Rex ephēbos excesserat, pleraq; Ecclesiarum bona usurpabant, & in sacra inuolantes iura, suis ea vlibus & arbitrio subigebant violenter, donec ipsa diuini Numinis ultio, in auctores dissidiorum & odij contra spirituales sauiens; dum plures eorum inopinata & dira morte sustulit, tantis malis dedit remedium, & tranquillitatem Ecclesiae restituit, ceteris aliorum discrimine perterritis, & ad iustum S. Matris Ecclesiae officium reuocatis.

Fuit Vladislaus Oporowski de terra Lancicien. nobilis prosapiae Sulimeus gente, Patre Nicolao Palatino Lancicien. & matre Cristina ortus, vir statura mediocri, capillo subnigro, magnam partem capite caluo, voce rauca, ira praecipiti, in rebus agendis & dicenda sententia

prudens & circumspectus, in ditandos & magistratibus ornandos opibus Ecclesiæ consanguineos impendio propensus. Germanos habuit Stephanum, Bogusium, Petrum, Nicolaum, & Ioannem; inter quos plura beneuolentiæ Petro signa exhibuit, cuius domi familiarius agere consueuerat, in Curia Oporouensi, vbi etiam latere cõcto arcem exædificauit, in qua & vitam cum morte commutauit, thesaurosq; & pretiosam supellectilem eidem Petro Vexillifero Lancicien. testamento adscripsit. Oppidò ad rem attentus visus est, dum paucis familiaribus contentus vixit, tamen eius rei potior causa, quod quieti & otio consueuisset, à strepitu Politicorum, Oeconomorum, & forensiū negotiorum nimium abhorrens, quo factū est, vt causam lucrifactā in Curia Romana cum Gedanensibus, pro demolitiōe Curie Episcopalis, in quā aliquot millia florenorum, magno cum labore & sollicitudine prædecessor suus impenderat, facile redimi passus fuerit, quamuis ex publicis monumentis Regni ostendi potest, amore boni communis, cum Magistro Prusiae & Gedanensibus transegisse. Exstat in Codice iuris Regni Poloniae, inter Vladislaum Regem Poloniae, & Magistrum Paulum de Rusdorff concordia, in qua prospicitur, vt omnia bona Ecclesiarum, Gnesnen. Vladislauiens. Plocen. & Posnaniensis Prælatorum, Abbatum, Monasteriorum, Conuentuum, & aliarum quarumcunq; personarum, secularium, & Religiosarum, quæ sunt in terris ordinis prædicti constituta, circa iura omnia, tam Ecclesiastica, quam secularia,

cularia, & omnes aliquas consuetudines, quæstus, decimas, Castra, villas, prædia, Curias, & alias utilitates, emolumenta & prouentus, quibuscunq; nominibus nuncupentur, conseruentur: & vt bona & decimæ Vladislai Episcopi Vladislauiensis, quomodocunq; occupata & intercepta restituantur, & Ordinis inibi dominiū pertineat.

In eadem concordia causa Ecclesiæ Vladislauiens. & ipsius Episcopi super demolitione domus Episcopalis ante Oppidum Gdansk præteritis bellis per Oppidanos Gedanenses attentata, quæ in Curia Romana, & in Constantiensi ac Basiliensi Concilijs, per annos plurimos pendebat indecisa, de consensu partium, & Venerabilis Capituli Vladislauiens. sopita est, ita vt Magister & Ordo pro Oppidanis Gedanensibus Vladislao Episcopo, Vladislaui. mille ducentos florenos Vngaricales, boni & iusti ponderis, & vnum stamen Bruslien. boni operis solueret, Episcopus verò Vladislauiensis & Capitulum Oppidanos Gedanenses & Ordinem à prosecutione causæ.

Nullum hic Episcopus liberalitatis arrhabonē in ornamentū suæ sponsæ & nominis memoriā cernitur in Ecclesia Vladislauiensi reliquisse, immò & vetustæ pietatis prædecessorū suorum monumentū demolitus est, cū antiquā Basilicam Vladislau. in qua nonnullorum Principum Poloniae, & Vladislauiensium Episcoporum humata erant corpora, complanauit è regione arcis ad ripam Istulæ muro fabricatam, cū ruinam violentia præterlabentis fluminis minitantem videret, veritus ne quid inde arx detrimen-



ri subiret, circa quam demolitionem fama eum thesauri inuenti insimulauerat. Hic cum annos sedecim & menses octo Ecclesiæ Vladislauen. præfuisset, Dominico diem festum Natalis Beatæ MARIÆ Virginis sequente (cū Gnesnensis Ecclesiæ senatus Sbigneum Cardinalem Episcopum Cracouiensem postulasset, ille autem se contentum declarasset Cathedra Cracoui. atq; inde in varias partes scinderentur suffragia, quibusdam Vladislaum Episcopum Vladislauensem postulantibus, alijs Ioannem Gruszczyński Custodem Cracouiensem, alijs Nicolaum Chebdæ Præpositum Crusucien. alijs Thomam Strzepinski Gnesn. & Cracoui. Canonicum elegantibus) ubi Gruszczyński iuri suo cessit, facillè reliquorum suffragijs postulatus est, & in regimen Metropolitanæ Ecclesiæ Vincentio Kot successit, translatus per Nicolaum Papam V. Anno Domini, 1449. die decima sexta mensis Iulij, cū Spoleti Summus Pontifex ageret, quam cum quatuor annis & dimidio gubernasset. Anno Domini, 1454. Paralyti obiit Oporouij ibidemque in Ecclesia Fratrum Eremitarum S. Pauli primi Eremitæ, quibus in eam curam animarum & regimen temporalium, perpetuâ fundatione & dote prouisis, viuens commiserat conditus quiescit.

*Fecit Oporouio iuris prudentia nomen,  
Abstulit tamen hic lite, quietis amans.  
Æquat humo templi sublimia tecta priora,  
Quaritur inque suo machina prisca loco.*

*Quamlibet*

*Quamlibet augendam fuerit nec promptior ad rem,  
Non tamen omnimò paria tenere piger.  
Sic nomen volucris referens, illustre parentum  
Gemmata frustra haud stemmate condit opes.*

NICOLAUS II. LASOCKI EPISCOPVS  
VLADISLAVIEN: XXXI.

**Q**uidquid laudis à virtute, doctrina, moribus, dexterritate, prudentia, & forma honorato viro potest proficisci, totum in præconia Nicolai Lasocki Decani Cracou. Dlugossius ita congescit, vt tantum huic vni tribuerit, quantum non putauit omnibus Vladislau. Episcopis quorum vitas conscripsit, aut verius catalogum ex suis annalibus excerpserit, tribuendum, verba illius subiicio:  
*Vir insignis & Nobilis, & Patre Michaele tenues opes habente, & matre Grzymisława de domo & familia Dolega ortus, statura iusta, & capillo glauco, specie & vultu decorus, humanus, civilis, benignus, liberalis, & omnium quicunq; aliqua virtute pollebant amator, rara prudentia & industria homo, festiuitatis quoque singularis, ob quam Vladislao Polonia & Vngaria Regi, & vniuersis Vngaria Proceribus & Satrapis charus, vniuersas res, publicas, & priuatas Regis, & Regni Vngaria in se unum transtulit, in maxima quoque parte & res Regni Polonia administrabat. Quem si fata diutius viuere permisissent, absq; dubio non solum Ecclesiam Vladislauen. cui præerat, sed & vniuersum Regnum Polonia splendore singulari per suas virtutes decorasset. Sed fortè Polonica regio parum digna fuit, qua tam beato & celebri viro frueretur.*  
Hactenus Dlugossius. Romæ agebat interea cū translato Vladislao Oporowski ad sedem Metropolitanam, Vladislauensis Ecclesiæ vacaret, cū verò tantam sui æstimationem apud Nicolaum Papam V. & vniuersum Collegiū Cardina-

Cardinalium meruisset, ut motu proprio summus Pontifex Principum Ecclesiæ purpuratorum cætui aggregandi animo destinasset, primum ei Vladislauien. Ecclesiæ gu-



bernandam commisit, Episcopumq; renuntiavit, Anno Domini 1449. XVI. Calend. Sextil. Casimirus Poloniæ Rex qui Vladislao patri successit, ægrè tulit primum La-  
socioj

locij promotionem, cum ipse Ioannem Gruszcynski Custodem Cracouien. & Canonicum Gnesnen. Secretarium suum Regium cuperet hac dignitate exornatum. Quamobrem miserat in Urbem Petrum Pniewski Canonicum Gnesnen. qui suæ voluntatis destinationem ratam fieri, à sede Apostolica obtineret; postquam verò summus Pontifex nolle irritam suam promotionem declarasset, Casimirus Rex aditu eum bonorum Vladislauienfis Ecclesiæ prohibuit; in Pomerania verò Magistro Prusig & Cruciferis mandatis Apostolicis obtemperantibus per procuratorem admissus est. Casimirus iterum Oratores Creslaum de Kurozwanki Castellatum Lublinensem, & Thomam de Strzambo Theologiæ & decretorum Doctorem Canonicum Cracouiensem Romam expedit, ut Vladislauienfi Pontificatu moueretur Laſocki supplicaturos Nicolao V. sed frustra fatigati nuntij, non optatum Regi à sede Romana responsum attulerunt. Vniuersi autem Regni Proceres, cum tanti viri promotionem haberent gratissimam, & reditum ipsius in patriam, (quam ab illo studiosissimè coli & amari non obscurè perspiciebant) vehementissimè desiderarent, perfecerunt; ut Sophia Regina mater Casimiri offensum Regis animum placaret, & Nicolaum Laſocki Episcopum Vladislauiensem in gratiâ Regiam reponeret, quem odio deposito Rex suis literis magno cum honore & gloria ad reditum in Patriam inuitauit. Reuersurus cum galero Cardinalitio sibi à Nicolao V. destinato, Epidemiæ morbo infectus est Romæ; vnde  
S f cum



cum recuperandæ sanitatis causa in villam quæ Plebs Tur-  
ni dicitur, propè Camerinum migrasset, ægritudine ni-  
hil remittente, immò in dies inualescente, diem clausit  
extremum, cui ad Cathedralem Ecclesiam Camerinum de-  
lato, iustus honor sepulturæ persolutus est, Anno Domi-  
ni, 1450. die XIV. Decembris.

*Nicolae Tibi, frustra quicund, sub Arcto  
Quassisset rarâ dexteritate parem.  
Orbe tulit patulo pulchra virtutis bonorem,  
Doctrinæq, decus, fama per ora, tua.  
Dum tibi purpureum destinat Roma Galerum,  
Texis, ab interea, te inuida parca solo.*

IOANNES IV. GRVSCZYNSKI EPISC:  
VLADISLAVIEN: XXXII.

**R**ebus humanis exempto Nicolao Lasocki, Nicolaus  
Papa V. Fabriani moratus, per Ioannem Lutecum  
de Brzezic vtriusque Iuris Doctorem, Archidiaconum  
Gnesnen. qui tunc agebat in Italia, Casimiri Regis  
nomine rogatus, Ioannem Gruczyński de Ianowice Cur-  
stodem Cracouien. Canonicum Gnesnensem in regimen  
Ecclesiæ Vladislavien. sufficit, Anno Domini, 1450. virum  
capillo nigro, statura procera, facie liberali, genere no-  
bili, stirpe Rosarum, ex Patre Ioanne Vexillifero Syra-  
dien. & Matre Margarita de Narámicæ ortum.

Hic curulem Magistratum in Repub. adeptus, omnes  
cogitationes suas in emolumentum & ornamentum Pa-  
triæ boni communis studiosissimus Senator conuertit.  
Vnde

Vnde cum Terræ Pomeraniæ, Culmensis, Michalouien-  
sis, & Prussiæ in ditionem Casimiri Regis desertis, Magi-  
stro & Ordine Cruciferorum venisset, & ob id atrox bel-  
lum inter Regem & Ordinem in annos XIV. fuisset pro-



tractum, magna cura & studio pro terris recens deditis cō-  
tra Cruciferos & eorum copias, non parcendo sumptibus  
& laboribus, immò vitam ipsam exponendo varijs discri-  
minibus, animosam defensionem suorum fratrum, fami-

liariumq; agminibus stipatus, & mercenaria militum manu cinctus opponebat: talium meritorum ratione habita Casimirus Rex, anno Dñi. 1455. Cancellariū Regni Polonię à morte Ioānis de Koniecpole creauit. Quam dignitatem cū adeptus fuisset, eo maiore studio Patrię commoda obire contendit, ita vt nunquam publicis deesset Conuentibus, in quibus de Reipub. incolumitate consilia inirentur.

Anno autem Domini, 1456. Cū Rex Petricouia in Lituaniā perrexisset, suāsu Procerum Cracouiā diuertit, ibiq; Ioannem Vladislauien. Episcopum maioris Polonię gubernatorem esse iussit, cura negotiorum Prusię, cæterarumq; publicarum rerum partium illarum ipsi demandata. Eodē aŕo Comitia in Colensi oppido pro die SS. Simonis & Iudę habita sunt, vbi Ioanni Episcopo Vladislauien. gubernatori solutio stipendiorum exercitui de pecunia contributa Procerum voluntate commissā est. Hic Pontifex trabeam pretiosā, pluuiā vocant, serici rubei villosi auro intexti in fimbrijs, & corollario margaritis nitentem Ecclesię Vladislauien. donauit, & Propylę Basilicę latere cœcto adstruxit.

Idem pro scultetia in Lang quā emerat Ioannes Chebda de Niewiesz Decanus Vladislauien. ad effectum Annuiersarij officij pro anima sua decāandi commutatione Capitulo Vladislau. Decimas, de villis Ośiecz & Szczecino contulit, Scultetiam verò mensę Episcopali applicuit, 9. Ianuarij, 1455.

Mouerat

Mouerat Rex Casimirus Tertius expeditionem in Crutigeros, in qua magnam frumenti vim ex agris Cuiauentibus raptam, in castra quasi ibi hybernaturi essent milites, conuexerunt; quam deinde motis castris incenderunt. In eo itinere non paruum dispendium bonorum suorum pertulit Vladislau. Ecclesiā. Rex Breste præcesserat, quocū Proceres Poloni ad eum conuenissent, flagitantibus stipendium militibus, inita ratio est parandę pecunię, neq; honesta, neq; utilis, sacra Ecclesiarum vasa ac donaria conflandi Archiepiscopo Gnesnen. Vladislauien. Posnaniensiq; Episcopis assentientibus, quod, cū in tribus Diocesisbus quarum Episcopi consenserant factum esset, sex millia duntaxat florenorum redacta sunt.

Anno Domini, 1456. Iacobus de Sienna Apostolicus Prothonotarius, Gnesnen. & Cracouiē. Ecclesiarum Præpositus, à Rege Casimiro Mantuam missus orator est, ad præstandam supremo Antistiti Pio II. qui antea dicebatur Aeneas Syluius, obedientiam. Accepit idem in mandatis à Rege, vt ad cautelam contra Ciuitates Prusię excommunicationē per Calixtum Papam fulminatam, tolli postulare; quas hic Papa in obedientia Magistri & Ordinis omnino continere satagebat, sub interminatione anathematis singulis ab Ordine Teutonico desciscientibus: tum & illud, vt quā maximo studio & curā laboraret apud sedem Apostolicā, vt Ordo Cruciferorum penitus de Prussia tolleretur, ne in Reges Catholicos bello nefario seuirent, ac transferretur ad Insulam Tenedo dī-

sf 3

Grant.



etiam contra Barbaros Turcasque potius, quam Christianos bello lacefferent: qua in re feruentissime omnium Regum & Principum studia, Iacobo suffragabantur, Papa verbotenus benevolentiam & amicitiam erga Polonorum Regem Casimirum præferebat, re autem ipsa partium Ordinis Teutonici fuit studiosior, unde oratio quæ est in Conuentu Mantuensi habita, præfente Polonorum Legato, ab Oratore Cruciferorum in Casimirum Regem, in qua hic insimulabatur quasi Prusiam contra ius fasque omne in præiudicium sedis Apostolicæ, & Ecclesiæ ac Imperij Romani maximo Crucigerorum detrimento eriperet, à plerisque ipsis summo Pontifici, ut erat in Alemanos propensissimus tribuebatur, immò, non obscurum propensæ voluntatis in Cruciferos edidit argumentum: quando, primo quidem Legationis puncto clementer annuit, alterum autem quamuis plurimi legatorum maximas instantias interposuissent, obstinatè reiecit, quæ omnia, uti erant datis ad Regem literis Iacobus Sieniensi perscripsit. Decretum verò fuit in eodem Mantuensi Conuentu, ne quis impunè ad futurum Concilium auderet prouocare.

Duodecim annos & sex menses præfuerat Vladislauensis Ecclesiæ Ioannes Grusczynski, cum mors Thomæ Strzepinski Episcopi Cracouiensis magnam prensandi Cathedram altiore in animo ipsius ambitionis flammam accenderat. Quamuis porrò prospecturi de bono Pastore Ecclesiæ Prælati & Canonici Cracouiensis publicas supplica-

tiones

tiones, obsecrationes & ieiunia indixissent vniuersæ Diocesi: nuntios autem Paulum Glouicium Decanum & Ioannem Tarnowski Canonicum Cracouia in Lituaniam ad Regem Casimirum direxissent, qui Regiam Maiestatem orarent, ne sua gratia intercederet electioni, sed prouisionem noui Antistitis summi Numinis arbitrio permetteret: tamen Rex Albertum Zychlinski Præpositum Calisiensem, & Stanislaum Wislicki Gladiferum Cracouiensem nuntios ad Comitata Electionis expediuit, qui ipsius nomine rogarent Prælatos & Canonicos, ut regimen Ecclesiæ Cracouiensis Ioanni Grusczynski Vladislauensi Episcopo concordibus votis deferrent. At illi festo Conceptionis B. MARIÆ. V. conclaue ingressi, Ioannem Lutecum de Brzezic I. V. D. Archidiaconum Gnesnensem, Canonicum Cracouiensem Regni Poloniae Procancellarium, XXII. suffragiis elegerunt, posthabita conscientie & legum sacramentum libertati, voluntate & auctoritate Regia, in postulationem verò Ioannis Grusczynski tres duntaxat præfentes, tres absentes tulerunt sententiam.

Electionem hanc non multo temporis intervallo Conuentus Petricouiensis est secutus, die S. Nicolai habitus, in quo cum Ioannes Grusczynski Episcopus Vladislauensis Regni Cancellarius, cum Ioanne Luteco de Brzezic Vicecancellario altercaretur de Cracouiensi Episcopatu; tandem Ioannes de Brzezic suorum persuasionibus exiliū, & bonorum occupationem proponentium, nisi electioni renuntiaret animo infractus spe Vladislauensis Episcopatus à

tus à

tus à consiliarijs Regijs accepta, iure suo Ioanni Gruszcynio celsit haud inuitus. Iam rebus ita constitutis, spe deuorauerat Cracouiensem Cathedram Gruszcynius, ecce tibi ex insperato Romæ prouisus nouus Præsul adest, Iacobus Sieniensi, filius Dobessai de Olesznica Palatini Sandomirien. Prothonotarius Apostolicus, Gnesnensis & Cracouiens. Præpositus, Sbignei Cardinalis Episcopi Cracoui. patrueis, de armis Dębno, cui Thomas Strzepinski antequam obiisset Episcopatu cesserat, atq; in hanc rem constitutis procuratoribus negotiū dederat, cui etiam ob præclaras dotes & merita Sbigneus ipse cedendum cogitabat, nisi mors propositum intercepisset. Hunc Pius II. Papa de plenitudine potestatis in die S. Chrisogoni XV. diebus Electionem anticipando, & omnia ex ea secutura rescindendo promouit. Infremuit ea promotione Rex Casimirus, atq; omnem lapidem mouit, vt aditu sedis Pontificiæ Iacobum prohiberet; vt Cromerus libro 24. Qui sine sua auctoritate Episcopus esse vellet in suo Regno, petentemq; per amicos & propinquos magnos & nobiles viros non modo recipere verum etiam proscribere, una cum fautoribus & receptatoribus eius, adorsus est. Episcopo Vladislauensi & Ioanne Brzezio incitantibus. Nec deerat sibi Sienneni, nam & initiatus est sacris Episcopalibus, à Gnesnen. Cracouiens. & Vratislauen. Suffraganeis, quos vocant. Episcopis in arie paterna Pinczouren, & à Pontifice acerrimum & pænale, vt vocant, mandatum, quo diuis denonebantur, y, qui cum pro Episcopo Cracouiensi non agnoscerent, impetrauit; verum ab eo mandato uniuersum ferè Collegium Cracouiensis Basilica Regio iussu & minis inductum, ad Pontificem ipsum, siue ad futurum Vniuersale Concilium promouit: sacris tamen pleriq; omnes Canonici abstinere, pauci quidam

ex eo

ex eo Collegio, & omnino ex ordine Ecclesiastico, Pontificiam quam Regiam auctoritatem antiquiorem ducentes cum Iacobo senserunt, inter quos primarij fuere Demetrius Senneni, Iacobi frater Scarbimirien. Præpositus, Utugoski fratres duo, Verslaus Crizanoui & Nicolaus Canonici Cracouiens. quibus sacerdotiorum reditus, à Nicolao Pieniazko Succamerario & Præfecto Cracouiens. Regis mandato adempti sunt, itemq; Pauli Glouini Decani, qui negotia Senneny Romæ gerebat. & Hi & item Georgius de Franciscano Sodalitio Suffraganeus Cracouiens, qui Senneniū consecratur Cracouia abesse iussit; Crizanouiū verò domo ab apparitoribus præfecti extractus, & per mediam Urbem foras aductus est, eo vestitu quo Canonici in templo vtuntur, nēpe veste linea latiore, & pallio cum cucullo ex pellibus murium Ponticorum indutus. Quare magnam in se populi spectantis commiserationem, gemituq; de acerbitate Regis commouit. Idem tribus alijs inferioris Ordinis sacerdotibus accidit cultui Dinino vacantibus. Reliquum Collegium iurando à Rege ipso adactum, ne quem iniussu suo ad possessionem bonorum Episcopaliū admitteret, quorum tamen bona pars cum à Pieniazko Præfecto Cracouiensi, & alijs quibusdam, tum a necessariis Vladislauensis Episcopi, Regio vel iussu, vel permissu occupata tenebantur. Utugoski domus Cracouia à Stanislao & Dobessao Curosuancijs Episcopi Vladislauens. postea facti propinquis Rege inspectante & approbante recepta. Nec modò fieri talia Rex permittebat, sed iubebat.

Cum verò pleriq; viri religiosi Calimirum admonerēt, ne tantis calamitatibus Cracouiensem Ecclesiam onerari, neuē occupatione fructuum ac reddituum, ædium Canonicaliū euersione, sacerdotum violentā per plateas cum graui dedecore ac ignominia expulsionē, vexari pateretur, omnem culpam in Gruszcyniū Vladislau. referebat, qui ea omnia fieri curaret, seignaro vel parum conscio; cum autem & Ioannes Episcopus Vladislauensis ab ali-

Tt

quibus



quibus factorum argueretur, omnium eorum auctorem Ioannem Lutecum Vicecancellarium infimulabat. Memoriae prodidit Dlugossus, eo ipso tempore, quo Iacobus Obulez de Gory Subpincerna Cracouiensis gente Odro- uanzius, decimas ac reliquos sacerdotiorum prouentus usurparet, & pro libidine in usus proprios distraheret, feria IV. die S. Bartholomæo dicata, Proszeuicijs & alijs pluribus in locis sole vergente ad occasum, imaginem Crucifixi rubram primùm, deinde pallidam, ad extremum nigram cum gladio exerto in nubibus apparuisse, & plures duabus horis visionem durasse. Quin caput D. Stanislai aliquoties per id tempus sudare visum, quod dum in supplicatione à Ioanne Archidiacono Administratore Episcopatus circumlatum abstergeretur, vberioribus manabat guttis, quibus prodigijs afflictationem grauent Cracouiensis Ecclesiæ portendi ominabantur plerique Deum timentes viri.

Miserat Rex rogatu & sumptu Gruscinij ad Pontificem Oratores, Ioannem Rituianum Marschalcum Regni, Capitaneum Sendomiriensem, & Matthiam Raciāzium Iuris consultum Vladislauensem Canonicum, qui Siennenijs conatus impedirent, ac de grauib; quidem eum criminibus accusabant, Regi Ecclesiastico, ac Equestri Ordini inuisum suadebāt, seditiosi tumultus reum agebāt, quod vi Thomam Episcopum ad concedendum sibi Episcopatum adegisset, in eumq; per nefas inuolasset; in qua inuastione propinquus ipsius Andreas Tencinius, magnus vir &

vir & facile Princeps Senatus Polonici Cracouiensis concursu interfectus esset, quin literas Sennenij Mantua cum legatione Regio nomine fungeretur ad Regem scriptas, quibus inculabat is Pontificem, quasi plus æquo faueret Cruciferis producebant, & ampla Pontifici munera Regis nomine pollicebantur, Friderici Imperatoris, & Georgij Bohemorum Regis commendatitias literas attulerunt, nihil tamen aliud à Pontifice impetrarunt, quàm vt is Hieronymo Cretenſi Archiepiscopo legato suo causam cognoscendam delegaret, atq; interim Siennenio Episcopo administratione interdiceret. Itaq; egit diligenter Cretenſis cum Rege pro Sennenio, asseuerans Episcopatum semel à sede Apostolica ipsi collatum, inuito adimi in re non posse; verùm Rege asseuerante malle se Regno excidere, quàm illum pati esse Episcopum: Legatoq; vicissim vociferante, præstare vt tria Regna pereant, quàm ius & auctoritas Ecclesiæ perturbetur: re infecta & irritatis animis discessum est. Ac Sennenius quidem quamuis in Comitijs anni subsequenti Petricouia habitis, ad genua Regis clementiam ipsius implorans accidisset, & omnia tentasset, nihil impertrauit, affirmante Rege, regnum se prius amissurum, quàm illum, aut quenquam omnino in Regno suo se inuito Episcopum esse passurum. Itaq; postquam Grusczynius de Cracouiensi Episcopatu plusquàm quadriennium dirè & acerbè contendisset, tandem votis potitus est, cedente Sennenio pertinaciæ Regis, propter compassionem, ne viri Ecclesiastici secum sententies vl-

*Belua non  
Christiani  
hominis  
vox.*

terioribus iniurijs paterent. Concessit itaq; Episcopatum Gruszcynio, acceptis ab eo quater mille florenorum, quos liti expensos ferebat, & nonnulla parte bonorum Episcoporum duobus annis ac dimidio ex quo lis erat orta præterlapsis. Quo facto ijs quoq; sacerdotibus, qui cum eo fœnerant, sacerdotiorum suorum fructus restituti sunt. Ita rebus pacatis Casimirus novos nuntios Romam expedit, supplicaturos summo Antistiti, ut Gruszcynio in Cracouiensem Ecclesiam translato (iam Procuratores qui suo nomine illi renuntiaret Siennenius constituerat) Ioanni de Brzezic Regni Procancellario de Vladislauienti prouideret. Ita contendente Casimiro compotes votorum suorum facti duo qui prensabant, tertio vero & legitimo Pontifice excluso, Anno Domini, 1463. feria secunda Iunii, Ioannes Gruszcynski translatus est Cracouiam. Quot & quantorū malorū origo exstiterit horum Pontificū præfatio, graphice describit Cromer. l. 25. verba eius subiicio: Horum trium ambitio & Pontificiam auctoritatem in Polonia debilitauit, & electioni libera vim attulit, ita ut ex eo tempore sublata, umbra modò eius quadam penes sacra Collegia remaneat, non sine grandi non modò Ecclesiastica auctoritatis, verumetiam religionis & Reipub. iactura. Etenim donec libera sacerdotum electioni in creando Episcopo locus fuit, fuit tamen aliquot bonorum & malorum dignorum indignorumq; discrimen, cum sacerdotes sumptis reuerenter tremendis Christi mysterijs, iurati de futuro Episcopo ferrent suffragia, virtute, doctrina, & pietate, tunc ambiebatur plusquam fautoribus, aut necessariorum precibus, aut mulierum blanditijs atq; lacrymis, aut splendore comitatus, aut apparatu conuiuiorum & comotationibus, aut commendatione generis & familiae, aut assensu one & sacerdoti indecoris ministerijs, aut etiam

aut etiam largitione. Vigebat igitur disciplina Ecclesiastica: minus sibi permittebant ij, qui Episcop. fieri cupiebant; serutebant fama & exstimationi, & non modò reprehensionem collegarum, sed etiam sinistram cuiusvis suspitionem cauebant. Episcopi verò facti, nihilominus pro fratribus ducebant collegas ante suos, in consilium eos de rebus maioribus adhibebant plurimumq; reuerentur, & officium suum naïter faciebant, memores quod solenni & serio dato iuramento recepissent. Ad aulas Principum quoties veniebant (veniebant autem rarius, nec tam sua suorumue quàm publicè utilitatis gratia) de via ipsis decedebatur, assurgebatur, omnisq; honor habebatur, & quasi numinibus quibudam tantum non ad genua procumbebatur ab ipsis etiam Principibus. Porro in consilijs ac Repub. in iudicijs, in defendendis ac iudicandis bonis & hominibus Ecclesiasticis, pupillisq; & viduis, deniq; in admonendis & corrigendis non modò infimis & mediocribus, verumetiam primoribus, atq; ad eò Regibus ipsis, libera erant eorum voces & sententia, singularis dignitas, summa auctoritas. Non inhibebat vocem accepti beneficij memoria, non spes futuri. Non eleuabat auctoritatem ducentis, vel arguentis ambitio, & conscientia audientium: nec metus aut inscitia dignitatem deprimebat. Non erat necesse Episcopo & sacerdoti præforibus cubiculi Regij inter scurras & vilis ventris incipia assidere, nec sannas & scommata leuissimorum quorumq; perferre, non turper & indecorè adulari, & abblandiri, non modò elegantioribus istis cubiculi & mensa regia ministris, ut aliquam tamen vi vel ioco mentionem absentis apud Regem facerent, verum etiam satellitibus, ianitoribus, ne dicam etiam horum amicis & concubinis, matellionibus, morionibus, ac cetera faci aulicæ atq; ipsis deniq; catellis Principum. Itaq; florebat tunc Respublica, florebat religio, florebat ordo Ecclesiasticus, florebat schola & Academia Sacerdotum & Episcoporū Seminaria, splendebant templa Aula verò Principum horum præceptis & exemplis instituta. Urbanitatis, virtutis, fortitudinis, prudentia, modestia, & pudoris erant officina, non fastus, ignauia, ebrietatis, libidinum, temeritatis, impudentia, & omnis nequitia & impietatis



ganca ac barathra. Nunc sublata Electione hac & multa plura alia multa bonis illis successerunt, & in domos ac familias, atq; adeo in ipsa intima cubicula Episcoporum, ne dum in profanorum Principum aulas inuaserunt, simulq; dignitas sacerdotum, indecorè emerèdo & emèdo fauore est abiectionum viluit; labefactata est auctoritas: nutat, ne dicam ruit. Respub. religio prostrata penè concidit. Qua omnia Principes non tam Episcopis debent imputare & sacerdotibus, quàm sibi ipsis, qui nuncupandorum Episcoporum ius sacris collegijs ereptum sibi usurparunt. Nam ut nihil in perperam faciant, nihil affectioni cuiquam indulgeant; sed eadem illa omnia quaturati sacerdotes in Electionibus Episcoporum habere solent, ob oculos habeant, certè longè facilius unus aliquis, & is quidem alienis ferè oculus & auribus sentiens & iudicans errat & fallitur, quàm multi graues, acuti, & multarum rerum periti; & aliud is plerumq; spectat, quàm quod potissimum spectandum est, in deligendo Episcopo, & verò expeditius est unum, quàm multos corrumpere. Tamen si magna, me dicam precipua huius rei culpa est, penes Pontifices Maximos, mea quidem sententia, qui nisi electiones collegiorum primò labefactare aggressi essent, nunquam eò audacia Reges profecti fuissent.

Nec verò in Cathedra Cracouiensi inexplibilis Grusczynij sublimius ascendendi libido substitit; namq; cum in ea anno vno, & mensibus quatuor sedisset, ad Ecclesiam Metropolitanam Gnesnensem morte Ioannis Sprowski vacantem, adspirauit; nec irritò conatu, fauente Rege Casimiro, ad quam per Papam Paulum II. anno Dñi, 1464 die xix. Octobr. promotus est. Obscurauit tantæ sublimitatis splendorem turpi vita & infamibus flagitijs, in quibus tanquam in cæno cum grauissimis populi sibi commissi scandalis volutabatur; vanitatibus, ludis, crapulæ, libidini deditus in tantum, vt omnibus Ecclesijs quibus præfuit

præfuit, teterrimum post se factorem ignominie reliquerit, neque dignitatis amplitudine, neq; honesti respectu, neq; amore salutis, neq; timore gehennæ; neq; villo conscientie morsu, à patrandò scelere, quod effreni libuisset appetitui unquam coercitus: iustissimo tandem Dei iudicio, qui dum viueret obliuiscetur Dei, sui ipse immemor animam egit, postquam annis nouem, diebus minùs decem Metropolitanam gessisset dignitatem. Venerat à Rege inuitatus Cracouiam anno Dñi, 1478. viii. Octobr. Ibi paucos moratus dies, extremum in magna hilaritate cum consanguineis & necessarijs miserè transegit; cum enim in noctis horam tertiam comestationes produxisset, subito languore correptus, ac versus in amentiam salubria monita familiaribus, & sacras lectiones precesque super energumenos vsitatas, nec quidquam adhibentibus, nullis prouisus Sacramentis spiritum exhalauit, hospes in domo Abbatis Tinecensis. Rixa illicò inter germanos defuncti suborta est, Bartholomæum Calissiensẽ Castellanum, & Nicolaum Cosmider Pincernam Syradiensem, de oppido Kozmin & villis ad illud pertinentibus, quod Archiepiscopus grandi pecunia apud Hinczam de Rogow Castellanũ Sandomiriensem pro Bartholomæo fratre emerat. Nicolaus verò Cosmider, occupauerat equam de bonis ijs nõ minùs quàm de hereditarijs partem requirens. Funus Archiepiscopale prosequente extra ciuitatem Casimiro, præcedente Clero, paucis familiaribus comitantibus, Gnesnam delatum est; ibique Prælati & Canonicis dignantibus.

gnantibus obuiam procedere parum iusto honore sepultura traditum est. Altè fixum hæserat in ipsorum animis, tum vitæ turpiter actæ, neq; metania correctæ infamiam quòd multas & graues Gnesnensi Ecclesiæ, tam villarum quàm decimarum fecisset alienationes, administratore Vriele de Gorka Gnesnen. Canonico, & Regni Poloniæ Cancellario eiecto. Hic in villa Rogow dicta, Ecclesiam Parochialem sub titulo S. Stanislai erexit; eiq; de mensa Archiepiscopali decimam manipularem in villa Zakowska wola in dorem perpetuam donauit. Fratrum Minorum de Obseruantia Louicij Monasterium condidit. Decimas noualium de 40. laneis in bonis Pabianicensibus Capitulo Cracouien. largitus est. Ecclesiæ Sandomirien. S. Mariæ, decimas manipulares in Polnorow, Pozmorowsko, in Wola alias Koziakalen, In Kurowo, Kazulce, Dluge, in Dluzka wola, in Gutowo, Gutowska wola, in Czarna, perpetuis temporibus addixit: pro ea tamen re, flores 1500. à Capitulo Sandomirienli accepisse notatus est.

*Formoso Charites retulit Gruszcynius ore,  
Aurora florem disceret esse Paris.  
Aurora rosa flos; trahit hic de stirpe rosarum  
Flos decus, at Cypria flos sacer iste Dea.  
Seruit & hic Paphia, castis aconita propinans,  
Hæu quot ab hoc, vernans, toxica traxit, apia.  
Hunc sibi pulchra cupit ferri Proserpina munus,  
Hunc Dis in mediis, vellicat ipse iocis.  
O rosa quam fates! Erebus quum teter odore  
Stemmatibus obscurat candida signa tui.  
Immundis inuisa suo Rosa fragrat odore  
Vermibus: ast homines inquinat ista probos.*

IOAN-

IOANNES V. LVTECVS DICTVS EPI-  
SCOPVS VLADISLAVIEN: XXXIIL



**P**ostquam liberum aditum ad Episcopatum Cracou. Gruszcynianæ ambitioni renuntiatione prouisioni apud sedem Apostolicam per procuratores factam Iacobus Sienenski patefecit, eadem via facile abeunti

V u.

Craco-



Cracouiam Gruscynio in sedem Vladislauianam successit. Ioannes Lutek de Brzezic, I. V. D. Archidiaconus Gnesnensis, Scholasticus Vladislauien. Canonicus Cracouien. Regni Poloniae Procancellarius, per Pium Papam secundum ad instantiam Calimiri Regis, Anno Domini, 1463. feria secunda VIII. Iunii prouisus, & anni sequentis pridie Nonas Martij, quarta Dominica Quadragesimae in Ecclesia S. Mariae Lanciae per Andream Posnanensem Episcopum consecratus est. Vir iam tunc prouectus fuit etatis, quum regimen adiit Vladislauien. Diocesis, de domo & prosapia Doliuitarum, oriundus in villa Brzezic Palatinatus Calissiensis, Patre Luteco Iudice Calissien. & Matre Dorothea natus, statura fuit mediocri, facie oblonga, eaque ad mentum angustiore, oculis lippis & debilibus, quorum hebetudo caecitatem protendebat, nisi malo tempestiue cauterio in Italia agens occurrisset, in iram pronus, cuius tamen celeritatem, antequam Pontificatum fuisset adeptus, miti simulatione occulere nouerat, castitate & pudicitia insignis, in agendis rebustenax, cautus, prudens & cunctabundus, humanae laudis & aurae popularis appetentior, in conuiuia sumptuosus, munificus, & liberalis supra censum. Vnde cum Episcopatum Vladislauiensem a Ioanne Grusczynski exhaustum, de industria adisset, multum aeris alieni confluxit, quod ad supremum vitae finem dissoluere nequiuit. In concordia cum Cruciferis legatus ad Compromissarios in Praetorio Torunensi perficienda nondum Episcopus, multum operis posuit. Hic

Hic anno Domini, 1431. a Vladislao Iagellone, cum esset Actuarius S. R. M. missus ad Suidrigellum Ducem Lithuaniae, dum mandata Regis sui, magna constantia & animositate edisserit, atque liberius agit, quam Dux exilis iudicii aequum aestimaret, colaphum ab ipso in furias verso pertulit. Sublato è viuorum numero Rege Vladislao, auctoritate Senatus R. Poloniae legatione functus est ad Concilium Basilienfe, Gnesnen. tunc Canonicus, Stanislae Episcopo Posnanien. cum Decano Cracouienfi Nicolao Lasocki comes additus, quibus plena potestas data Legatos Regis & Regni representandi, & cura excusationis Episcoporum, quare non plures ad Concilium accessissent commissa, eo quod publicis consilijs circa incolumitatem Reipub. providendam sub calamitosum tempus Regni, Rege destituti, morte nupera Vladislai Iagellonis.

Sub idem tempus quo Ioannes Lutecus Episcopus Vladislauien. Romae renuntiatus est, offerebatur per summum Pontificem Iacobo Sienenski, qui se tunc Cracouienfi Ecclesia abdicauerat Plocensis Pontificatus, maluit tamen opprobrium deiectionis suae modestè sustinere, quam legitime electo Suborio impedimentum facessere in iure quaesito.

Cum Lutecus à renuntiatione Romana Episcopus Vladislauien. fuisset anno vno & mensibus quatuor, Ioannes Sprouski Archiepiscopus Gnesnen. scabie afflictus vitâ mortali, & Metropolitana dignitate cecidit, in quam Rege Casimiro promouente, atque ipsius sollicitatione postulantis

lantibus Prælati & Canonicis Gnesnen, Iacobus Gruszcynski Episcopus Cracouiensis successit, locumq; dedit Ioanni Luteco ad Ecclesiam, ad quam ante Gruscynium legitimè fuerat electus commigrandi. Ad hanc eodem Rege apud sedem Apostolicam instante per Pium Papam secundum, non refragante Prælatorum & Canonicorum Collegio, Anno Domini, 1464. XIX. Octobris translatus est. Antequam ad Cracouiensem Cathedralam se conferret, Brestia Cuiusmodi Paulum Grabowski Episcopum, ad Ecclesiam Culmensensem confirmatum, in Ecclesia Parochiali consecrauit. Nobilem de domo & Stirpe Polana, qui propter exiguos eiusdem Episcopatus redditus, Brestensem Parochiam ad mortem indulgente Pio secundo summo Pontifice tenuit. Prudentiam Ioannis Luteci testantur publicæ legum Polonicarum tabulæ, dum eius, ordinationem circa annum gratiæ de prouentibus Sacerdotiorum computandam inserta his verbis continent: **STATVTVM D. Ioannis Lutconis Episcopi Cracouiensis**, quod quilibet Prælatus, Canonicus, Altarista, Plebanus, Vicarius, & ex quocunq; titulo beneficiatus curatus, & non curatus, in vniuersa Diœcesi Cracouiensi. si moritur in primis tribus mensibus anni incipiendo à Circumcisione Domini, habeat quartam partem omnium introituum, iuxta verum valorem suorum beneficiorum, sed successori frumenta æstivalia relinquant ad seminandum prædium; si in tribus secundis mensibus, habet medietatem: si in tertijs tribus mensibus, habet tertiam partem de frumentis hyemalibus, ad quantita-

*In Laško  
fol. 88.  
In Herburi  
p. 16.*

*rem prædij non seminati successoris relictis, sed in residuis mensibus habet totum.*

Anno Domini, 1471. cum præsens esset Comitibus Cracouiæ nimia irâ & indignatione correptus, in apoplexiam incidit, & aliorum manibus elatus ex regia, vsu loquendi amisso, solo vñctionis extreme Sacramento munitus, cum ad cætera non esset idoneus, XXI. Maij, feria VI. in Curia Episcopali Cracou. diem obiit, cum annos sex, menses sex, dies XXI. Cracouiensi Ecclesiæ præfuisse, ære alieno fuit obnoxius, aded vt sumptus funeri defuerit, quem liberaliter Prælati & Canonici suppeditarunt, nec calix iureiurando promissus Basilicæ vnde fabricaretur superfuit, quem viuens fieri distulit, longioris vitæ spe deceptus est. Mansionarios in Ecclesia B. M. V. fundauit.

Non sine admiratione multorum similis exitus utriq; tam Archiepiscopo Gruszcynski, quam Luteco Cracou. Episcopo euenit Cracouiæ, vt ambo sine Sacramentis, ambo obærat, ambo morte repentina è viuis sublatis sint; ita, vt pleriq; supplicium hoc fuisse ambitu quæsitæ Pontificiæ dignitatis interpretarentur.

*Strenua non paruum dederat solertia laudem  
Lutecio, celerast, hanc tulit ira viro.  
Huic Patrijs onerare parum conuiuia ferclis,  
Exoticas gereret nî sua mensa dapes.  
Quid noua queratis vates præconia? nonne  
Multa quod attraxit nomina, nomen habet!*



IACOBVS I. SIENENSKI EPISCOPVS  
VLADISLAVIEN: XXXIV.

**A**D Pium Papam secundum Romam se contulerat post Cracouiensis Ecclesiae regimen abdicatum Iacobus Sienenski, à quo humaniter acceptus, Civitati & Arci Tiburtinae praefectus est, quo facilius ex dignitate Pontificia sustentaretur; posteaquā verò Vladislaviē Episcopatum translatione Ioannis Luteci ad Cracouiē contigit

contigit vacare, Paulus Papa II. qui tunc Pio successerat, ei vacantem, quanvis renitenti primū, deinde tamen voluntatem iussis Apostolicae sedis submittenti, contulit, Anno Domini, 1464. x. mensis Octobr. Rege iam non invito, qui placatus eandem sibi destinarat sedem. Noua illum octauo die ab ingressu Cathedrae molestia exercuit: namq; Nicolaus Vlrici Czerwonice filius, Castrigolubensis Capitaneus, plurimis eorum copijs adscitis, qui merita sibi ad Novum stipendia non persoluta ferebant ægrē, montem Dobrinensem Vistulae imminentem numero agmine infedit; in specie quidem Masouijs & Plocensibus arma illaturus, re autem ipsa Cuiaviae regionem populaturus, omniaq; nauigia mercium Vistulae alueo decurrentium, in suam potestatem redacturus. Quid faceret bonus Pastor, lupum ovium suarum praedijs inhiantem videns, magnitudinemq; periculi bonis Cuiaviensis Terrae, & Ecclesiarum facultatibus impendentis considerans, conuocat Brestiam primū, deinde Vladislaviam Nicolaum de Kościelec Bresten. Ioannem de Koscielec Iunivladislaviē. Palatinos, ac ceteros regionis Barones ac Equites, quibus in commune collatis sententijs, placuit hostem placari pecuniā, cum maioris videretur dispendij & periculi; ad arma conclamare; datis igitur florenis 150. hostem feria sexta Parasceues Basilicam Vladislaviē expillare, edesque Sacerdotum fortunis spoliare cogitantem; prouidus Antistes, monte occupato mouit. Castrum, ne deinceps hostes possent illo potiri praefidio, imposito Nicola-

colao Dzialynski, à Rege Regniq̃ue Ordinibus commissum est.

• Nobile genus Pontifex hic duxit è stirpe gentis Dobnæ, cui Cruce insigniri toto scuto pretenſa, præclarum est; patre Dobeslao de Siennio Palatino Sandomiriensi, matre Catharina filia Demetrii de Bozydar R. P. Thesaurarii natus, statura fuit ea, quæ iustum viri non attingeret modum, capillo nigro, iræ inquam fuit procliuior parum tenax, viduarum, orphanorum, peregrinorum, & omnium quibus se nouercam rebus mortalium illudens fortuna præbuit, Patronus munificus ac benignus exstitit: in cænarum sumptus liberalis, & in quærendo sponsæ cultu ac nitore augendo studiosus ac diligens fuit: in primo siquidem aduentu non vilis pretij amoris testificandi arrham Vladislauensi Basilicæ, pluuiæ serici elegantis, casulas tres, dalmaticas quatuor, antependium imaginibus duorum auro intextis, mitram auro gemmisq̃; onustam, quæ etiam nunc cernitur, cura Hieronymi Comitis, à Rozdrzow reſecta, ampullas inauratas grandes eleganti operâ elaboratas obtulit. Arces, Vladisl. Raćiaznen. & Wolborien. à prædecessoribus neglectas, muris ac ædificijs vtiliter & concinnè instaurauit. In loco veteris Basilicæ, quam Vladislaus Oporowski solo æquârat, ædem D. Stanislao ligneam lateribus interclusis fabricatus, feria tertia Paschæ, anno D. 1474. antequam Metropolitanam subiisset, Ecclesiam consecrauit, officium Pænitentiarii, quod nunquam fuerat antea in Vladislauensi Ecclesia, instituit.

Cratē

Cratē ferream sacrarium siue gazophylacium sacræ suppellectili conseruandæ, subsellia Sacerdotum, quæ stalla vulgò vocantur, vt ætas ferebat, opere eleganti exstruxit. Duabus piscinis propè oppidum Wolborz in fluuijs Wolborza & Moſenicâ, duabus item in bonis Piorkouiensibus erectis, insigni augmento bona Episcopatus ampliavit: in quarum reparationem non paruos erogauit sumptus Illustrissimus Matthias Lubienſki. Celebrata fuit Synodus Lanciciæ anno D. 1466. xx. Ianuarij, præſidente Ioanne Gruszcinski Archiepiscopo, Iacobo Vladislauic. Andrea Poſnaniensi in propria, reliquis Episcopis in procuratorum suorum personis, de bono Ecclesiæ consultantibus, in qua sancitum est vnanimi consensu, vt Gnesnensis, Vladislauien. Poſnaniensis Dioceſes Regi Caſimiro & necessitatibus Patriæ pensionem groſſorum duodecim à marca vſitatae taxationis; Cracouiensis autem in qua æſtimatio censuum putabatur rigidior, groſſorum ſex à marca contributione subuenirent. In eadem Synodo expoſtulatione Nicolai Boglewski Palatini Varſauiensis, & omnium fratrum suorum, contra Ioannem Pieniãzek Archidiaconum Gnesnensem, de crudeli nece Iacobi Boglewski in domo propria patrata audita est, decretumq̃; vt atrox homicida, omnibus Ecclesiasticis beneficijs priuatus, perpetuo carceri manciparetur, ſcleris admiſſi pœnitentiam acturus. Nulla tamen decreti vis fontem vinxit, Archiepiscopo diſſimulante, probatæq̃; & ſubſcriptæ in reum ſententiæ, robur extendere ſuperſedente.

Xx

Annus



Annus insequens, 1467. exoptatâ pace Polonis iucundissimus illuxit, in quo bellum annis propè tredecim sub Casimiro tertio in Prussia continuatum quieuit, terraque Culmenſis & Pomerania, pro quibus annis centum quadraginta armis & iure certatum est cum Cruciferis, ad dominium Polonorum redierunt, Prussiaq; in eorundem tutelam, fidem & societatem concessit; pacis tantæ secundum Deum auctor nulli tacendus quo Legatus Apostolicus Rudolphus, Episcopus Laurentinus fuit, qui Nieſſouiam dirimendis partium litibus sedem constituit, ubi etiam Iacobus Episcopus Vladislauien. xiv. Septembris Varmienſem Episcopum Dominico die consecrauit. Plurimum ut æquis pax staret conditionibus laborârunt, Nicolaus Kielbaſa, qui Culmēſem postea Episcopatum adeptus est; & Iacobus Schadecus Decretorum Doctor. Porro Rudolphus Legatus, duobus propè mensibus in tam graui & arduo negotio versatus, partis vtriusq; iura, & prætextus summa fide & integritate audiuit, ita ut mirificam partium beneuolentiam, æstimationem, & venerationem, ob probitatem morumque modestiam, maximæ prudentiæ coniunctam expertus, amplissimū fructum suæ missionis prædicaretur consecutus; dum talem se in dirimendis difficultatibus, in dissoluēdis nodosis disceptationibus & controuersiis, in admonendo & persuadendo parti vtrique, grauissimâ æquitate, & puritate perspicua exhibuit, ut ad pacem optimo fine componendam diuinitus, illi tanquam pacis Angelo affuisse gratiam mirarētur vniuersi, gratias agentes.

agentes, quod bellum horrendum & diuturnum, consilijs saluberrimis, virtute eximia, sincera puritate sopiuerit, Martisq; incendia saeuissimè in humani sanguinis exundationem per tam longum tempus grassantis, sanctissimè ac pariter sapientissimè restrinxerit.

Plurimum operæ Iacobus Vladislauienſis & Nicolaus Kielbaſa Culmenſis Episcopi posuerunt in sedandis Ciuitatum Prutenicarum aestibus, recens Polonico regimini se se addicentium, à quibus subsidium pecuniarium, qui militi debita stipendia exsoluerentur, obtinuerunt; iidem Gedani & Elbingæ Conuentibus coactis Stiborio de Borisew gubernatoris officio interdixerunt, villis quas in Insulis obtinebat ademptis.

Posteaquam verò fidem & prudentiam in obeundis Reipub. negotijs satis probasset Casimiro III. Iacobus Sienski, maioribus illum dignitatibus augendum in animo Rex decreuit, odium quod conceperat, prensatione Cracouiensis Episcopatus, in amorem & voluntatem ornandi primatiali fastigio commutans; atque ita Gruszcinski Ioanne Archiepiscopo Gnesnen. rebus humanis exempto, surrogat Casimirus Iacobum, eumq; ut postulet, ad sacrum Senatus Metropolitanæ Ecclesiæ collegium grauissimos nuntios, Lucam de Gorka Palatinum Posnanien. Ioannem de Rytuiany Reg. Pol. Marchalcum, Sbigneum de Oleſnica Vicecancellarium Scholasticum Cracouiensem, & Matthiam Mosczinki Capitaneum Maioris Poloniæ expedit. Porro quamuis Prælati & Canonici Gnesnen. ni-

hil Regiæ voluntati obluctati, Iacobum Archiepiscopum poposcerunt, tulerunt tamen acerbius, quòd eum Sixtus Papa IV. literis Regijs rogatus x. Decembris feria sexta. septemdecim diebus ante, quàm ab ijs postularetur Archiepiscopum renuntiauerit: subsiderunt posthac animi inani seposita indagatione, Archiepiscopumque suum publica congratulatione Senatus Gnesnenlis salutavit. Is Mausoleum Sancto Adalberto extruxit, Budzini marmore conquisito. Mansionariorum Capellam exornauit, stagnumque pilcibus fouendis Grzegorzouij effodi curauit.

*Sienenski grauibz virtus exercita curis,  
Pulbra trophaa, pedum Vladslauense gerit.  
Commutatq; pedum cruce, dum primatu bonore  
Eminet, b. ne tribuit crux sibi lata crucem.  
Vestitu sacro, n' tidiq; monil. bus, auro,  
Et gemmis, sponse protulit ille decus.  
Non ijs vsq; sua peregrinus ab ade, nec ager  
Protinus optatam quin retulisset opem.  
Ira viri velox, sed non diuturna, labore  
Frons firmata malis, cor pietate vigens.  
Arma crucis clara decorant insignia gentis,  
Quàm genuina viro gloria ferre crucem.*

SBIGNEVS DE OLESZNICA EPISCOPVS  
VLADISLAVIENSIS XXXV.

**E**Adem opera Casimirus Rex quam interposuit ad sedem Apostolicam, cui tunc Sixtus Papa IV. praesidebat, vt Iacobus Sienenski non expectata Praelatorum

torum & Canonicorum Gnesnen. postulatione, ad Metropolitanam Ecclesiam morte Grusczynski vacantem transferretur, obtinuit vt Sbigneu de Olesznica Reg: Pol:



Vicecancellarium Summus Pontifex Vladislauensem Episcopum feria quarta 11. Decembris, Anno Domini, 1473. Collegij electione, siue postulatione posthabita, atque omnino reiecta, renuntiaret, cuius sedis ille possessionem nihil obnitentibus Praelatis adiit. Fuit Nobilis de armis



Dębno, gentilis Iacobi de Sienna Archiepiscopi Gnesnen. Magister artium in alma Academia Cracouien. vir comis & magnanimus, Republicæ amans. Is tametsi cum laude præfuisse Ecclesiæ Vladislauien. ad conseruandam tamē sui nominis immortalitatem, in illa nihil videtur memorabile præstitisse, maturo consilio, rerumq; vsu non vulgari claruit, auctoritate in Republica plurimum valuit; quo factum, vt ei Casimirus Tertius gubernandam Prussiam commiserit, doctrinā insigni enituit, cuius specimen frequenter concionibus ad populum habitis edidit.

Sub eius regimine Vladislauien. Ecclesiæ Sixtus Papa IV. instituit celebritatem festi S. Francisci, ab omni opere seruili abstinere iniungendo, eamq; festi obseruantiam sub præcepto contineri decernendo, & quinquaginta annos indulgentiarum, totidemq; quadragenas quotannis concedendo, Anno Domini, 1475. Cuius instituti literas Iacobus Gnesnen. Archiepiscopus in Synodo habitæ Lanciciæ, præsentibus Sbigneo Vladislauien. Cracouien. siq; & Polnaniensi Episcopis, nec non Capitulorum Orationibus & nuntijs exhibitas, à Religioso viro Michaelē Kat, Ordinis Minoris Obseruantie regularis eo libentius admisit, & obseruari præcepit, quod Apotheosis D. Stanislai Episcopi Cracouien. S. Francisci cura, expedita fuerit, & in eius Ecclesia celebrata, & quod cælitus lapsū vexillum, dum Catalogo Cœlitum adscriberetur S. Pontifex, in eadem Ecclesia ipsius, religiosissimè asseruari memoriæ proditum sit. Itaq; sub censuris ab omni opere

seruili

seruili, per totam Prouinciā abstinere mandauit, Anno Domini, 1480. die penultima Februarii; vnde colligitur non fuisse Anno Domini, 1478. ad sedem Archiepiscopalem, in qua superstes adhuc Iacobus Sienski præsidebat, translatum Sbigneum, quod in continuatione vitarum à Długosso conscriptarum habetur, institutio aut celebratis festi expressè anno citato in Chartophylacio Vladislauien. continetur, vbi etiam legitur eodem anno 1480. Sbigneum Episcopum Vladislauensem, in sectatores Husitarum hæreseos, inter fratres hospirales Iuniuladislauenses diligenter inquisuisse, & seuerissimè perpetui carceris poena in Matthiam quendam Presbyterum, quod plurimos sub vtraq; specie communicauerit, animaduertisse; ad regendam igitur Gnesnensem Ecclesiam anno circiter 1480. necessarium suum Iacobum Sienski secutus est: auctoritate tamen in Republica successu temporis propter quasdam res obstinatè gestas, Regis animo offenso imminutus, vt postea in Reipublicæ negotijs remissior habitus fuerit; bella etiam intestina ob amicorum quosdam casus, cum Ecclesiæ detrimento gerere coactus est. Paprocki dicit in stemmate Dębno, emptum ab eo Ducatum Seueriensem pro Episcopatu Cracouien. citās Miechouitam lib. 4. Anno 1444. dicentem: *Sbigneus Cardinalis & Episcopus Cracouien. Ecclesiæ Cracouiensis possessiones augere, & terminos Regni Poloniae dilatare cupiens, Terram Seueriensem à Venceslao Duce Tesnensi pro sex millibus margarum latorum grossorum emit, ab eoq; edificatum*

*dificatum Cœnobium Fratribus Minoribus de Observantia vulgò Bernardinis dictum in Stradomia.* Rectè hoc quidem Miechouita, sed non de Vladislaviensi Episcopo. Debit meminiſſe Paproccius, quòd ante verſu quarto dixerat hunc de quo fermo eſt, fuiſſe Vicecancellarium & Episcopum Vladislaviensem, hunc ad Archiepiscopatum aſſumptum ſub Rege Caſimiro, mortuumq; An. Dñi. 1493. cùm Sibgneus Cracouiensis Episcopus ( qui Regem Vladislavum Iagellonem ſtrenuè defenderat ab extremo diſcrimine, irruentis in illum haſtati militis in bello illo Cruciferico ad Gruneualdum geſto, ac deinde militiam terrenam in ſpiritualem commutârât ) Præpoſitus primùm ad S. Florianum fuerit, poſtea ad Episcopatum Cracouiensem, à Rege Vladislao Iagellone promotus: quando igitur ex Cracouiensi ad Vladislaviensem, descendit Eccleſiam, & ex hac in Archiepiscopatum gradum fecit, immò ſi Episcopus Vladislaviensis fuiſſet Cardinalis, eandem dignitatem retinuiffet in Archiepiscopatu, neq; ea in Epitaphio reticeretur, quod refertur in hæc verba ab ipſomet Paproccio: *Zbigneo de Oleſnica Archiepiſcopo Primatiq; Gneſnen. ſummo conſiliario & Antiſiti, magnitudine præſtanti Parenti Patriæ.* Alius igitur fuit Sbgneus Cracouiensis Pontifex, alius Sbgneus Vladislaviensis poſt Archiepiſcopus, quamvis uterque de Oleſnica. Vladislaviensis ex Scholaſtico Cracouiensi, Cracouiensis ex Præpoſito ad S. Florianum creati Episcopi. Patet præterea luculenter ex Dlugoffo Anno Domini, 1423. Alberto laſtrzebicio Gneſnam translato

translato, Cracouiensi Episcopo ſucceſſorem natum Sbgneum de Oleſnica Præpoſitum S. Floriani, à Martino Papa V. Rege intercedente Vladislao Iagellone, & Prælatiſ ad Regias preces eum poſtulantibus, Vladislaviensis autem ad Archiepiscopatum ex ſuo Pontificatu tranſiit Anno 1480.

Ab hoc Episcopo Commiſſarius Iudex inſtitutus adiudicavit decimam de Goray manipularem Parocho Lubotinenſi, ſilentium imponendo ratione eiſdem Decimæ Reuerendiſſ. Episcopo Vladislaviensi. & eiſ ſucceſſoribus, Anno Domini, 1474. 3. menſis Iunii. Cogites velim Lector candide, quàm ingenuus æquitatis amor in generoſo pectore tanti viri habitârît?

*Pectus honeſtatis Sbgnei ſapientia quantum,  
Indicium docuit Rex Caſimire tuum.  
Pruſſiacas quando regimen tenuiſſe per oras,  
Et pro te populo reddere iura iubes.  
Audit hunc templis cœtus diuina ſonantem  
Dogmata, ritè choro, præſuit atque foro.*

## ANDREAS II. OPOROWSKI DICTVS, EPISCOPVS VLADISLAVIEN. XXXVI.

**I**N locum Sbgnei Archiepiſcopali dignitate aucti, Andreas de Oporow, I. V. D. tunc Regni Poloniae Procancellarius, ex Episcopatu Præmyſſienſi, & perpetua Eccleſiæ Varmiensis adminiſtratione, ad Eccleſiam Vladislaviensem Rege Caſimiro fauente, ſucceſſit in Lithuania officio



officio Vicecancellariatus occupatus, ibidem cum Rege moratus est. Nec Ecclesiam suam vnquam adiit, ad quam graui primùm febris correptus, Vilnâ se conferre decreuit, anno Domini, Millesimo, Quadrigentesimo, Octuagesimo tertio, dumque iter iam arripuisset, Meretsij humanis rebus exemptus est, itaq; mortuus Vladislauiam ad tumulandum delatus est, quam viuus adire distulit, postquam quinque annis Pontifex illius vocaretur. Vir fuit ingenij prompti, & ad inueniendum perexpediti: de cuius tamen laude celeritatis, opinio inconstantia nonnihil ademisse visa. Exstat testamenti illius in Chartophylacio Ecclesie Vladislauien. in oppido Meretz conditi exemplum, cuius executores inscripti Ioannes de Oporowo Palatinus & Capitaneus Iuniuladislau. frater eius germanus, & Christinus de Romantkowo Canonicus Vladislauien. in quo illud est peculiare, quod pro ornanda Capella in Ecclesia Vladislauien. & dotando altari Capitulo Vladislauensi iusserit dari mille Vngaricos Serenissimo Casimiro Regi, totidem reliquas opes inter familiam, propinquos, & cognatos distribui ordinauit. Anno 1483.

*Mittit Oporonium clarum Pramyslia sedi  
Vladislauia, prisca nobilitate virum.  
Felix ingenio, praeox in acumine, promptus  
Consilio, sed cum mobilitate fuit.  
Harentem Regni tenuit Letuania, sedis  
Styx offusa suae culmen adire vetas.*

PETRVS

PETRVS DE BNINO EPISCOPVS  
VLADISLAVIENSIS XXXVII.



**N**ON inuidet Argonautis Phryxei velleris diuitias  
naus Bninia, dum illustre maiorum suorum glo-  
riae synthema, non infeliciter proprijs virtutibus

Yy 2

EXOR.

exornauit & ditauit Petrus de Bnino Moszinski. Is Casimiri Regis fauore successit ex Premysliensi Ecclesia summi Pontificis Sixti voluntate translatus, Anno Dñi, 1484. Vir proceræ staturæ, morum grauitate celebris, doctrinā magnus, sed maior cū religione in Deum, tum pietate & mansuetudine, multis debitis obnoxius, parum ornamentī Ecclesiæ, aut ædificiorum instaurationis in bonis Episcopalibus contulit. Præfuit Vladislauien. Ecclesiæ annis nouem, mansuetus in omnes, nemini molestus: cū autē podagrā laboraret, crebrius ad Ecclesiam moratus est, & Callimachum Hetruscum à S. Geminiano, virum doctrina excellentem, & rerum experientia probatissimum, filiorumq; Regis Casimiri Præceptorem semper in honore fuit, qui etiam in hoc Præsule singulare specimen sanctitatis & doctrinæ suspexit, & graui stylo veneratus est; quin beneficio gratus, marmoreum mausoleum sumptu non paruo extruxit: visitur ad sinistram partem respiciendo ab altari Sanctissimæ Trinitatis ad primam columnam, in quo effigies Episcopi decumbentis est exsculpta cum tali Epigraphe: *Petro de Bnino, Vladislauensi Pontifici, Religioso, & Sapienti positum. Procuratore Callimachi Experiē. Amici concordiss. Anno M. CCCC. LXXXIII.*

Obijt autem anno Dñi. 1493. Martij die vij. & eiusdem Mensis die xxv. sepultus. Hic decimam manipulem de minori Pániewo Altari Ascensionis Domini in Ecclesia Vladislauien. Iurispatronatus Præpositi Vladislauien. donauit in perpetuum, & in vim commutationis molendinum

num ad idem altare spectans, recepit de consensu Præpositi & Altaristæ, feria 3. post Assumpt. B. M. V. anno D. 1493. Exstat in Ecclesia Vladislauien. vetustum Pontificale in charta pargamenea, per Ioannem Zlotowski conscriptū, Petro de Bnino Episcopo Vladislau. dedicatum, argentea cornua habens inaurata, baculus quoque Pontificius simplex argenteus, ab eo Ecclesiæ donatus.

*Bnina Moszynium ponunt Caribesia Petrum  
Isulea ripa, plaudis amena Tethis.  
In superos pietas memoranda, scientia, zelus,  
Religionis amor, fecerat eximium.  
Ægroto pedibus, cymba mors nare Charontis  
Imperat, ò piger, hoc sic adisset iter!  
Perge ratis felix, calo plaudente carina  
Qua cupis in Patria, stet regione tua.  
Qua Diuis vellus defers caelestibus Argo,  
Esse procul calo dignior ista ratis.*

CRESLAUS DE CVROSZWANKI EPISC:  
VLADISLAVIEN. XXXVIII.

**C**andidi pectoris sinceritatē, & boni odoris suauitatē in conuersatione laudabili felici in se deriuatā surculo diligenti institutione parentum traxit, ex maiorum alba rosa Creslaus de Curoszwanki. Hic Regis Ioannis Alberti commendatione, Anno Domini, 1494. prima Iunij electus, & ab Alexandro Papa VI. confirmatus, possessionem xv. Nouembris capessiuit. IV. verò Ianuarij anni insequentis Cleri populiq; congratulātis frequentia



quentiâ stipatus, Cathedralem Ecclesiam adiit; ad cuius cultum studiosam animi propensionem vertit, ita ut priorum Episcoporum incuriam in ornanda apparatibus sua liberalitate cupiuerit oblitteratam. Non fuit eruditionis



primariæ, prudentiam tamen vlu & experientia tantam sibi comparuit, quanta ad obeundum dignè munus Cancellarij Regni Poloniæ satis esse potuit: quod officium præclare gessit simul cum Episcopatu Vladislaviensi, in  
retinenda

retinenda disciplina Ecclesiastica, quæ passim labi ceperat, fuit accuratus censor diligensq; castimoniam sacerdotum explorator, abusus in administrandis Sacramentis diuinorumq; officiorum celebratione inualescentes, seria visitatione profligauit, rerum diuinarum peritos religiosos in locum rudium Parochorum substituendo, beneficiatos ad residendum penes Ecclesias, in quibus essent conscripti, strictâ animaduersione compulit, atq; in eam rem, ut salubrius Ecclesiæ & Diocesi suæ prouideret, institutis; Synodum in Parochiali Ecclesia Sobkouiensi; Archidiaconatus Pomeraniæ congregauit, Sacrum Missæ officium de SS<sup>ma</sup> Trinitate per Vicarios in Ecclesia Cathedrali decantari ordinauit; certa ordinatione argenti in perpetuâ fundatione relicta, quod tamē alijs vlibus applicatum est. Rex verò Alexander piam hæc institutio- nem roborans, Gostinenses Capellas Vicarijs Ecclesiæ Cathedralis Vladislaviensis in dotis augmentum largitus est; easq; aggregari alijs eorum redditibus fecit. Cum autem magno moerore ferret in sua Diocesi bonus pastor, multarum oues Christi frequentibus luporum incurfibus heretica contagione virulentis, ut gregem suum ab imposturis hæreseos tueretur, supplicauit Alexandro Pontifici, ut in sua Cathedrali Ecclesia prædicatorem Ordinarium in Canonatu Ioannis à Lukow erigeret; cuius postularis libentissimè sedes Apostolica annuit, anno Domini, 1501. quamuis alij amanuenses in transumptis annum 1515. notent, sed erroneè.

Libris idem Pontifex ad psallendum diuinum officium necessarijs Ecclesiam Cathedralem instruxit, postquam praeuisset eidem annis nouem, Volboriae, Anno Domini, 1503. V. Aprilis, vitam cum morte commutauit, paulo post obitum Friderici Cardinalis Regiae stirpis Archiepiscopi Gnesnen. & Cracouien. Episcopi subsecutus. Cum Vladislauiam corpus ipsius extremo sepulturae honore afficiendum duceretur, plurimum à fratre & nepotibus ipsius vexata sunt. Ecclesiae bona, praedia in praedam sacrilegam cesserunt, tota supellex quae magni pretij fuit, direpta per consanguineos. Remansit tamen pro Successorum usu, quam ille de heroica sua munificentia destinauerat pars, non exigua, supellectilis nempe aqualis crystallinus, argento inaurato indutus, peluis argentea lata, crux aurea gemmis distincta, duae insuper mitrae gemmis & lapidibus pretiosis affatim intextae, quae reliquijs in thesauro Vladislauien. nitentibus, & pretio & magnitudine tam gemmarum quam pretiosorum lapidum praecellunt, item pastorale pedum argenteum inauratum insigni opere elaboratum. Ceperat non paruis impensis arces instaurare, antecessorum negligentia labantes, mors interim ab incæpto manus liberalis Antistitis retraxit. Conditus est ante altare SS<sup>mæ</sup> Trinitatis, cuius tumulo lapis marmoreus grati animi alumni erga Patronum Ioannis de Lasco Archiepiscopi Gnesnensis testis incumbit, talibus monumentis incisus: *Ioannes de Lasco Archiepiscopus Gnesnen. alumnus suo Patreno Creslao de Kuroszwanki Episcopo Vladislauien*

Vladislauien. Capulum condit, vita functo Wolboria, Anno 1503. 5. Aprilis.

*Iucundus roseo flagrat Creslaus odore,  
Stemmata, quo dudum floret auita domus.  
Splendorem zelat templi, cantuq; serenat:  
Dum canat unde sacras prouidet ordo preces.  
Dum nitet illius placitis Ecclesia campis,  
Transulit Elysiis inuida Parca Rosam.*

VINCENTIUS DE PRZERAB EPISCO-  
PVS VLADISLAVIEN: XXXIX.

**N**Owinam priscae nobilitatis tesseram ex maioribus fert illustris Prerembiorum domus, insigne Palatinatus Siradiensis decus, ex qua prodijt Vincentius Vladislauien. Episcopus, qui, cum pueritiae annos pietate & literis excoluisset, ut summis gerendis in Repub. magistratibus, & obeundis arduis in patria laboribus, par iam suffragijs magnorum virorum in virili sua toga probaretur, facile ijs addidit calculum Ioannis Regis auctoritas, & prompta ornandi virum Reipub. utilem maximis honoribus voluntas. Itaque cum in munere Procancellarij strenuum se & grauem praestitisset, in candelabrum Plocensis Ecclesiae tanti viri splendorem Rex tunc putauit erigendum. Gessit ex dignitate Pontificatum Plocensem ab Alexandro sexto Papa confirmatus, & Cracouiae consecratus; anno 1499. cuius circa suam sponsam sollicitudinem, ne quid exterior forensium negotiorum cura interturbaret, operosum Vicecancellarij officium à se abdica-

uit,



uit, qua in re non mediocre animi excelsi humanas res pro diuinis nihili aestimantis: edidit argumentum simulq; moderationis non vulgare specimen exhibuit. Cum au-



tem è viuis Cressaum de Curoszwanki Episcopum Vladislauensem mors subduxisset, Regis Alexandri suffragium virtuti datum, probante Iulio secundo Pontifice, de Plo-

censi

censi Ecclesia magno illius Dioecesis relicto desiderio, ad Vladislauensem translatus est, Anno Dñi, 1503. die xxv. Iulij. Erat in eo animi excelsi magnitudo, ad quauis pericula perferenda & labores pro Republica sustinendos, prompta modestiæ & humanitati ita coniuncta, vt magnum ei conciliaret apud omnes amorem, miramq; innata moderatio colligeret beneuolentiã; liberalis fuisse dicitur, nihil tamen decoris ipsius munificentia Basilicæ Vladislauianæ videtur accessisse, sumptus tamen aliquos fecit in restaurationem ædificiorum, quæ suo tempore in bonis Episcopalibus conflagrant.

Interfuit Coronationi Regis Sigismundi Primi Cracouiæ, anno Domini, 1507. in die Conuersionis S. Pauli, per Andream de domo Rosa Archiepiscopum inuncti. Vbi Posnaniensi Episcopo dextram partem Regis in processu ambienti non celsit.

Eius temporibus facta est commutatio Præposituræ S. Michaelis in Arce Cracouiæ. ad Vladislauensem Capitulum pertinentis, voluntate Regis Alexandri cum Ecclesia Parochiali Gabinensi in Dioecesi Posnan. An. 1502. quam Ioannes Lubranski Episcopus Posnaniensis de consensu Capituli sui approbavit, cum onere anniuersaria Defunctorum officia pro Regibus in Ecclesia Vladislauensi decantandi. Hic Episcopus molendinum Piaseczny nuncupatum, ad Ciuitatem Episcopalem Vladislauensem pertinens, vnà cum piscina & eius inundatione, agris, & pratis Vladislauensi Capitulo donauit, prouiso quod Domi-

Zz 2

ni-Capi-

ni Capitulares anniuersarium in prædicto molendino antiquitus fundatum annis singulis decantarent. Idem Archidiacono Crusuicien quò facilius muneris sui laborè obiret in perpetuum attribuit decimam manipularem de villa Nouogrody, in clauē Parkaniensi sita, de consensu Capituli Vladislauiensis. Legauit testamento in parata pecunia Capitulo Vladislauienti pro anniuersario quater in anno absoluendo mille marcas, totidem Capitulo Plocensi: Vicarijs autem Vladislauiensibus 500. marcas, reliquam pecuniā inter Castellani Syradiensem & nepotes diuidendam ordinauit. A. Dñi. 1513. xviii. Aug. Vladislau.

Alienationes decimarum aliquot ab ea factas memorię proditum, at quarum obscurum est. Annis ferè xi. gubernauit Ecclesiam, correptus postea apoplexia annis, ferè duobus protraxit mortem, donec tandem XX. Septembris viuere desijt, Anno 1513. Tumulus ipsius vltra Sepulchrum Ioannis Pellæ de Niewiesz, & Creslai de Curoszwanki in medio Vladislauiensis Basilicę grandi contextus lapide conspicitur, tali signatus inscriptione: *Vincentius de Przerab Vicecancellarius Regni Poloniae, tandem Plocen. post Vladislauiensis Pontifex hic sepultus. Obijt Anno Domini, 1513. die xx. Mensis Septembris.*

*Vladslauiam veniens inquit Przerembius ades*

*Plocenses, vigilans Presul in officio.*

*Turgida praelisi temnens praeordia fastus,*

*Dulcem se cunctis praeiuit alloquio.*

*Comis erat blandusq; tamen Rhadamante tribunat*

*Durum, nulla tuum flectere verba queunt.*

MATTHIAS

MATTHIAS II. DE DRZEWICA EPISC:  
VLADISLAVIENSIS XL.



**M**agno prouidentiaē diuinā consilio Pontificalis muneris onus in Ecclesia Vladislauen. armis Buculis Matthiae Drzewicki incubuit, quando excolendo agro Domini infelicibus hæreseon obliuio vepretis, in terra Pomeraniæ fuit insudandum animosiùs. Bos arma gentilitia vetusta nobilitate insignem reddiderunt, sed



in legendo, scribendoq; & ardua quævis negotia pro Ecclesia & Republica obeundo, laboris patientissimum, virtus Episcopum & Senatorem, aris & focis conseruandis idoneum cultodem, creauit. Trium hic Regum Ioannis Alberti, Alexandri, atq; Sigismundi Procancellarius fuit, qui cum id munus Ioanne Alberto strenue ac diligenter obiret, non caruit suspitione expilati thesauri à morte Regis, quam cum inde Fridericus Cardinalis Archiepiscopus & Episcopus Cracouiensis augeri postea putaret, quod in potestate Vicecancellarij Gaza regia fuisset, eum carceri non tamen diuturno mancipauit. Deinde Cancellarius Ioanne de Lasko ad Metropolitanam Ecclesiam assumpto, beneficio Sigismundi factus, & Episcopatu Premysliensi decoratus, postea inde eiusdem Regis voluntate, Leone X. Pontifice Maximo approbante, anno Domini, 1513. præmissa Prælatorum & Canonicorum postulatione, xx. Decembris ad Ecclesiam Vladislau. translatus est. Cuius cum se sollicitum exhibere vellet pastorem, sollicitudine Cancellariatus ultro deposuit, ne à Diocesi sua cogere- tur abesse, dum ad Conuentum cum Maximiliano Rom. Imperatore ac Vladislao Vngariæ Rege, Possonium iter voluntate Regis & Ordinum esset suscipiendum: scribitur Ecclesiam in honorem S. Stanislai proprijs sumptibus de lignis dolatis fabricasse, eamque Anno Domini, 1524. xlii. Iulij dedicasse, cum hoc idem quinto ab illo. Antecessori Iacobo Sienenski attribuatur, fortasse prior aliqua calamitate collapsa, vel potius incendio absumpta fuerat.

Parcum

Parcum fuisse scribit in Archiepiscopatu Ianicius: exstant tamen aliqua illius liberalitatis monumenta in Basilica Vladislau. in sacro apparatu, libris decantationi diuinorum officiorum seruientibus, sumptuose conscriptis, & compactis, baculis argenteis choro regendo accommodatis, & Cruce minore deaurata, tum & conclauis arcanis sacri Senatus consilij exædificata. Maiorem tamen consanguinei munificentiam, quibus impense fauit sunt experti. Pietatem illius erga Deiparam Virginem imagini D. Hieronymi subscriptum distichon proloquitur:

*Dreuicij pia Virgo preces Antistitis audi,*

*Ex omniq; rubrum parte tuere bouem.*

Exstat Bouis eiusdem Elogium in Ecclesia Dreuciana tales:

*Ne mirere hospes, quod sim curuusq; macerq;*

*Presserunt collum, nam iuga bina meum.*

Funeſta tunc lues Lutheranz superstitionis postquam Germanorum nationem peruasit, facile terras Pomerniæ, eodem idiomate vtentes infecit: maxime cum Albertus Marchio Prusiæ Magister, exemplo pessimo plurimos intoxicasset ex monachis & sacerdotibus, qui tum abiecto Ordinis sui regulari vestitu, ad sacrilegas nuptias conuolârat, & ab orthodoxa religione desciverat, cum autem malum hoc longè lateque proserpsisset, plurimi è Gedanensi populo noua dogmata complexi, in seditione & tumultu plebem contra Magistratû furiosis conatibus obnitentē concitarunt, auctore Ioanne Solcio, qui primus publicè Lutheri errores promulgauit, plebēq; timore legum

gum solutam, ad expilandos Ecclesiarum thesauros commouit. Non supererat alius tam præcipiti exitio medendi modus sollicito Antistiti, quam ad præsidium Sigismundi Regis Poloniæ accurrere, ipsiusque ut opem adferret labanti Religioni in Gedanensi Ciuitate, fidem obtestari, & auxilium implorare. Itaque Anno Domini, 1526. Sigismundus I. Rex Poloniæ, Matthia Episcopo instantissimè sollicitante, in terras Pomeraniæ profectus fuit, vbi Gedanensem Ciuitatem, tumultibus & motibus popularibus omnia diuina & humana confundentibus liberauit. Nam hæresis Lutherana, omnia Ecclesiæ Sacramenta turpi errore posthabens & contemnens, quosdam verò abominandos ritus, & execrandam superstitionem persuadens, densa colluie in eam ciuitatem Pseudoprædicatorum ductu iam tunc ingruerat. Quæ quidem nouitas, dum ventri & abdomini populi blandiretur, propterea quòd ieiunia, Confessiones, Sacramenta, & sacrosancta instituta & decreta reiiceret, facile indies robur acquirebat, ita ut iam probi presbyteri & religiosi sexus vtriusque Ciuitate pulsi fuerint, præcipuè verò qui matrimonia sacrilega contrahere recusarunt. Multi tunc, proh dolor, Sacerdotes sæculares & Religiosi labe hæretica infecti, spontè in libertatem carnis euolârunt. Cum autem officia suæ superstitionis illo ritu Lutherano & lingua Almanica exercerent, Sacerdote præunte, totus populus deinceps in Ecclesia vocibus dissonis inconditè psallebat, ululabatque monstruosissimè, Sacerdos si abesset, qui

O blasphemæ!

Idonea monstra  
sa ululatio, quæ  
tibi barbaris  
ignota.

set, qui communionis particeps esse vellet, non consecrabit: immò si quod Sacramenti relictum fuit, non consumebat, sed tanquam rem virtutis Sacramenti expertem, & iam profanam ad partem altaris irreuerenter abiiciebat. Dum hæc abominabilia per Ecclesias in Ciuitate agerentur, & populus Sacerdotum prædicantium hæresim clamoribus quotidianis ad tumultationes sollicitaretur, & ad libertatem Evangelicam vocaretur, constituti fuere plebis consensu ex mechanicis duodecim viri rudes, & literarum ignari, qui ad sectam promouendam materias contra Papam, & Romanam Ecclesiâ rabulis bacchantibus supeditarent, ut frequentioribus declamationibus tantò facilius nutanti plebeculæ imponeretur, & ritus omnis Religionis orthodoxæ ex Ciuitate eliminaretur; expilatis Ecclesiarum thesauris per factiosos seditionis auctores, aurea argenteaque sacrarum ædium supellectili conflata, & reliquijs SS. profanatis, in Magistratum, Ciuitatem, nomine Regio administrantem, tumultuosus furor plebis grassantis vertit odium, eique fasces regiminis ademit, nouoque Magistratui detulit, qui hæresi exortæ patrocineretur, omniaque officia quibus ordo Ciuitatis constabat, prout fuit visum auctoribus tumultuum sunt distributa: qui sub dio sacramento se obstrinxerunt, ad tuendam obstinatè gestorum pertinaciam, Regiæ Maiestatis fide inconcussa, in qua se permansuros iurarunt: sed quanto vinculo, qui tam se facillè Orthodoxæ religionis fide exoluissent, animaduertere potuit Sigismundus pius Rex.



Interea tamen Maiestatis Regiæ aduentantis ad se verum poenas, modos quæsierunt, quibus vel Regem placarent, vel alium Dominum suo proposito applaudentem inuenerent, sub cuius protectione libertas superstitionis tuta delitesceret. Coalescere solidius cum maximo scandalo cæterorum in Prussia cæperat tot malorum series obstinatis animis in deterius ruentibus, cum & iurisdicção Episcopalis penitus explosa esset, & mandatis Regijs in nulla re obsecundaretur. Rex igitur Sigismundus sacre religioni consultum volens, & errores quibus imbuta magna Ciuitatis pars esset, è Regno ab initio fidei diuinæ sibi exortæ constantissimè in Ecclesiæ Romanæ sacrosancta obedientia & disciplina deuotissimè perseuerante, proscripturus, Matthia Episcopo maiorem in modum sollicitante, Mariæburgo quatuor primis Consiliarijs sæcularibus viam paraturis, cum equis quadringentis præmissis, Gedanum venit. Cumq; Maiestas Regia Vrbi appropinquaret, populus obuiam numerosissimo agmine prodijt, cui Magistratus ille recens constitutus, eques & superbus apparatu, fausto Regis aduentui gratulabundus progressus est. Ingressus Ciuitatem Rex, capita seditionis & tumultuum extremo affecit supplicio, lectoq; à se Magistratui fascēs detulit, reliquos in hæresi permanere dissimulauit, sacerdotibus & monachis, nisi sacrilegas nuptias detestarentur & repudiarent, intra viginti quatuor horas Ciuitate excedere coactis.

Postquam

Postquam autem Religionis veræ iugum excusserunt, & vincula S. disciplinæ à se proiecerunt incolæ Terrarum Prusiæ, decimas Vladislauien. Episcopo negarunt omnino, de quibus pendendis Rex Consiliarios terram Prussig literis admonuit, quas hic subijcere visum est.

*Magni sibi & Generosi sincere Nobis dilecti. Accipimus literas vestras, quibus nescimus prolixius magis, an indignè Nobis cum aduersus secretum nostrum, quod de soluendis decimis Episcopo Vladislauien. anno superiore iussu & equanimiter tulimus, respondetis, idq; agitis docentes nos, quasi nouum & desultorium Christianorum de lege gratia, de sublato sacerdotio Leuitico, de non contribuendo nisi pascant, & alijs tunc iam apostatarum cantilenis, non temperantes interim ab aculeis in suum Episcopum & Pastorem. Vnde vehementer miramur, quæ est ista noua Christiana ratio. Quia per legem gratia, quæ tantum legem operanti contradicit, per libertatem Euangelicam, quæ solum seruituti peccati opponitur: duplex idq; ingens peccatum aduersus diuinas & humanas leges committitur, alterum non reddendo proximo suo, atq; adeo Pastori quæ suæ sunt, alterum l. teris & decretis Principis sui non parendo: si per legem gratia liber est populus à soluendis decimis, quæ Ministris Dei debentur, eadem lege liber erit à soluendis tributis, quæ alijs Ordinibus & potestatibus debentur. Nam lege gratia omnes pariter Christiani in unam libertatem sunt adfetti, si ob hoc quod sublatum est sacerdotium Iudaorum, non plus habeant sacerdotij Christiani sacerdotes, quam id quod commune est omnibus, neq; illis suos prouentus debentur? pari ratione abolito Regno Iudaorum Christiani non plus erunt Reges quam cæteri Christiani: nam per legem gratia, omnes ex aequo regale sacerdotium esse censentur. Quia si Christiani Principes Decimas & prouentus successoribus Apostolorum non rectè contulerunt, minus rectè Apostolis ipsis primi illi Christiani pretia bonorum suorum conferrebant, si nefas est Pontificem ob non redditas decimas populum excommunicare, magis erit nefas quod Apostoli ob negatam pecuniam Ecclesiæ dicant,*

dicatam, utraq; morte condemnabant. Si non pendendum est Pastori nisi pascat & doceat, non pendendus erit etiam à plebe suis census Ordini seu statui militari nisi militet, & populum Dei tueatur, si deniq; non sunt valida dotes & Privilegia maiorum & Antecessorum nostrorum Ecclesiasticis collata, cuius erunt firmitatis illa alijs Ordinibus sub paribus signis pari atrimento & pelle concessa. Atq; ha sunt ille Evangelica rationes, qua nunc orbem terrarum seditionibus, tumultibus, periurijs, & sacrilegijs implent. Graui igitur & molestissimo animo ferrimus, quod aduersus decretum nostrum talis literas, talibus impijs dogmatibus confutas miseritis, qua non solum indigna sunt auribus nostris, & ab universa Ecclesia Catholica damnata, sed etiam à nobis & alys Christianis Principibus publicis edictis vrsa, & proinde denuntiamus vobis hanc immutabilem sententiam & voluntatem nostram, quod decretum ipsum nostrum iuste & legitime latum, nulla ex parte mutari, neque Dominum Episcopum & iura ipsius nostro debito patrocinio deserturi sumus. Et si in ea contumacia perseverare volueritis, Nos id quod ad iussum & Christianum Principem atinet, exequemur. Datum Petricovae, Anno Domini, 1528.

Harum literarum exemplar habet etiam Przytuscius in Statuto à se edito fol. 783. Rectè pientissimus æquè ac prudentissimus Rex consideravit, quem in finem serperet iuriam Ecclesiasticorum conuulsio, nempe facile sublata pietate, quæ omnium rerum fundamentum est, Rempub. posse collabi, & qui se à regimine & iurisdictione Ecclesiæ subtrahunt, proximum eos struere gradum ad Principis potestatem contemnendam, quiq; libertatem Evangelicam carnis prudentia metiuntur, quidlibet ausuros effractis diuinarum humanarumq; legum repagulis, in dissolutamq; & Reipublicæ quàm perniciosissimam licentiā abituros præcipientes. Atque hi sunt reformatæ, si placet Superis,

Superis, Religionis fructus. Hæc eorum qui terrena sapiunt, inimici Crucis Christi sagacitas, ut optimè consultum fore putent suis commodis, parum Reipublicæ integritatem curantes, si denegatis Ecclesiarum administris Diuino naturali & humano iure debitis stipendijs, sacra profanis suis deque misceant, arasq; placando Numini erectas, ac paci cælitus implorandæ consecratas amotis ab eis egestate sacerdotibus funditus extirpent, cum perspicuum sit regna oppugnata religione, eiusq; promotoribus desertis in extremam perniciem sua mole præsidio cælesti, à quo suum habent firmamētum, destituta esse necesse prolabi, scitum quippe illud Venusini vatis: *Vis consilij expers mole ruit sua.* Dum cælo rebelles Gigantes sacrilega impietate adnixos ad exturbandum cælo Iouem describit & addit: *Dij multa neglecti dederunt Hesperie mala, lucifera.*

Hic Pontifex villam mensæ suæ Siedlec nuncupatam in terra Lanciensi consistentem, Custodi Lancien. & Stanislawo de Waliszewo commutatione dedit, de consensu Venerabilis Capituli pro Wola Skarbkowa, pro qua in supplementum iustæ solutionis, quia maioris æstimata est centum quinquaginta quinque marcas numeri Cuiaviensis addidit. Idem redemit tertiam mensuram braseorum in molendino Wolborienti provenientem, à Domino Spinek maiori Tribuno Syradien. quam applicuit mentæ Episcopali, obligans successorem suum sub poena damnationis animæ, quatenus quolibet anno V. Capitulo Vladislaviensi.



chilauien. soluat quatuordecim marcas Polonicales pro Annuario expediendo singulis anni quadrantibus. Hic prerogatiuam Vladislauien. Episcopi in vnctione Regum Poloniae pra Posnanien. euicit, pro qua creatus Archiepiscopus scripto sententiam tulit. Agitata fuit dudum controuersia de Coronatione Regum inter Vladislauien. & Posnanien. Episcopos. Nouissimè verò occurrente coronatione Serenissimi Principis Sigismundi Augusti, fuit mora quaestio haec, inter Matthiam de Drzewica Vladislauien. & Ioannem Lataiski Posnanien. in Synodo Petricouien. Anno Domini 1530. praesidente Ioanne Laski Archiepiscopo Gnesnen. in qua conclusum est contra Posnanieniem, pro Vladislauien. ab eodem Ioanne, qui tamen à promulgatione sententiae pro tunc superfedit ad petitionem Ioannis Lataiski, se scriptis quibusdam suam prerogatiuam tueri offerentis, causamque hanc ad sequentem Synodum reiecit: postea tandem, Anno Domini, 1532. die Iouis 29. Augusti, pro Ioanne Karnkowski Vladislauien. contra Lataiski Posnaniensem, Matthias Archiepiscopus qui Ioanni Laski successerat, definitiuam tulit sententiam. Translatus est ad Archiepiscopatum Gnesnensem, Anno Domini, 1531. à Clemente septimo, Sigismundi Primi Regis Poloniae promotione.

*Dreucius Tauro rubens, iuga ferre peritus,  
Cresceret ut Domini messe beatus ager.  
Scribendi in studio mausissimus, atq. legendi.  
Haud gessit parcas in sacra templa manus.*

Largus

*Largus & in proprijs quos coniungere penitus;  
Vel quos cognato stemmate vinxit amor.  
Ad maiora potens. transfertur arctra iuuenens;  
Gnesnensis quando prendit honoris vna.*

Epitaphium eius ita Gnesne legitur: *Iacet hic Matthias de Drzewica gratia Diuina in Archiepiscopatum Gnesnen. Anno 1531 euectus, qui antea trium Polonia Regum fuit Vicecancellarius & Cancellarius, Episcopusq. Pramysliensis & Vladislauiensis xxvi. annis. Obijt in Arce Louiciensis Anno Domini, M.D. XXXV. die xii. Augusti, Hora secunda noctis. 39. Septembris sepultus. Vixit annis L XIX.*

IOANNES VI. KARNKOWSKI EPISCO-  
PVS VLADISLAVIENSIS. XLI.

**H**IC licet in terra Leopoliensi vico Smigrod genitus fuerit, de terra tamen Dobrynensi & vico Karnkow originem ducit, stirpis armorum Lanosza. Philippi Callimachi educatione laudabiliter institutus, oculos omnium & animos in magnam spem erexit Reipublice plurimum proficiendi. Nec in animum lusit de se conceptam expectationem. Nam à Serenissimo Rege Sigismundo primo, cui fuit à secretis per annos plurimos, primo Scarbimirien. & Cracouien. Praepositura decoratus, deinde ipso satagente & summo Pontifice Clemente VII. providente, Pramysliensis Ecclesiae Pontificatum adeptus est: tandem ad Vladislauiensem est translatus, cui laudabiliter praefuit, & salutaribus consilijs Rempublicam iuuit, vir

iuuit, vir non mediocris eruditionis acriq; ingenio. Cuius opera Princeps ille prudentissimus, in multis & magnis Reipublicæ negotijs, crebris & plurimi momenti legatio-



nibus, cum ad alios Principes, tum verò frequentissimè ad Vladislaum & eius filium Ludouicum Vngariæ & Bohemiæ Reges utebatur, in quibus obeundis, dexteritas fidesq;

fidesque hominis multum enituit. Porro quamuis egregijs naturæ dotibus insignitus esset, tamen ei debitæ laudis non parum detraxit, in iram iusto celerior propensio, cui plus nimio indulgit. Præuenerat in eo annos canicies venerabilis, qua ei multum decoris ad maturam virtutum compositionem accendebat. Arcem Episcopalem in Raciæ instaurauit, turri noua consummata: instaurassetque & alia bona Episcopatus sui, si vitam longiorem, aut saltem bonam valitudinem diutius habere contigisset. Anno enim dum Vladislauiensi præest Ecclesiæ tertio nondum exacto, in Conuentu Petricouien. paralyti correptus, dum Cracouiam, ut suæ consulat valetudini, reuehitur, ibique toto decumbit quadriennio, nihil proficientibus Medicis morte lenta est ex hac luce ii. Decembris Anni Dñi. 1538. sublatus, atque in Ecclesia sua, cui non parui pretij supellectilem in auro, holoserico, atque argento donauit, est tumulatus è regione monumenti Petri de Bnino Moszczinski, in columna est tabula ærea in muro, in qua legitur ipsius Epitaphium: *Ioannes Karnkowski Episcopus Vladislauiensis, sciens se esse moriturum, hoc suo cadaueri monumentum viuens adhuc ipse iussit fieri. Anno M.D. XXXVI. eius verò ætatis Anno LXIII. Obijt autem Anno 1538. sub Paulo III. Romano Pontifice, Carolo V. Imperatore.*

Serpebat tum hæresis Lutherana in Polonia, ad quam reprimendam, tale Antistitem pia solitudine inductus Sigismundus Augustus edictum fecit promulgari.

Bbb SIGIS-



**SIGISMUNDVS DEI GRATIA REX**  
Polonia, Magnus Dux Lithuania, Russia, Prussia, Maso-  
uia, &c. Dominus & Heres.

Magnifico Petro Kmica de Wisnietz Castellano Sandomirien. Regni nostri Marscalco, ac Crnc. Szepusien. Præmisiem. & Colen Capitanco, sincere nobis dilecto. Gratia nostram Regiam. Magnifice sincere nobis dilecte. Audimus permultas esse in Regno nostro, factiosos, & nouandorum rerum cupidos homines, qui sectas ab Orthodoxis Patribus in Vniuersalibus Concilijs reprobatas non in occulto solum sectantur, sed & publicè proficuntur, & disseminant, non sine conspectu piarum sanctionum, à Sancta Ecclesia Catholica institutarum & receptarum, atq; edictorum nostrorum: esse item non paucos, qui liberos, propinquos, & affines suos Vitembergam mittunt, ut illi mox ab ineunte ætate priusquam noverint malum à bono discernere, pestifera dogmata ab ipso Luthero, qui horum malorum caput est umbant, & postea in Regno nostro diffundant & propagent. Quæ res quam benè vicinis Germania regionibus ceciderit, nemini obscurum est; vidimus enim luce meridiana clarius quantæ sceleris, quantæ cedes, honorum dirreptiones, & quantarum omnium perturbatio, quanta deniq; honestatis euersio, ex his inijs excitata sit; quam non poterit hætenus pestis hac semel in hominum animis radicata exstirpare, quamuis multis in id incumbantibus. Quod ne Nobis quoq; & subditis nostris unquam usu veniret, cauimus aliquoties edictis nostris grauib; positis in transgressores constitutionibus. Itaq; & nunc mandamus Sinceritati Tuæ, prospiciat etiam atq; etiam, ne quis in Capitaneatu ipsius aliquid aduersus Ecclesie constitutiones palam vel facere vel loqui ausit. Quod si quem eiusmodi post huius edicti nostri publicationem inuestigaret, castiget eum pro delicti magnitudine, ad præscriptum priorum edictorum nostrorum; iam olim ante annos aliquot ea de re editorum: penitus enim dominia nostra ab huiusmodi nouatoribus volumus esse immunia. Quod attinet ad eos, qui apud Lutherum, vel quoscunq; alios factionum istarum Principes vitam degunt, ijs omnino adiutis ad quasvis dignitates & magistratus præcludemus in posterum. Qui autem

post

post publicatum hoc edictum nostrum, vel sua voluntate, vel iussu suorum amicorum, ad istos ipsos sectarum nouarum auctores, ut eorum dogmata umbant, proficiscerentur; eos vel extorres esse iubemus, vel seuerius è Consiliariorum nostrorum sententia castigabimus: ne illis quidem parcendo, qui ipsis auctoreis eius rei fuerint. Quo circa volumus, ut Sic Tuæ mandata hac nostra publicet, diligenterq; exequet, & aduersus eos, qui in Ecclesiasticis censuris obfodescunt, ita procedat, quemadmodum Statuta Regni disponunt. Aliter non factura, per gratiam nostram. Vilnæ, 4. Februario, Anno Domini, 1535. Regni verò nostri XXIIX.

Conspiciui Patrio Prasul Karnkouius Agno  
Stemmata sub miter corda Leonis habet.  
Patria, intra tibi libertatemque tuctur,  
Nec vobis aquo pectore, templa deest.  
Acer in ingenio, prudens ratione, sed ira  
Impatiens Agnus debuit esse, Leo est.

# LVCAS A GORKA EPISCOPVS VLADISLAVIENSIS XLII.

**C**Larissima Illustrium Comitum de Gorka familia  
Naui insignita ortus, ex Palatino Posnaniensi in  
Episcopum Vladislauensem à Sigismundo I. Rege  
Poloniæ non sine suspitione ambitionis promotus, & à  
Paulo II. confirmatus, Ioanni Karnkowski successit; vir  
sermone affabilis, prudentia perspicax, eloquentia prom-  
ptus, iudicio constans, non solumq; apud suos, sed etiã  
apud extraneos Principes fama celebris, & auctoritate  
grauis, quemadmodum se in priore statu, ac Magistratuum  
diuersis dignitatibus, quas circiter annos quadraginta  
Bbb 2 gessit,

gelsit, magnanimum, splendidum, locupletem, & Reipublicæ valde vtilem Ciuem & Senatorem boni communis amantem declarauit; ita Episcopum iustum, sobrium, diligentem, vitiorum castigatorem, libertatis publicæ



iurium assertorem propugnatoremq; generosum præstitit. Cæterum cum nihil quod ad boni pastoris officium pertinere videbatur cuperet prætermisum, die nocteq; destinatis temporibus (meridie duntaxat cibo sumpto) attentissimè

tentissimè remotis interpellatoribus quibusuis iusta parte diei in templo absumpsa orabat, frequenter gregem sibi commissum pabulo verbi diuini refecit, festis diebus Euangelium & scripturam sacram pro suggestu ad populi captum interpretatus, callidas hæreticorum technas, & vastras imposturas, vt sibi diligenter caueret fidelis populus ab impiorum dogmatū vesaniā seriò admonens, retexuit: in pauperes, vltra eos qui de mensa ipsius alebantur, singulis diebus non parum erogabat rei. Nemo ærumnosorū aut egentium, subsidio opificum, aut pauperum vitam tolerantium, viduarum, aut maritis elocari volentium virginum, opem frustra ab Antistite liberali flagitauit, nemo sine optato solatio dimissus vnquam, solenne præterea fuit munificentix ipsius anno quolibet plurimos pauperū diuersis in locis vestire. Non mediocres fecit idem sumptus in Collegia sacerdotum, diuersis dominiorum suorū locis, Officium B. MARIÆ Virg. psallentium fundata, quibus Samotulijs Collegium Canoniorum adiunxit: ibi ille frequenter, sed Posnaniæ frequentius degere solebat, semel duntaxat quotannis Basilicam partim negotijs publicis impeditus, partim suorum & Patriæ amori indulgentior adibat; quare eum nomine negligentix in cura Ecclesiæ subditorum fama communis insimulabat: Tamen sponsæ suæ decorem dilexit, ac promde vt in Basilica cereæ candela XII. in honorem primi Christi Apostolorum collegij ante maius altare super Epystilium ferreū, festis diebus sumptu suo lucerent, ordinauit. Capellam in



eadem exstruxit, ornauit, & donauit, vt Missa de B. M. V. *Rorate*, empto censu pro sacerdotibus, cantaretur. Calicem aureum, & pleraque ornamenta, antependia, planetas, dalmaticas, pluuialia, & pedum pastorale eidem Ecclesiae reliquit: pro bonis Episcopalibus seruandis, graues lites & controuersias cum aliquibus non mediocris status hominibus gessit. Ad extremum omnibus prouentibus integri vnus anni Episcopatus Ecclesiae suae legatis, Reuerendos & Venerabiles Fratres suos Prelatos & Canonicos extremae voluntatis executores designauit, ac vt quod viuens meditabatur, ex eisdem erigendum piillendi noctu diuq; officium & alia necessaria Ecclesiae prouiderent, testamento disposuit. Dantisci in Pomeraniae Ciuitate nobili ciuium nonnullorum, partim multo ante, partim recēs exortos errores, ac de fide dissidentium impetus contra sui officij auctoritate erumpentes, per literas ac per nuntios reprimere cum non valeret, diu institutum iter maxima omnium illius Ordinum Prouinciae expectatione, adiunctis sibi viris idoneis apparare capit, vt Pontificij muneris dignitatem rabularum tumultuanti strepitu depressam, suo loco reponeret. Interim Wroncijs prima suscepti itineris nocte maligna febris correptus, Samotulio reuehitur, vbi inualecente morbo diuinissimae Eucharistiae bis sumpto viatico, sacri olei vnctione munitus, confirmatusque, vt decuit religiosissimum Episcopum, dispositis rebus ex animi sententia, anno aetatis suae LX. mense tertio die Octobris anno Domini M. D. XLII. ad quietis portum auita

auita Naui virtutibus onusta appulit, Episcopatus sui Anno 4. Mense Octauo ad Ecclesiam Vladislauensem ab Illultri & Magnifico Domino Andrea Comite de Gorka Castellano Posnanien, & Capitaneo Maioris Poloniae Generali filio suo pientissimo, Samotulij, cum plurimo Procerum Regni comitatu, nobiliumq; ingenti corona deductis, honorificentissime magno cum merore omnium Ordinum tumultu illatus est. Ipso superstite & Ecclesiam Vladislauensem gubernante Sigismundus Rex domum suae Curiam inter domum Reuerendissimi Episcopi Posnanienfis & Magnifici Ioannis de Tenczyn, cum tota area inter has domos inclusa in Oppido Piotrkouienfi existens perpetuo dedit & donauit Vladislauensi Episcopo, Anno Domini, 1539.

Hic Antistes ripam fluij Kłobiasci, quae est inter molendinum Zaborowy Venerabilis Capituli, & fluium Zgłowiacka nuncupatum, pro paranda piscina & erigendo molendino, tam longè & latè prout se ipsa ripa extendit, dedit, & donauit perpetuo Capitulo Vladislauensi, vltima Aprilis. Anno Domini, 1540.

Idem liberam molitionem in molendino clausi Vladislauensi dicto Swiechowski in fluio Zgłowiacka circa Vladislauiam sito, frumetorum cuiuscunq; grani & seminis absq; mensura aut aliqua solutione, nec non tertiana mensuram cuiuslibet grani & seminis se concernentem, Venerabili Capitulo Vladislauen. donauit, dedit, & concessit in perpetuum. die 1. Mensis Februarij. An. D. 1542.

Epitaphium

Epitaphium illius legitur in marmorea tabella ad dextram ab altari in Capella SS<sup>mi</sup> Corporis Christi ab ipso fundata.

D. O. M.

Lucæ Comiti à Gorka ex Palatino Posuanien. Episcopo Vladislauien. & Pomeraniæ, humanitate & prudentia, facundia eximio. In Repub. bono Patriæ Cui, in Pontificali munere laudato Antistiti, pauperum Patri, Fidei Catholicæ contra noua tunc pullulantiæ dogmata, cum alibi tum & pro Concionibus sacris ad populum sæpè habitis, assertori libertatis, iurium ac bonorum Ecclesiæ propugnatori, erga Capitulum hac benefico, cui moriens totos unius anni Episcopales redditus suos raro exemplo legauit. Capellæ huius in qua & cineres sui, anno Domini, M. D. XLII. depositi quiescunt, structori, Missæ de B. M. V. quæ hic quotidie canitur fundatori, ob receptum in societatem sepulturæ Paulum Wotucki Episcopum Vladislauien. Philippus Wotucki Castellanus, & Sebastianus Wotucki Capitaneus Rauensis, posuerunt, Anno Domini, M. DC. XXVI.

Mortis eius annus incidit in Pontificatum Pauli III. Imperij Caroli V. Quo etiam anno Concilium Tridentinum in Calendas Nouembris indictum est.

Sub idem tempus, anno Domini, 1540. noui tumultus à desertoribus orthodoxæ religionis & ad superstitionem Lutheranam transfugis Gedani inualescebant, quos cum literis & edicto compescere Sigismundus I. satageret, parui æstimabantur ab ijs mandata Regia, qui iam omnia iura

iura diuina humanaque contempserunt. Ioannes tum Łaski Præpositus Gnesnen. & Lancicien. nominatus Episcopus Vesprimensis in Vngaria, profectus in Angliam, sacrilego ausu duxit uxorem.

*Lata Palatinum Posnensis terra videbat,  
A Gorka Comitem, Religione pium,  
Vladslauiam post Prasul adit, complere laborat,  
De grege solliciti Prasulis officium.  
Dux verbi populo prudens alimenta ministrat,  
Et qua quemq; fames stringit, utramq; fugat.  
Hac est illa rasis, qua portat ab orbe remoto  
Panem, quem frangi parua turba petit.*

NICOLAUS III. DZIERZGOWSKI  
EPISCOPVS VLADISLAVIEN. XLIII.

**P**etri Gamrati Archiepiscopi Gnesnen. Episcopi Cra-  
couien. qui plurimum apud Reginam Bonam gra-  
tia & auctoritate potuit, factum est promotione, vt  
ex Chelmensis Ecclesiæ regimine, ad Episcopatū Vladisla-  
uiensem transferretur Nicolaus Dzierzowski gente Ac-  
cipitrina. Is cum ad eam Cathedram esset euectus Anno  
1543. tertio post videlicet 1546. Patronum suum Gamratū  
eiusdem Reginae fauore, ad Metropolitanam Ecclesiam  
secutus est, vtrique Vladislauien. & Gnesnen. Pauli III.  
Pontificis Summi voluntate præfectus. Cum annos XIII.  
in primatiali sede transegisset, obiit Anno Domini, 1550.  
sub Paulo Papa IV. Imperatore Ferdinando.

Is septem sacellanis per Reuerendiss. olim Comitem à  
Ccc Gorka



Gorka Episcopum Vladiſlauen. pro decantanda ſingulis diebus Miſſa de Añuntiatione B. M. V. in cēſu annuo pro dote eorundem comparato fundatis, octauum ſacellanum



presbyterum adiunxit; incorporans eiſdem octo Sacellanis Eccleſiam Parochialem in Byczyna in eum finem, vt perpetuis temporibus die ac nocte, quando ab officijs Diuiniſ

Diuinis Eccleſia vacat Pſalterium decantarent: pro augmento verò illorum menſe, ac pro candelis ad decantandum Pſalterium coëmendis Scultetiam in Oppido Raciąz centum marcis teſtamento Reuerendiſſimi Luca à Gorka relictis exemptam attribuit, eiſdem Pſalteriſtis & Rotariſtis cum omnibus agris ſeminatis, pascuis, ſyluis, annexit, feria VI. pro feſto Aſſumptionis B. M. V. anno Domini 1545. Cum verò in tantum reditus Parochiæ Byczynen. fuiſſent imminuti, vt tanto oneri non viderentur ſufficere, renuntiârunt iuri ſuo ad eam Parochiam, officiumq; pſallēdi recuſarunt dicti ſacellani. Porro Illuſtriſſ. & Rñdiſſ. D. Matthias Łubienski, antiquitus proueniente cenſu illis relictis nouos ſacerdotes & adoleſcētes ad Pſalmos diu noctuq; decantandos in ſumma 25. millium in bonis Generoſi D. N. Kadzidłowski inſcripta, fundauit.

Videtur Dzierzgowſki fuiſſe animoſus libertatis Polonæ deſenſor, in Archiepiſcopatu namque cūm vellent Equites Poloni Comitia cogi in Anno Domini, 1549. ad comprimendā licētioſorum hominū effrenem audaciam, apud quos & auctoritas Regia, & patriæ leges pro paruo ducerentur, idque à Rege per Dzierzgouium poſtularent: Regi autem Sigismundo Auguſto offenſorum ſibi, non placeret congregari conſilium, ſe coacturum citra Regis voluntatem Comitia reſpondiſſe fertur, tamen eas minas, nullus effectus ſecutus eſt.

Ea tempeſtate ſlata primū feria quarta carnes in mēſam Auguſti Regis apud Polonos, dum funus Parentis ſui

sui Sigismundi Primi curaret, Anno Domini, 1548. magno populi murmure: ieiunare enim diem hunc maioribus nostris religio fuit, quanquam Rex in gratiam Germanorum hospitum id fieri debere excusauit. Circa id tempus Henricus Cardinalis Caietanus ad Regnum Poloniae de latere Legatus, vnionem & annexione Ecclesiae Parochialis Bresten. per Episcopum Vladislauien. Capitulo Vladislauien. factam confirmauit, & approbavit; concedens illius fructus, prouentus, iura, obuentiones, percipere & exigere, ac in mensę Capitularis vsum conuertere, Diocesani loci vel cuiusquam alterius licentia desuper minime requisita, modo cura animarum in illa nullatenus negligatur, sed eius onera consueta supportentur. Varfauię 1546. xiii. Calen. Aprilis. Porro quamuis genio indulgentior fuisse dicatur, tamen non omnino expers curarum æternitatis, videtur in suo monumento, quod ita legitur in Basilica Gnesnensi:

*Nicolaus Dzierzgowski Archiepiscopus Gnesnen. & Primas Regni, Legatus Natus, in multis & varijs Reipublicæ curis ac munere sui officij grauissimis negotijs, de sempiterna requie sollicitus, viuens sibi posuit: quietem posteri non inuideant, qui secus, illis mentem bonam precamur.*

*Pegmata Vladslauia subijt Dzierzgowius adis,*

*Chelmen. Præsul qui fuit ante soli.*

*Victor erat populi, Graio de nomine certè*

*Non vacuum tanto nomen honore tulit..*

*Illum Vladslauia vix tertia viderat ætas.*

*Nidum Gnesna taurum h'c, cum subit Accipiter:*

ANDRE-

ANDREAS III. ZEBRZIDOWSKI EPISC:  
VLADISLAVIENSIS XLIV.

**F**Vit is de Wienebork Raduanorum clarissima profectus origine, Camenecensis primuni, deinde Chelmen. Episcopus, Anno Domini, 1546. regimen Vla-



dislauien. Ecclesiae tractare capit, per Paulum III. translatus. Disciplinis humanioribus animum excoluit. Erasmo Roterodamo præceptore vsus, ingenio fuit prompto &

Ccc3

ad di-



ad dicendum pere xpedito. Reliquit non contemnendum Volboriæ nominis monumentum; quod solarium seu hypocaustum maius eximia proportionem, dirutis alijs habitationibus, quæ eodem in loco erant, extrui, & imagines omnium Episcoporum in eo cum subscriptionibus usq; ad suammet ætatem depingi curauerit. Anno Domini, 1551. ad Ecclesiam Cracouiensem profectus est. Edictum Sigismundi Augusti contra Hæreticos in Comitibus Cracouiensibus tenoris talis promulgatum est, ipso Ecclesiæ Vladislauien. præidente.

### IN NOMINE DOMINI. AMEN.

AD perpetuam rei memoriam. Quoniam humana omnia vana sunt, & inutilia prorsus, nisi legibus Diuinis earumq; metu, ac obseruatione in officio retineantur, & religionis imprimis integritate obseruentur. Proinde Nos SIGISMUNDVS AVGVSTVS Dei gratia Rex Polonia, Magnus Dux Lituania, nec non terrarum Cracouiens. Sendomiriens. Syradia, Lancicia, Cutauia, Russia totius, Prussia, Masouia, Samogitia, Culmen. Elbingen. Pomerania &c. Dominus & heres. MANIFESTVM & confessum esse volumus vniuersis, & singulis, quorum interest, aut quomodolibet interesse poterit. Quia cum ex nostris vtriusq; status Consiliarijs intellexissemus, varias in Regno nostro passim pullulare hæreses, nouaq; in religione dogmata & ritus, non solum adferri hac aliunde: verum etiam temerarios quosdam subditos nostros, palam profiteri ea, atq; instituere. Nos vestigijs Maiorum nostrorum insistentes quorum præcipua cura & studium semper fuit Sacrosanctam fidem Christianam propagare & adaugere, ac omnem occasionem excitandi inter subditos nostros dissidijs, & omnia in Republica perturbationis, qui dissensionem in religione indubitatam solet esse comes, amputare; idq; primum ad officium Regum & Principum pertinere existimantes, nostris hisce literis testatum facimus, & pollicemur. Nos pro nostra pietate & erga rem Christia-

nam atq; Ecclesiasticam studio & amore, vniuersam imprimis dictam Ecclesiam fideiq; Christianam Catholicam & Apostolicam sinceritatem, quam Sancta Romana confitetur Ecclesia, & quam maiores nostri iam inde ab initio suscipientes, ad hac usq; tempora constantissime professi sunt, similiter professuros, & integrè ac inuolatè, pro viribus nostris, ubiq; in Regno ac Dominijs nostris conseruatuos: Hostes verò eius non solum Ethnicos, qui à Christiano nomine ex professo alienos se esse volunt; sed etiam hæreticos, qui sub specie Christiani nominis & falsa Dei usurpatione, omnem prorsus Christianam doctrinam tollunt & euertunt, seq; alienos esse testantur ab ea fide atq; religione, quam inde ab Apostolis traditam hac usq; tempora sancta Romana ac vniuersalis proficitur Ecclesia, propugnatuos, & à Regno nostro propulsatuos, in consilium ac Senatum nostrum Regium eos qui aliqua Hæreses infecti, quod quidem nos sciamus, nunquam asscituos, dignitates nullas aut præfecturas eis commissuros, immò si qui ad Nos delati fuerint effecturos DEO Optimo Max. auspice, ut Statuta Regni nostri contra eos extendantur & summa diligentia exequantur, quo semper inglorij, infames, extorres & exules à patria permaneant, nisi ad gremium S. Matris Ecclesiæ redire, eiq; se reconciliare studuerint. Ecclesiasticas personas earumq; iura, immunitates, ac Priuilegia priuata & publica defensuros, conseruatuos, & quoad fieri poterit propagatuos. Officiarijs autem nostris ac Præfectis quibuscumq; ne remissi aut negligentes essent in eis exequendis, ac manu tenendis cum graui & seuerâ indignationis nostra comminatione mandatuos. Alioquin si qui ad nos delati fuerint, qui cum suo officio, tum verò mandatis nostris satisfacere nolent, Nos id impune non feremus. Qua quidem sub impressa omnia Reuerendissimo in Christo Patri Doraino Nicolao Archiepiscopo Gnesnem. Legato Nato, & Regni Primati, & alijs Cœpiscopis suis, caterisq; Consiliarijs nostris, Nos pro officio suo ea de re admonentibus, facturos esse, verbo nostro Regio polliciti sumus, & firmiter sub sacramento fidei nostra Regia subditio nostris per Nos in inauguratione nostra præstito, obseruare volumus. In cuius rei fidem & euidentius testimonium sigillum nostrum præsentibus est.

bus est appensum. Datum Cracouia feria VI. post Festum Conceptionis B. Virginis *MARIE*, Anno Domini, 1550. Presentibus Reuerendissimo & Reuerendis Patribus & DD. Nicolao Dzierzgowski Archiepiscopo Gnesn. Legato nato & Regni nostri Primate. Andrea Zebrzydowski Cuianiensi Andrea Noszkowski Plocen. Ioanne Dziaduski Premisl. Ioanne Droionowski Chelmen. Stanislaio Hosio Culmen. Leone Slonconski Camenecen. Episcopis: nec non Magnificis & Generosis Ioanne Comite in Tarnow Castell. Cracou. & Exercituū Regni nostri Duce supremo, ac Sendomirien. Strien. Lubaczouiensiq; Capitaneo Petro Kmisa Comite de Wisznic Palatino Cracouien. Regni nostri supremo Marsalco & Pramisl. Szczepuzien. Colensiq; Capitaneo. Martino Zborow: Calissien. & Odolanouien Stobnicen. Szydtouien. Capitaneo Spyskone de Tarnow Syrdiensiq; & Brzeznicensi Krzepican Krzeszouien. Capitaneo &c.

Ne verò frustra videretur legem condidisse, cuius executio esset nulla, statim in iisdem Comitij Nicolao de Pinczow Olesnicki diem dixit, causamq; ad suum tribunal desertæ Orthodoxæ religionis iussit dicere. Adhæserat is iuuenis blanditijs illectus, fidei quæ nulla bona opera requirit, Francisco Stancaro Italo, templumq; Pinczouienſe à Sbigneo Cardinali Episcopo Cracouienſi exadificatum, pulsus inde religiosus, hæretica impietate contaminauerat. Cum autem propterea vocasset ipsum in ius Ioannes Przerembski Administrator Cracouien. sede vacante morte Samuelis Macieiowski, magna stipatus ceterua comparuit, Iudicijq; auctoritatem insolenter contempsit. quod cum Episcopis ad Regem Administrator detulit. Grauitè & animosè questus est in senatu Andreas Zebrzydowski Episcopus Vladislauien. læsam iudiciorum grauitatem, idemq; obtestatus est Regem, ne sacro san-

cro sanctam fidem Catholicam antiquitus in Regno Poloniæ susceptam, nouis hæreseon erroribus perturbari pateretur, videretq; in vicino Germaniæ exemplo, quos ea religionis immutatio in illa inclyta Republica fructus attulisset: immò quæ monstra confusionis, dum omnes status obedientiam potestatibus debitam effugiunt, pepere-rit: monuitq; auctoritatem Regis, auctoritate sacerdotij integerrimè conseruari, ita vt hæc in discrimen adducta, proximus sit ad Regalis fastigij præcipitium gradus. Atq; vt totus manibus pedibusque in Zebrzydouij sententiam iuisset senatus, mitius tamen Augustus, vt erat Clemens, temerarios ausus adolescentis reprehendit; monens eum ne talia deinceps attentaret, sub incurſu poenarum legibus definitarum, Stancarumq; quantocius inde amoueret. Amotus hic Regiomontum perrexit, Sacerdos verò Apostata Martinus Krouicki, ducta vxore Magdalena Pobiedzynska cum fugeret, poenas à Cracouienſi Episcopo irrogandas, in ipsius locum successit.

*De Wencbork Zebrzydowski Cuiania tradit  
Chelmenſi Andrea Pontificale decus.  
Qui mores hominum multorum vidit & Vrbes,  
Excoluit pectus Pallas amica suum.  
Ornat imaginibus pictis monimenta priorum  
Pontificum: & pictis gratia rebus inest.*

Ddd

IOANNES



IOANNES VII. DROIEWSKI EPISC:  
VLADISLAVIENSIS XLV.

**P**lurimum gratiā valuit apud Gamrarum Archiepiscopum Gnesnen. & Episcopum Cracouien. Ioannes Droiewski, vnde existimationem eam sibi collegit, ut in ordinem Secretariorum Regis cooptaretur, ac inde

inde Camenecensem (iuxta Catalogum Volborianum; nam in edicto Sigismundi Augusti Chelmenfis fuisse Episcopus scribitur) Episcopatum fuerit consecutus, ex quo ad Vladislaviē. gradum fecit, in locumq; Andreæ Zebrzydowski ad gubernādā Cracouien. Ecclesiam commigrantis successus est. Ex celebri familia Korczakorum is originem traxit, quorum Synthema gentilitium triplici fluuio, quos Aborigines bellis Pannonicis hostili sanguine miscuerunt, insignitur; vias aliqui siue Lemniscos interpretantur Principis manu in cruentato militis pectore ductos fidem erga se collaudantis. Ab hac origine gentis Caraffæ, ex qua Paulus IV. Pontifex Maximus prodijt, gloriam deducit Petra Sancta Societ. IES V. de Symbolis Heroicis. Vitatum est genti Korczakorum superius in scuto scyphum siue Craterem deferre, ex quo caninum caput prodit hianti rictu linguam exferens. Claritatem generis sui & prosapiæ quamuis in amplissimo dignitatis theatro constitutus Droiewski, non multum amplauit, ne dicam plurimum decoris & genti suæ & dignitati Pontificiæ detraxisse ob mores tantæ cellitati aduersos. Fuit vir facie liberali, & sermone non insuauis, iudicio tamen instabili & ingenio leui, ac facile mobili. Nam ut in alijs rebus, ita in Religione facile de sententia deducebatur, animo nutabat, & nunc hoc, nunc illud sentiebat. Atque dum fortè cum illo Catholicus aliquis de religione loqueretur, & fraudes Hæreticorum efficacibus argumentis deregeret: Videni inquebat, in quas me insidias pro-

Ddd 2.      trahere

trahere voluerunt: rursus cum aliquis hæreticorum veritatem Catholica religionis apparentibus argumentis traduceret. Hem, aiebat, hanc non animaduerterem captionem! qua eius inconstantia & temeritate factum est, ut in dies maiora hæresis impune sumeret incrementa in Pomerania, herbesceretq; densius infelix lolium in agro Dñi, cum oppressione tritici, Epistate quem Dominus cōstituit super familiā suā vel dormiente, vel conuiuēte, ne dicā approbante. Catalogus ipsum appellat Semihereticum, quæ vox quantum illi de laude veri Catholici & fidelis detrahit, tantum infidelitatis hæreticæ attribuit: nam quem admodum inter lucem & tenebras, dum non est quod dicatur vtrinq; quidpiam participare, ita inter veritatem & non veritatem, sub qua quæuis cum formidine ad oppositum opinio continetur, inter Catholicum & Hæreticum, inter fidelem & infidelem, inter eum qui firmissimā certitudine quæuis obscurissima ob auctoritatem reuelantis summæ veritatis credit, & eum qui opinionibus cerebri sui & inuentionibus adhærescens, animo fluctuat & hallucinatur, frustra tertium vocula etiam dimidiante rem quæsieris, cum in vna re veritati supremæ non assentiri, sit fide diuina penitus excidisse, illudq; hic oraculum habeat locum. Qui in vno deliquit, factus est omnium reus, aut si tertium inter Catholicum & Hæreticum quæris, non alium quàm Atheum aut Machiavellicum Politicum, quod idem est, reperiēs. Dolendum maximè isto Pontifice tam altè radices fibratas hæresim

videtur

a b b c

egisse,

egisse, tanto Rei Christianæ Publicæq; detrimento, non paruo, vtriusq; ab eo gesti muneris & Pontificij & Senatorij dedecore. Prudentiam tamen & grauitatem in rebus agēdis præferebat, sed leuitas animi cito se ac facile in illo prodebat. Ab amicis suis & necessarijs leui momento quo volebant impellebatur, & his auctoribus in subditos durior grauiorq; fuit, cum illi commodis suis & existimationi Episcopi consultum vellent. A venere quoq; quamuis occultius non fuit alienus. Immo hilarior aliquando sub vesperam dicitur nuptias cum gloriæ suæ pedisequa publice non sine scandalo familiæ celebrasse, quanquam scandali iam tum minor habebatur ratio, cum Clerus passim in lasciuiam fuisset prolapsus. Vnde Stanislaus Orichouius gente Oxarum Canonicus Præmyslien. cum esset Sacerdos, Magdalena n. Chelmska in vxorem sibi palam desponsare non erubuit, quo petulanti facto seuerius ab Episcopo suo Ioanne Dziaduski admonitus, nec dictis sui Præfulis acquiescens, magnam odiorum nobilitatis contra Clerum materiam præbuit, iam enim tunc cælibatus sacerdotū contemptui esse capit, quasi aliquod irreligiosū nefas. Cōegit Nicolaus Dzierzowski Archiepisc. Gnesn. Synodū Petricouia, in qua remediū tot malis reprimendis prouideretur. Confessionem Petricouianam fidei Catholicæ tunc doctissimus vir, clarissimum Sarmatiæ sydus Stanislaus Hosius Cardinalis Episcopus Varmiensis à se conscriptam, prælegi auctoritate Synodi & promulgari fecit, ibi declaratus est Stanislaus Orichouius hæ-

D d d 3.

reticus.



reticus, tanquam is qui proteruè Romanæ Ecclesiæ instituta despiceret, Regi; ad iudicandum traditus; inibi zelo fidei defendendæ Antistites pij & pastores solliciti accensi, vt à Synodo discesserunt, in ius vocarunt propugnatores hæreseon: Archiepiscopus quidem Gnelnensis Laſoccio, Christophoro & Iacobo Ostrorogijs, Cracouien. Episcopus Conrado Krupcz, Episcopus Præmyllien. Stanislaſo Stadnicio diem dixit, respondereq; coram se de nouitate dogmatis iussit. At Vladislauien. Episcopus laxauit habenas furenti hæresi, cuius ope & fauore fretus Georgius Klefelt. Consul. I. V. D. dicacitate & auctoritate potens, flammam intra latentem, in magnum incendiū exciuit, publicè iam tunc impijs dogmatibus populum seducendo. Venerat Droiewski eo tempore Gedanum, quo multi ex incolis ob prauitatē hæreticam fulmine excommunicationis idē denuntiari viritim sunt iussi. Prodiit obuiam Episcopo Clerus vniuersus, cum solenni, vt mos est, apparatu; quem ille neglectum vltra horam expectare siuit, ipse interim de alijs rebus cum Senatu ad maiore portam tractauit, templumq; cū intrasset, non Catholicum aliquē sed hæreticos concionantes fertur saluasse: dumq; Gedani moraretur, sæpius alias in templo B. V. M. peruersas errorum nouitates attentā curiositate audiuit. Quin altare adiit more simiarum sacra facientes spectaturus, eorumq; oblationi panis & vini aperto capite reuerētiam exhibuit. Accessit ad ipsius perfidiam & hoc incommodi, quod Parochiam S. Ioannis cuidam rabulæ vltro concessit,

ferit, qua hæretici in diem hodiernam impune abutuntur magna Catholicorum iniuria & damno. Klefelt autem, quod contra conscientiam, & veram Ecclesiæ Romanæ fidem (vt postmodum falsus est) errores sparsisset, haud impune hoc ipsum tulit. Namq; ante mortem obmutuit, nec gratiā Sacramentorum reſectus est: quamuis sacerdotem Albertum Polonum vocauerit, ſera fuit penitentia; muto, qui loquens confiteri noluit.

Grassatur funestum Lutheranæ superstitionis pertotam Poloniam incendium, palamq; sine vlllo metu, aut legum reuerentia malum suas vires exſerit licentioſius. Licet iam quod libet vnicuiq; in sua ſecta: nam cum Anno 1552. Augustus Comitia Petricouix indixisset Calendis Februarij, nouum ætas illa vidit & insolens monstrum, reperi sunt pleriq; qui in aulis Regiæ Maiestatis in templo (dum sacrificium Miſſæ de Spiritu ſancto perageretur ex pio & vetusto more ab inuocatione Numinis Comitia Regni feliciter auſpicandi) nullum Diuinissimo Sacramento lignum venerationis ne capite quidem detecto exhibuerunt, ita iam liberiùs progreditur impietas hæretica. Admiratus est populus illatas contra consuetudinem feria q. carnes, doluit sacerdotes sacrilegis nuptijs contaminari, nūc sacra omnia palam cōculcari miſetabiliter ingemuit: Cū autem primum Senatusconsultorum punctum à Rege propositū eſſet circa defensionem Reipub. responſum eſt à Nuntijs Terreſtribus, ſe ad nulla Reipub. conſilia deſcenſuros, maximè in ijs, quæ ad defensionem ab externo-  
rum

rum hostium incurfibus facerent, nisi prius à domesticis inimicorum tuti essent oppressionibus. Sacerdotes autem maxime infestos sibi affirmabant, vrgebantque per Raphaëlem Lesczinski gentis Wieniauiæ ne in rebus religionis ab alio iudicarentur, quam ab ipso Rege, indignum putantes libertate Polona, quicquam ab alio, de honore, fortunis, & capite nobilis Poloni statui quàm à Regia Maiestate, ibi quod nunquam antea in Regno Poloniæ fuit auditum hypocritæ ac lupi rapaces Episcopi audierunt, ab ijs qui ab Orthodoxa religione, ad castra Lutheri transfugerant. Ad quam vocem primùm quidem obstupuerunt Pontifices, deinde verò Andreas Zebrzydoui Cracouien. Antistes in hæc verba respondit.

Venerunt iam, eben, in Regno Polonia olim prædicta tempora, quibus nequitia hominum Religio vera in opprobrium & contemptum adducenda erat per Magistros prurientes auribus, quæ quæ libi iam nunc incipit, omnia humana in extremam ruere cludem, est necesse. Quid enim si malicia sacerdotum diuinarum rerum eleuetur auctoritas, quomodo bumina propter Regum vitia, quæ subinde solent obrepere subsistent, homines a quæ sacerdotum ac Reges obnoxij imbecillitati sunt. Nulla est autem ratio cur in Polonia S. Pontifices inferiore loco censeantur, si genus spectes, pari nobilitate illud cum nobilissimis quibuscumque Senatoribus ab illustri maiorum origine trahunt, si vitam inspexeris & mores, ita viuunt, ut nemo melior ijs videri & dici possit, si doctrinam consideres, ad eos pertinet, quæ scitu necessaria sunt, deligere ac discernere ab inutili curiositate salutis mysteria, quæ in re pastores hominum & iudices à DEO constituti subditarum omnium, subesse nequeunt censura. Attende interim diligenter o Rex, quæ n in finem audax Hereticorum licentia suos exferat conatus? Audis calumniam contra Reipublica columina prolatum, in qua vides Episcopos haberi despectus, à DEO constitutos iudices

iudices profligari, senatores dep. imi, te ipsum cuius maiestas auctoritate nostra consistit contemni, Ecclesiam Christi dissipari. Ac illa quidem in soliditate Petri æterna veritatis verbo firmata perseverabit, nec ullis improborum machinationibus conuelleretur. Tibi verò, tibi Rex prospice, cuius hic petitur caput, quando eorum dignitas laessitur & laceratur, per quorum manus diadema Regum suscepisti? Contempnus Dei & Ecclesia tuus est simul: nec est quæquã vtriusque rebellis, qui non hoc ipso bellum tibi indicat, & maiestatem tuam oppugnet. Sentit Vicina Germania infausos talium consiliorum progressus, dum de Casaris periclitata potestate tot perturbationibus illisa quassatur, & nos eadem tempestas incipit iam nunc inuoluere. At enim libertatem isti gentis Polona propugnant: Quæ demum ista libertas est? Pontifices non audire? Regi obtemperare nolle? quis unquam sena minus tam perniciosam licentiam, & licentiosam temeritatem libertatem vocauerit? auferri iudicium in causa religionis ab Episcopis, quid aliud est quàm ius quarendo alienum, suum amittere. Non ad te pertinet, o Rex, iudicium inter lepram & non lepram, nisi velis fieri similis illi Regi, quem propter usurpatum sacerdotis officium cum sacrificio Deus reiecit & leprâ percussit. Permitte sacerdotes sua vii potestate, quam si immotam stare, nec iniquis machinamentis opprimi patieris, non minus potenter, quàm gloriose solium Maiestatis tua solidabis.

Grauis hæc Zebrzydoui oratio facilè reliquos Senatores in se traxit, ijs exceptis, qui sacerdotali potestati fuissent infensiores. Proinde Rex pro ea tulit sententiam, quam nuntij Terrestres in Curia Archiepiscopi per Petrũ Bochinski curârunt suspendi, nec ad executionem deduci, quod Pontifices in annum concesserunt, atque ab omni citatione nobiliũ per id tẽpus supersederunt, donec aliud remediũ canonibus sacris & legibus patrijs cõforme ad in-  
eundam concordiam spiritualium cum Equestri ordine  
Ecc proui-



prouideretur. Atq; hic primus fuit Pontificum de sua iurisdictione prolapsus, tantum verò abfuit, vt illa concessione sibi animos nobilium deuinxerint, vt maiora finitis Comitibus in domibus eorum odia contra clerum exarserint, quorum magna pars & origo fuit Vxorius Sacerdos Stanislaus Orichouius. Per id tempus venit Gedanum Augustus, seditiones ciuitatis exemplo Patris sui Sigismundi mutatione religionis rursus exortas sedaturus. Sed ne quid per Regem seuerius in ciues statueretur, munera plerisque data Proceribus, effecerunt.

Obijt, Anno Domini, 1557. Volborig. Paulo IV. Summum Pontificatum gerente, Imperium Ferdinando gubernante..

*Tu quid es? idolum, frustra nam Pastor haberi,  
Dum grex te Christi dissimulante perit:  
Crudeles in ouile lupos immittit Auernus,  
Hæresis in Gedani perstrepat orbe, taces.  
Et tacuisse minus; mendacia tetra, ministros  
Adspectante, iaci, te, sinis, ipse probas.  
Mute canis, frustra exsertam fers stemmate Linguam:  
Natus es ad lusum, non ad ouile canis.*

IACOBVS

IACOBVS II. VCHANSKI EPISCOPVS  
VLADISLAVIENSIS. XLVI.



Celebris antiquitus familia Vchanscorum Raduaneo insignis stemmate, cui mos vexillum Ecclesiasticum cruce super imminente deferre. Olim Priuilegio Boleslai Ducis Masouiae titulo Comitum de Sluzow ysa, quem diuturnitate oblitteratum obtento Sigismundi  
Ecc 2 Augusti

Augusti diplomate Iacobus hic instauravit; ad mediocritatē opum domus devenerat: tamē nihil à maiorū suorum vestigijs degenerans edidit splendoris sui aucti propagatorem, hunc ipsum Iacobū, qui ingenij quidē prōptitudine, & gerendorū negotiorū dexteritate claris non impar viris disciplinæ tamē Ecclesiasticæ remissior custos habitus fuit. Adolefcens primū operam suam Andreæ Tenczynski Castellano Cracouiensi, cuius ope literas edidicerat, addixit, cui cū fidem & ingenium suum iusto tempore probasset, ab eo N. Branicki Referendario Regni commendatus est, ut ipsius ductu atq; operā Iuris patrij cognitionem assequeretur: Tandem Tēczynski voti solvendi causa extra Regnum profecturus, eidem omnes suas possessiones gubernandas commendavit. Quo in Poloniam reuerso, & non multo post defuncto, Iacobus ad Reginam Bonam cui iam ex fama rerum gerendarum commendatus erat, se contulit, à qua benignē acceptus, & simul in Secretarium Regium allectus, omnes causas Reginæ in quibusvis iudicijs studiosē disceptabat. Inde Plocensi Decanatu & Archidiaconatu Varšauien. prouisus, officio Referendarij cumulatus est, quo integris XII. annis perfunctus, Episcopatum Chelmensē adeptus est; in eius expeditione impetranda duos annos laboravit, nec multo post Episcopatus Vladislauensis eidem collatus est, in quo adeundo maximam expertus est difficultatem Paulo IV. Pontifice obistente, à quo etiam seueriūs monitus, & correptus per literas fuit, quòd diuersæ in religione opinionis nomine ad Apo-

ad Apostolicam sedem fuisset delatus. Ille nihilominus repugnante Summo Pontifice ad Ecclesiam venit, possessionemque illius secularis officij ministerio apprehendit, Paulo IV. Papa è viuis sublato, Pius IV. successit, apud quem demū confirmationem Rege Augusto adnitente impetrauit Vchanski, cū ferè per annos quatuor inuita sede Apostolica Episcopatum tenuisset. Tandem Prze-rembio Archiepiscopo defuncto ad eum honos ille fuerat: à Rege delatus nō felici Ecclesiæ iuriū successu, nāq; illo in Archiepiscopali dignitate constituto, iurisdictio Spirituallis grauissimè periclitari cepit. Non mediocriter extendit domus suæ diuitias, Vchanie oppido empto. Cum autem fuisset illi Stephanus Batoreus Palatinus Transiluanix, Rex Poloniæ, quòd ad Maximilianum Imperatorem sceptræ Regni Poloniæ peroptasset delata, infestior: proficiscentem ad Gedanense bellum placuit, cum ad se Louicium descendisset, Regioq; exercitui centuriam suorum peditum adiunxit. Concilio Tridentino recipiendo in Regno Poloniæ contrarius exstitit, tamen in Synodo Diocesana, cui præfuit Lipomanus Sedis Apostolicæ Nuntius, cū Archiepiscopus Gnesnē. ægritudine præpeditus non adfuisset, receptum est. Reliquit tamen Vchanski, errorumq; non sine poenitentix signis veniam per nepotem suum ex fratre Palatinum Belzen. Regni oratorē postulauit, ac se deinceps in obedientia Sanctæ Romanæ Ecclesiæ & sedis Apostolicæ ipsiusq; Pontificum sacrosanctē permanfurū recepit. Mortuus A. Dñi. 1581. Louiciæ sepulturam obtinuit.



*Hic Raduanorum celebri de gente profectus,  
Mercurius Regis suctus ab ore loqui.  
Delubri curas primùm Chelmenſis obibat,  
Gneſnâ tandem Praſul in arce niſet.  
Stemma quidem, ſacra ſigna refert, melius tamen Ante-  
Signanus templo hac, ſigna gerenda tulit.*

NICOLAUS IV. WOLSKI EPISCOPVS  
VLADISLAVIENSIS XLVII.

**I**acobo Vchanſki ſucceſſit Nicolaus Wolſki clara & illuſtri familia profectus, cui caput Aſini gentilitium inſigne Puſkoza vocatum de Podhayce, alij de Wola Gamratowa propè Sochaczow ortum illius recensent. A Rege Sigismundo primùm Prepoſitura Plocen. ornatus, deinde ab eodem in Chelmenſem Episcopatum euectus, poſtremò ad Eccleſiam Vladislavienſem promotus Anno 1565. vir magni & excelsi animi, ſummè liberalis, qui breui eam auctoritatem in Regno aſſecutus fuit, vt Auguſtus Rex ex eo pendere videretur, negotiorum Reipub. quàm Eccleſiæ ſtudioſior fuit, venationibus oppidò deditus, ita vt ne feſtiuis quidem diebus pepercerit, immò cum clerus populusq; fidelis ſolenni ſupplicatione circuiret Eccleſias, ille ferarum luſtra cum canibus circumequitaret. Hic tres pagos Episcopales Lubieniec, Chabrowo, Oſiek in Pomerania vendiderat, pecunia in bonis ſuis hereditarijs Falentij Eccleſiæ Vladislavien. inſcripta. Quæ illo deſuncto longo temporis interuallo, maximo labore ac ſumpſu ægrè admodum eſt recuperata, idq; magno diſpendio Eccleſiæ

Eccleſiæ Vladislavien. nam cum obligaret heredes ad reponendam ſummam includendo in taleris ſingulis groſſos 33. ea ſumma perſoluta, poſteri nulla ratione pretij maio-



ris rerum; & talerorum quorum valor tunc florenos 4. pendebat, bonis Falentij potiti ſunt. Vixit in Episcopatu annis quinque; cum e i nuntium de morte fratris Stanislai Castellani

Castellani Sendomirien. quem impensè diligebat, Volbodium fuisset allatum, dolore ac moerore consternatus in morbum incidit. Varsauiam deinde fratris funus curaturus profectus, grauiore vi morbi urgente occubuit, vnâq; in Ecclesia Varsauiensi Sancti Ioannis cum fratre in eundem tumulum illatus est, nullo in Ecclesia Vladislauensi morte fortasse intemptiua obstante monumento relicto. Bonorum Ecclesiae acrem defensorem fuisse multi ferunt.

*Inuigilare suis rebus benè nauus, & ad rem*

*Attentus, parcus, litigiosus erat.*

*Officium vigilis, Diuini quod templa requirunt*

*Praefulus, illius cura pusilla fuit.*

*Attamen audierat rigidissimus ille bonorum*

*Vindex, hoc vrsit maxima cura sui.*

*Hic o si Macedo praisses onustus asellus.*

*Auro, cessissent mania quanta tibi!*

STANISLAUS KARNKOWSKI EPISC:  
VLADISLAVIENSIS XLVIII.

**V**etusta stirpe lunosia agnum album in campo ru-  
beo pro insigni gerente prodiit magnum Sarmatiae  
decus Stanislaus Karnkowski, qui cum ætatem iu-  
uenilem præclarè literis imbuisset, patruique sui Ioannis  
Karnkowski Episcopi Vladislau. institutione, pietate, &  
rerum gerendarum concinnâ dexteritate profecisset, tulit  
conspicuum virtutis doctrinaeq; testimonium, Sacrorum  
Canonum Doctor publicè renunciatus in Academia Peru-  
siana: cum verò in patriam, in exteris nationibus partas  
rerum illustrium opes redux secum attulisset, sine inuidia  
dignissimus

dignissimus maximis Regni decoribus est iudicatus, ad  
quem ornandum prompta Sigismundi Augusti Regis Po-  
loniae voluntas accessit. Eum igitur Secretarium pri-  
mum maiorem creauit, deinde Regni Referendarium es-



se iussit, cum autem in vtroq; munere obeundo strenuam  
nauasset operam, non longo post interuallo ad gubernan-  
dam Vladislauen. Ecclesiam morte Nicolai Wolski va-  
cantem extulit, An. Dñi, 1567. quem Pius V. eiusdem

Fff

Regis



Regis commendatione confirmavit. Is igitur cum Cuiavienſium & Dobrynienſium Procerum corona cinctus, in ipſa ſedis ſuæ poſſeſſione feliciter illuſiſſet, magnam ſpem non vano omine Dioceſis vniuerſa prædeceſſorum negligentia vebementer afflicta, tanti Præſulis ingreſſu concepit ſe doctrinæ ſinceritate inter fallaces Hæreſeon per Cuiaviam graſſantium impoſturas, & ſolicitudo paſtoralis officiij vigilantiffimi Antiftitis recreandam. Facile auxit incrementum ſpei tantæ magnitudo animi, cum opinione ſanctitatis & innocentia coniuncta in viro. Itaque munus Pontificium ex præſcripto D. Pauli gerendum poſtquam ſemel apud ſe ſtatuiſſet, nihil eorum prætermiſit, quibus gregi ſuo neceſſariū præluere duxit, ſobrietatē, caſtitatē, animi moderationem ita cum humanitate & hoſpitalitate connexit, vt & venerationi eſſet omnibus, & amorem ipſius ſummi quippe viri imprimis autem probi & eruditi exambirent. Non paruum illud pietatis eluxit in eo argumentum, quod cum ſtudioſe, attentē, ac deuotē officiij diuini penſum exſoluiſſet, ſacris operabatur quotidie, tanto feruore & ad diuiniffimum Sacramentum affectu, vt obortis lacrymis frequentius auditorum ſuæ Miſſæ lacrymarum copioſos imbres elicuerit. Collapſam Cleri diſciplinam omnibus modis erigere conatus eſt, qua in re eò plus operæ ipſi collocandum fuit, quò profundius iam licentioſa morum diſſolutio, & ſacrilega libido inueteratā conſuetudine, poſt libertatem carnis ab Vchanſcio permiſſam ſacerdotes mulieroſos in laſciuiam pertraxiſſet;

pertraxiſſet; amouendæ erant concubinæ, quæ tum fouere paſſim nullus fuit timor, nulla verecundia; accendi ab altari concubinarij publici, priuandi beneficijs, & exigendi è Dioceſi contumaces Presbyteri, multa & in Capitulo Vladislauenſi cenſoriâ animaduerſione corripuit, & ad præſcriptam normam à ſacris canonibus redegit. Vnde pleriq; arbitrantur odio maleuolorum ipſius acta fuiſſe ſuppreſſa in Eccleſia Vladislauen. quæ tamen notiora fuerunt Dioceſi toti, quum vt liuor famam eorum potuiſſet opprimere, pleraq; ab hæreticis templa profanata & ſpoliata reconciliauit ſacris veſtibus, & imaginibus auxit & decenter ornauit. Dioceſanam Synodum celebrauit, in qua nonnullis abuſibus reſciſiſis, adminiſtrationem Sacramentorum & mores ſacerdotum ad vniſormem præſcriptionem reduxit. Catecheſes lingua vernacula ad erudiendum populum edicauit, Seminarium inſtituendæ iuuentuti miniſterio Eccleſiarum adſcribendæ, vnâ cum Venerabili Capitulo prouentibus de menſa ſua aſſignatis, & in eam rem villis Witow & Zblag cum prædijs, item decimis manipularibus de agris Chelme, Soſnka, Kicko attributis, & libera molitione frumentorū abſq; menſura in molendinis Ciuitati Vladislau. adhærentibus conceſſa, nec non penſione Reuerendiſſ. Abbatum Coronouien. Oliuen. Peplinen. per centum florenos annis ſingulis. Præpoſitum item Cartuſien. Strzelnen. Zukouienſis certra portione pecuniæ ad ſummam centum florenorum aſcendentis conſtituta, deſtinauit: cupiens vt

in obsequio Ecclesie viginti quatuor adolescentes educarentur, quæ tamen ordinatio Successoribus ad effectum deducenda relicta est, fortasse translatione ipsius ad Ecclesiam primariam. Quo frequentiore autem gloriosius corona Prelatorum & Canonicorum stiparetur sponsa sua, donauit Capitulo Vladislauensi pro distributionibus inter presentes augedis villas Dobrê, Czarnowo, Ofielsko, Trzebatowo, Siekotowo cû desertis villis Sikołomko, Lipnica, & Zalesie nûcupatis in Palatinatu Iuniuladislauensi, Districtu Bidgosiensi, quam donationem Gregorius Papa vnâ cum decimis, syluis, lacubus, & iure patronatus, anno Domini, 1579. Idibus Iulij confirmauit. Liberalis fuit in pauperes, quibus in hospitali Vladislauensi degentibus, vltra solitas quas copiose solebat largiri religiosis mendicantibus, viduis & orphanis eleemolynas, certam pensionem de molendino Swięch dicto perpetuis temporibus pro alimonia dandam septimanatim de consensu Capituli constituit. Pauperum Scholasticorum in ludo literario manentium victui necessaria in arce suppeditari ordinauit. Cû verò sollicitus pastor gregem Domini verbo & exemplo sine reprehensione pasceret, adiutores emulatores, & sectatores solitudinis quàm plurimos habere optauit, itaq; eos potissimû in numerum suorum familiarium cooptabat, quos ob probitatem morum doctrinæ coniunctam fore vsui magno Ecclesiæ & Patriæ speraret. Mensa apud illum lautior, propter hospitalitatē Senatori conuenientem apparari solebat, quam lectione

sacra

sacrâ, quaestionibus Theologicis, iuridicis & politicis condiebat, vt depulsa fame cibis, solida exercitatione animos iuuenum, & vires ad religionis Orthodoxæ bonum promouendum, & Rempub. consilijs & fortitudine iuandâ saginaret, ita, vt multi magni & viri ea felicitate sint gloriatî, se olim in tanti Antistitis curia versatos fuisse. Doctrina fuit graui, ingenio prompto ac facili, memoria, firma, consilio maturo, prudentia circumspecta, stylo copioso & suauî, quod in operibus ab ipso editis perspicuû est, multa tam latino, quàm materno idiomate, vtiliter & accuratè cõscripsit, in his Epistolas edidit familiarium à magnis viris, summis Põntificibûs, Imperatoribus, Regibus, Principibus, Episcopis ad se missas, & vicissim à se ad illos in quibus magna pars laborum, pro Ecclesia & Republica ab eo susceptorum, maximè autem pietas, feruēs zelus, constans dexteritas, prompta mens æquanimis elucet. De iure Prouinciali terrarum Ciuitatumq; Prussiæ, Historiam interregni, post discessum è Polonia Henrici Andegauensis, Panegyricos aliquot in quibus orationem longè disertissimam qua aduentantem in regnum Henricum exceperat, item aliam Comitij Vasauiensibus in Senatu habitam, qua rationem commissionis Gedanen. luculenter edisseruit, in qua obeunda fides, integritas, studiû & auctoritas optimi Senatoris quantum prestitit, & quâ firmis rationû momentis seditiosos motus sanguine alias ciuili restinguendos sedauerit clarum est posteritati. Scripsit præterea sermones ad Parochos de Messia, de Ec-

Fff 3

clesia,

*Quas nunc  
in app. dice  
discessit li.  
fid. editi  
legat.*



clesia, de Eucharistia, quem cum plurimi, qui se ab Ecclesia priuata sui iudicij opinione segregarunt, paulò diligentius reuoluissent, ad gremium illius postliminio sunt reuersi, exemplo bono cæteris in societatem salutaris facti adductis, quos vel auctoritas tanti viri ad omne opus bonum trahebat. Erat enim ipsius nomen propter præclaras virtutes & eruditionem singularem tam apud suos, quàm apud exteros summum, eoque magis in dies clarescebat quò illustriorem ad doctrinæ opinionem vitæ innocentiam adiunxisset. Non paruum illud dignitatis & auctoritatis tanti viri testimonium, quod dum (post mortem Sigismundi Augusti qui 7. Iulij, Anno Domini, 1572. sacramentis Ecclesiæ munitus obierat) Proceres Regni de eligendo Rege consilia in commune conferrent, iamque ad tres Candidatos res adducta fuisset, Henricum Ducem Andegauensem Fratrem Regis Galliarum, Ernestum Archiducem Austriae filium Maximiliani Imperatoris, & Ioannem III. Regem Siciæ, iisque singuli patroni à Proceribus qui eos commendarent fuissent attributi, ita causam Ducis Andegauensis egit & promouit, ut omnium applausu Rex fuerit consalutatus. Cum verò Anno sequenti 1574. eodem quo inauguratus & vnctus fuit in Gallias fuisset profectus, multisque tumultibus & domesticis dissidijs quassatam Rempub. reliquisset, plurimum consilio & auctoritate sua Stanislaus Karnkowski paci publicæ & tranquillitati Patriæ stabiliendæ profuit, qui cum frustra literis Regem reuocare conaretur in Poloniam, ab Ordinibus

nibus Electo Stephano Bathoreo Palatino Transiluanie Anno D. 1576. Feria vi. post Octauam Paschæ insignia Regni detulit, eumque cum Anna Sigismundi Augusti sorore coniuge illius vnxit, quod munus quamuis de iure ad Archiepiscopum Gnesnensem Primatem Regni pertineret: tamen Episcopo Cuiuensi ab Ordinibus delatum est, eò quod Archiepiscopus Iacobus Vchanski Maximiliani Cæsaris partes secutus, inaugurationi alterius Regis adesse noluisse, legibusque deinceps in Conuentu Andrei iuuen. firmatum; ut quando ex quacunque causa abesset Archiepiscopus Gnesnensis, penes Cuiuensem Episcopum Regem coronandi vis esset.

Inter labores & sollicitudines quas circa bonum Ecclesiæ & Reipub. sustinuit vigilantissimus Antistes non perperit sumptibus, in ædificijs quæ instaurandis, quæ fabricandis, Arcem Vladislauensem multis auctam nouis ædificijs ampliauit, commodioriue habitatione prouidit, Grabouie aulam exædificauit, Niesolkouij domum amplam supra collem erexit, Smarzeuicijs curiam supra fluuium Pilca extruxit, quam postea in lateritiam successor suus Reuerendiss. Andreas à Lipe commutauit, nunc autem Illustriss. Matthias Lubinski formâ, proportionem, ædificijs, picturis, sicut & Niesolkouensem domum auxit & exornauit, quin etiam è regione lapideæ Smarzeuicien. nouam curiam labore sumptuoso, partim latere cocto, partim lignis dolatis amplissimam curiam eduxit. Ædificauit præterea Stanislaus Karnkowski in pago Karnkow patria

tria sua muratam Ecclesiam sublata lignea, quam ut intra breue temporis spatium septem dūtaxat septimanarū eduxit, ita non diu fortasse duratura cum ad præsens sacerdote destituta ad desolationem vergat. Translatus est ad Ecclesiam Metropolitanam (Stephano Rege promouente Anno D. 1581. per Gregorium XIII. Papam qui etiam eodem Anno Correctionem Calendarij promulgauit) in qua cenotaphium ipsi conscriptum est tale.

D. O. M.

**A**terna Memoria Incluz Praesuli & Principis D. Stanislai Karnkonij Archiepiscopi Gnesnensis Reg. Polon. Primatis Primus, Principis. Quod praestantium salubriumq., consiliorum in Ecclesia & Repub. Dux, auctor, & moderator felicissimus. Cum ex solutis pie & liberaliter suis utriq. muneribus. Erectoq. & fundato Calissien. Societ. IESV Gymnasio amplissimo. Bursa item Karnkoniana Seminarioq. Archidiaecano, felici nihilominus ex honesta laudq. parsimonia opum prouentu floreret. Basilicam hanc venerandam Capitulariumq., Collegiorum, eius sacerdotalium adauctis, liberalitate, incomparabili censibus illustriorem reddiderit; luculenter sacris indumentis instruxerit, aram maximam sumptuosi operis iconibus exornauerit, gratamq. in templa complura, Coenobia, Parochodoxiaq. beneficentia & in Clerum vniuersum, paterne charitatis & indulgentia memoriam reliquerit. Capitulum alma huius Ecclesiae Metropolitanae Gnesnen. pro aeterna eius requie perpetuum singulis mensibus Missa sacrificium ad Mausoleum D. Adalberti faciem decreuit, gratiq. hoc & memoris animi M. P.

Affulgent meliora tibi Cuiavia tandem

Secula, Karnkonius dum tua templa subis.

Vladslauia à fundamentis erexit in arce

Pergama celsa, pius, munificusq. sacris.

Magnanimus, prudens, constans, & strenuus, agnus

Stemmata, pro Domini, sed grege, corde Leo.

HIERO.

HIERONYMVS COMES A ROZRAZEW  
EPISCOPVS VLADISLAVIEN. XLIX.



**Q**uantus Antistes hic fuerit nobilitate generis, quam  
auita vetustas gente Doliuitarum profectā tituloq;  
Comitum, ultra memoriam hominum semper illu-  
strem commendat, luculentum testimonium ex literarum  
monumentis

Ggg



monumentis vetustissimis & constāti omnium hominum prædicatione Stephanus Rex Poloniae dedit: verum virtutum splendore & rerum gestarum pro Ecclesia & Patria magnitudine quantus, ut mihi relatu nunc difficile, ita sublecuturæ posteritati non minus æstimatu operosum erit. A Comite Suentomiro bonorum Rozrazewo in maiori Polonia Diocesis Posnanien. Dño Bosnonis Comititis filio, quorum in literis authenticis Boleslai Ducis Poloniae Anno Dñi. 1270. habetur mentio: Stanislaus Castellanus Rogosnei. qui Reginalis aulae in Regno Galliarum præfectum magnā laude egerat, parens Hieronymi Episcopi Vladislau. originem ducit, cuius decus ut ipse in Rempublicā meritis & factis præclaris cōseruare sategit, ita liberali educatione & institutione filijs expolitis, illud potissimū extendēdi splendoris vetustæ domus adminiculū reliquit, ut eruditione ac vitæ probitate nemini celebritate Prosapia pari, vellent concedere, quæ in re optimè inter fratres Ioannem & Christophorum profecit Hieronymus, qui Plocenlis primū Præpositus fuit, deinde Supremus Regni Secretarius ab Henrico Poloniarum Galliarumque Rege renūciatus est, cumq; virtutum amplissimarum lux in minoribus dignitatibus summo dignissimum munere proderet virum, Stephani Regis voluntate & promotione Episcopatu Vladislauensi potitus est, in quo in id vel maxime incubuisse visus est, ut ad normam D. Caroli Mediolanensium Archiepiscopi sui regiminis munus ordinaret. Itaq; in omnibus seipsum bonorum operum monitioni D. Pauli

Pauli morem gerens, suo gregi exhibere quam diligentissimè conatus est, in castitate, sobrietate, modestiā, liberalitate, pietate, iustitiā prælucescens vniuersis, ita ut & ij qui ex aduerso essēt erroribus lutheranæ contagionis inuoluti, non haberent vnde vituperare ministerium viri Apostolico zelo feruentis auderent, atq; ita opera virorum doctissimorum quos ille vndequaq; conquisitos etiam ab orbis theatro vrbe alma, euocatos impensè dilexit, & ad magnas in Ecclesia functiones dignitatesq; promouit, multi Lutherani & Calvinistæ superstitionis eiuratā peste salutaribus Ecclesiæ Catholicæ dogmatis adhæserunt. Diuino munere tunc missus Rozrazenius in Dioecesim Vladislauensem, quando incuria Prædecessorum longè lateq; sparsum virus hæreseon serpebat, plurimaq; non in Gedanensi solū Ciuitate & circumiacentibus Pomeraniæ oppidis & pagis, verum etiam in Cuiauiensi ora, inter nobilium domos inimicus humanæ salutis superseminauerat zyzania, dum Pastores dormirent, lucris temporalibus inhiare contenti, nihil de animarum iactura gregis suæ curæ commissi solliciti. Hic Præsul vbi primū in eam cogitationem seriò incubuit, ut ager Dominicus expurgaretur, maximè accersendos in partem tantæ sollicitudinis curauit; viros probitate & doctrinā illustres, inter quos tanquam generosi Antesignani ea tempestate illuxerunt Franciscus Łacki Suffraganeus Vladisl. Balthasar Miaskowski Canonicus primū & Concionator Vladislauien. post in eadem Ecclesia Suffraganeus, Lucas ab Vneciow Concio-

nator primum, deinde Archidiaconus Vladislauien. Albertus Slupski Archidiaconus Vladislauien. postea Præpositus Sanctimonialium Plocensium Ordinis Præmonstratenfis tres S. Theologiæ Doctores, quartus in utroq; iure optimè versatus, viri in propagandâ religione, & in auertendis ab ouili dominico luporum incurfibus nauissimi, sagacissimi & zelotissimi, qui exemplo vitæ, integritate & sanctimonia, concionibus & scriptis, plurimum eliminandis hæresibus huic Dioecesi profuerunt. Utinam in ea circa Ecclesiam sollicitudine, quàm plurimos atate nostra haberet æmulatores, non ita facile virtutis eruditionisq; æstimatio, à peritia Oeconomicorum rei; familiaris iaceret magno suo contemptu conculcata, neq; filij huius sæculi filijs lucis in adeunda sorte Christi essent prudentiores.

Habebat solenne bonus hic Pastor grege dormiente, ad laudes diuinas excubare; itaq; nocte intempestâ frequenter templum adibat, vno duntaxat qui lumen præferret comitatus puero, ibiq; pias preces Diuino Numini pro salute gregis offerebat; & quàm studiose à vicarijs officium Diuinum psalleretur, diligenter inuigilabat. Egre giè magnanimitatis virtute à maioribus acceptæ, ad tuendam Ecclesiæ auctoritatem vsus est, Cleri populiue mores visitationibus frequentibus reformauit ac excoluit, ædificia pleraq; ruinam minantia ab interitu vindicauit, plurimaq; in augustiorem formam & habitationem commodiorem redegit. Basilicam Vladislauiensem picturis

supelle-

supellectili aurea, argentea, casulis, dalmaticis, pluuialibus auxit & ornauit. Visuntur illius in Ecclesia Cathedrali Vladislauien. religiosæ liberalitatis monimēta, Crux argentea bicubitalis, candelabra sex opere eleganti facta, manus inaurata in qua reliquiae S. Damiani Martyris habentur, ab Hedugi Regina Poloniæ donata Ecclesiæ, vasa argentea sacris liquoribus destinata insigni opere elaborata, Calix aureus cum patena affabrè factus, Mitra opere Phrygio intertexta margaritis pretiosis, lapidibus abundè distincta: item pluuiale coloris igniti maximi pretij auro grauitè pictum in villosi serici subtegmine, casula cum Dalmaticis eiusdem coloris & valoris, vix est in Dioecesi Ecclesia & bonis Episcopalibus palatium, aut domus, in quo tanti herois monimenta liberalitatis non exstent. Aram principem Ecclesiæ Cathedralis eleganti structura & pictura decorauit, pro qua nunc Lipsiana & Lubiniana munificentia marmorea educta est. Volboriæ palatium pictura illustrauit, in commodioremq; habitandi vsum conuertit, per Ecclesias Episcopaliū bonorum multa altaria exstruxit, & indumentis sacris locupletauit, propugnacula circa castrum Volborienſe erexit, illudq; manibus circumcirca cum toto pomario & horto cinxit, Ecclesiam Raciāzj latere cocto exædificauit, lapideas ædes Ciechocinensem & Sobkouiensem in formam conuertit elegantiorē, & magis habitabilem, non mediocri sumptu rem verbo complectar, insignis in Ecclesia Præsul, & magnus in Republica Senator, rara virtutis &



tis & dignitatis ubiq; reliquit testimonia. In obeundis Legationibus strenuam nauare solitus operam, à Proceribus Regni ad consulendum Reipublicæ absente Rege cōgregatis delatum munus renocandi Henricum ex Gallijs libens accepit, quanquam illi hereditarij Regni fascibus implicato persuadere non potuit, vt ad derelictam Poloniam rediret. Magis efficax fuit Bendzini, cū inter Maximilianum Archiducem Austriæ, & Sigismundum III. Poloniæ & Sueciæ Regem pacem composuit, qua in transactione, maximam prudentiæ & dexteritatis laudem tulit, Rempubliam florentissima pace cumulauit, cū in atrox bellum vtrinq; res vergere cæpissent.

Erat illi mos siue dum lustraret Dioecesim, siue vocantibus Reipub. negotijs aliquo proficisceretur, à pueris cognitionem rudimentorum fidei exquirere, atq; ad salutaria dogmata ediscenda liberali eleemosyna inuitare. Vnumquemq; vnde fiebat, vt maximo feruore doctrinæ Christianæ capita ab ijs memoriæ mandarentur. Plurimas Ecclesias Archidiaconatus Pomeraniæ è manibus Hæreticorum conuictorum iure vindicauit, Anno Dñi. 1596. intra duos menses Iulium & Augustum, easq; Sacerdotibus competenti scientia instructis addixit. Meuensē, Raikouien. Barlozinen. Garazen. Valklinouien. Polaszto- uien. Lignouien. Kielnen. Sinualden. Psodkouiensem. Vt autem erat salutis ouium studiosissimus, ita eos qui in obeundo tantæ curæ negotio Præsuli essent adiumento, & accuratè inuigilarēt iniunctis sibi officijs, necessarijs redi-  
tibus

tibus & perpetuis foundationibus auxit, ne coöperatores sui debitis fraudarentur stipendijs, sollicitè prouidendo. Itaq; in Canonicatu Crusuiciensi fundi Gizice, & villa Lubomin quod etiam destinârat suus antecessor, fundauit Episcopum Suffraganeum, præbendam & Canonicatum eidem vniendo. Porro cū antiquitus fuisse legantur Suffraganei ad Ecclesiam Vladislauien. videntur fixos antea non habuisse redditus, quos nulla ediderunt posteritati monimenta, certa forsitan præstari solita pensione ab Episcopis contenti. Foundationem eam Hyppolitus Cardinalis Aldobrandinus de latere Legatus confirmauit, Anno 1589. ix. Maij, sicut & illam qua idem Pontifex Prouentibus Canonicatus Crusuicien. fundi Bacharcie in Theologum & Concionatorem Vladislauien. atq; Canonicum Crusuicien. distributis Pœnitentiarios erexit, ac onus cōcionandi inter vtrumq; partitus est. Anno eodem ii. Februarij Bedzyni approbavit, fundauit præter hos tertium, cui præterquam quod præstò semper esset ad excipien- das Cleri populatæ confessiones nullum apposuit onus, quem post Reuerendiss. Baltasar Miaskowski Suffraganeus Vladislauien. aucto censu ad celebrandas Missas præscriptas obstrinxit. Caterum animaduertens prædicationē Verbi Dei esse potissimam muneris Pontificij partem, vt copiosa librorum instructus supellectili, quæ non paruos poscit sumptus Ecclesiastes suus eā posset obire commodius, pariq; & laboribus congruo, arduam prouinciā solaretur stipendio, Ecclesiam Parochialem Vienecen. decimam

decimam eidem ex omnibus agris eiusdem villæ, à mensa Episcopali auulsam annexens perpetuis temporibus Vladislauen. prædicatori vniuit, Electionem illius Episcopo & Capitulo reseruando, quod etiam suus antecessor decreuerat. Vnionem hanc ipsius opera Henricus Cardinalis Caietanus ad Regnum Poloniæ de latere Nuntius approbavit Varsoviæ, Anno 1596. xiv. Calend. Aprilis. Ad decantandum Officium B. M. Virginis in Ecclesia Collegiata Volborien. medietatem villæ Lutoslauice Collegio Vicariorum contulit. Villam Wiązno & decimam in Osieczek villa Episcopali ad mensam Capituli Vladislau. antea spectantem, & Abbati ac Conuentui Oliuensi sub censu decem ducatorum perpetuò & in æuum contra sacros Canones & Constitutiones Summorum Pontificum, præsertim Bullam Pauli II. Anno Domini, 1467. editam, alienatam restituit Ecclesiæ & Capitulo, auctoritate Commissoriali à Nuntio Apostolico sibi delegata. Munificus fuit pauperum prouisor, quibus fouendis in pluribus locis honorum Episcopaliū ptochotrophia erexit. Volboriæ cocto latere cæperat pro ijs curandis Nosocomium ædificare, sed mors incæptum abruptit opus, stant hætenus muri, qui iniurijs cæli decrescunt. Facilis aditu fuit subditis à quibus rationem imprimis doctrinæ Christianæ, morum conuersationis domesticorum & familiæ, deinde rei familiaris exigebat, ut si quos nulla sua culpa iniquitas fortunæ depresisset, secundum facultatem & conditionem vniuscuiusq; subleuaret, viduarum & orphanorum querelis

relis & postulationibus aures benignas inclinauit, & liberali beneficentia penuriam victus vestitusq; solatus est. Tamen verò bonorū Ecclesiæ obseruantissimus vindex & propugnator exstitisset, omniumq; reddituum in singulis clauibus bonorū Episcopalis mensæ rationes exactissimè conscribi curasset, nemini tamen aggruari onera passus est vnquam, nullæ de eo inter subditos querimoniæ, dulcis ubiq; tanquam patris amantissimi recordatio, ardens desiderium absentis, præsentis iucunda obseruantia & amor filiali timore mixtus, quorum alterum clementia paterna in animis illorum prouocabat, alterum grauis auctoritas excitabat. Splendidam & numerosam aluit familiam, quæ & ad reprimendos Hæresis contumacis conatus, & ad retinendam ex dignitate Senatorij muneris grauitatem, & ad còercendos auaritiæ in bona Ecclesiastica inuolantis insultus magno illi præsidio fuit, in qua ut tanquam tesseræ Episcopalis disciplinæ benè domui suæ præidentis, tum reliquæ virtutes tum maximè pietas, sobrietas & castitas eniterent, sollicitè curauit. In grauibz Ecclesiæ negotijs frequenter sedem Apostolicam orbis totius oraculum consuluit, & sicubi reperit alibi ab alijs Pontificibus pro sua Dioecesi laudabiliter ordinatum, accuratè in sua monimenta referri iussit, vnde magno Ecclesiæ Vladislauensi emolumento plures actorum ipsius libri diligentissimè conscripti, grauissimisq; reperi consilij in archiuo seruantur. Nemo ante illum plus videtur in Dioecesi Vladislauen. tam in officijs spiritualibus,



bus, quam in administratione & augmento bonorum temporalium laborasse. Nulla est in bonis Episcopalibus arx, aut murata curia, quam non labantem fulserit, ruinis obuias instaurauerit, & vetustam in elegantiores formam & usum commodiorem reduxerit, vix aliqua est in bonis Episcopalibus Ecclesia, quæ liberalitatis Rozræuianæ monumenta non circumferat in picturis, structuris & sacrorum apparatu, nullus Præsulum ita impensè decorem Sponsæ Vladislauianæ dilexit atq; ille, cui post omnia ornamenta superius enumerata, Signum grande graui clangens sono, vulgò campanam D. Hieronymo dicatam addidit, decus sui nominis immortale posteritati ad officia diuina conuocatæ sonaturam. Extruxerat non paucis impensis & musicum instrumentum in Cathedrali Basilica Organum vocari solitum, ad quod restaurandum, vt in alijs Rozræuianam æmulatur magnificentiam Illustriss. & Reuerendiss. D. Matthias Lubieniski liberales suppeditauit sumptus.

Nescio quomodo non ad verbum videatur quadrare in Tantum Præsulem illud Elogium Syracidæ. Sacerdos magnus qui in vita sua suffulsi domum, & in diebus suis corroborauit templum, templi etiam altitudo ab ipso fundata est duplex, adificatio & excelsi parietes templi, in diebus ipsius emmanuerunt putei aquarum & quasi mare adimpleti sunt super modum. Qui curauit gentem suam & liberauit eam à perditione. Qui prau. luit amplificare ciuitatem, qui adeptus est gloriam in conuersatione gentis, & ingressum domus & atrij amplificauit. Quasi stella matutina in medio nebula; & quasi luna plena in diebus suis lucet, & quasi sol refulgens sic ille effulsi in templo Dei.

Quasi

Quasi arcus refulgens inter nebulas gloria, & quasi flos rosarum in diebus vernis, & quasi lilia quæ sunt in transitu aquarum, & quasi ibus redolens in diebus æstatis, quasi affulgens & ibus ardens igne. Quasi vas auri solidum ornatum omni lapide pretioso. Quasi olina pullulans, & cypressus in altitudinem se extollens in accipiendo ipsum stolam gloria, & vestire eum consummatione virtutis.

Postquam sedi Vladislauianæ summa pietate ac vigilantia præfuisse annos XIX. Romam profectus ad visitanda SS. Apostolorum limina in anno sancto 1600. ibique humanissimè à Clemente Papà VIII. acceptus, quem in purpurati senatus Ecclesiæ Collegium conscribere animo destinarat post Radiuili Cracouiensis Episcopi mortem, tympanidis morbo è statione vitæ discessit magnam opinionem sanctitatis apud virtutum suarum æstimatores consecutus, Romæ apud Patres Soc: IESV quiescit. Ei à Paulo Wolucki positum Cenotaphium ita legitur:

#### Ad Matrem Dei Gloriam.

Hieronymo Comiti à Rozrazew Vladislauen. & Pomerania Episcopo. Qui cum Pastoralem vigilantiam annis propè XX. Pontificatum gerens in propagando cultu Diuino præstitisset, plurimas ex hereticorum manibus vindicasset Ecclesias, suam Cathedralem, ac alias variè exornasset, Clerum & Monasteria per vniuersam Diocesim ingenti conatu temperasset: restituisseq; serè collapsam disciplinam Ecclesiasticam, Carthusianos postliminio in veterem reduxisset sedem, Societatem IESV per se Vantisci collocatam locupletasset, à fundamentis Episcoporum ades extruxisset, alias in augustiorem redegit formam, grauissimis Legationibus, alijsq; pro Patria & Republica Christiana laboribus perfunctus, ubiq; boni Pastoris insignia exempla atq; documenta reliquit, ac tandem Roma, anno sancto M. DC. vltimum diem sanctè clausit, ubi & sepultus quiescit. Tanti Antistitis memorie successor ab eo VI. PAU-

ius Wolucki Episcopus Vladislauen. & Pomerania Cenotaphium hœc  
Anno salutis. M. DC. XIX F. F.

*Quid Comes à Rozrazewo? cui pectore magno  
Fervet Apostolica Religionis amor:  
Prouidens Antistes zizania tollit ab agro,  
Et doctis Domini munit ouile viris.  
Volboria celsam praeingit manibus arcem,  
Raciozi Vinis pergama sacra struit.  
Lustrat oves, populum, sanctus Clerumq; reformare  
Moribus, à miseris pauperiemq; fugat.  
Macenas studijs, lapsis fuit anchora, cunctis  
Commoda prospiciens, omnia pastor erat.  
Rabra, rosas, via stemma refert. d. Prasubamensis  
Quam iuga culta rosis Vladislauiana serui!*

IOANNES VIII. TARNOWSKI EPISC:  
VLADISLAVIENSIS L.

**E**X antiquissima nobilissimaque Politarum gente,  
Petro Vexillifero Lancicien. natus, ac liberaliter  
educatus in Italiam profectus, ingenij præstantiâ cla-  
rissimæ suæ familiæ decus ita propagauit, vt non solum à  
laudatissimo, & sempiternâ memoriâ digno Præsule Sta-  
nislao Karnkouio, qui plurimum Religioni Catholice, &  
Reipublicæ Polonæ profuit, multum diligeretur, & pro-  
moueretur, sed etiam propter egregias animi dotes Sere-  
nissimis Stephano & Sigismundo III. Poloniæ Regibus  
cum primis charus fuerit & acceptus, dignitates publicas  
capeffens Secretarius Regius, Cancellariæ Regens, & pau-  
lò post Referendarius Regni factus, prudentiæ, integritat-  
is, & in promerenda omnium beneuolentia laude sin-  
gulari

gulari ita excelluit, vt Alberto Baranouiò ad Episcopatum  
Plocensem euecto, à Serenissimo Sigismundo III. Rege in  
Procancellarij munere successor daretur, quod ille in ma-  
gna temporum difficultate & varietate, mirâ dexteritate



feliciter administravit, & eidem ad adeundam hereditarij  
Sueciæ Regni possessionem profecto præfens cum auctori-  
tate adstitit, vnde reuersus Luca Koscielacio rebus hu-  
manis exempto ex præposito Vladisl. Poln. Episc. factus,

H h h 3

officiū



officiū boni Pastoris sedulus obiuit. Ecclesiā Cathedrālē multis in locis restaurauit, eius chorū picturis exornauit. Palatium Episcopi vetustate penē consumptum restituit, ædificijs auxit & in meliorem formam redegit. Quibus operibus intentus dum longē maiora meditatur, ad quā cum magna Cleri populique lætitia venisset, ad Ecclesiam Vladislauensem transfertur, ad exornandum ipsius decorem animum adiecit, sacellumq; pulchro opere in quo Officium B. M. V. & Missa à Mansionarijs decantari solet Prælati eam & Canonicis audientibus, exædificauit, quod bracteis æneis rectum, statuis Patronorum Regni Poloniæ ex marmore elaboratis decorauit. Calicem præterea aureum cum patena Ecclesiæ donauit, atq; dum vestitu sacro augere decus Basilicæ cogitat, duobus annis exactis in eo Pontificio, anno tertio Stanislao Karnkowski Archiepisc. Gnesnen. è viuis sublato An. Dñi, 1603. in eius locum successus est ob maximarum rerum usum, Ecclesiæ Catholicæ zelum, & Patriæ amorem singularem, omnium bonorum spem de se conceptam generosè aluit, sed mors inimica votis eam opinionē celerius præcidit, eumq; è numero viuorum sustulit magno eius desiderio in animis omnium bonorum relicto, Anno Dñi, M. DC. assumptus ad Posnanien. Ecclesiam 1597. translatus ad Vladislauensem 1600. in Archiepiscopatu vi. tantum vixit menses. Multis illum prosecuta est suspirijs Ecclesia, recolens grauissimam viri constantiam in propugnandis immunitatibus suis, & animosam in defensione bonorum Eccle-

Ecclesiasticorum strenuitatem. Ingemuit chæra Patria ciue amantissimo, ac prudētissimo Senatore orbata, qui si superuixisset vt solebat mira dexteritate & felicitate gliscientes seditiones motusq; intestinos comprimere, nunquam illud belli ciuile in Regno Poloniæ erupisset incensum. Desiderauit Sigismundus III. fidelem Consiliarium, magnanimumq; suæ Maiestatis atlantem, quo morte lapso, labare iam cæperat & grauitè periclitabatur regalis throni dignitas. Detestati patrios agros necessariorum sanguine undantes, vitæq; inter suorū intidias & vibratos in iugula fratrum gladios pertesi, pleriq; ciues crebrius voce lugubri ingeminârunt. Vixisses nobis Eheu nunc Tarnoui!

*Vladslauia sedem premit Tarnouius heros;*

*Qui struit excelsa pægmata Dia tholo.*

*Consilio, rebusq; potens, generosus, & aquo*

*Defensor, ferias Thos caue dente gregem.*

*Vomere flos septus pandens insignia trino*

*Mortis ad arbitrium, cossit inermis, humo.*

PETRVS II. TYLICKI EPISCOPVS VLADISLAVIENSIS. LI.

**S** Tirpis Lubiciorum qui insigne soleæ supra & infra cruce decoratum solent deferre propago fuit Petrus, cuius tamen parētes, à maiorū opibus tēporum iniuria ad fortunarum rem attenuatā deuenerant; nihil tamen angustæ rei parsimonia auitæ domus gloriā obscurauit, quā hic recta institutione ad vrgendum iter suæ gentis firmatus, piaq; ac honesta pro modo facultatum educatione suffultus probatorum morum laude, & literarum opinione magis

ne magis, quam cultura cumulauit. Nulla enim Philo-  
sophiæ, vel Theologiæ, aut etiam Iurisprudentiæ initia in  
scholis hauserat, tantū tamē priuato studio, ingenio fauē-



te profecerat, vt elegantia tam Polonici, quā Latini styli  
polleret. Non alia certē ab initio doctrina vel eruditio  
ipsius fuit, nisi quā in Cancellariæ negotijs tractandis  
vfu

vfu & consuetudine sibi parauerat. Consecutus tamē  
sua eloquentia facili & suauī, à qua melle dulcior mana-  
bat oratio tantam laudem, vt grauissimis in Repub: obe-  
undis functionibus, quā maximē idoneus Regis pru-  
dentissimi Stephani iudicio censeretur. Terræ Dobry-  
nensis eum aliquis in Catalogo fuisse incolam asserit: sed  
melius Paproccius Terræ Cuiaviē. quod & ipse præ-  
claro testimonio exstructa Ecclesia Coualien. in terra  
Cuiaviē. comprobauit, factus hic primū Secretarius  
supremus, post Referēdarij munus adiunctum sibi à Rege  
suscepit, cū Ioannes Tarnowski qui eoungebatur ha-  
ctenus Procancellarius esset renuntiatus; quod cum ma-  
gna prudentiæ & promptitudinis laude gessisset, Vicecan-  
cellarius Regni creatus, post adnitente Ioanne Zamoscio  
Reg. Pol. Cancellario, ad Culmensē Episcopatum fauo-  
re Sigismundi III. Poloniæ & Sueciæ Regis euectus, inde  
ad Varmiensem translatus, cum quo simul munus Procan-  
cellarij præter instituta maiorum tenuit de consensu or-  
dinum, tum quod in eo magistratu rectē regendo pruden-  
tiam raram admirarentur, tum quod Rex Sigismundus  
ita expedire omninō Reipub. rationibus censeret, quem  
etiam periculosi itineris comitem & consiliorum mode-  
ratorem adhibuit, quando in Sueciā profectus fuit, vindi-  
caturus hereditariū Sueciæ Regnum per Carolū Principē  
Sudermaniæ suum patrum occupatum. Cū autē ascen-  
sum ad Archiepiscopatum Ioannes Tarnowski fecisset,  
eiusdem Regis operā promotus, anno Domini, 1604. ad



Vladislauien. Dioecesim gubernandam, in qua cum non integris annis tribus praeuisset, praeclarum specimen liberalitatis edidit, & ad transmittendum posteritati nominis Tyliciani decus immortale erexit perenne monumentum, quando in Oppido Kowale Ecclesiam latere cocto cum turri praealta plumbeis laminis contecta, & duobus sacellis ad latus hinc inde Ecclesiā stipantibus, sumptu planè magno heroe digno & operā insigni artificū exedificauit, muroq; editiore ipsum coemeteriū cinxit, Parochū liberali dote prouidit, stipendia Sacerdotibus ministrisq; alijs circa illam Ecclesiam laborantibus iusta & congrua assignauit, qui & Officium B. M. V. decantarent, & in administrandis sacramentis Parocho essent adiumento quin Ludimoderatori, Organario, Cantori, Aedituo, qui ædis sacræ curæ haberet munditiem, temporibus congruis ad diuina officia signo conuocaret populum, atq; ad sacrificium Missæ necessaria praepareret, illi deniq; qui horologium dirigeret, illudq; rotaret ad horas diei noctisq; concinnè designandas competens salarium præscrepsit. Concionatori illius Ecclesiæ perpetua erectione florenos ducentos constituit singulis annis à Parocho pendendos: structuram ædificij Ecclesiæ ne successu temporis cæli iniurijs obnoxia facile vetustate posset labi, perpetuā prouisione muniuit, & quotannis eam in rem à Venerabili Capitulo Vladislauien. pendit solitos florenos quinquaginta, æuiternā ordinatione sanxit. Fertur in Oppidi Coualien. prædio Aduocatiali natus inibi infantiae crepundia sumpsisse:

umpsisse ac posuisse, proinde loco illi tam gratam & omni æuo prædicandam memoriam sui reliquisse. Exstat illius calix aureus cum patena in Ecclesiā Vladislauien. & sacrorum indumentorum pretiosus apparatus. Is cum magnam sibi præclarā gubernatione Ecclesiæ gloriā comparasset, beneuolentiāq; comitate morum suorum fuisset apud Dioecesanos affatim demeritus singularē, An. 1607. ad Ecclesiam Cracou. est translatus, die xix. Ianuarij per Paulum Papā V. Plurimū Ecclesiæ & Patriæ, consilij, elegantia, & auctoritate; in turbulenta Regni calamitate ad sedandas domesticorum dissidiorum tempestates profuit.

*Vladslauia regio vigilem tibi Varmia mittit*

*Tylicium, fortem, iudicioq; grauem.*

*Magnifico struxit templi fastigia sumptu,*

*Ora quod in pretio Couaticensis habet.*

*Structum perpetuo censu dotauit abunde,*

*Rarus sub largo Prasule pauper erat.*

*Lubiciana viro tanto veneranda propago,*

*Inter, quàm pulchrè sic lubet ire, cruces!*

ALBERTVS II. BARANOWSKI EPISC:  
VLADISLAVIENSIS LII.

**P**Lacidis moribus & leni suauitate prædito orbata Ecclesia Vladislauien. Pastore, accipit cenforinæ seueritatis virum gente antiqua Iastrembeciorum profectum Albertum Baranowski. Hic antequam ad Rempub. colendam studia sua contulisset, Cantor primū in Primatiali Ecclesia, & Scholasticus in Collegiata Lancien. fuit, deinde per Stephanum Poloniae Regem Secretarius

tarius Regni maior creatus, Episcopatu non multo post  
Præmysliensi potitus, cum eo Vicecancellarij simul munus  
obiuit, quos quidem magistratus quamvis ætate nondū  
satis maturā, felicitate quadam & quod Ioannis Zamosciij



Regni Poloniæ Cancellarij qui plurimū auctoritate apud  
Stephanum Regem potuit, diligentia & assiduitate gratiā  
demereri nosset optimē, fuerit consecutus, tamen omnes  
partes officiorum, tam Pontificis vigilantis quā bonum  
Reipu-

Reipublicæ promouentis Senatoris implere contendit,  
proinde cū esset Vicecancellarius & Episcopus Præmy-  
sliensis, in Liunioniam & Filandiæ partes iter difficillimū est  
aggressus non parcoendo sumptibus. Legationemq; ad  
Ioannem Sigismundum III. Regis Poloniæ parentem non  
minore laude prudentiæ apud omnes quā admiratione  
felicitatis obiuit. Aduentantem ad capeſſenda Regni gu-  
bernacula Sigismundum III. in portu Daniſcano excep-  
pit, ac diplomata ipſi electionis nomine Procerum Regni  
obtulit, cuius poſtea ambiguo uſus eſt fauore, cū Pro-  
cancellarij munus gereret, immō cū cuperet eum ab au-  
la abeſſe vacantem, ei Ploceſem Episcopatum contulit,  
quo potitus in Comitijſ Varſauienſibus, anno Domini,  
1591. a Proceribus, maximē Stanislao Karnkoniō Archie-  
piſcopo Gneſnenſi urgente, magiſtratu Procancellarij  
etiā inuito Cancellariō ut ſe abdicaret adactus eſt. Plo-  
ceſem Episcopatum priſcā quadam ſeueritate gubernare  
inſtituit, inſenſus iſis qui officiij & ſtatus ſui immemores,  
vel turpitudine aliqua faterent, vel munus ſacerdotale  
non ritē exequerentur, acrior multis viſus quā gratior,  
& qui timeri mallet, quā amari. Ipſe in omni vitæ ge-  
nere conſtans, grauis, & ubi res poſcebat liberalis, pius  
etiā & pietatis ſtudioſus apparere contendit, multum  
ut cleri mores ad præſcriptum ſacrorum Canonum forma-  
ret laborauit, præſcriptaq; eo nomine formas tam in  
Cathedrali, quā in Collegiatis Eccleſiis reliquit. Semi-  
narium in quo Clerici ſacris initiandi alerentur, & literis  
lii 3 imbue-



imbuerentur, Pultouiæ sub cura Patrum Soc. IESV instituit, eidemq; Parochiam Croleuiensem nobile olim beneficium, tum & prædium Pakowo attribuit, domum deniq; in eum vsum latere cocto satis magnificam & multorum Clericorum capacem suo sumptu extruxit, Palatiū item Episcopi Plociæ muro inchoatum sed non perfectū reliquit, & in Bartodzieiouiensi prædio eius operā domus, lateritia stetit, Palatium grande & nobile amplis cōdemptis fundis multisq; auctū ædificiis, Varſaviæ Plocensibus Episcopis extruxit, sed cū Episcopatu Plocensi cessisset, ac aliquid controuersiæ illi cum Martino Szyfzkowio successore intercessisset, mutatā voluntate cū iam Archiepiscopus Gnesnen. factus esset, hoc idem palatium Varſauense olim publicā voluntate Ecclesiæ Plocen. adscriptum, Gnesnenſi Ecclesiæ addixit. Quod in primo sedis Metropolitanæ ingressu Illustrissimus D Ioannes Lipski Archiepiscopus Gnesnen. magno sumptu in augustiorem redegit formam, pluribusq; & elegantioribus structuris ampliavit & exornauit, ac muro circumduxit. Cū verò præfuiſſet Baranouiſ Plocenſi Ecclesiæ annis quindecim, Vladislauiam translatus est per Paulum Papam V. Sigismundo III. eum sedis Apostolicæ commendante, cuius gubernationem cum sequenti anno auspicatus esset, nihil de illo rigore quem in reformatione morum Cleri Plocensis assumpserat remisit, proindeq; primordia sui regiminis à celebratione Synodi Diocesanæ inchoauit, in qua cum plurima præclara, & ad fouendam disciplinam cū primis idonea

idonea statuisset, tum verò illud ad euitandam errorum disseminationem ratus percommodum inhibuit, ne deinceps siue Sæculares siue Regulares ad prædicandum admitterentur, nisi in scriptis licentiam ab Ordinario, Parochis & Rectoribus Ecclesiarū exhiberēt, liberā in suis Ecclesijs relinquendo prædicationem Religionis, id tamen ita, vt iē cum superiorum suorum licentia Ordinario præsentare, ab eoq; benedictionem petere tenerentur: tum & illud non minus piē quā vtiliter sanxit, vt Bulla Cænæ Domini quādocunq; frequens est nobilium concursus, promulgaretur, vt ob quæ crimina quis à communi bonorum spiritualium inter fideles societate arceatur perspectum esset omnibus, indeq; talia peccata maiori circumſpectione ac diligentia à Diocesanis suis vitarentur, nec minus illud dignum in sollicito circa gregem Domini Pastore prædicatione, quòd Wolboriæ noctu Ciuibus ceruiſiam, hospitibus exceptis & peregrinis propinare vetuerit, mulieribusq; de pudicitia suspectis aqua & igni interdixerit, sanctam volebat esse Ciuitatem eam, quæ sacrorum pareret Antistiti, omnes proinde contagioſæ societatis peruerſiones quam studioſiſſimē amoliri ab ea conatus est. Postquam ita censorinam falcem ad eliminandos Cleri populiq; mores reprehensione dignos admouisset, Anno Dñi, 1607. in primo sui Episcopatus Vladislauienſis auspicio, eodem sabbatbo infra octauas Ascensionis Christi xvii. Maij in arce Cracouiensi ad Archiepiscopatum nominatus est, sequenti verò anno confirmatus à Paulo Papa V.

in festo translationis S. Alberti xx. Octobris per Reuerendum D. Petrum Grochouicki Archidiaconum Pultouien. Canonicum Vladislauensem S. R. M. Secretarium possessionem Ecclesiæ Metropolitanæ Gnesnensis in Capitulo generali apprehendit, in qua annos octo præsedit.

*Antistes capis Albertus Baranovius edem  
Vladslauam, fortis, strenuus, atq; vigil,  
Gnarus iura loqui, libertateq; tueri,  
Quas cupit accisas turba profana sacris.  
Dotibus insignem tantis post Gnesna recepit,  
Munere maius in hoc, quod aueretur erat.  
Fortis hic accipit, Gnesnensis iura tueri  
Nidi, peruolitas, noctua templa, caue.*

MATTHIAS III. PSTROKONSKI EPISC.  
VLADISLAVIENSIS LIII.

**F**erax virtutum, secunda Virorum morte togaq; illustrium parens, curulibusq; amplissimorum Senatorum gloriosa mater Syradiensis ora, plurimos Ecclesiæ Reiq; publicæ ornamento, & commodo heroas edidit, qui cultus Diuini amplitudinem longè lateq; magno salutis animarum feruentes zelo propagârunt, qui Regnum Poloniæ optimis & grauissimis consilijs stabilierunt, confertis hostium turmis, summâ fortitudine & constantia pectoribus aditum in Patriam præcluserunt: pro bono communi Ciuium fratrumq; suorum charissimis pignoribus ac fortunis vitam salutemq; suam toties magno excelsi animi & iuncti roboris præconio deuouerunt; imminens discrimen, ab intestinis ciuium seditionibus,

bus, domesticisq; tumultibus, tranquillitati publicæ, responsis in Senatu salutaribus, præsidijq; prudentiæ ac virtutis felicissimè auerruncarunt. Multa Poloniæ Nobi-



litis insignia in sublime posteritatis fastigium excreuerunt, in solum Syradiense transplantata, postquam felices inde virtutis & gloriæ succos attraxisset. Hinc Per-



lytinei Bisontes, Tauriq; Pomianei, ad sustinenda grauissima negotiorum onera Reipub. animosum in Lubieniana domo robur eduxerunt. Hinc ensium Nouinae Przembianae fulgur emicat, inde Okfzytarum secures Radofzeuiana dexteritate fulgent. Hinc serpens Wezyerianae gentis decora alendae Patriae commodissima extulit, progressa inde Koniecpoliorum gloria, longè lateq; Sarmaticosegreffa fines impleuit Europam: magnos inter alta insignia odores rosa deprompsit inde, postquamè Bohemia in Poloniam per D. Adalbertum Fratremq; ipsius Poraium est transplantata, areisq; Syradiensibus inserta est feliciter, à cuius surculis è Domo illustri Buzeniorum Matthias Pstrokonski magno Ecclesiae & Reipub: solatio prodijt Patre Sbigneo Pstrokonski, Matre Barbara de Gaiewniki ortus. Hic posteaquam animum literis & pietate probè excultum ad tractanda Regni negotia conuertit, magnam inde ad benè merendum de Ecclesia caprans occasionem non in irritum vota solida virtute isthac promouente cesserunt. Namq; ob pietatem eruditioni coniunctam maximis quibusq; viris in Repub. charus exstitit, Ioanne Sierakouio Lanciciensi Palatino iter ipsi ad honores ob perspicacem ingenij vim, & styli elegantiam patefaciente, cuius dotes primùm Stanislao Karnkouio tunc Episcopo Vladislauensi commendauit, quas ut hic prudentissimus rerum aestimator in inuene perspexit, ad grauissima consilia maximè interregni tempore, & in electione noui Regis magno suo commodo & decore adhibebat.

bebat Pstroconium, quem etiam suo nomine iam tunc Archiepiscopus Gnesnen. Karnkouius ad salutandum aduentantem Electum Regem Sigismundum III. expediuit. Perspecta erat Pstroconij dexteritas in grauissimis negotijs agendis, & Hieronymo Rozrazeuio Vladislauen. Episcopo, cuius commendatione illum Rex Secretariorum numero adscripsit, atq; eidem ad Austriacam domum Legato consiliorum itinerisq; socium addidit. Fuit tunc Canonicus Gnesnensis & Lanciciensis Praepositus, cum ob rem gestam feliciter Hieronymus Rozrazeuius, cum iterum Regi prudentiam viri, & iudicij grauitatem commendasset, effecit, vt Decanatu Varfauienti augeretur. Post cum Bernardus Macieiouius Episcopus Luceorien. in Urbem ad Sixtum V. Legationem Regis nomine suscepisset, munus Secretarij Legationis ad Pstroconium detulit. Is cum in eo munere versatur, Regens Cancellaria à Ioanne Tarnouio Regni Procancellario renuntiatus est, quem ut redijt in Sueciam cum Rege abeuntem, nullumq; ibi Regiae dignitati suis consilijs prospexit, vnde reuersus Lanciciensi prius Praepositura, deinde Magistratu Referendarij auctus est, & deinde Gnesnen. Praepositura insignitus, tandem cum reservatione illius & Lancicien. Episcopus Przemyslien. creatus, anno Domini, 1603. Gnesnae à Stanislao Karnkouio Archiepiscopo Gnesnen. consecratus est, ac in Archidioecesi aliquantum moratus, pro Archiepiscopo Pontificale munus in rerum & personarum consecratione obiuit. Ad Dioecesim suam ut venit, totum se

ad officiū boni Pastoris implendū impēdit, lustrandō sibi cōmissum ouile, cleri mores ad instituta canonū reducendō, pabulum Diuini verbi ministrando, vnumquemq; salutis commonefaciendō, qua in solitudine præclarum magnanimitatis illius enituit argumentum, quando violatorem templi Cathedralis Præmysliensis Ioannem Thomam Droionium Referendarium Regni, Capitaneum Præmysliensem, à participatione sanctorum remouit, eumq; ad sua genua aduolutum, ad quamuis poenam perferendam se submittentem sacris vestibus indutus, vltra limen Ecclesiæ progressus absoluit. Magna fuit circa egenos & pupillos Antistitis cura, temperatus mansuetudine in delinquentes rigor, in alios tamen qui benignus in se fuit austerior, multo interuallo vsus cilicio. Adeptus erat interea Cuiusiēsem Episcopatū Tylicius, muneriq; Vicecancellariatus renuntiavit, quod summā voluntate Rex in Pstroconium contulit, in quo cum summam viri constantiam, consiliorūq; grauitatem, dexteritatē ac fidem in tutanda Regiæ Maiestatis dignitate Sigismundo III. difficillimis temporibus probāset, vita functo Ioanni Zamoscio Pstroconium substituit, Supremumq; Regni Cancellariū amplissimis pro ipso in Remp. meritis interpellāribus creauit, Anno 1606. Nacta ea tempestas Naclerum consiliorum felicissimum quando.

*Conuerso patria ciues in viscera ferro,  
Iuratae tulerunt in mutua vulnera dextrae,  
Ciuisiq; Lechus capite nutare tumultu,  
In festis acies signis concurrere fratrum,*

Cognatus

*Cognatos proprium gladioq; fuisse cruorem,  
Bistonio melius tingendos sanguine, spectans:  
Vnus homo nobis suadendo restituit rem,  
Restituit Patriam feralia busta timentem.  
At quis Atlas tantus? manibus date lilia plenis:  
Matthias tantum Prasul Pstroconius audeat.*

Ac felici profectō euentu: namq; dum in læsæ Maiestatis reos & perduelles ciues iustā animaduersionem offensus Rex moliretur, grauissimis rationum momentis piissimum optimi Regis pectus ad clementiam deflexit, neue fuso efflueret sanguine agmen rebellium, saluberri-  
mis consilijs prudentissimus Senator prospexit. Gratissimum habuit Rex tanti viri se consilia secutum, atq; dum ampliore dignitatē pro meritis ipsius, vigilantiam pro salute Reip. fideliter excubantem cuperet honorare, ad regimen Ecclesiæ Vladislauien. putauit promouendum, atq; eo nomine sedi Apostolicæ in qua tum præsidebat Paulus V. commendauit, facile tunc Vrbi & orbi notæ virtutes, & prudentia iustum commendationi pondus addiderunt. Itaq; Vladislauiensem Cathedram appredendit, Anno Domini, 1608. Nonis Nouembr. quæ tunc Alberto Baranowski in Metropolitānam sedem abeunte vacabat: cum verò ad latus Regis ex more Patriæ Cracouiæ præstō esse deberet, neq; Sponsiā suam adire grauissimis negotijs Reipublicæ detentus, posset: scripsit Epistolam ad Parochos, in qua omnes ad sollicitudinem circa animarum curam vehementissimē conglobatis ex diuina pagina obtestationibus adhortatur, digna quæ hic ob multum qui

Kkk 3.

in



in illa elucet zelum, hic interfereretur, nisi prolixitas eiusdem obstaret.

Anno verò sequenti cùm iam curis Reip. esset expeditus, atq; officio Cancellarij à se in Comitijs Regni abdicasset, xvi. Maij Sabbatho Vladislauensem Basilicam ingressus est, quem gratissimâ mentium hilaritate Senatus Clerusq; Ecclesiæ maximâ cinctus Procerum equitumq; coronâ excepit. Eodem die vix gustato aliquantùm cibo leuiter illum febricula tentauit, postridie vis morbi postquâ inualuit, totum corpus h. le. flauâ perfudit, in qua ægritudine sex continuas septimanas decubuit: post tres Vladislauix exactas, mutationem loci suadentibus Medicis Raciazium venit, vbi cum nihil remitteret ictericius morbus, febris cum angina superuenit, quæ viribus exhaustum vitâ exiit, ritè Sacramentis omnibus in magna Cleri populiq; mœsti corona munitum, inter gemitus & lacrymas expiatrices culparum inuocatâ per salutationem Angelicam Deiparæ Virginis ope, ita placidè obdormiuit, vt somnium cepisse potius, quàm mortem obijisse videretur, ipso die SS. Apostolorû Principibus sacro An. Ætatis LVI. Fuit in eo summus castimonix integræ amor, eximius prudentiæ cum dexteritate in rebus agendis decor, in quo, quodcunq; ageret mira quadam suauitate insignis viri humanitas oculis omnium condiebat, rara pietas, singulare moderationis animi specimen, liberalitas in pauperes tanta, vt vestes proprias in minoribus sacerdotijs constitutus, inter pauperes iuberet partiri, religionis indefessum

alijs videntibus  
hanc ceremoniam  
luculentè in  
mortis artibus  
oculo sensu  
merito huius  
adherent

defessum studium, zelus proximorum salutis ardens, admiranda benignitas, cui temperatus disciplinæ rigor, in eos qui sibi præstò essent plurimùm addebat gratiæ, tot deniq; virtutum in se ad imitandum familiæ suæ atq; adeò toti populo cui præfuit, prætulit exempla: vt Episcopatû sine reprehensione gereret, atq; in eo laudabili conuersatione præluceret vniuersis, qui quoquo modo ad eum pertinerent. Beata Domus pij Antistitis, Seminarium Episcoporum fuisse visa; cum ipsius institutione profecerint tanti Præsules & Senatores, Ioannes Wezyk Archiepiscopus Gnesnensis. Iacobus Zadzik Cracouien. Episcopus. Matthias & Stanislaus Lubienij, quorum alter Vladislauensi vndecimum annum feliciter præsidet, Plocensem alter magnâ cum laude Dioecesim gubernauit, qui ab ore Pstroconij se præclari regiminis Pontificalis fatetur excepisse instituta, in monitis domesticis de rectè gerendo Episcopatu, vitamq; illius copiosè & accuratè conscripsit.

Erexit perenni memoriæ ipsius marmoreum monumentum opere sumptuoso Illustriss. & Reuerendiss. D. Matthias Lubieniski, in cuius vna parte sua exsculpta effigies, in altera Reuerendiss. Matthiæ Pstrokoniski scito latòmi artificio ad vinum expressa eminet in sacello Tarnouiano ad latus sinistrum intrantis, cui talèm posuit Epigraphen Illustrissimus Stanislaus Lubieniski Plocensis Episcopus.

D. O. M.

**M**ERUIT MATTHIAS PSTROKONSKI de Buzenin dum  
 visueret summi decoris laudem, natus illustri Rosarum familia, fuit  
 Regens Cancellaria, Referendarius, Episcopus Przemysliensis, Vicecan-  
 cellarius, Supremus Cancellarius Regni, Episcopus Cuiaviae. Senator cōsilio pot-  
 lens, eruditus, in omni actione constans, prudens, magnanimus, magnis  
 negotijs par, Patria, quam bello civili turbatam suis consilijs pacavit, &  
 Regis amans, bonus ob virtutem amabilis, sacerdos pius, castus & in-  
 egenos munificus, zelo Divini honoris propagandi ardens. Id agentem  
 mors, Anno Aetatis LVI. Christi M. DC. IX. die 14. Cal. Iulij, in  
 Arce Raciążnensi non incautum, sed in ipso exitu pie Divina voluntati  
 obsequentem interceptit.

EIVS MEMORIAE HOC MONU-  
 MENTVM.

MATTHIAS ŁVBIENSKI Pomianus illius ex  
 consobrina sorore nepos, ab ineunte aetate alumnus, a-  
 uunculi virtutes aemulatus, ex Poseniensi in Vladisla-  
 uensem Episcopatum XXII. post mortem ipsius Anno-  
 successor, cliens Patrono posuit, suumq; eidem tumulo  
 corpus supremis tabulis, si ita Divinae voluntati placuerit,  
 inferendum ordinavit.

*Matthias Rosae gentis Pstroconius, acer*

*Ingenio, zelo, dexteritate, stylo.*

*Religionis hic inuictus defensor auxila,*

*Es Patria sumptu consilioq; pater.*

*Vladislavia vix illa pios deprompsit odores,*

*Cum Lachesis pulchram falx metis atra Rosam.*

LAVREN-

LAVRENTIUS GEMBICKI EPISCOPVS  
 VLADISLAVIENSIS LIV.



**I**Ncurrit in oculos omnium Gembicianae Domus splē-  
 dor, quem à gente Nalenciorum iam tum in Satrapis  
 Regni Poloniae primis à Słopa fidei Christianae sub  
 Miecislao lumen suum per Sarmatiam exferentes illu-  
 stre in se deriuatum praeclaris virtutum ornamentis. &  
 egregijs in Ecclesia, Remq; publicam meritis, felicibus di-  
 gnitatibus



gnitatum incrementis pergant extendere & perennare student, maximè verò Illustriss. D. Petrus Episcopus Cra-  
couien. Supremus Regni Cancellarius, in quo grauitas  
prudentiæ, iudicij; maturitas, & salubrium consiliorum  
promptitudo, mira in arduis negotijs transigendis aucto-  
ritati iuncta dexteritas, feruensq; animi excelsi & rectè  
Patriæ cupientis studium ita cum humanitate, pietate, can-  
dore, atq; morum integritate videntur certare, vt felici  
successu concertationis fructum gloriosum suo cultori  
adferant, ponè quem suarum virtutum & prudentiæ for-  
tunatâ æmulatione clarum iubar explicat Illustriss. D. An-  
dreas Episcopus Luceoriensis, ac vtriusq; vestigia non de-  
sidi passu vigente immortalitatis appetitu maiorum iter  
consecrari non desinit Reuerendiss. D. Ioannes Abbas Tre-  
mesnen. Maior Regni Secret. Magnorum Episcoporum &  
Senatorum frater germanus. His ad tantum decus præiuit  
felicis memoriæ Illustriss. D. Laurentius Gembicki Archie-  
pisc. Gnesnen. Regni Poloniæ Primas & primus Princeps,  
eorum Patruus, qui postquam honestissimis literarum stu-  
dijs iuuenilem ætatē perpoliuiſſet, ita scribendi & loquen-  
di elegantia excelluit, vt in rebus agēdis expeditiorem &  
consilijs promptiorem vix sua ætate inueniſſes. Adiunxit  
magna virtutum præsidia, ad cumulandum & firman-  
dum doctrinæ decus, potissimùm verò moderationem  
animi, morum grauitatem, constantiam, pietatē, & prom-  
ptam ad vniuscuiusq; demerendam gratiam humanita-  
tem, quibus omnium oculos & ora in Aula Sigismundi

III. in

III. in se conuertit, ita vt pius Rex, magno Ecclesiæ or-  
namento, & Reipub. vtilitati fore virtutes viri contem-  
platus, Secretarium primo Regni Maiorem renuntiaret,  
& non ita multo post Episcopatus Culmen. dignitate or-  
naret, deinde ad supremi Cancellariatus Regni fastigium  
eueheret, atq; ab Ecclesia Culmen. in Vladislauien. trans-  
ferri, à sede Apostolica postularet, cuius regimen Anno  
Domini, 1610. celebri Cleri populiq; consalutatione ag-  
gressus est, id quoq; quod nili raræ virtutis, prudentiæ &  
dexteritatis, atq; facundiæ disertæ viris, permittitur con-  
secutus est, Proceribus & Regni Ordinibus non inuitis  
immò facilè consentientibus vt supremus Reg. Cancellarius  
simul Vladislauien. gereret Episcopatum, omnes in-  
uidentia impetus virtute generosâ intercludente.

Hic Præfecto Seminarij florenos ducentos, Organa-  
rio Ecclesiæ Cathedralis Vladislauien. florenos centum  
triginta polonicales ex censu ab Holandis recenter loca-  
tis proueniente in Korabniki pendi solito singulis annis  
soluendos xx. Augusti, Anno Domini, 1615. ordinauit.

Exstat nominis illius monimentum imago B. V. M.  
infantem IESVM tenentis vna, sceptrum altera manu  
ex lapide supra fores à parte Aquilonari collocatum, &  
crux deaurata non parui ponderis in fastigio chori mino-  
ris Ecclesiæ fixa, tum & lampas argentea, vt mole non exi-  
gua, ita sumptu diues ante maius altare appendi solita, in  
sacrarum etiam vestium apparatu, non pauca liberalitatis  
eius visuntur argumenta. Is præterea Ecclesiæ Raciáz-

LII 2

nen.

nen. quam neglectam à successoribus Rozrazeuij qui eam muro eduxerat; exornare suus prædecessor Reuerendissimus Matthias Pstrokowski magno feruore cæperat, ultimam apposuit manum, altaribus, tabulato, picturis, imaginibus & pauimento eam instruendo, imbricibusq; contendo. Ei Ecclesiæ insigne ornamentum addidit Illustriss. D. Matthias Lubieskitum in sublimeeducta; cuius à conditore inchoati muri annis quadraginta iniurijs cæli expositi fatiscebant. Sexennio Vladislauensem Ecclesiam rexit, à qua in Primatiale translatus est, anno Domini, 1615. quam æneis laminis contextit.

*Mitius ingenium, placidæ, quietis amicum,  
Grembius, sicut fascia signat, habet:  
Mollior infantes format tibi fascia Chryste,  
Atq; gregemcingit, stringit & illa lupos.  
Et nudos, & templa tegit: Quam Prasulis ample  
Delubrum texit fascia Gnesna tuum?*

PAVLVS WOŁVCKI EPISCOPVS VLADISLAVIENSIS LV.

**S**Vnt qui in memosynon grati animi Patrono suo erigent, virtutesq; & mores vberiore stylo pandent posteritati; inter quos vt dignitate antecellit, ita à nemine sibi in testificandi officij promptitudine palmam præripi patietur doctissimus vir Perillustris & Admodum Reuerendus D. Sebastianus Grotkowski I. V. D. Archidiaconus & Officialis Generalis Vladislauien. mihi iustificat, pauca è sermonibus magnorum virorum libata, in mediū proferre

proferre. Domo Rauitarum, siue Vrsouitiorum ortus est Paulus Wolucki, quæ pro armis habet Virginem Vrsu insidentem: cuius gentis, & si præclara semper in Rem-



pub. existisse merita produnt historiæ, splendor tamen auitus, videtur in hoc Pontifice repullulasse. Is cum animus ad Reip. sublimia pertractanda mune-



ra, opinione multorum celerius ex Secretariorum ordine ad culmen Episcopatus Carnenecen. cum ætatis annum trigessimum vix attigisset, ascendit, ex quo ad Luceoriensem promotione Sigismundi III. translatus est, atq; ex eo deinde Vladislauensis Ecclesiæ regimen eiusdem Regis voluntate, & Pauli V. Pontificis Maximi auctoritate adiit, ad quem Legatione nomine Sigismundi III. Regis Poloniæ cum laude functus est, Anno Dominicæ incarnationis 1616. die xxvi. Nouembr. Ad quam quantarum virtutum comitatu stipatus aduenerit, excellens Vladislauensis Theologus & Ecclesiastes Matthias Zizinius in sua disertâ, qua eum in solenni ingressu nomine Venerabilis Capituli salutauit oratione edisserit. *Aderat, ait, ille, in optimo Antistite singularis in Deum pietas, spectanda vita ac morum integritas, egregium propaganda diuina studium, incredibilis animarum pretioso Christi sanguine acquisitorum zelus, insignis non modò disciplina, sed multo magis longo rerum usu parâ prudentia, inuictum in rebus arduis magni excelsiq; pectoris robur, rarus in magna fortuna rerum omnium modus, mira in alto honore animi sub potenti manu Dei se se prostermentis demissio, eximia erga omnes homines comitas, suauitas morum grauitate temperatâ, illustris benignitas, mansuetudo, clementia, præclara & verè Episcopalis liberalitas ac munificentia.* In Senatu ad dicendam sententiam aliqui in eo, copiosiorē eloquentiam desiderârunt, at in munere Pontificioritè, decenter & sollicitè obeundo principem locum inter vigilantissimos Antistites facilè sine inuidia tulit, totum enim se ad curæ pastoralis diuinitus ad se delatæ omnes partes implendas effudit, itaq; instituta totius Diocesis Vniuersali visitatione ouile gregemq; suum exactè recensuit,

suit; rationem Ecclesiarum & eorum qui illis præerant, diligenter examinauit in Synodo Diocesana, vtiliter pleraque ad normam sacrosancti Concilij Tridentini moribus sacerdotum reducendis instituit, multa item in Archidiaconatu Pomeraniæ Sobcouijs congregatione sacerdotum habita, ad eliminandos abusus tam in ritibus sacrorū, quàm in Cleri populiq; conuersatione salubriter ordinauit, supellectili & vestium sacrarum apparatu insigni Ecclesiam Cathedralem egregiè decorauit, calicem aureum cum patena adamantibus, sapphiris, smaragdīs, & alijs lapidibus pretiosis affatim distinctum, & duas statuas argenteas Sanctorum Apostolorum Petri & Pauli valoris quingentorum florenorum eidem donauit, utq; in similibus donarijs sponsæ largiendis hætenus eorum inopiâ laboranti non essent desides reliqui Præsules, prudentissimè prouidit, sancita lege cum Venerabili Capitulo, ut deinceps quilibet Episcopus Vladislauen. in primo ingressu ad Cathedram statuas argenteas eiusdem ponderis, & calicem aureum valoris mille florenorum daturum se obstringat. Item crucem argenteam Prælati & Canonicis in publicis supplicationibus præferri solitam sellam Pontificiam sphaeris argenteis decoram; pluuiæ argenteis filis textum, & prominentibus floribus abundè interfectū, plurima deniq; sacri apparatus indumenta non Cathedrali duntaxat, & suæ Diocesis Ecclesijs, sed plerisq; etiam bonorum sui Episcopatus alienarum Dioceseon templis largitus est. Hic curam Parochialem Ecclesiæ Brestensis à

sis à Venerabili Capitulo Vladislauici ad perpetuum Vicarium transtulit, assignata ei in sustentationem convenientem à Concilio Tridentino præscripta reddituum parte, Sacristam in Ecclesia Cathedrali erexit attributa illi decima in villa Regali Płowki districtus Radzieiowienensis, ad quod officium non nisi Presbyterum alijs munijs in eadem Ecclesia non impeditum, præsentandum à Venerabili Capitulo decreuit. Cui curam suppellectilis sacræ, nitorisq; altarium, & tabernaculi SS. Eucharistiæ, tum & fontis baptismalis, ac sacrarum reliquiarum commisit.

Idem in Smarzewiciensî fundo ligneam amplæ capacitatis trabibus & tignis è patria sylua conuectis in honorè S. Annæ ædificauit Ecclesiam, ad quam magno concursu fidelis populus diuina beneficia inibi per merita Genitricis Deiparæ petiturus, aliquoties in anno vètitare vsitatum habet. Deuotionem in ea studiosè promouet Illustriss. D. Matthias Lubienski qui eam Religiosis Diui Francisci quos Conuentuales vocant dote congrua prouisam, anno Domini 1642. Dominica secunda post Epiphaniam in celebri nobilium plebisq; concursu solenniter addixit. Septem annos euoluerat in Vladislauici Pontificatu magna vigilantia gesto Vosucius, cum anno Domini, 1622. x. Octobr. Dominico die Vladislauicæ munus consecrationis Reuerendiss. D. Francisco Zaierski Episcopo Argiuensi Suffraganeo Luceorien. assistentibus Reuerendiss. Dominis, Balthasare Miaskowski Vladislauici & Stanislawo Starczewski Plocensi Suffraganeis impendit; quo die in ipso fatalis

fatalis morbi initia cum ciborum nausea, & debilitatè apparere ceperunt ex fatigatione, quam in actu consecrationis subire fuit necesse; itaq; crescente in dies ægritudinis molestiâ, xvii. Cal. Decembr. ritè prius omnibus Sacramentis curatus, inter profusos lacrymarum imbres, signiq; Seruatoris nostri Crucifixi, & B. M. Virginis crebra oscula animam egit primo diluculo. Fuit in omni actione compositus, sermone grauis, & vultu, animo tamen lenis & benignus, in dictis & factis maturus, & constans, in deliberando circumspèctus, in exequendo prudens, verborum parcus, ab omni simulatione alienus, virtutis æquus arbiter, doctrinæ beneuolus æstimator & promotor, res humanas & fragiles excelsò animo contemnens, diuinas religiosâ mente suspiciens, nihil in moribus leue, nihil in verbis profanum, aut arrogans præsetulit.

In Cathedrali Ecclesia. in Gorkana Capella, extremum honorem sepulturæ sortitus est. Ad parietè dextrum respicienti altare vilitur ipsius ad imaginem Crucifixi ex alabastrino lapide effigies, in marmorea tabula artificiosè exsculpta, supra quam tale Epitaphium legitur:

D. O. M.

**P**AVLO Wotucki Vladislauici Episcopo & Pomerania, viro pietate ac totius vita moderatione insigni in Episcopali functione, ad prisci plus, quàm sui morem aui composito, qui post Legationem ad PAVLVM V. Pontif. Max. nomine Sigismundi III Regis, & Regni, cum laude obitâ Ecclesia Vladislauici præfictus eidem v. uens & moriens, an pla auri & argenti sacra suppellectilis donaria dedit SS. Eucharistiæ, in hanc à se

M m m

exorna-



exornata Capellam transtulit, ac in perpetuum tanti Sacramenti bonorem, Missa hic caneretur pecunia Mansionarii stipendium attribuit, Patriam inter Turcica laborantem arma, lecta ac numerosa militum manuum. Seminario Clericorum septem milia florenorum, in augmentum census, quotannis donauit. Societatem IESV Luceoria dotatam, Rava collocatam, amplo reditu auxit, eademq; loco pro institutione Nobilium, perpetuum prouentum addixit, in redimendis à seruitute barbarica captiuis, non mediocrem argenti vim, omnemq; ferè substantiam liberaliter in alios posuisti testamento legauit. Obijt Anno Dni, MDCXXII. die X. Nouemb. mortalitatis sua LXXII. Philippus Wotucki Palatinus, & Sebastianus Wotucki Capitani Rauen. desideratissimo Fratri posuerunt.

*Sedatà crispas frontem grauitate seuerus,*

*Ind, leues Paulus non tunc ora rotas.*

*Maiores sequitur speciem virtutis auita,*

*Squalida ab interitu plerq; templa lenat;*

*Immo patrio p. etas qua praesides. Urso,*

*Si vincit, vincet ferrea corda, feram.*

ANDREAS III. LIPSKI EPISCOPVS VLADISLAVIENSIS LVI.

**A** Cerrimi vir ingenij, & æqui veri; inter flexuosos legum mæandros vestigator prudentissimus, æquè ac diligentissimus extitit, Cæsarei iuris Patrij; notitia, qua plurimum pollebat & ingenita prudentia sibi ad eruditionem facem præferente. Originem de antiqua Grabitarum familia ducit, quæ à Bohemis profecta in terram Syradiensem felici propagatione deduxit coloniam, primaque ortus Petricouiam propè in Grabina Wola primordia constituit, ac inde Masouiorum oras cum magnâ nominis celebritate peruagata non auspiciis syderibus in Palati-

Palatinatu Calissiensis villæ Lipe dicta, loci amœnitate vt soli fertilitate celebri duobus millium passibus, à Stawyszyno distante consistit, inde in Russiam plerique comearunt. Comitum à Gorka familiaritatem & fauores ie-



cuti, à quibus vt multam collegerunt gratiam, ita in contumacia peruerlitatis Luteranæ pertinaciùs sunt obfirmati, quod virus ex Germania in Poloniam peregrinatione illatum, in dies magis ac magis per domos Nobilium grassabatur.

fabatur. Parentibus hæreticis natus Andreas, postquam in exteris regionibus Religionis Catholicæ harmoniam concordem, in diuersitate gentium fuisset contemplatus, facile ad gremium Sanctæ Matris Ecclesiæ intus eum gratiæ Supremi Numinis illustrante, & viam veritatis demonstrante, rediit. Cum verò multiformi scientiâ diligenter excultum iuuentutis ver, aulae Serenissimi Sigismundi III. pro amore Patriæ cuius incolumitatis tuendæ, quâ posset studium ardens conceperat, addixisset: non priuatis modò lucubrationibus, verum etiam publicis scriptionibus diligenter atque accuratè incumbens, iam se parem negotijs Reipublicæ grauioribus gerendis declarârât; obliquos interim fortunæ seuerioris hircos in se inuidia, nullo demerito, nisi fortè veritatis ardentiori quàm ætati conuenire videretur propugnatione detorsit, tandem tamen animosa virtus, & scientia eminens viri, blandientis æquè & sæuiantis fortunæ nil morata vultus, gradum ad maximos honores, & dignitates in Republica consequendas meritis aperuit: idque occasione Legationis ad Comitiam Imperij Ratisbonæ habita, à Sigismundo III. Poloniæ, & Sueciæ Rege tibi delatæ: eâ postquâ ita functus est, ut Principes & grauitatem eloquentiæ mirarentur, & prudentiam iudicijque perspicax acumen prædicarent, Luceoriensis Episcopus renuntiatus est, ac Serenissimo Principi Vladislao, nunc Inuietissimo, & Felicissimo Poloniæ, & Sueciæ Regi, ad expeditionem Moscouiticam decreto Comitiorum comes, Commissariusque adiunctus. Inde præter suâ  
& omnium

& omnium opinionem ad Procancellarij munus capessendum euocatus: ac postea Supremi Cancellarij dignitatem difficillimo belli Turcici tempore adeptus est. Quo in magistratu constitutus auctor illius consilij fuisse ferebatur: ut exereitus Polonicus Gratiano Palatino Valachia suppetias ferret, quibus in auxilijs nostri funestam cladem sunt perpeSSI, deinde non satis euentu bono Lissouianorum auxiliares copias in Vngariam Ferdinando secundo Imperatori quem tunc grauius Batoreus Transilvania Princeps infestabat mittendas, persuasit, inde enim reuerſi hostilem animum contra Patriam induerunt, Oppidaque & pagos ferâ vastatione depopulati sunt. Ad Episcopatum Vladislauensem translatus est, Anno Domini, M. DC. XXIII. quem simul cum Luceoriensi tenuit ad Annum M. DC. XXIV. fructusque in solidum vtriusque Pontificatus percepit, multis abusus anni gratiæ crebro sermone improbantibus, immò neque Cancellarij munus per id tempus à se abdicauit. Fuit immunitatum Ecclesiæ propugnator magnanimus, defensor bonorum strenuus, Patriarum Legum & sanctionum, libertates Equitum Polonorum firmantium assertor constans. Cuius magnanimitatis & constantiæ egregiè sibi quodam in eadem familia lampada prætulit, atauus magnus Bronislaus Lipski Archidiaconus Gnesn. A. Dñi M. DCC. LXXXIX. qui cum post mortem Bozantæ Archiepiscopi gente Szelligij electus fuisset Administrator, tantâ improbis conatibus ambientis Archiepiscopatum Ioannis Cropido ob-



stitit fortitudine & intractâ excelsi animi generositate, ut quamvis se Archiepiscopum gereret contra Regis voluntatem (qui ius nominationis à se alienari ferebat indignè) Prælatorumque & Canonicorum Metropolitanæ Ecclesiæ consensum, ac litem in Curia Romana in annum septimum circa possessionem bonorum Archiepiscopaliū produxisset, in angustias tandem & paupertatem reductus, abdicare se Metropolitanâ dignitate debuerit. Scribit Dlugossus prædictum Bronislaum ne mandatis quidem Apostolicis, in quibus contra eum censuræ fulminabantur à Bonifacio IX. obtemperasse, qua in re non sine contumacis pertinaciæ næuo videtur fuisse plusquam animosus, quamvis enim schisma interea in Ecclesia Romana fuerit, Bonifacio tamen IX. Poloniæ Regnum adheferat, eiusq; decretis vivere constituerat. Habuit & Andreas in summa constantiæ & magnitudinis animi laude non nihil reprehensione dignum, quod quamvis in dicenda sententiâ fuisset prudens & maturus, tamè in ea defendenda plus iusto tenax videbatur fuisse, cum utilitatē & salubritatem consiliorum bono Reip. allatorum sui iudicii placitis frequentius æstimasse censeretur: cum autem iuris rigidior esset ac seuerior interpretes, gravis exactoris nomine plerumq; à subditis audijt, quod tamen aliqui rei augendæ industriæ atq; solertiæ volebant tribui, cuius non laudem vacuum, sed fructum opulentissimum ita consecutus est, ut paucos inueniret, qui secum opulentia & pecuniarum multitudine possent certare, in verbis & gestu liberior  
fuit

fuit, non sine aliqua grauitatis Pontificalis eleuatione, ad vindicem exandescentiam naturâ pronus, quam tamen ubi ad se redijisset, copiosissimis frequenter lacrymis diluebat. Hospitalitatem libenter coluit, literarum virtutisq; cultores dilexit impensius, atq; in conferendis beneficijs delectum eorum habuit, quos fore vtilitati & ornamento Ecclesiæ iudicaret, quiq; ad consultandum de rebus grauissimis & adhiberi & audiri ab Episcopo doctissimo possent. A ditandis consanguineis de bonis Ecclesiæ magnoperè abhorruit, familiâ numerosâ stipari, ad conseruandam in Repub. Ordinis Amplissimi & bono Ecclesiæ retinendam auctoritatem solenne habuit, Ecclesiam Cathedralem imaginibus historiam B. M. Virginis loci Patronæ referentibus eleganti picturâ elaboratis adornauit, fenestris illustrauit aliquot, calice cum patena aurea, & statua argentea Diui Andreæ sesquicubitali, & paramentis pretiosis auxit & decorauit, pro ara principe exstruenda quinque millia florenorum reliquit testamento. Ecclesiam Parochialem in Sławsko & Zwierno villis Episcopalibus ex lignis dolatis edificauit. Ordinis S. Fracisci de strictiori obseruantia Fratres minores ad ædem D. Stanislai dato sumptu, pro edificando coenobio collocauit, illisq; hortum Episcopalem addixit. In Arce Volboriensi lignea demolitus edificia, nonnulla murata eduxit, ad commodioremq; vsu hypocausta & cubicula reduxit, Domum lapideam Smarzeuicijs latere cocto exstruxit. Cum morte Henrici Firlei Metropolitana sedes vacaret, princi-  
pem

pem in Regno dignitatem oblatam sibi ultro à Sigismundo III. modestè declinavit. Obitu tamen Martini Szyskoui Cracouiensem Episcopam viduam prensauit enixè, ad quam An. salutis M. DC. XXXI. translatus est.

*Lipscius irato multum sermone verendus,  
Cultor erat veri, propositiq; tenax,  
Libertatis amans, Cleri protector, & acer  
Iustitia vindex, fautor Apollotum.  
Inuidià pressa, tutum virtutis asyllum.  
Esse quod aqua bilanx debeat, ille fuit.  
Climase Sarmatico felix Astræa triumphæ,  
Et prolance manu Lipsia Rastra gere.*

MATTHIAS IV. ŁVBIENSKI EPISC:  
VLADISLAVIENSIS LVII.

**C**onatus gestientis calami in laudes virtutum heroicarum Illustrissimi & Reuerendiss. Domini MATTHIÆ ŁVBIENSKI, feliciter nunc Ecclesiam Vladislaniensem gubernantis iustus timor stitit, subueurentemq; manum, ne aut specie assentationis genuina virtutis æstimatio vilesceret, aut superstitis Præsulis proprijs exponendi obtutibus ansam inuidiæ præberent, ad suspicandum de celata aliqua in re, aut minùs exactè conscripta veritate, qua ratione maximum fides mea in anteriorum Episcoporum gestis & moribus descriptis adiret discrimè, retraxit ab officio; ut facillè probus quisq; iudicet, quàm ingenuâ & purâ mente veritatè mihi colendam duxerim, constanti asseueratione tuo succedenti proponendam. Agit in viuis Matthias IV. Ecclesiæ Vladislaviensis.

Antistes,

Antistes, illustri Pomianea stirpe oriundus, atq; vtinam diutissimè degat, non annos Pilij senis, aut fabulosam Phœnicis senectam, aut Mathusalea secula, talia enim nostra ætate vota superuacanea & irrita sunt, sed annos Xenophili compleat, ad quos illum & viuida summi Numinis munere anni LXXI. ætatis senectus S. Matris Ecclesiæ placitis & sancitis obsequens, & integritas vitæ sobrietate munita peruenturum, non difficile (vtinam verò auspicio fortunatissimo pro ornamento & commodo Ecclesiæ Reiq; pub. emolumento) potest ominari. Hic postquam animum pietate & doctrinâ excultum sacris addixisset, Posnaniensem, primùm, post Gnesnensem. Canonicus, deinde Præpositus Lanciciensis. Cracouiensis. Canonicus, Custosq; Sendomiriensis fuisse, ita ut nunquam tria simul beneficia retinuerit: in theatrum benè merendi de Ecclesia & Repub. ad aulam Sigismundi III. Regis Poloniæ & Sueciæ prodijt. Atq; is, ut erat virtutum, & ingeniorum æstimator æquus, cum dexteritatem in grauibus negotijs tractandis dum Secretarij officio fungeretur, & Regentis Cancellariæ obiret munus, atq; salinarum Vielicensium & Bochnensium administrationem gereret, perspectam habuisset, maximam autem moderationis animi, & vitæ in aula pietatem redolentis, rationem duxisset. Cœnobio Miechouiensi præficiendum putauit, breuiq; Episcopum Chelmensensem cum reservatione prioris beneficii renuntiavit: inde ad Posnaniensem regendam Ecclesiam promouit; ad Vladislaviensem postea, maxima sacerdotum,



tum, populique illius Dicecesis lætitia euexit. Tandem  
 potentissimus & felicissimus Rex Vladislaus IV. diu me-  
 ritam in Ecclesia & Repub. viri senectutem celsissimo di-  
 gnitatis Primatialis fastigio extulit, Urbano VIII. Pon-  
 tifice summo approbante, & pallium Archiepiscop. Gne-  
 snen. creato ob virtutem toties Apostolicæ sedis prædica-  
 tam libentissimè largiente Anno D. 1642. Eum in Vla-  
 dislauiensem Pontificatum secutus est Illustrissimus & Re-  
 uerendissimus D. Nicolaus Albertus ab Olexow Gnie-  
 wos, Secretarius Regni Maior, clarissimā Vrsouitionum  
 gentis lucem gloriā meritorum in Ecclesia & Repub. pro-  
 pagaturus, quem Deus Opt. Max. vberimis coe-  
 lestium charismatum Religionis, Patriæq;  
 bono benedictionibus ad-  
 impleat.



Matthia



Matthia quarto Pomian gaudete penates  
 Vladslauj, placido Vrsul hic ingenio,  
 Comis, facundus, lenis sermone, benignus,  
 Religione pius, iudicio, grauis.  
 Sedula Taurinos virtus imitata labores,  
 Aternat clarum Martis, & artis opus.  
 Cum pietate pari mexu spectare rigorem,  
 Quam rigor ex oculo scis lenis esse pio!

Nnn 2

Ilino

*Illius sumptu turres, Ecclesia calo  
 Porrigit, atq; nouum suspicit alta decus.  
 Aurea gemmascit raseo clementia vultu,  
 A qua non tardam pronit egenus opem.  
 Conde caput Tauri gladium, sic debet habere  
 Omnia Praefuleum, qua caput istud, habet.*

AD PONTIFICES QVORVM GESTA  
 hic explicantur.

*Niliacis celebrat tellus Memphitica templis,  
 Illius in tandem personat aura, bouem.  
 Lumina Praefulea sedis, praecoma Tauri  
 Qua dabitur? vestes, cui celebratus bonor?  
 Cernite quam ferro cernit terebratus acutum.  
 Omnia rimatur dum vigil acta stylo.  
 Et quod rudibus textis longeva vetustas,  
 Erunt, & patrio in sole nitere facit.  
 Sudor, & lachryma simul & monumenta laborum  
 Colligit instar apicis, vestes hic exstet Apicis.*

GABRIEL MIŁOSZEWSKI  
 CANONICVS VLADISLAVIENSIS S. R. M.  
 Secretarius in opus praefens.

ADMODYM REVERENDI D.  
 STEPHANI DAMALEVII SA-  
 CRÆ THEOLOGICÆ DOCTORIS  
 Confratris sui.

**D**icuta sint alijs, nobis benè Pergama restant  
 Nostra, DAMALEVII conciliata manu.  
 Quisquis amans veterum, specta hic primordia rerum  
 Doctum, praeclarum congeminabis opus.

Idem

Idem.

*Quæ Christi fuerint has incrementa per oras,  
 Vel qua Praefuleus sede locatus honor?  
 Goplica quos dederit, quos Balitica terra Zacharos,  
 Quos Constantinos. Martha quis? aut Salomon?  
 Inde vide seriem, veræ fidei q; trophæa,  
 Victima cui fera gens, Mammôn & ipse cadit.  
 Antiquam colito pietatem, volue Cathedræ  
 Sacratæ, fidei depositumq; tene.  
 Nec non Auctoris studium complectere gratus,  
 Est tibi si Matris gloria grata tuæ.*

Idem.

*Vertitur inuersus, rursumq; reuoluitur orbis,  
 Atq; sepulchrorum fax per opaca volat:  
 Dum Damaleuius referat monumenta Cuiatæ,  
 Bisq; Cathedratos sistit in orbe viros.  
 Pro merito, nec enim fas est laudare Caiphæ,  
 Quos nec primatus muneris edomuit.  
 Lynx fuerit, potuit qui sic absconsa rueri!  
 Posteritas neu sictalpa, legatur opus.*

Idem.

*Tu quoq; littoribus nostris DAMALEVIA penna  
 Dum facis æternum nomen, & ipsa vige.*

Idem.

*Gratulor excelsæ dignum Stephanoma Cathedræ,  
 Egazâ Stephani gratia sit Stephano.*

*Votum Auctoris STEPHANO.*

*Quidquid agant alij, semper fabricare coronas  
 DAMALEVICIVM cerno, nec inuideo.  
 Hic pro suggesto Christi diadema cruentum,  
 Divûm & laureolæ feruidus ore canit,*

Non 3

Quod



Quod si ædes repetit, quotquot Cuiavia claret  
 Præsulibus, cides hic calamo celebrat.  
 Scilicet illud agit Stephanus quod nomine præfert,  
 Quodq; alijs fabricat, præparat ipse sibi.  
 Sic Doctor curras vt cum Doctore coronam  
 Iustitiæ prendaſ, & *αφαιρημα* feras.  
 Bartholomæus Bleski Canonicus Crusiicien.  
 Pæniten. Vladisl.

### ACROSTICHIS.

QVI legis hæc docto conclusa volumine gesta,  
 Vt pateant orbi nomina magna diu.  
 Dic (vel ab inuidia quæ res indigna taceri)  
 DAMna vetustatis non MALE VICIt opVS.  
 Ioannes Baptista Eborſki Pænitentiarius Vladisl.

### ODE SYNCHARISTICA TRICOLOS TETRASTROPHOS.

Auctori.

PERennitatis vis animosior,  
 Cui pectus vrit sollicita face,  
 Auidq; molitur fugacis  
 Præcipites superare cursus,  
 Huc irrtorto tramite lumina  
 Vibra, seueros nescia ducere  
 Vultus, reuoluens hoc Catonis  
 Pone supercilium, volumen.  
 Viden labori Damaleuicius  
 Non parcat acer, Vladslauiensium  
 Dum gesta gestit gloriosa  
 Pontificum reparare penam.

Qui

Qui sine dulcem suada teporibus  
 Linguam beavit, Cynthia aureo  
 Seu verba nectit coniugatis  
 Vincula modis resonanda plectro:  
 Virinq; cura victor; Heroibus  
 Magnis recludit diues adorem,  
 Fastidiosas detriumphet  
 Qua tenebras memoranda virtus  
 Obluionis. Quot Viridario hoc  
 Distincta sultis area floridis  
 Antistitum suauet coronas  
 Verticibus fouet insulatis:  
 Frondosioris tegminis ardua  
 Hic alta pinus culmina porrigit  
 Astris, odorato nitescunt  
 Lilia flore, rosasq; fragrant.  
 Vines recenti nomine posterum,  
 Mirandus quo Castaldum decusq;  
 Largusq; Macenas eorum  
 Pallas amica quibus propinas  
 Neſtar Deorum, nulla dies Tuum  
 Nomen tenebris obruet aureum:  
 Vines sacerdotum **EVBIENSKI**  
 Gloria, Pontificumq; gemma.  
 Dum pascet alto Iupiter aethere  
 Nocturnus ignes, Phorcica dum phalanx  
 Plausu ciebit fluctuantes  
 Littore Vandaleo choreas.  
 Sic ite cursa prepete Præsules  
 In astra, quorum nomina gloria  
 Sacranis auctor, nil edaces  
 Temporis insidias morati.

Quin



*Quinta curules cui locat in sacro.*

*Virtus senatu, Prasulea manu*

*Aeternitati predicandam*

*Mitte caput Stephane in CORONAM.*

## ANATPAMMA.

STEPHANVS DAMALEVICIVS SACRÆ  
THEOLOGICÆ DOCTOR.  
SI COELVM LARGE PATET DOCTIS CORO-  
NA, HEVS! HAC ADES VIA?

### I.

Cernitur Auctoris liber hic, nutritius artis,  
Ingenium monstrat pagina docta sophi,  
Diuinæ sophiæ radios qui cernit acutum,  
Vi ingenij penetrans sydera celsa poli.  
Eloquio clarum, Aonium fontemq; bibisse  
Ostendit Liber hic, HEVS bone Lector ADES. (iuit.  
Quaq; via propera HAC; LARGE DAMALEVICVS  
SI COELVM DOCTIS Dia Corona PATET.

### II.

Pontificum longâ serie dum gesta recenses,  
Præmia pro tanto quanta labore feres. (RONA.  
SI COELVM DOCTIS LARGE PATET alma CO-  
HEVS ADESHAC Stephane in præmia tanta VIA.

### III.

## SCAZON.

DOCTIS PATET LARGE CORONA SI COELVM  
HEVSHACADES VIA, quam inaugurat nomen.  
Amico Confratri & Antecessori suo.

*M. Barth. Burchath Philosophia Doctor, Crusiciens. Canonicus. Pra-  
fectus Seminarij Vladislavien. hoc amoris munusculum expressit.*



Hist. Polon.

C. spec.



